







	Beginis	Ends.	cols.
De Dieta	11	22	1 P. 1
De Medicamentis in morbis acutis	22	42	2°
De aere, Decubitu, Lepione, aliisque circa Aegros moderandis	42	56.	2°
De diebus criticis	56	75	2°
De Urinis	75	80	2°
De Sanguine humano	80	114	2°
Quodam Anatomica	114	139	2°
De Vi Electrica	139	148	2°
De Variis	148	156.	2°
De Methodi Hipp. Syden: hamiani ac Boerhavianae	1	48.	2 P. 2
De Variolis	48	64	2°
De Horniis	64	73	2°
De Tympanite & Illo morbo	73	98	2°
De infortunio nostris	98	121	2°
De Polypo.	121	129	2°
De Sing: modo Respirat.	130	147	2°
Quodam de Pulmone innatante aut subsidante	147	150	2°
De supputando calore corporis humani	156	177	2°
De vario Tumorum genere	177	191	2°





ANTONII DE HAËN

CONSILIARII AVLICI, AC MEDICINAE PRACTICAE,  
IN ALMA VNIVERSITATE VINDOBONENSI,  
PROFESSORIS PRIMARIJ,

RATIO MEDENDI,

IN NOSOCOMIO PRACTICO,  
QVOD IN GRATIAM, ET EMOLVMENTVM  
MEDICINAE STUDIOSORVM,

CONDIDIT

MARIA THERESIA,

AVGVSTISSIMA ROMANORVM

IMPERATRIX,

HVNGARIÆ, BOHEMIÆ, etc. REGINA.



VINDOBONAE,

Typis Ioannis Thomæ Trattner, Cæs. Regiæque Maiest.  
Aulæ Typographi & Bibliopolæ. MDCCLVII.



Crawford

AVGVSTISSIMAE ROMANORVM  
IMPERATRICI,  
HVNGARIAE, BOHEMIAE, DALMATIAE,  
CROATIAE, SCLAVONIAE, etc.  
REGINAE,  
ARCHIDVCI AVSTRIAE, etc. etc.  
MARIAE THERESIAE,  
DOMINAE  
SVAE CLEMENTISSIMAE,  
ANTONIVS DE HAEN.



*Tanto tempore Munifi-*  
*centia, ac Benevolen-*  
*tia TVA, immeritus*  
*fruor ,* AVGVSTISSIMA  
A 2 IM-



IMPERATRIX, neque unquam, quæ me iisdem hæud penitus indignum, gratum saltem, testarentur, specimina dedi. Equidem specimen nullum me reor allaturum unquam, quod me TVAE MAIESTATIS favore, quo cumulado me beas, dignum probet; at vero tale duntaxat, quod evincat, quantopere eo me dignum efficere quavis mentis contentione adnitar, quovis conamine studeam, viribus animi, corporisque, contenten-



*tendam totis. Quo id MAIESTATI TVAE testatum facerem, convenientius arbitrabar non dari, submissa enarratione eorum, quæ, sub Baronis van Swieten, MAIESTATIS TVAE Archiatri, Medicinæ per Austriam Præsidis, ac Stabilitoris, auspicio, in hujus almæ, TIBIque adeo caræ, Universitatis Vindobonensis, emolumentum; inque gregis egeni, quem dilecta TVA Vienna alit, calamitates, ac misérias leniendas,*

*moliar , intendam , diu mediter ,  
noctuque. Argumento saltem erunt,  
inter fidelissimos TVOS subjectos,  
qui sese , qui omnia sua , qui diur-  
nos suos nocturnosque labores, &  
curas , donec spiritus regit artus,  
AVGVSTISSIMAE MA-  
IESTATI TVAE , Mune-  
ribusque , quibus eosdem condeco-  
rare benevolentissime dignata es,  
consecrent , devoveantque totos,  
aliquem me locum mereri. Quod  
immerito mihi confidere dignabare  
grave*

*grave munus, superat quidem vi-  
res, sed non vincit conamina; cor-  
pus fatigat, non voluntatem, non  
enitentem animam; agendorum cre-  
britate obruit frequenter, mentis  
audaces haud frangit nisus. Vere  
luctor & emergo. Lætusque jam  
contueor eruditam juniorum Me-  
dentium turbam, quam conjuncti  
Professorum TVORVM labores  
formaverint; ut MAIESTATIS  
TVAE Regnis, cunctæque TVAE  
vastissimæ Ditioni, ut TVIS for-*



*midandis Exercitibus, ut denique  
Civibus TVIS Viennensibus, ma-  
nus vere medicas adhibeant. Quod  
porro residuum vitæ est, id, Au-  
xilante DEO, imposito mihi a  
TVA MAIESTATE muneri  
excolendo, perficiundo, ornando,  
do, dedico, consecro.*

Idibus Octobris 1756.

ELEN-



## ELENCHVS CAPITVM.

### CAP. I.

De Diæta ægrorum.

### CAP. II.

De Medicamentis in morbis  
acutis.

### CAP. III.

De aëre, decubitu, sessione,  
aliisque, circa ægros moderandis.

### CAP. IV.

De diebus criticis, & crisibus  
variis.

A 5

CAP.

CAP. V.

De Urinis.

CAP. VI.

De sanguine humano.

CAP. VII.

Quædam Anatomica.

CAP. VIII.

De vi electrica.

CAP. IX.

De variis.



RA.





RATIO MEDENDI.  
IN NOSOCOMIO PRACTICO  
VINDOBONENSI.

CAPVT I.

*De Diætâ.*



er biennii, & quod ex-  
currit, decursum, mul-  
ti, iique speciei fere  
cujuscumque, morbi  
acuti, curæ meæ sub-  
jecti fuere. Quorum nonnullos ex ur-  
be, suburbiisque suscepi, plurimos ex  
variis Nosocomiis selegi mihi: partim,  
& potissimum quidem, ut quî felix eo-  
rum

rum cura tum suscipi, tum perfici debeat, ALMÆ HVIVS VNIVERSITATIS Medicinæ Studiosis demonstrarem: partim ut, ne quis Medicum gloriosum ageret, casus exhiberem ipsis, qui quavis Medicamentorum virtute, omni Medicorum industria, quacumque demum ope humana, superiores essent: partim denique ut quorundam incurabilium morborum causas, mortalium quemque latentes, post ægrotantium obitum, demum intelligerem, exponeremque, quo nimirum arctiores Artis limites extenderem; sive æque ἄγνωστος post obitum, quam ante illum, demonstrarem: quo discerent μὴ ὑπερφρονεῖν, παρ' ὃ δεῖ φρονεῖν· ἀλλὰ φρονεῖν, εἰς τὸ σωφρονεῖν.

Igitur post summas laudes DEO  
T. O. M. fufas, quod, pro sua ineffa-  
bili

bili clementia, nostra conamina dirigere, obsecundare, perficere, dignatus fuerit, id præfabor modo, quod quamvis ab immortali *Boerhaavio* Medicinam edoctus, nullique systemati mancipatus, praxin in *Hollandia*, simplicitatem Hippocraticam sequendo, exercuissem; adeoque eandem breviter, practice nimirum potius, quam theoretice, docere potuissem; animus tamen ILLVSTRISSIMI PRÆSIDIS NOSTRÆ FACULTATIS, BARONIS VAN SWIETEN, meusque, fuit, ut Doctrinam Hippocraticam & theoretice Tyrones publice docerem, & ad Lectos ægrorum practice iisdem demonstrarem.

Hanc viam ingressō, primo constitit *Diata Hippocratica* nihil dari præstantius. Observavimus in ægris nostris,

quo



quo acutior, ideoque brevior, morbus esset, eo parciora alimenta exhibenda esse; si contra, pleniora.

Materies passim fuit Decoctum, Puls, Cremor, Hordei, aut Avenæ, cum Melle; & Jus carniū. Equidem jura carniū in *Hollandia*, fateor, rarius ægris concessi, quod in putrefactionem quodammodo inclinent; verumtamen ex ipsa doctrina Hippocratica, debui ea Austriacis concedere ægris.

Quippe universæ *Austriacæ*, peneque omni *Germanæ* Genti, id moris est, ut aut prandeant nunquam, aut cœnent, quin a jure carniū inchoaverint. Hisce ita assueverunt, ut quibus diebus *S. Catholica Ecclesia* carnibus abstinendum jusserit, jure pilcium utan-

tur

tur : quæ quidem consuetudo plane ignorata *Batavis*. Lex igitur *Hippocratis* jubet *Aph.* 1 — 17. „Concedendum „aliquid & consuetudini, & tempesta- „ti, & regioni, & ætati. 2 — 38. Pau- „lo deterior & potus, & cibus, ju- „cundior autem, eligendus potius, „quam meliores quidem, sed ingra- „tiores. 2 — 50. A multo tempore „consueta, etiamsi fuerint deteriora, „infuetis minus turbare solent.

Hanc porro in putridum inclinatio- nem emendaturus, grata acida iisdem addenda esse docui. Succum citrei, Aurantiorum acidorum, Granatorum, Ditioribus; tenuioris vero fortis hominibus, Cremorem tartari, aut juri incoctam Acetosam. Juvat & sua acescens natura panis, albus, bene coctus, ac  
fer-

fermentatus, quem, dum longior futura videtur ægritudo fore, aut dum ejus apicem æger jam est transgressus, juri-  
bus incoquimus. Pultes avenaceæ inter-  
mediis temporibus conceduntur iis,  
qui nec ægrotant valde, nec prædictis  
appetitum sedare valent: quales, mode-  
ramine Diætæ nostro, plurimos reperire  
est. Criticis evacuationibus prægressis,  
blande solent, si opus est, purgari,  
posteaque tenerioribus carnibus pede-  
tentim assuescere, ut & vini aqua dilu-  
ti usui. In acutis ἀκμὴν necdum ade-  
ptis unc. VI. VIII. X. ter, quater, quin-  
quies, Nuñthemeri spatium, juris boni,  
non meraci, dantur: plus minus scili-  
cet, prout aut assueti ægri fuerint co-  
piofiori alimento, aut appetitus ferat,  
aut demum εὐφόρως φέρουσι. Plures I<sup>æ</sup>  
sectionis Aphorismi hanc nobis agendi  
normam præscribunt. Al-



Alterum ægrorum nostrorum nutrimentum, eorundemque simul potum, supra innueram esse Aquam Hordei, vel Avenæ, cum Melle. Quod decoctum aut meracius, aut tenuius, major minorve nutriendi necessitas moderatur. Si neque spissum, neque tenue, esse oporteat, coquuntur unc. viii. Hordei crudi aut Avenæ cum aqua pura, donec crepet, ut supersint Mensuræ quatuor. Mensura capit quatuor Libras medicas. Mensuræ cuique unc. i. ii. mellis adduntur. Aegris vehementer exæstuantibus, cum sicca nullave alvo, singulis mensuris dr. i. ii. Cremoris tartari, vel totidem Nitri, adduntur.

Decocti hujus usus adhibetur assiduus, ut quantum possint ægri, potent; recusantesque, blande admonen-

tur necessitatis bibendi. Qua equidem in parte nostros pauperes plerisque divitibus dociliores experimur. Rarius unica mensura, sæpius binæ, non raro tres, & plus adhuc, per diem assumentur, idque aut calide, aut tepide saltem.

Forſitan hæc quantitas exuberantior, adeoque onerofior, quibusdam videbitur. Sed his reſpero, ſumto a juvantibus ac nocentibus iudicio, ægros nostros inde minime gravari, quin potius multis hinc gaudere emolumentis.

I. Quicumque ægri ad nos afferuntur fastidiosi, nauseosi, vomituri, vomentes, copioso ejusmodi demulcente ac ſaponaceo potu, id acre diluunt, ſolvuntque, quod Ventriculum  
tur-

turbet. Unde rariores apud nos illi casus, quod dicta symptomata ultra bi-  
dum perennent.

2. Sitis, ægrorum illa misera crux, mox ita levatur, emendaturque, ut multæ de eadem querelæ non exaudiantur.

3. Ipsum acre quod vel a principio morbi, vel eodem currente, humoribus innascitur, continuo hoc potu diluitur, inviscaturque ita, ut neque febrim, doloresque augere; neque subtilissimis vasis, flaminibusque nervosis, ulla queat ratione nocere. Ex principiis Hippocraticis & Boerhaavianis edocemur infortunia in morbis curandis, qui a Veneno, a Peste, a Malignitate sic dicta, oriantur, ex eo potissimum



oriri, quod ægri haud satis potent. Curarum fortunatarum nostrarum numerus satis abundeque hanc methodum probavit.

4. Potu hoc & salutifero, & assiduo, efficitur id, ut ab ipso morborum principio secretiones quæcumque longeminus, quam alias solent, langueant. Vix viderunt Studiosi nostri Cutis diu aridæ, Linguæve exustæ, exempla. Perspiratio quippe impedita brevi redire incipit; urinaque, aut alvus rarius intercipitur; & respiratio, præ ficcitate solidi, fluidique densitate, laboriosa & anxia, cito mollior faciliorque redditur. Laxatisque hac lege quibuscumque excretoriis Organis, Natura viam, qua vel juvantem, vel criticam, materiem eliminet, passim patulam reperit.

5. Con-

5. Continua novi ejusmodi liquidi admiffione præpedimus corruptionem humorum: ita ut in Noſocomio noſtro fere ignoremus Petechias, ac Miliaria; quæ alioqui Morbos acutos in his Regionibus tam frequenter ſubſequuntur, a corrupto, eoque diſſoluto, ſanguine. Id, inquam, novus Chylus, ſua natura aceſcens, & aſſiduo ſanguini admiffus, averruncat, præpedit.

6. Eadem opera, fordibus primarum viarum tam cito emendatis, appetitus ipsis in morbis renaſci ut plurimum ſolet.

7. Præcaveturque egregie moleſtus in morbis ſive Vomitus, ſive Alvi fluor: acri, quod hoſce generaret, correcto, abluto, expulſo. Si qua tunc

Diarrhœa aliquando observatur, ea a natura, per systema Mesentericum se expurgante, nascitur; utilissima quidem, si Critica; bona, si, crudo existente morbo, cum bonis signis, contingit: levat enim hæc, sibi que dimittenda est, exemplis id demonstrante *Hippocrate*, maxime in *Historia Virginis Larissæ*: quod idem & de aliis quibuscumque Excretionibus, morbo necdum cocto, verum.

## CAPVT II.

### *De medicamentis in morbis acutis.*

**H**orum curam *Emetico* inchoare consuetudinis est. Quippe adsunt sæpe in eorum principio cibi fastidia, vertigines, os amarum, fordidumve, vomitus. Qua agendi in *Methodo Medici* credunt & autoritate sese, & ex-  
pe-



perientia, suffultos esse. Autoritate quidem magni *Hippocratis* Aph. 1 — 22. 2 — 29. 4 — 17. Experientia vero immensi temporis, quo suos acutos vix unquam citra emeticum curaverint. Maximum porro argumentum deducunt ex observatione, ut vocant, *Climatis*; quod tale perhibetur, ut emeticorum in acutis necessitatem ponat inevitabilem.

Qui Emeticis non utuntur, aut raro, in morbis acutis, iidem quoque & Autoritate magna, & evidenti Experientia, munitos autumant sese. Eorundem quippe textuum *Hippocratis* auctoritatem celebrant pro ipsorum methodo, quam ii, qui contrariæ sententiæ sunt, pro sua: putantque eosdem textus, sedato, nec præoccupato animo, exami-

natos, Emetici dandi necessitatem adco-  
rarissimam ponere, ut, quæ ad frequen-  
tem ejus usum argumenta afferuntur,  
penitus corruant. Quamobrem magnus  
*Boerhaavius* Emeticorum in Acutis  
usum rarius adhibuit, nisi in casu  
*Hippocrati* laudato. Hæc de autorita-  
te. Si vero de Experientia agitur, di-  
cam etiam, ante *Boerhaavium*, Germano-  
rum morem, etiam in *Belgio fœderato*, apud  
multos obtinuisse, hodie dumque obti-  
nere: *Boerhaavium* tamen, quique eum  
seculi sint, Medicos, curam acutorum  
sine Emeticis fortunatiores edidisse.

Imo ipsa quoque ratio Autoritati,  
& Experientiæ, adstipulatur. Sunt enim  
eo tempore omnia in corpore tam vio-  
lento in motu, ut qui eosdem tum ma-  
ture, tum sufficienter, compescat, mo-  
dere-

dereturve, vix noverit Medicus. Igitur moti ferventisque sanguinis copiam demit, externe & interne omnia diluere annitur, refrigerare, sedare, moderari. Porro Emeticum, aut Purgans, aut Sudatorium, quod equidem vel sanissimum moveat, turbetque, eo magis homines, acuta febre petitos, movebit, turbabit, calefaciet. Quare minime mirandum, summum nostræ Artis Dictatorem Emetica intra tam arctos conclusisse limites; quum iis utendi necessitas existeret oppido rara, ususque eorum cæteroquin formidolosus esset.

Hæc ratio quod *Hagæ Batavorum* hoc in casu vix unquam Emeticum præscripserim; & tamen profiteor de felici ibidem praxi, & de summa *Haganorum* existimatione, maximoque erga me



amore, infinitas DEO optimo gratias  
me agendas habere.

Cum tamen prudentia juberet me,  
*Vindobonam* adpellentem, decantatas  
adeo *Climatis octavi* varietates sedulo,  
religioseque, observare, ne *Batavo* more  
medicinam *Germanis* faciens, obessem  
iisdem; attentum in omnia animum a  
principio attuli. Quo equidem tem-  
pore cadaver puellæ septennis nactus,  
cui principio morbi Emeticum datum,  
quamque sæva Pleuritis septimo morbi  
die sustulisset, horrens profecto vidi,  
horrentes videre mecum ILLVSTRISSI-  
MVS PRÆSES NOSTER, BARO VAN SWIE-  
TEN, ac Perillustis & Venerabilis eo  
tempore Medicæ Facultatis DECANVS  
ab HENTSCHEL, quam miserrime in  
illa thorax, totusque pulmo, affecti es-  
sent.

sent. Ut Emetica in inflammatoriis Pectoris morbis etiam in hac Regione, jam tunc suspecta habere inceperim.

Quantum ad Febres acutas, continuas, putridas; cernebam exposita Cap. I. methodo, a prima jam die nauseas, vomitusque, fieri mitiores, imo eodemque, alterove die, penitus filere. Quibus crebrius observatis, clamores de climatis varietate vanissimos salutavi. Factumque hinc ut intra  $2\frac{1}{2}$  fere annos me, emetico in hoc casu utentem, ne semel quidem adhuc conspexerint Studiosi.

Si igitur octavum hoc clima, dato in casu, Emetici inevitabilem necessitatem posceret, quid, quæso, causæ, quod citra hoc inevitabile auxilium,

no-

nostrorum in Nosocomio ægrorum tam felix, tamque expedita passim, observetur in sanitatem Restitutio? Atque de his satis.

Medicamenta in hisce morbis petuntur ex Acidis, Saponaceis, Aperientibus. Infusa Radicum Fœniculi, Florum Althææ, ac Rhoeados, Chærefolii, Hederæ terrestris &c. Decocta Radicum Althææ, Graminis, Bardanæ, Scorzonæræ; Fol. Malvæ, Althææ, Parietariæ, Acetosæ, Acetofellæ, Portulacæ, &c. quibus seu Infusis, seu Decoctis, adduntur Mel, Oxymel, Oxymel squilliticum, Rob Ribesiorum, Mororum, Ceraforum, Prunorum Pomorumque acido-dulcium, Sambuci; Syrupus e succo Citrei, Acetosæ, Acetofellæ, Endiviæ, Berberum, Ceraforum,



rum, Fragorum &c. Additis pro rerum necessitate salibus neutris; nitro, sale prunellæ, Polychresto, Stibio diaph. non abluto, &c. Cardiaca nostra sunt Decocta panis albi, cum Cerasis, aut Fragis, aut Rubo idæo, aut Cerasis acidis, aut Ribesiis. Hæc & similia diluunt humorum massam, spissa attenuant, sitim extinguunt, leniunt acre, stricta laxant, dolores moderantur, incipientem putredinem corrigunt, averruncantque futuram, vires denique refocillant, sustentant.

Didicere Apollineæ artis alumni hac via se longe tutius progredi, quam si magniloquas, ac vaniloquas, *Dispensatorii Viennensis* formulas, & promissa, imitarentur. Cujus *Dispensatorii* vanitates, si ingenue fari detur, ostendere omnes qui

qui vellet, næ totum fere illud excribere ipsum oporteret. Quid ad Pleuritidem *pulvere pleuritico* inanius? Quid ad Malignitates in morbis aut præcavendas, aut emendandas, *Pulvis de Gutteta Riverii*? *Pulvis Marchionis*? *Bezoardicus*? *Pulvis Pannonicus ruber*? *Pulvis pretiosus albus*? & id genus alia? Illuminatus vivimus ævum, quam ut his nugis fidem adhibeamus. Sed, inquit, horum usum nostra nobis experientia probavit. Et nos experientia dedimus hæc crepundia vituperare. Inspicite Rerum in Nosocomio successum! Ne unquam tamen talia nostras ædes ingressa sunt.

His quippe præter inania multa accedunt Lapidēs multi pretiosi, Aurum, Margaritæ orientales, &c. quibus quid damno-

damnosius? Implentur corpora rebus a Natura non domandis, quæ vi sua Mechanica agant, & irritando, Vomitus, convulsionesque, producant, aut non palpani pulveris forma cum succo gastrico & enterico in molestas, imo lethales, abeant concretiones.

At vero, inquiunt, additis acidis hæc corpora solvuntur, mutanturque cum illis in falem neutrum, qui oppilata referat, morbosa vehat secum, & de corpore eliminat.

Bona verba! ficcine cum hominum simplicitate ludere animus? Examine accurato instituto, Lapidum, Ossiumque, & Cornuum animalium, & dictorum in Arte Terreorum, reperiuntur nonnulla cum Acidis effervesce, in-  
que



que ſalem, ſive corpus tertium, cum iisdem mutari; alia cum iis efferveſcere, nec tamen acidum mutare; alia, quæ cum acidis efferveſcentia, parumper modo id immutent; alia neque cum illis efferveſcere, nec eadem mutare; alia denique cum nonnullis acidis efferveſcere, eadem immutantia, cætera vero acida nihil immutare. Ut inaugurali Themate in Academia *Leydenſi* evicit Clariff. *Paulus s' Graauwen*, qui Clariffimi *De Gorter*, in *Ruſſiam* profeſti, Cathedram, in Academia *Harde-rovicena*, tanta cum laude conſcendit, exornat.

Quæ igitur neque immutant acidum, neque ab acido mutantur, indomita manent, quantumvis redacta in pollinem. Ut Cryſtallus montana, Hyacin-

cinthus, Smaragdus; Terræ Sigillatæ omnes, excepta vulgari & ruberrima; non uſta ſive Oſſa, ſive Dentes animalium; & fere etiam C. C. tam uſtum, quam philoſophice præparatum. Ex Lapidibus ſeptem pretioſis ne unus quidem citrei acidum tollit; quatuor acidum abſorbent aceti; tria nullum acidum vegetabile, aut foſſile, deſtruunt, nempe Hyacinthus, Sardius, Smaragdus. Quantum ergo in rebus inane! dum plura horum ne eas quidem poſſideant vires, quibus cum acido in tertium corpus commutarentur.

Sed nunquid eorum ſaltem talia, quæ cum acido in tertium mutantur, explicatos ob effectus, non laudanda?

C

Immo

Immo vero eam ipsam ob causam vituperanda. Vim tertii hujus corporis aperientem agnosco, vires ejusdem in quadam Intertriginis specie expertus; ut & in Stranguria, Dysuriaque, quæ potius apto ad id potu, quam a notabili Renum, Vesicæve, vitio originem ducerent: sunt omni nota & proprietate sat valide aperientia, humoresque moventia, remedia.

Quæ cum ita sint, eo ipso nomine nocent 1<sup>o</sup> in Acutorum principio. Πέποντα φαρμακεύειν, καὶ κινέειν, μὴ ὥμα. Aph. I — 22. Nocere 2<sup>do</sup> possunt circa Crisin, materiem nimis urgendo ad Urinæ vias: nam "Α δὲ ἄγειν, ὅκῃς ἂν μάλιστα ῥέπῃ, ταύτῃ ἄγειν, διὰ τῶν συμφερόντων χωρίων. Aph. I — 21. Neque regerat quis nitro nos usos ejusdem



dem vitii reos agi; cum hoc blando agere modo, violentiore illud, comper- tum sit.

Verum quo Hippocraticæ Methodi præstantiam præ illa demonstrarem, hoc unico utar argumento. Si ad curandos acutos morbos sit absoluta horum remediorum necessitas, cur omnes nostri in Nosocomio non moriuntur? Ne granulum quidem horum omnium præscripsi unquam; & tamen centeni testes fatebuntur vix paucos ab acutis morbis toto biennio aut interiisse, aut postmodum languisse.

Fit hac nostra Methodo Medicina longe tolerabilior Egenis, totique infirmæ fortis genti, quos Medicus cum fastuosa sua culina, præ ipso morbo,

gravius premit. Studiosi nostros ægros paucioribus, ut vocant *Grossis*, quam aliter *Florenis*, curatos salutarunt.

Purgantia æque parum, quam Emetica, præscribimus, memores haud modo laudatorum *Hippocratis Aphorismorum*, verum etiam eorum, quæ idem circa hæc differit in fragmento *Heurniano*. N<sup>o</sup>. 19. 'Οκοῖσι μὲν ἔν ὑπὸ πυρετῶν ἰχυρῶν λαμβάνονται, ἔ χρὴ τέτοισι φάρμακα δίδόναι καθαρτήρια ἐς ἃν μεθ' ὃ πύρετος. N<sup>o</sup>. 20. Εἰ δὲ μὴ, μὴ ἐντὸς τεσσάρων καὶ δέκα ἡμερῶν.

Verum cum ibidem N. 27. dicat Ἀλλὰ ἢν τινα δέη, ὑποκλύζειν χρὴ, ὅποσάκις ἂν ἐέλαι· ἀκινδυνότερον γὰρ, enemata quotidie, si alvus non responderet, adhibita sunt. Immo licet clausa non esset

effet alvus , si modo in principio ficitas major observaretur , Enemata emollientia , diluentia , bis , ter , de die injecta , id effecerunt , ut alvus nunc minus , quam antea , moveretur. Acre enim expellunt , quod irritando alvum copiosioreni produceret. Eorundem igitur ope , si quid acre in intestinis crassis fluctuet , hoc expellitur , aut dilutum saltem infirmatur : fotu illo blando venter emollitur , concreta in tenuibus intestinis calido eorum accubitu solvuntur , reddunturque , quæ profluant , apta. Obstructa Hepatis , Ventriculi , Renum , Ureterum , Uteri , resolvuntur blando , eoque humanum parumper superante , calore. Per bibula etiam , quibus & crassa Intestina gaudent , oscula , absorptus humor diluit humores , corpora nutrit.

Medicamentorum ratio apud ægros nostros ejusmodi est, ut copia ipsis sufficiens detur. Multi bonis medicamentis datis non curantur; curandi iisdem, si sufficientem eorundem copiam aut sumere vellent, aut sumendam acciperent. Sane ut corpora nimio alimento prave nutriuntur, tenuiore collabascunt; ita medicamenta redundantia Naturam turbant, non curant; pauciora inepta sunt, quæ morbum, ejusque causam, debellent. Hæc alio atque alio modo in variis se ægris habent, eaque, nisi intento in rem animo, non addiscuntur. Fuere quibus in Pleuritide ac Peripneumonia sequens Mistura per diem sufficeret: ℞. Oxy-mell. squill. unc. iij. Stibii Diaph. non abl. dr. i. Aq. Hyssopi unc. viij. Existere, qui & duplo indigerent. Neque enim



enim unquam Oxym. squill. usus largior nauseas nostris excitavit: id quod copioso potui aquæ Hordei, aut Avenæ, adscribendum reor, quo Ventriculus perpetuo abluitur. Si homo aquam biberet cum Lacte, coagulum faciens cum eodem Oxymel, ipsum reddere in nauseas procliviores posset; cum Hordei, aut Avenæ Decocto minime.

Cum dico plures fuisse, qui ea horum copia indigerent, inde id significatum haud velim, quod illi sputis fuerint judicati. Certe nunquam inflammationis pectoris sollicitudo nos anxiet, etsi nihil expuerent ægri: perinde fuit quam evacuandi viam Natura capesseret, modo Respiratio emendaretur. Numerus eorum, qui vel Pleuritide, vel

Peripneumonia affecti, five alvo, five sudore, five utroque, judicati convalescerint, eorum jam superat, quos sputa judicarint. Diæta, ac Medicamenta nostra, videntur quibusvis salutaribus Naturæ moliminibus ex æquo obsecundare.

Juvat & monuisse hic loci, quod nonnunquam, omnibus adhibitis, sævæ inflammationes haud mitescerent. Idque etiam licet diu noctuque fomenta, ac cataplasmata, tædioſo opere continuo adhiberentur. Oleosa tunc mira præſtitere quandoque. Quin & Vomitus, Nauseaque, fordes primarum viarum indicantes, epoto ob dolores oleo, simul cessaverunt; involuto eo, unde oriebantur, acri. At vero hic pauca uncia vix juvant. Bis, ter, de die,

die, unc. v. vj. Ol. Lini cum grano opii, aut una uncia fyrupi Diacodii, dedimus.

Verbo dixerim, dum indicationes aliquid agendum jubent, omnia, quæ tendant eo, auxilia Artis prudenter augenda sunt. In colica clausa dicta operarentur aliquando purgantia, sufficienter si exhiberentur. Videre Studiosi, in Colica Pictonum, alvum a 14. diebus pertinaciter clausam, feliciter brevique referatam, saturatissimo infuso purgante, quod quadruplicem ejus dosin excederet, sed per vices dato, donec venter liquefceret. Qui ejusmodi Purgans per epicrasin præscripsit, ea lege ut, soluto obstaculo, tum tardior ejusdem, tum parcior sit usus, peccabit nunquam.

Idem verum quum unica salus ab Opio pendet. Sunt quibus semigranum sufficiat, alii qui, sumtis per vices 6. granis, vix afficiantur. Indicatione rite sumta, per vices eo usque detur, donec incipiat vires exferere suas.

Est adhuc quod moneam, desperatis Pleuriticis, post sufficientes, saltem copiosas, evacuationes, epotum cum opio oleum, & amplum ad dolentem plagam vesicans, nec opinatam adduxisse salutem.

### C A P V T III.

*De aëre, decubitu, sessione, aliisque, circa ægros moderandis.*

**A**ëre aut debito frigidior, aut calidior, nil ægris perniciosius. Rarius cum aegro, ejusve custodibus, propter frigidior, belligeramus, sed  
ut



ut plurimum propter calidiorem. Multis in Regionibus universalis mos est, ut, Acutis in morbis, Puerperioque, homines primo inter Lectorum includantur cortinas; deinde sub Lecti stragulis sepeliantur; ac tandem calore tum Cubiculi, tum propriæ suæ Atmosphææ, circiter suffocentur. Damnantur ad has miseras, donec aut convalescant, aut moriantur. Nam ipsorum Atmosphæra, non renovata, magis incalescit magisque, ut demum ad calorem illum, qui hominis est, accedat propius. Sed præterquam quod calore noceat, nocet & putridis, quibus continuo imprægnatur, ægri exhalationibus fœta.

Hinc 1<sup>o</sup> Respiratio anhelosa, difficilis, quam quisque sanus, ejusmodi ægrum invisens, in se experitur. Si sanguis olim

olim sat commode Pulmones permeabat, jam cum labore: quæque nondum affuerat Peripneumonia, jam nasci eam in proclivi est. Nonne ipsi nos, ardente Sirio, in respirando deficimus, ni aut vento, aut artificio, aër mute-  
tur? In illo aëre æstuante qui motibus se & validis, & diuturnis, exercet, aut Peripneumoniam sibi consciscit, aut alium ex genere Acutorum morbum. In morbis acutis motus est ingens; cui si calidissima atmosphæra jungatur, intelligimus facile quantis anxietatibus torqueantur.

2. Nihil potentius expellit sudores; quibus aut crudo in morbo, aut per sudores non solvendo, nihil excogitari calamitosius posse, suo jam tempore *Thomas Sydenham* lugebat, lugent  
ho-

hodie omnes Boni. Subtiliora e sanguine dissipantur, reliqua incrassescunt: idque sæpe ita, ut nova liquida cum iisdem vix ultra commisceantur, sed & præterfluant, & avolent cum sudoribus.

3. Infomnia, deliria, oriri inde apta nata. In nimio æstu quisque sanus aut vix dormit, aut dormit turbulente.

4. A minimo frigore suscepto pessime afficiuntur; sudore, aliqua saltem corporis in plaga, per vim introverso. Quod cum Medici metuunt, ostia quæque, & fenestras, & rimas, religiose claudi curant: sed & eo gravius, ut mox constitit, ægros angunt.

5. Exanthemata varia hinc oriuntur. Miliaria alba dicta, rubraque, ac

Pe-

Petechiæ. Quæ periculi sæpe plena cum sunt, sua malignitate multos, morbo principe cæteroquin emerfuros, interimunt.

6. Aegros hic modus agendi & tristes reddit, & difficiles, & morosos, suoque cum damno immorigeros, sitibundos, ardentes, aridos, exustos.

Quæ profecto omnia ut præcaveam, maxima cum cura aëra perpetuo temperatum concilio ægris. Hyemali tempore, dum hic solent in Nosocomiis calorem pene intolerabilem ope Hypocaustorum ægris facere; dumque passim apud quosque privatos ægros aër ita incalescit, ut nemo sanus ibidem sine incommodo aliquantisper perduret; soleo meis ægris calorem adhibere, qui in  
Ther-



Thermometro *Fahrenheitiano* 60. 65. gradum signet. Estque tale in cubiculis suspensum perpetuo, quo similem caloris gradum diu noctuque servant studiosi Assistentes.

Aestivo autem tempore clausis, quoad ejus fieri possit, Cortinis Lectorum, Fenestræ, ac Januæ tantillum patent; sique æstus sit ingens, plures, eæque oppositæ fenestræ, ac januæ, panduntur. Sæpius de die hoc facto, ægri, cortinis apertis, temperatiore aura fruantur, reficiunturque mirifice.

Modus ægros tegendi suis in Lectis petitur tum a tempestate anni, tum ab eorum commodo; Unica tegendi regula est, ut caleant moderate.

De-

Debilissimi ægri in Lecto quotidie paulisper eriguntur, ut, pulvinaribus dorso ac capiti substratis, sedeant; primo quidem per  $\frac{1}{8}$ . horæ, quotidie autem diutius, frequentiusque. Gaudent & recreantur inde admodum, aptique fiunt, qui extra lectum in sedili parumper sedeant. In ipsis Acutis necdum apicem adeptis, per 1. 2. 3. horas, ægri Lectis exempti, sedibus ad id aptis infident, corpore bene tecto: & si morbus aut balnea, aut pediluvia poscit, eodem tempore commode his infident. Id enim usu didicimus, quo diutius ægri suis sub integumentis tumulantur, eo eos fieri, qui sedeant erecti, ineptiores; quo erigantur crebrius, eo alacrius eosdem surgere. Sane magna pars debilitatis ægrotantium hinc oritur. Nonne sanum, robustumque virum, aëre  
ad

ad gr. 80. calente, nec renovato, in Lecto sub stragulorum pondere octiduo inclusum, debilem redderemus, & ægrotum, anxieque respirantem? Nihil e contrario, quod ægros nostros adeo refocillet; nihil quo delectentur impensius; nihil etiam quo reddantur in somnos proniores. Raro enim abest, quin in lectum repositos blandus unius, alteriusve horæ, somnusprehendat. Quo etiam multum facit lectus interea temporis resectus, siccatisque, aut & mutatis linteis, plane amœnus.

Hinc respiratio ægris nunquam redditur anxia ab aëre, putridaque eorum Atmosphæra. Quæque ratione morbi talis est, ea nedum laboriosior mala arte redditur, sed potius allevata.

Nunquam hinc Sudores contra morbi Naturam exprimuntur. Si in acutis habentur moderato sub tegmine sudores, sive levantes, sive critici, ægris nihil mutamus. Vetitum tunc lecto eximere illos, ne frigeant; vetitumque gravius eosdem tegere, ne vexata nimium Natura debilitetur.

Petechias bis modo vidimus toto hoc tempore; sed ortas ex neglectu debitæ curæ, priusquam ad nos deferrentur. In ægris qui nostræ curæ subiecti fuere, Petechias ne semel quidem hic vidimus.

Unica vice in tanto ægrorum numero Miliaria in morbo acuto Pulmonis visa sunt, idque meo, palam fateor, neglectu. Ipso hoc anno, adspirante Vere,



re, Custodes hominem, ut hyeme solebant, etiam tepidiore illa tempestate texerant. Præterea in clauso ejus cubiculo, cum septuaginta & ultra studiosis, per horam moratus eram, præreptus ardore dicendi; quum alioqui in separatam aulam cum studiosis me confero, examinata ad Lectos phænomena expositurus. Ex hac duplici incuria factum, ut in Peripneumonia, solvi coepta, sexto die parva stigmata pectus obfiderent, quæ sensim miliaria alba se esse demonstrarunt. Deinceps jugulum, & utraque latera colli occuparunt; rubris multis nunc etiam inter alba, quæ ad pectus erant, interspersis. Ellychnio cerato admoto, & confertissimæ, & pellucidæ, per omnia hæc loca, pustulæ comparebant.

A posteriore itaque intellexi errore commisso idem hic contigisse, quod alias adeo frequens in acutis harum Regionum. Errore commisso, inquam; nam morbus ipse coqui eo usque visus erat, neque signa dissoluti cruoris ex aliis excretionibus observata fuerant, neque vires vitæ ullatenus decreverant. Unde, causa sic intellecta, abstuli prudenter aliquid de pondere stragulorum; ac semper deinceps, homine cæteris cum ægris in transitu, & quantum absolute requisitum, examinato, mox vicinam in aulam, visa exponendi causa, me cum Auditorum turba contuli. Memorque *Sydenhami*, verbo & exemplo monentis, Petechias, ab aëre calidioris ortas, curari oportere aëre, tegumentisque levioribus, educatione extra Lectum, medicamentis diluentibus

ac refrigerantibus ; ea omnia sensim, prudenterque, imitatus sum. Effectum inde, ut anxietates pedetentim immi-  
nuerentur, sudoresque decrescerent, & intra quatrimum Miliaria inciperent ex-  
ficari: novis non renascentibus ultra, viribus augescentibus, maturanteque sese Peripneumonia. De industria hominem, diutius quam par erat, penitus curatum, in Nosocomio servavi, ut Medicinæ Doctores, Studiosique, confirmatæ ejus pancreaticæque sanitatis testes existerent. Quantine faciendus in Medicina *Sydenhamus*!

Miliaria autem vera, quæ cum quadam veluti Rheumatica febre inchoant, 4. 5. 6. 7. 8. febris die, ea ter in Nosocomio conspeximus. Fuere inter illos, qui per mentum, collum, pectus,

brachia, femora, albis scaterent miliaribus: quæ admoto lumine quotidie in suo ortu, decursu, decremento, exsiccatione, tum a me, tum a Medicis, qui Miliaribus & cognoscendis & curandis dudum assueverant, tum & a Medicinæ Studiofis, examinabantur. Porro jacuere omnes hi inter medios alios ægros, eodem puro cum illis aëre utentes, iisdemque integumentis. Subacescens eorum fœtor non mutavit quidquam in curandi per acescencia & acida more. Sed a climatis clamoribus eo tempore adhuc nonnihil perterritus, eosdem necdum ausus eram lecto eximere. Post tres, quatuorve, septimanas omnes adepti sunt sanitatem. Posthac vero, sensim audacior, hominem febre acuta putrida pluribus diebus, antequam in Nosocomium inferebatur, labo-



borantem, & mox apud nos Petechiis refertum, quotidie cum cæteris ægris lecto eduxi, aërem eundem, quem inspirarent cæteri, & huic conciliavi, diluente potu, cui spiritus sulphuris per campanam dictus additus, eum implevi; quo factum, ut intra octidui spatium & a petechiis, & a morbo acuto convalesceret: sola hectica dispositione, qua multis ab annis languebat, superstita.

Sic sensim jugum, quod humeris meis publicus imposuerat clamor, excutere potui, volui, debui. Videram in *Belgio fœderato* annosiores practicos, qui monita *Sydenhami* ac *Boerhaavii* in Variolis, Morbillis, Miliaribus, Petechiis, Scarlatinis, aspernati, horum morborum in curatione admodum in-

fortunati essent : videram alios , qui , Boerhaaviana schola enutriti , Magistri-  
que vestigiis presse inhærentes , horum  
curam feliciorē ederent. Recordabar  
& me , *Sydenhami* ac *Boerhaavii* vestigia  
prementem , hos eosdem morbos sum-  
mo cum famæ ac honoris incremento  
cæteris , qui alias longe semitas calca-  
rent reclamantibus , felicius curasse ; hinc  
audacter vanos clamores flocci faciens ,  
concludere debui , tam felicem esse ho-  
rum morborum curam in aëre *Austria-*  
*co* , quam suadente *Sydenhamo* in *Brittan-*  
*nico* , quam suadente *Boerhaavio* in *Bel-*  
*gico* fuisse constat.

#### CAPVT IV.

*De diebus criticis, & crisi-  
bus variis.*

**V**olupte maxime fuit , veritatem do-  
ctrinæ Hippocraticæ , circa criti-

cos dies, in ipsis ægris, Auditoribus coram, demonstrare potuisse.

Negabunt multi fieri id posse. 1<sup>o</sup>. Quia diversa Hippocratis opera dies criticos alios, præ aliis; aliis atque aliis temporibus, ponunt, enarrant. Imo quibusdam in locis bonum criticum adpellant ejusmodi diem, quam in aliis malum, suspectumve, describunt. Ut liquet manifesto ei, qui eorundem enumerationem indagaverit ex *Aph.* 2 — 24. *Aph.* 4 — 36. *Epid.* Lib. 1. *Seçt.* 3. *Libr. Prognost.* & *Lib. de Crisibus*. Quod si quis enumerat omnes, qui laudatis in libris critici habentur, dies, criticos reperturus est 3. 4. 5. 6. 7. 8. 9. 10. 11. 14. 17. 20. 21. 24. 27. 28. 30. 31. 34. 40. 48. 60. 80. 100. 120.

2<sup>do</sup>. Ex hisce forsan quis ita confici arbitrabitur, ut in morbis acutissimis & peracutis, qua die judiceris, perinde sit. Namque a 3. ad 11. diem novem sibi subsequentes dies critici enarrantur; unde in eorum quemquam crisis necessario incidet. Præterea post 11. diem creber adeo criticorum numerus est, ut magna semper spes sit, fore ut in quempiam eorum judicia incidant,

3<sup>tio</sup>. Immo aliis, iisque cæterum doctis, hoc genus argumentandi placuit. Si recensio criticorum dierum ex æterna Naturæ lege conficeretur, exactus ille, & ubique consimilis, haberetur. Jam vero *Hippocrates* in iisdem vario tempore, locoque, enumerandis dubius fluitat, inconstansque alios præ aliis numerat. Ergo certi nihil



hil ex hisce conficitur. Anxia proinde eorum inquisitio inutilis videtur, imo quia, quod otium studiosi in certiora indaganda collocare potuissent, id hæc inquisitio occupat, damnosa est.

Aptior responsio ad hæc argumenta non datur, quam quod eorum, quæ in genere de diebus criticis magnus *Hippocrates* effatus sit, examen ad Lectos ægrorum institutum, rem eodem se modo habere, quo ille dixisset, abunde demonstret. Verum ut horum omnium argumentorum vis penitus enervetur, materies eorum paulo altius inquirenda est.

*Galenus*, inconstantiae Hippocraticæ doctrinæ suspicionem amoliri conatus statuit, Cœum in Libris *Epid.* citra ullam  
Qua-

Quaternariorum distinctionem, quoscunque unquam dies judicatorios observasset, enumerasse: in locis vero cæteris Periodos, quæ quaternario dierum numero componerentur, sermone complexum esse. Credibile propterea fieri, Epidemicos Libros primo conscriptos esse, qui doctrinam generalem continerent; *Aphorismos* vero, aliaque ejus opera, quæ ex generaliore doctrina collecta essent, & consuetiores Naturæ Leges referrent, post *Epidemicorum* volumina conscripta esse.

Inconstantia suspicionem *Galen*i efata mitigant, non tollunt. 1<sup>o</sup>. Enim invictis argumentis constat, *Hippocratem* plurima opera sua post *Aphorismos* condidisse; quæ demonstratio hujus loci non est, sed in aliam occasionem reservanda.

2<sup>do</sup>.

2<sup>do</sup>. In *Aphorismis* ac *Prognosticis* haud levia manent ejusdem Inconstantiae vestigia. Imo ne uterque quidem *Aphorismus* idem sonat. Ergo tantæ discrepantiæ aliunde petenda origo est.

Græcis moris est numeros literis ut exponant.  $\alpha$  cum accentu gravi in vertice denotat unum;  $\epsilon$  duo;  $\gamma$  tria &c. a Litera  $i$  numeros decimos, sive ut vocant decimales, ordiuntur: a Litera  $p$  centenarios: Millenariis accentum ponunt infra literam.

Quia nunc ante inventam Typographiam libri omnes stylo vel calamo exarabantur; quique scribendi arte victum quærirarent, veloces eos in opere illo esse oportebat, nil committendis in eo erroribus facilius fuit. Potissimum  
fi

si Manuscriptorum Vetustas vietas literas contineret. Undenam aliter Manuscriptorum complurium varietas tam stupenda, tantaque contradictio nata? Id quod eruditus *Foësius* toties acerbissime conquestus est. Ita ut ad locum, de quo agitur, *Epidemicorum*, plurima exemplaria dissona invenerit: tribus antiquissimis octavum diem reticentibus; duobus aliis decimum, ac vigesimum octavum; apponentibus vero, qui non in prioribus, diem vigesimum, & vigesimum quartum. Iterum aliis Exemplaribus expungentibus diem quadragesimum octavum, ejusque loco quadragesimum quartum laudantibus; aliis addentibus post centesimum, vigesimum. Nosque hodie in Aph. 4—36. legimus 21. diem: *Galenus* legit 20, & verissime quidem; in omnibus



bus vero *Celsi* exemplaribus 21. notatus fuit.

Merito proinde concludimus Notarios, sive Antigraphos, similitudine literarum, numeros designantium, deceptos fuisse, quod in vietis manuscriptis facile; sæpiusve eosdem numeros, quod festinantibus solemne, omisisse. Adeo hoc *Galeno* persuasum, ut quod *Pythio* tertio *Epid.* non 11. sed 10. die obiisse legatur, librariorum errori adscribat.

Sed Notariorum errore demonstrato, ut causa, veraque origine, discrepantiarum in *Hippocrate*, sequiturne inde id, ut ultra ex hisce incertis nil firmi certique eruere oporteat?

Sequeretur omnino, nisi alia certi indagandi adminicula & investigassemus, & deprehendissemus. Nihil hic dicam, quod mea 20. ferme annorum in *Belgio* praxis me ex hoc dubio plane exemerit: nam ut supra monui, non ex mea modo praxi, sed ex ipso *Hippocrate*, legitimus medendi ordo, coram Auditoribus meis, datus mihi fuit exponendus & demonstrandus.

Consultendus igitur Divus senex fuerat, non in dogmatica Criticorum dierum recensione, sed in clinicis ejus observatis. Hinc sequentia didicimus.

Dies 3. dabat judicia	7.	$\left\{ \begin{array}{l} 3. \text{ bona} \\ 3. \text{ mala} \\ 1. \text{ bonum, sed quoad diem} \\ \text{dubium.} \end{array} \right.$
Dies 4. judicia	12.	
	$\left\{ \begin{array}{l} 6. \text{ bona} \\ 6. \text{ mala.} \end{array} \right.$	

		4. bona
		5. cum recidivis
Dies 5. judicia dabat	15.	4. mala
		1. lethale, sed quoad diem dubium.
		13. lethalia
Dies 6. judicia	25.	11. cum validis recidivis
		1. ambiguum an ad 6. pertineat, bonum ta- men, Virg. Larissæ.
		11. lethalia
Dies 7. judicia	28	8. perfecte bona
		9. dubia, aut cum recidi- vis.
		1. bonum
Dies 8. judicia	4.	2. lethalia
		1. cum recidivis; & tota Constitutio sic erat
		3. lethalia
Dies 9. judicia	6.	1. cum recidivis
		2. bona
Dies 10. judicia	3.	2. mala
		1. cum recidivis
		3. mala
Dies 11. judicia	9.	4. bona
		2. aut dubia, aut cum re- cidivis.
		2. lethalia
Dies 12. judicia	5.	1. bonum
		2. imperfecta

Dies 14. judicia dabat 19.	3. mala 15. bona 1. cum aliqua recidiva.
Dies 15. judicia	2. 1. bonum 1. malum.
Dies 16. judicium	1. 1. malum.
Dies 17. judicia	8. 6. bona 2. mala.
Dies 18. judicia	2. 1. bonum 1. dubium.
Dies 19. judicium	1. 1. bonum.
Dies 20. judicia	16. 10. bona 1. imperfectum 5. mala.
Dies 21. judicium	1. 1. malum.
Dies 22. judicia	2. 1. bonum 1. cum recidiva.
Dies 23. judicium	1. 1. dubium valde, eo an pertineat.
Dies 24. judicia	4. 2. mala 1. bonum 1. cum recidiva.
Dies 25. judicium	1. 1. malum, ambiguum an eo die.
Dies 27. judicia	2. 1. bonum 1. malum.
Dies 29. judicium	1. 1. cum recidiva ad 40. diem : integra sic Con- stitutio.
Dies 34. judicia	2. 1. bonum 1. lethale.

Dies



Dies 40. judicia	12.	8. bona 2. lethalia 2. ambigua, aut cum reci- divis.
Dies 51. judicium	1.	1. bonum.
Dies 67. judicium	1.	1. malum.
Dies 70. judicia	2.	1. forte bonum 1. malum.
Dies 75. judicium	1.	1. bonum.
Dies 80. judicia	4.	3. bona. 1. lethale.
Dies 100. judicium	1.	1. bonum.
Dies 120. judicium	1.	1. malum.

Summa igitur est Judiciorum *Ducentorum*, tam privatorum æg-  
rum, quam plurium Constitutionum  
Epidemicarum; quæ tamen omnes sin-  
gulari tantum numero indicantur.  
Adeo ut pene infinitus fuisset judicio-  
rum Numerus, si quid cuique in va-  
riis illis constitutionibus contigisset, *Hip-  
pocrates* enarrare voluisset. Plura adj-  
cere potuisssem, si quæ in *Vulneratis* ob-  
servaverit, adjecissem; sed *de Crisibus*

*acutorum* modo agendum fuit. Ad diem 7. 9. 14. adhuc plura judicia *Hippocrates* refert in *Coacis*, in *Prorrheticis*, &c. in morbis inflammatoriis, maxime Pectoris, exponendis, quæ in data mox dierum Criticorum recensione non notantur. Ita ut hinc illi dies 7. 9. 14. fiant crisibus adhuc famosiores.

Ex omnium autem recensione elucescit id, quod Aph. 2 - 24. omnium maxime cum observatis Hippocraticis conveniat, adeoque omnium minime corruptus sit; dolendum modo quod ultra 17. diem non extendatur.

Secundum hæc observata maxime Critici sunt dies 3. 4. 5. 7. 9. 11. 14. 17. 20. 40. Quod enim dies Sextus, & Vigessimus nonus plurima judicia con-

tinere videantur, nihil contra facit: sunt enim suspecti, & saltem cum validis recidivis, post multos languores. Reliqua pauca, diebus aliis vel minus criticis, vel plane non criticis observata, vix regulam faciunt.

His ita ex *Hippocrate* examinatis, alterum supererat faciendum. Dies nempe iidem, in omnibus, quos Nosocomium exceperat, ægris, sedulo erant indagandi. Exacta observatio demonstravit verissima esse, quæ docuisset *Hippocrates*. Diebus nempe maxime ab illo notatis nostra bona judicia observavimus, habuimusque iisdem etiam aut imperfecta, aut mala: ea nihilominus differentia, ut, DIVINA FAVENTE CLEMENTIA, mortuos numero longe pauciores numeremus: quod dubio procul etiam

nonnullis Medicamentis, quæ *Hippocratem* latuerant, tribuendum. Judicia nobis & Sexto contigere, & Decimo, & Duodecimo die; sed imperfecta ea, & cum relapsu, fuere.

In hæc porro intenti, plura alia magni Viri observata, confirmata in nostris ægris, mirabundi vidimus. Veras easdemque graves *Perturbationes criticas* contemplabamur, sed & non raro paucas; interdum nullas; critica evacuatione tamen prodeunte. Eodem prorsus modo quo ille eas se observasse tradit. Revera ipse conspicuas illas *Perturbationes* frequentiores vidit, quam nos: sed si detur conjecturæ locus, ubi quis cum Hippocraticis Sydenhamiana & Boerhaaviana conjunxerit, scilicet Venæ sectiones crebriores, medicamen-  
ta-



taque & plura, & efficaciora, adhibuerit, interea dum ab *Hippocraticis* ne latum discedat unguem, ille videtur in suis ægris ejusmodi Perturbationes habiturus rariores.

Præterea notabiles observationes Cõi circa subitas, nec opinatas, mutationes ex summo Lethi metu in salutem, mirabundi aliquoties intuebamur. Ut historiam *Metonis*, *Mulieris in Thaso*, illius scilicet, quæ ardente febre decumbebat, *Virginis Larissæ*, aliorumque, hoc ipso anno, in binis putridis febribus, tribusque Pleuriticis, veluti coram intueremur.

Cruditatis tempus, ut sæpe ad 4. diem illa mutatur, ita non raro ad 5. 6. 7. 8. diem extendi vidimus, iis po-

tissimum in ægris, qui citra medicam opem pluribus diebus cum morbis conflictarentur, antequam ad Nosocomia adducerentur. Didicimus ex hisce cruditatem non tempore metiri, sed conditione; audacterque eo in casu morbos aggredi, tanquam si primum diem agerent: exemplo *Hippocratis*, qui *Anaxioni* octavo pleuritidis die sanguinem e brachio tollens, felicissime tum supurationem, tum gangrænam, præcavit.

Si quis nunc his omnibus, observationes *Hippocratis* conjunxerit, *Lib. 1. Epid. edit. Foës. pag. 941. & 945. tum & Lib. Epid. 3. a pag. 1085. ad 1089.* circa febres, quæ nullas Crises sive salutares, sive perniciosas, habeant; responsum ille habebit in promptu ad Quæsti-

stionem, tum apud privatos multos Medicos, tum & apud illustria Eruditorum corpora agitatam, *Cur nempe Crises & citæ, & conspicuæ, Hippocraticis, quam nostris temporibus, crebriores?* Profecto qui Sydenhami, & Baglivi, & Boerbaavii, & Illustrissimi nostri Præsidis, eruditissimi in Boerbaavium Commentatoris, consilio parentes, Naturam intempestivis Venæ sectionibus, aut Emeticis, aut Purgantibus, aut Sudatoriis, non turbant, non fatigant, non subvertunt, sed potius eam ducem sequuntur, justequè moderantur, eadem in morbis quæ Hippocrates, observant. Doctissimi Baglivi hoc responsum est, toties ab ipso jam ante 60. annos iteratum.

Unicum modo est, quod hic subjungi oporteat. Nemo auctoritatem hujus doctrinæ, pondusque, inde la-

befactari autumet, quod ad eandem probandam nonnulla sunt ex ejusmodi petita operibus, quorum, *Hippocratis* ne sint, an aliorum, sit dubia fides. Etenim duo fere Trientes omnium adscriptorum *Hippocrati* Librorum germani sunt. Ita quidem ut ex 70. illius sive Libris, sive Dissertationibus, quæ operum omnium molem conficiunt, 46. reperiantur fidei indubitatae; 24. autem aut Filiorum ejus sint, *Theffali*, *Dracontis*, generisve *Polybi*, aut cujusquam de *Asclepiadarum* familia: qui ex venerandi Senis pugillaribus hæc adornasse, ideoque, paucis exceptis, apud *Galenum*, *Celsum*, aliosque dignos *Hippocratis* Commentatores, magna videntur autoritate valuisse.





## CAPUT V.

*De Urinis.*

Circa Urinas & multa, & egregia, per biennium & ultra, Nosocomium suppeditavit: quorum plura, cum aliis experimentis tum demonstranda clarius, tum augenda sint, necdum in præsentiarum convenit hisce inferere. Sed id saltem affirmamus, quæ *Hippocrates* de Urinis habeat, eorum pleraque nos verissima esse, stupentes sæpe observasse. Patuit quippe judicium medicum tam in Acutis quam in Chronicis, ex solis urinis desumptum, fallaciæ obnoxium hæere; quia 1<sup>mo</sup>. Urina incredibiliter etiam in sanissimis variat. 2<sup>do</sup>. Quia Urina, assumptis quibusdam, adeo a naturali aliena reddi potest, ut nihil minus, quam Hominis, cujus est, con-

conditionem denotet : id quod jucundis experimentis captis in Nosocomio demonstratum fuit. 3<sup>to</sup>. Quia si cætera in morbis signa bona sint, ea etiam, cum Urinis non bonis, bene sperare jubent. 4<sup>to</sup>. Quia Urinæ pravæ, cum multis cæteris pravis signis, quammetum ingentem pariant, omnem tamen spem vitæ non abscindunt. 5<sup>to</sup>. Quia Urinæ nunquam bonæ, cum reliquis signis bonis, judicium passim imperfectum relinquunt. 6<sup>to</sup>. Quia Urinæ non malæ, cum pravis cæteris signis, magnum discrimen portendunt. 7<sup>mo</sup>. Quia plerisque ægris, qui intereunt, urinæ non bonæ observantur.

Cæterum Urinas vario modo rubras; Urinas similem orobis tostis gerentes materiem; Urinam squamosam,  
fur-

furfuraceam, crassiori farinæ similia ferentem, membranaceam, ictericam, viridem, subnigram, nigram, pinguem, foetidam, insipidam, aquosam; Urinam vario modo crudam; omniaque quæ ad nubeculas, enæoremata, bonaque ac mala sedimina pertineant; horum, inquam, plurima ad Lectos ægrotantium reperiimus eodem se modo habere, quo observata ab *Hippocrate*, descriptaque fuerint. Præcisum vero tempus, horamque definitam, qua in Urinis sedimen maxime criticum, post earum mictum, conspicuum fieri debeat, necdum potuimus definire. In genere vidimus, eo perfectiorem dari crisin, quo sediminis & citior, & diuturnior, depositio esset. Cæterum & bonas fuisse Crises, Urinis 6. 8. 10. 12. post mictum hora sedimen formantibus. De aliis

aliis morboſis in Urina contentis, idque potiffimum in Chronicis, multa quoque, quæ Hippocratica confirment, obſervavimus.

Verum cum omnibus hiſce incerta, fateor, & dubia, & obſcura, & captu noſtro ſuperiora, circa hanc materiem ſuperſunt: quibus nihilo ſecius & cognoscendis, & explicandis, DEO ſanctitatem largiente, omnem operam in ægrorum curatione, per ſequentem curſum Academicum, navabimus.

Ut Alcalinorum contra putredinem vim, ſecundum *Pringleanam* doctrinam, exploraremus, Urinæ ejusdem hominis, eodem tempore miſſæ, portiones alias miſcuimus cum alcalinis, alias cum acidis. Acida erant Spiritus Vitioli, Spiritus  
Ni-



Nitri, & Spiritus Salis, fortes. Alcalina erant Sp. CC. Sal. vol. oleofus, Sal abfinthii, Oleum tartari per deliquium. Experimenta & in sanorum sunt capta, & in ægrorum urinis. Repositæ sunt omnes urinæ eodem in loco. Omni examine evictum est, urinas longe diutius a putredine acidis, quam alcalinis, præservari; ea excepta cui sp. CC. fuisset affusus. Constititque urinam alcalicis mistam longe citius putrescere ea, cui affusum nihil.

Ergo inde nihil, ad alcalinorum præacidis præstantiam demonstrandam, quares a putredine præservarent, concludi potest: imo contrarium evincitur, citius corruptis urinis, quibus admixta alcalia, quam quibus acida, aut quibus nihil: quamvis omnes variæ portiones  
eo-

eodem ex homine collectæ, eodem tempore miſtæ, eodemque ſervatæ in loco fuiſſent.

## C A P U T VI.

### *De Sanguine humano.*

**H**iſtoriam Sanguinis necdum ſufficienter explanatam, eſt quod doleamus. Multa, eaque egregia, protulere poſt *Leeuwenhoeckium* boni in arte viri; *Boyleus*, *Malpighius*, *Bellini*, *Guillemmini*, *Boerhaave*, *Hales*, *Schwencke*, multique alii ſocietatum *Anglicanæ*, *Pariſinæ*, *Bononiensis*, *Edimburgensis*, &c. præclariffima membra; quæ utique longo, tædioſoque conſecta labore, magnam lucem affudere, ſed necdum penitus genuinam ſanguinis indolem eruerunt. Quin & edita ab ipſis experimenta fue-  
re, quæ nunc proſum eadem nobis,  
quæ

quæ illis, visa; nunc iterum ab iis alia, diversa, contraria, adparuerint. Unde eadem sæpius, & cum tædio repetere coacti, nonnunquam paulo aliter, atque illi, tum enarrare phænomena, tum ex iisdem concludere, debuimus.

Facultatem omnia rite explorandi primo suppeditavit instituta frequenter nostris in ægris missio sanguinis. Sed & multum juvere *Paschales Ferie*. Est eo tempore millenorum hominum ex urbe, suburbiis, pagisque vicinis, ad Chirurgos Viennenses confluxus, ut Vena sibi in prophylaxin tundatur. Vicinus Chirurgus, separatis in vasis, omnem sanguinem mox ad me mittebat; ubi vero calente, eove actu effluente, sanguine opus erat, homines turmatim in Nosocomium induxit, ut ipsis tunde-

retur, me præfente, vena. Unde facultas longe uberrima mihi nata, ad experimenta instituenda. Mens fuit potiffimum obfervare, quid fanguini minime mutato contingeret, ut eo tutius vera ejus indoles patefceret.

Ex 150. variis experimentis, & phaenomenis, fequentia didicimus. Sanguis miffus ex brachio hominis, Thoracem contufi, minime ut dicitur inflammatus, quatuor puriffimis in vafis exceptus eft. Sexta poft educationem hora infulæ, ex laudabili feri copia exemptæ, impofitæ fuere in vafa terrea, pura, nova, vitrea crufta obducta. Ver erat frigidum. Aer eo in loco a grad. 40. ad 46. in therm. fahrenheit. calebat. Binis placentis, five infulis, quavis 12. hora affufæ funt aquæ frigida, puræ, fontanæ, unc.



10. Binis aliis eodem tempore, eadem copia aquæ, ad calorem hominis sani circiter calentis, est affusa. Prima earum insularum, quibus calida affusa, in sex partes divisa est, magnitudine inæquales: reliquis insulis servatis integris. Operatio hæc duravit 12. dies. Ex tædiosis adnotationibus eo tempore habitis, & semper extemplo conscriptis, hæc pauca modo referam.

Aqua singula 12. hora effusa nunquam vel hilum tincta fuit; evaporata tamen super ignem, maxime postremis diebus, levem crustam reliquam fecit; quæ cum acidis nonnihil effervesceret, & saporem suburinofum linguæ gustata imprimeret.

Post 12. diem vasis, quibus frigida

solebat affundi, aqua affusa per aliquot dies renovata non fuit. Aquæ illius portio subinde examinata, notas alcali evidentiores dedit.

Sensim porro insulæ disparuere ita, ut quibus frigida aqua adjecta fuisset, nihil reliqui esset, nisi crusta levis, fusca, asperior adspectu, tactu tenera, omnem vasis ambitum incrustans, notas alcalini, ut supra, gerens. Insula vero illa, quæ divisa in partes, calidam affusam habuerat, sensim albidior, pellicudiorque reddebatur; donec tandem 20. diebus elapsis, sex parvas, fere pelucentes, massas relinqueret.

Quæ vero insula in aqua, quæ calide affusa fuerat, manserat integra, ea longe magis mole decreverat: ita ut super-

pereffet demum albescens frustulum,  
pellucens, paucos rubros globulos,  
hinc inde intermixtos, gerens.

Intentio horum experimentorum  
fuerat, quid demum a sanguine super-  
esset, exacte rimari, videreque an quid-  
quam animadverteretur, siue Crustæ  
phlogisticæ, siue dictæ *Ruischio pseudo-*  
*membranæ*, consimile.

At vero, ut dixi, superfuit de to-  
ta insula nihil, præter crustam fuscam  
ad ambitum utriusque vasis, quæ fri-  
gidam exceperat; aut quid albidum pel-  
lucidique, in binis vasis, in quæ calida  
aqua coniecta erat.

Quum frustra hæc, mole residua, in-  
dies minuerentur, ex aquis illa, exacto,

mensis spatio exemi, & spiritui vini, quo conservarentur, immisi. Crustas quippe pleuriticæ dictas sæpius exploraveram diuturnis macerationibus, integras, divisas; aqua pura, nitrosa; frigida, calida. Quas cum lapsu temporis evanescere observabam, alias similes crustas, dum incepissent immiui, spiritu vini incorruptas servabam. Quod idem omni ex parte & de *pseudomembrana* verum.

At vero frusta illa, paucos intra dies, penitus disparuere; spiritu duntaxat paulo turbidiore inde reddito.

Igitur hoc residuum caruit durabilitatis nota, qua Ruifchiana membrana, & Crusta phlogistica, in spiritu gaudent.

Con-



Constitit liquido & insulas plures concreti cruoris, & Cruſtas pleuriticās varias, ſemper citius ſolvi, evaneſcereque, quando frigida aqua, quam quando calida, affunderetur.

Membranam ſuam dictam *Ruiſchius* parabat, ramulo quoque conquaſſando ipſum calentem ſanguinem. Nunquam paravit illam ex ſero ſanguinis, ut per incuriam in operum ejus *indice* ſcribitur: qui legit *Ruiſchium* attente, videt ipſum ſanguinem rubrum, antequam ſerum ſepararetur, ab ipſo conquaſſatum eſſe.

Membranam hanc frequentiore uſu didicimus & tempore citiorem, & mole craſſiorem, præ illo, parare.

Sanguinem mox missum, calentem, totum, in lagenam infudi, eamque probe obturatam agitando, paravi eodem temporis spatio membranam ea crassior, quam, agitando cum ramulo Olivæ sanguinem, comparaveram.

Excepi sanguinem ex ipso sani hominis brachio impetuose effluentem in lagenam. Obturatam lagenam agitans, crassam membranam obtinui, quadruplo breviori temporis spatio.

Sanguinem e brachio fœminæ, septem menses gravidæ, raptim fluentem, lato vase excipiens, ramulo agitavi a prima dragma ad finem usque: per 5. horæ minuta membranam maximam confeci.



tur, fluidus persistens, neque 36 horarum spatio insulam formans. Vix, nisi summa cum prudentia ac patientia, quid inde effundi teri potest.

An ergo illa vis plastica, qui sanguini mox post educationem ex vena quiescenti adest, sanguini educenda membrana conquassato, ablata est? Non videtur: serum enim ejus, quod ablata membrana sensim pauca copia separatur, quodque dixi difficulter a fluido rubro separari; hoc, inquam, serum prudenter separatum, si cochleari supra ignem ponitur, æque cito, denseque cõit, atque sanguinis illius, qui conquassatus haud fuerit, serum.

An Membrana Ruifchiana saltem conflatur ex eo, quod plasticum in sanguine vocatur? Non



Non adparet: nam serum sanguinis diutissime ita conquassati, ut Pseudo-membrana ultra non augeſcat, ad ignem coit, inſtar ſeri ſanguinis non agitati.

An forte illud quod magna copia de ſanguine exhalat, quamdiu calet, idem eſt, quod ſacſitiam formet membranam?

Minime: nam 1<sup>o</sup>. ſi ſanguinem mox dum vena egreſſus eſt, exactiſſime te- gas, & dein parumper ſinas coire, nunquam inde membranam parabis. 2<sup>do</sup>. Si membranam ramulo paras, continuo ros exhalat de vaſe aperto, donec ſanguis refrigerit, & bonam tamen membranam adornas. 3<sup>tio</sup>. Sanguinem ſani hominis brachio exſilientem in lagenam excepi, exactiſſime ilico clauſi, a 31.

Martii

Martii ad 3. Aprilis fervavi, colorum mutationis contemplandæ causa: tunc partem ramulo, partem agitatione lagenæ, diu multumque agitavi, membranam Ruifchianam inde formaturus; sed frustra.

Ergo materies membranæ factitiæ, alia omnino a sero coagulando, & a vapore fumantis sanguinis.

An saltem phlogistica Crusta quid commune habeat cum illo rore evanido? Neque id videtur. Sive enim sanguinem bene texeris ne quid evaporet, sive non texeris, Diathesis phlogistica suam crustam format.

Paulo superius monui ex eo, quod conquassatus sanguis, ablata factitia  
mem-

membrana, insulam ultra non formet, non probari quod vis plastica ipsi ad-  
emta fuerit; namque coagulabatur, ut  
antea, ejus serum: en vero hic aliud  
• argumentum!

Sanguis sanus ex consuetudine mis-  
sus mense Aprili, & per pauca mi-  
nuta sibi relictus, ut modo inciperet  
tepscere, media sui parte agitabatur  
ramulo, altera conquassabatur in lage-  
na: & tamen pauca hac quiete effectum,  
ut neutra pars factitiam membranam  
dederit.

Nihilominus eodem modo, quo  
conquassatus ille sanguis, e quo magna  
membrana parata, insulas non forma-  
vit, liquidus mansit, serumque suum,  
quod parva copia in ambitu, ac super-  
ficie

ficie aderat, ægre a se dimisit. Serum hoc, ut prius, ad ignem coagulabatur.

Ergo, ut jam supra conclusi, non est Ruischiana membrana ablata, quæ sanguinem vi coeundi spoliet. Newtoniana phrasi vis contractilis globorum rubrorum, qua in mutuos nitantur contactus; qua etiam frigido in aere serum sæpe secum incarcerent, ita ut sanguis plane ficcus videatur; & qua in loco tepido serum fugent, ita ut in insulam contracti innatent eidem; illa, inquam, vis, non ablatione membranæ, sed conquassatione, perit.

An motus sanguinis in corpore vivente nimius, exagitansque, ita possit mutare sanguinem, ut globuli vix ultra cohærere queant, utque proinde erro-

res



res loci, maculas, aliaque mala, generent?

Sanguinis ex Hæmoptoico missi, sibi relictī, inque insulam concreti, ferum ramulo olivæ agitavi diu, membranam, sed frustra, inde expectans: quod enim ramulo adhærescebat, id & vix paucum, & postera die quid modo mucī esse videbatur. Serum alius sanguinis, bona insula formata, famuli ultra trihorium in lagena agitarunt; sed nil inde membranosi produxere.

Adparet igitur id quod membranam formatum esset, concreſcente in insulam sanguine, adeo intra ejus substantiam irretiri, inviscari, adunari, ut nulla agitatione deinceps educi inde possit. Si enim in sero esset, cumque sero

fero a coeunte cruore expulsum, membranam dedisset factitiam.

Cum tanta mihi feri copia quotidie adesset, varia aliorum circa illud experimenta imitari volui. Exploravi num cum spiritu vini coagularetur? Vix parum, sed aliquando leviter lactescente superficie. An cum aceto? nihil nigrescit modo. An cum Spir. Salis ammoniaci? Nequaquam. Cum Sale Rorismarini, aut cum sale volatili C. C.? Nihil minus.

Volui explorare num omni dote referret ovi albumen? Utrumque Cochleari impositum, ignique admotum, mox in scissilem abivit massam. Hucusque idem. Verum ubi albumen ovi, in fervidam aquam immissum, mox durum

rum coagulum formasset, serum sanguinis, itidem in fervidam injectum, minime cöivit, lacteum aquæ conciliavit modo colorem. Lactea hæc aqua postquam friguiisset, ad ebullitionem reducta, nil coaguli exhibuit, lacteum servavit colorem. Ut neutiquam duo hæc sibi consimilia sint omni dote; quemadmodum imprudenter quandoque pronuntiamus.

Redeamus ad contenta sanguinis. Sanguinem alium ex brachio, alium ex pede effluentem, in aquam ad 100. gradus thermometro imposito calentem, excepi. Sanguis ille observatur primo hanc aquam æquabili rubedine tingere, si jactus ejus citatus est: refrigeratæ dein aquæ innatat plurimum albescentis pel-  
lucidi, glutinosi, fugientis adtactum,  
G manu,

manu, aut cochleari vix capiundi; Hæc si brevi a Venæ sectione rem explores. Si vero per 8. 10. horas aqua illa post Venæ sectionem sine examine reponatur, revoceturque ad examen, habebit nonnunquam parum illius pel- lucidi glutinosi, sed multo solidius, co- lore fuscum, facilius capiendum.

Hoc contentum quo scirem quid es- set, pluries illud charta emporetica, linteo suffulta, percolavi: nonnunquam remansit nihil; aliquoties quid pauci, glutinosi, quod exsiccatum furfurum, griseive pulveris instar, in spiritu vini perstitit.

Materies hæc glutinosa, ex aqua ad- huc calente, mox a venæ sectione ex- cepta, & vel ramulo, aut lagena, agi- tata,



tata, iteratis experimentis, nihil unquam dedit membranosi. Si experimentum instituis longe post venæ sectionem, ubi aliquoties contenta materies solidior adparet, est tamen idem experimenti effectus.

Hæc porro solidior materies, ab ea, quæ ex calente adhuc aqua eximitur, differt in eo, quod percolata plus relinquat materiæ glutinosæ fuscæ. Hanc superstitem a percolatione materiem per horam agitavi lagena, visurus num membranam daret? Nequaquam; agitatio illa materiem modo ex fusco reddidit rubicundior.

Percolata omnium horum experimentorum aqua rubella est, & mucosi quid in fundo habet. Bidui spatio

omne id mucosum fere evanescit in aqua.

Experimenta hæc sæpius, & in Phlogistico sanguine, & in sano, capta sunt.

Gelatum ergo illud, quod in aqua calida a misso sanguine colligitur, neque materies factitiæ membranæ est, ut mox ostendi, neque etiam est crustæ phlogisticæ materia. Est enim gelatum hoc in quavis aqua, in quam calentem sanguis sive ex pede, sive ex brachio, influxerit: Saltem si esset crustæ materies, ii, quibus neque a morbo, neque a graviditate, neque a diathesi, crusta adesset, gelato carerent.

Quam inepte igitur inde concluditur Venæ sectionis institutæ urgens necessi-

cessitas! Phlegmatisque sive phlogistici, sive mucosi, abundantia!

Sanguis frigidam in aquam ex brachio impetuose insiliens, aquam lentius, pauloque aliter, tingit, quam qui in calidam: verum idem dat, quod supra, gelatum. Id porro eodem, quo prius, modo exploratum, eadem phænomena dedit.

De Crusta phlogistica in transitu nonnihil dictum, sed curatius ea mereatur examen.

Constitit 1. pleuriticæ crustas aqua pura, aqua nitrosa, penitus dissolvi.

2. Constitit, Crustam haud ab ea generari materie, quæ a calente san-

guine evaporetur ; aperto enim vase Crustæ formantur.

3. Crusta talis aliquando adest confimilis coloris, duritiei, crassitiei quolibet in vase.

4. Sæpe crusta minor ad finem ; ad finem non raro crusta major.

5. Nonnunquam sanguis initio febris acutæ, aut etiam topicæ inflammationis, missus, crusta caret: habetque eandem aut in altera, aut in tertia, aut in quarta, Venæ sectione.

6. Imo in morbis maxime inflammatoriis, in nullo sanguine, quotiescumque missus, aliquoties crusta ulla est.

7. Haud .



7. Haud insolitum, ut etiam densa adsit crusta in quovis sanguine, in quovis vasculo ; quater, quinquies, vena licet tusa.

8. Certissimis experimentis constitit, haud universaliter veram esse sententiam, qua crusta eo densior credatur, quo major sanguinis rapidiorque fluor, & contra. Vidimus haud infrequenter qui guttatim fluxisset, densiorem dare crustam eo, qui rapidius.

9. Neque certior est regula statuens magnitudinem crustæ gradatim minui, augerive. Pluries vidimus eandem densam, duramque, in vasculo primo, nullam in altero, in tertio majorem, paucam in quarto, mucosam in quinto. Uno verbo omnes possibiles crustarum transpositiones variis in ægris contemplati sumus. G 4      10.

10. Quin sæpius uno in vase sanguinem rubrum, atque compactum, sub densa duraque crusta reperimus, alio autem in vase penitus dissolutum; idque eodem in morbo, in variis venæ aperturis vario modo, citra vel ullam regulam. Una vice primum, & secundum vas, densam gerebat crustam, densumque cruorem; in reliquis omnibus vel crustam semiphlogisticam, semimucosam, vel crustam mucosam penitus, solutumque cruorem: eaque omnia sine ulla lege aut ordine decrefcentia, vel augescencia. Alia vice primus sanguis densissimus, alter dissolutissimus, tertius compactus, & sic porro. Verbo dixerim, phænomena nullum sæpe ordinem, nullam observant regulam. Imo visi sunt ægri, qui ad bonam crisin haud pervenirent, nisi primo dissolutus omnino sanguis de vena exiisset. Et

Et licet haud perpetuo, tamen non raro idem jactus, idem lumen, calor æqualis, omnia eadem. Nihilominus tanta varietas!

Quotiesne igitur perverse de sanguine crasso, eodemve soluto, ratiocinamur, commentamur? Quam infelicitè ad hæc visa attenuandi, aut increfandi, mutamus methodum! Est solutio putrida sanguinis, plena discriminis, mortis sæpe prænuntia. Est solutio quædam bona, & necessaria. Est sanguinis solutio in vase ita apparens, dum mox ante, dum ilico postea, spissus ille, & phlogisticus conspicitur, dumque quævis morbi symptomata summam denuntiant humorum spissitudinem.

II. En adhuc aliud! sanguis ex ho-

G 5

mine

mine, continua putrida febre detento, omnibus signis cruditatis ad quartum usque diem conspicuis, bis missus, hæc dedit Phænomena: Utriusque sectionis sanguis in pluribus vasis exceptus, crassa quidem tectus fuit, verum eadem dissimili, dissimilique cruore, citra vel minimum dissimilitudinis ordinem ratione vasculorum. Sumsi utriusque missionis ultimum vasculum, ad accuratius examen. Pellem supernam uno in vase cultello prudenter separavi: separata ea, mox medio prope placentæ loco deprehendimus aquam limpidam, sub eaque pelliculam aliam: hærente sic sero illo in sacco, binis firmis pelli- bus conflato. Cum infima pelle uno in latere crassa materies, flavaque, & coagulata, cohæret. Sub infima au- tem illa pellicula rubra invenitur ma-  
teries;



teries; quæ propius examinata, nil nisi rubellum pulverem aquæ inhærentem exhibet. En summam solutionem tum feri a cruore, tum cruoris globulorum a se mutuo!

Limpidum id ex sacco exceptum, in cochleari igni admotum, in scissilem massam coivit, feri veram proinde indolem testatum.

Unicum modo vas secundæ sectionis crustam vere phlogisticam gessit, densamque eandem, & æquabilem; rubram insulam pro more innatantem ferro: cætera vascula ad densum hunc, solutumve illum, propius, remotiusve, accedebant.

Pars dissoluti sanguinis, una cum  
pel-

pellicula & fero, in vase vitreo commista, agitata ad modicum ignem, in massam abiit & rubram, & tenacem.

Vasculum vero illud, quod serum in sacco gerere, & sub inferiore pelle serum cum pulvere rubro habere aiebam, charta tegebatur, & in examen sequentis diei reponebatur in mensa, quæ hinc fenestram, illinc hypocaulum moderate calidum, haberet. Hoc ipsum vas sequenti mane ad examen revocatum, exhibuit nobis densissimam, ad fundum vasis usque, Crustam.

Cernimus itaque, quomodo dissolutus ille sanguis, cum fero ac pelliculis suis, tepido loco, in crustam vere phlogisticam mutatus fuerit: sed phænomeni rationem me huc usque ignorare,  
in-

ingenuo fateor. Plura talia oportet observasse ac congesse, antequam auctim quidquam super his differere.

Si quis hisce de Crusta observatis omnibus, addat factas observationes in sanguine gravidarum, quæ, alioqui sanæ, sanguinem sibi in prophylaxin mitti curant, inque sanguine eorum, quibus ex diathesi crusta sanguinem semper tegit; fatebitur crustæ hujus aliam longe, quam olim habuerat, ideam sibi nasci. Atque hæc de crusta satis.

Circa coloris in superficie placenta mutationes pauca dicenda sunt. Sanguinem humanum qua parte aëra tangit, rubere, opposita nigrescere; viceque versa partem inferiorem nigrescentem, si invertatur, iterum rubescere,

rubefcentemque nigrescere, vulgo afferunt. Examina vero toties iterata, aliter ut loquar, me coëgerunt. Sanguis de vena effluens, exceptus lagena, ac subere, emplastroque desuper, arctissime clausus, sequenti die in superficie pulcre rubet; etiam sub fero, quod in graviore cruore insulæ superfluit: tertio die læta rubedo per pellucidum vas sæpe conspicitur ad medium penetrare cruorem: totum dein nigrescit sensim, dissolvitur, putrescit.

Sanguis vasculis exceptus, superius rubens, si serum abjicitur, & insula invertitur, ultra non rubet, sed nigrescit penitus. In graviore sanguine, fero ad tres lineas supra insulam fluitante, superficies sanguinis tam amœne rutilabat, quam ea, quæ aëra tangebatur im-

me-



mediate. Perque pellucida vascula rubedo observatur non raro totum insulæ ambitum cingere, ad majorem ejus partem, imo ad fundum usque. In genere id manifesto patuit, quod inversa insula sæpe ex nigra rubescat, sæpe maneat nigra. Ergo nulla regula firma. Ergo ratiocinia inde deducta cadunt.

Visurus quid varia sanguini affusa in eo generarent, mense Aprili, sano sanguini, ad unc. x. misso, unico vase excepto, calenti quidem, sed leviter coire inchoanti, adjeci uncias duas boni aceti vini; Alteri sanguini simili, spiritum nitri acidi, sive fortis; Tertio, spiritum salis acidum; Quarto, spiritum salis ammoniaci; Quinto, spiritum C.C. succinatum.

Acetum nunquam vel leviter lactescens reddit serum, nec coagulat; spiritalis ammoniaci nonnihil ejus superficiem lactescentem reddit, sed non coagulat serum; reliqui spiritus in firmam massam serum ducunt: sed hi tamen omnes quinque liquores mutant insulam in massam tenacem, sensim ita indurescentem, ut jam in pixide lignea, non picta, ficas illas massas, nigro carboni similes, ultra sesqui annum servem. Aceti, & Spiritus C. C., odor omnium diutissime massulis inhæsit. Unde neque hinc in Alcalinis antidotus peculiaris quærenda contra putredinem; nam & acida, & neutra, idem præstant. Præservant indurando has massas, & non peculiari contra putredinem dote.

Ex omnibus concludo 1. Necessitatem experimentorum iterandorum inevitabilem esse. Quum enim experimenta aliorum, ceu data, assumere consuecimus, iisque demum superstruere, addereque nova, pergimus; non infrequenter totum corrui, si vel minimum fuerit in prioribus erratum. Pluries, fateor, & experimentis me falsum esse, & falsa conclusisse: dumque eadem posthac sæpius repeterem, agnovisse errorem, didicisseque quam in parte experimentum claudicaret.

2. Longe exiliorem nostri vitalis Laticis nos habere notitiem, quam vulgo credamus. Præstare tamen ut vere dicamus, quid sanguis non sit; quam ut, quid sit, falso statuamus.

3. Indefessis experimentis Naturam defatigandam esse, ut suis sese de latebris prodat. Quem in finem sequenti cursu Academico tum evidentiora proferendi, tum ex prolatis argumentandi, occasio nulla negligetur.

## CAPVT VII.

### *Quædam Anatomica.*

**P**ræmittam ea, quæ cum mox prægressis quodammodo connectuntur. 1<sup>o</sup>. Homo 47. annorum in *Paraphrenitide* prorsum neglectus, quarto demum morbi die ad nos affertur. Quia omni artis ope caruerat, omniaque in morbo penitus cruda erant, ter eodem die missus ipsi sanguis fuit, semper, ubique, phlogisticus. Balnea, fomenta, enemata, potusque diluentes, attenuantes, saponacei, profuere nihil.

Ac-



Accessit pro more Rîsus Sardonicus ,  
& quinto die mors.

Diaphragma univêrsûm , maxime  
prope ejus capita , tum inflammatum  
fuit, tum hinc inde gangrænôsum. Fla-  
va , crassa , tenax materies, Pulmones  
affigebat ad membranam , quæ Costas,  
& Diaphragma , & Pericardium, am-  
bit. Solventes hanc materiem, depre-  
hendimus eam, ut ovum ovo , similem  
esse colore, ac tenacitate, Sanguini phlo-  
gistico, crustam suam formare inchoanti.

2. Comparaveram mihi cadaver se-  
ptennis puellæ, septimo *Pleuritidis* die  
extinctæ, cui, ut Cap. II. monui, Em-  
piricus in morbi principio dederat  
Emeticum, dein pulverem pleuriticum,  
&c. Ut in priori casu, ita & hic, crusta

H 2

flava,

flava, priore densior, affigebat adeo Pulmonem ad Pleuram, Jugulum, Diaphragma, Pericardium, ut ne unica quidem plaga libera superesset. Plura talia vidi in cadaveribus. Exempla apud *Hildanum* Cent. 2. Obs. 27. apud *Bonetum*, in sepulcr. Tom. I. pag. 603. 624. 626. apud *Heurnium* de morb. pect. Cap. 6. eadem innuere videntur.

Nunquid hæc crusta est transsudans, lethalibus in angustis, phlogistica sanguinis materies, per relaxata ultima vasculorum exhalantium oscula, e quibus, vigente sanitate, ros exhalat? Quod alioqui, secundis ægri rebus, forma sputorum prodit? Quale quid etiam in Gravedine mucosa narium fauciumque membrana exhibet?

An hæc eadem illa materies , quæ citra vel minimam Pulmonis aut inflammationem, aut vomicam, sputi purulenti instar excernitur; vel integro pulmone cessans, vel Hectica dispositione inducta hominem demum necans? An ideo intelligitur cur horum hominum, qui tanta in vita sputaverant, pulmo reperiatur a morte integer? *Christophori Benneti Theatrum ac Vestibulum Tabidorum* sic intelligeretur.

Ejusmodi corpora olim lustrans, reperi aliquoties idem quod *Bennetus*. Etiam casus ejusmodi hoc in Nosocomio Auditoribus demonstravi.

3. Meminere namque illi , Miserri-  
mam me fœminam huc induxisse , ut,  
in suo ineluctabili fato, quod summa,

qua erat, inopia, calamitate cresceret, hic blandius foveretur, & miro sui spectaculo nobis saltem a morte prodesset. Præter insuperabilem valetudinem, de qua postea, Phthisi pulmonali tanta laborabat, ut similem spatio 22. annorum non viderim, quæ sputa flava, subviridia, crassa, magna, aquæ falsæ ilico petentia fundum, copiosius ejiceret. Mensis spatio apud nos degens, diu noctuque, in mortem usque, sputare perrexit. Consumptos fere Pulmones suspicatus, quale quid etiam in cadaveribus observaveram, demonstravi Auditoribus Pulmonem quidem, sinistro Thoracis in cavo Pericardio adhærentem, Pleuræque: verum, ea cohæsione separata, pulmones totos, non collabentes, sed veluti fungosos; & quomodocumque examinarentur ac trans-



transcinderentur, ne vel guttulam puris, vel vomicarum vestigia, exhibentes.

4. *Hydropicum* ad nos duxerunt, ut illum curaremus Paracentesi. Quum præter Hydropem, etiam sputorum qualitate, ac quantitate, a longo die videretur Phthificus, ac plane Hecticus esse, Paracentesin negavi tuto posse fieri. Quin & quarto ab illinc die efflavit animam. In Pulmonibus ad minima frustula examinatis, ne vel minima quidem aut Vomicae, aut Puris vestigia cernere licuit. In incisa Trachæa modo quid puris repertum, quemadmodum & in foemina N. 3. descripta.

Itaque Phthiseos pulmonalis ita dictæ, aut saltem ita nobis adparentis, datur origo duplex. An hanc ob cau-

sam vulgo ajunt Pulmonem, quantumvis consumtum, omnino recrescere? Eoquod viderint eundem eorum in Cadaveribus integrum & illæsum, qui quondam vera Phthisi laborare visi, postmodum sani vixissent, vegetique?

Quum Pleuritis, Peripneumonia, Paraphrenitis, imo aliquando Febris Ardens, per sputa evacuent sese; prætereaque in *Puogenia* multa explicatu difficillima occurrant, operæ pretium foret maturo examine originem puris in genere, secundum hujusmodi observata, perpendere. Nam latet in eo quidquam non erutum satis, non satis explicatum. Plurimis experimentis & observatis indigeo antequam ausim quid certi statuere. Sed hisce suffultus, audebo deinceps *Dissertationis de pure* periculum experiri. 5.

5. *Uteri, Vaginæve prolapsus*, ut difficulter dijudicandos apud probatos Auctores, ita & propria experientia didicimus. Varia exempla se nobis obtulere; unum, quod maxime evincat, enarrabo.

Fœmina 35. annos nata, narravit nobis hanc sui historiam. Annis abhinc ferme 17. gravem farcinam humeris gestans, & in glaciem prolapsa, elabi sibi quidquam percepit ad pudenda. Id quod nunc deterius, nunc melius, demum alio simili lapsu, quarto deinde anno contingente, pessime crevit: ita quidem ut duo diversa corpora extravaginam propendentia experiretur; durum alterum ovo columbino magnitudine par, alterum & mollius, & mole minus: una cum ingenti dolore ac

murmure ab umbilico deorsum tendente, & in ipso corpore majore propendente percepto. Chirurgus triduo partes emolliens, easdem intropreffit; retropressas vero bona ligatura, aut fottu, fumoque roborante, firmare neglexit. Unde per integros quatuor annos continuo prolabebantur, ac mole augescebant. Eratque majoris corporis in fastigio foramen, os uterinum æmulans, ac menses debito tempore dimittens. Urina juxta hoc corpus effluebat, sub illo corpore minore anteriore.

Postmodum insolitum quid circa vaginam anteriorem adparuit, origine clitoride altius, ischuriam faciens. Sequitur inflammatio dolentissima, & puris dein effluxus. Urina retenta tunc vi profiliit, una cum calculo, pisum  
ma-



magnitudine æquante. Sesquialtero deinceps anno, post enormes cruciatus alterum calculum, eodem loco fixum, eduxit digitis ipsa suis.

At vero hunc ultimum calculum mox sequebatur parvus ruber tumor, ceu vesica esset, quæ quiescente illa atque calente, mollis erat; frigefcente autem ea, vel movente se, indurescebat. Dum hæc veluti vesica collapsa erat, Urinam animadvertit effluere sibi; si vero tumidior illa, ac durior erat, urinam non nisi guttatim extillare. Ma-  
orum cumulo accessit Intestini Recti prolapsus.

Hæc ipsa referente, & iterato confirmante. Examinavimus omni cum cura utrumque hunc de vulva propenden-

dentem tumorem, sæpiusque instituto examine, definire certi quidquam non potuimus. Invenimus ut illa retulerat, duo corpora elapsa vulvæ: alterum magnum crassum durum, cujus longitudinis diameter trium, latitudinis duorum cum dimidio pollicum esset: alterum minus, molle, aliquando collapsum, prope, & ut barbare dicam, immediate, ad anteriora pudendorum situm, hærensque in sinu, qui in corpore majore excavatus esset, vix pollicis diametrum habens. Ex illo sinu post hoc corpus minus, effluebat urina. Aderatque ut supra monui, in summitate ejus veluti os quoddam oblongius, quo menses semper effluxisse scemina observaverat. Hæc eadem illa, quam N. 3. dixi enormem illam puris expuisse copiam. Summi laboris fuit  
par-

partes a Gangræna præservare. Nolo-  
comii per mensem incola moritur.

In cadavere ventriculus mole in-  
gens, ad umbilicum usque descendit, in-  
deque rearsurgens Pylorum formavit.  
Cæci saccus ferme in pelvi. Intestina  
tenuia examinantium digitum ducebant,  
continuatione sua, in corpus istud ma-  
gnum, propendens de pudendis; quod  
bursæ instar Intestinorum tenuium por-  
tionem, prætereaque rubellam aquam,  
continebat.

Ligamenta falso dicta rotunda,  
Ovaria, Tubæ, Fimbriæ, Uterus, loco  
erant suo. Vesica Urinaria desideraba-  
tur. Digitus secundum interiora syn-  
chondrosteos ossium pubis ducebatur  
in cavum extra corpus, quod ipsum  
illud,

illud, quod antea corpus prolapsum minus vocabamus. Peritoneum a pondere superincumbentium, duos in faccos formabatur, quorum alter internam superficiem corporis majoris, alter minoris, succinxit. In eodem corpore majore, a parte exteriori, eademque anteriore, ac superiore, cavitas erat, quæ corpus minus, ceu sinu quodam, apte exciperet. Ureteres utrinque semidigiti amplitudinem habentes, injecto lacte visi sunt in infima illa cavitate, sive sinu, sub corpore minore, exire. In pelvi si quis peritoneum sursum traheret, corpus quidem minus illud in pelvim trahebat, sed minime locum quo ureteres exire, effluente lacte, animadversi fuerant.

Ex omnibus patuit violenta, eaque  
re-



repetita extensione, ac veluti dilaceratione partium, prolapsum, non uteri, ut patuit, sed vaginæ, natum esse. Constat ex enarratis, cum fœmina secundo prolaberetur, dolorem ingentem; validumque, ac veluti dilacerantem, strepitum, indicasse: quod vagina a sua cum vicinis, & potissimum cum Recto intestino, adhæsione divelleretur; unde & intestini ejusdem sequens posthac prolapsus facile intelligitur. Ex observatis in cadavere liquet non Vesicæ, sed Renibus, calculosam diathesin adscribendam esse; quum ex Rene tres adhuc calculos exemerimus: tamen violentam ultimi calculi educationem effecisse, ut vesicæ, ejusdemque inversæ, prolapsus integer fieret. Compressione vesicæ prolapsæ, urinæque post illam acrimonia, natum esse finum in prolapsa vagina.

gina. Vesicæ prolapsæ inversæ partem produxisse id, quod vocavimus corpus minus; portionem vero ejus majorem complicatam hæsisse in præmemorato finu corporis majoris, ut ex exeuntibus ibidem ureterum extremitatibus constat.

Erat igitur 1. Hernia intestinalis, incumbens in prolapsam vaginam. 2<sup>do</sup>. Prolapsus vesicæ urinariæ, inversæ, maximam partem collapsæ, portione parva tumentis. 3<sup>tio</sup>. Prolapsus Intestini recti.

Attamen figura prolapsi corporis rotundior, & leviter acuminata, & oris formam gerens, perque illud catamenia dimittens, prolapsum uterum perfecte mentiebatur: quale quid & in aliis

aliis pudendorum prolapsibus observavimus.

Quum nunc ejusmodi casus centies occurrant Practicis, & sæpe lites natæ, Uterine, an vaginæ prolapsus sint? non nisi, morte judice, dirimantur; præstiterit nulla bella medica fovere, sed suam cuique sententiam integram relinquere, suspendereque suam.

6. Notabilia aliquot ac plane horrenda exempla habuimus *Neglectæ Inflammationis Lumborum, Crurum, Coxarum*: quam aut Arthritidem, aut Rheumaticam Lumbaginem, Artifices salutarant: Dum pure exesi animam propemodum agerent, suscepimus illos, conspeximusque in Cadaveribus ossa femoris, vertebraeque lumborum, ab

acri pure corruptas & cariosas: imo pus sibi viam pandisse a femore, per foramen ovale secundum arteriam, venamque, ac nervum, ibidem reperiendum; pelvim implevisse; erosisse carnes secundum Lumborum vertebrae; & supra musculos dorsi, scapulasque, puris ingentia formasse pulvinaria. Unde neglectu distinctionis causarum, in harum partium affectibus, nihil calamitosius.

7. *Susceptionis Intestinorum* casum quoque adferam. Puella 10. vel 11. annorum perpetua Cephalæa laborans, vermium quoque in Intestinis latentium signa habuit. Purgantia & Antihelminthica optimus Medicus dederat, quæ alvum solverunt quidem, sed, uti nec cætera Artis auxilia, profuerunt. Expiravit. In



In Cranio Polypus inventus est, occupans sinum falciformem, quæque in illum ex Encephalo sanguinem revehant, venas. Ceciderat nempe misella quadriennis facie in lapidem, eoque ex casu nasum frontemque complanatam gessit. Hinc Cephalæa, Polypus.

In Intestino ilio duæ erant suspensiones, quarum quam maxime notanda prior. Pars superior suscipiebatur ab inferiore; suscipiens autem portio & tumidior, & inæqualiter dura erat. Percissa ea ac reclinata, suscepta portio semidigitum longa adparuit, sed cincta contortaque a quinque lumbricis teretibus. His lumbricis devolutis, portio suscepta veluti strias, a constringentibus vermibus insculptas, exhibuit; corrugataque vehementer,

videbatur multo longius extendenda, nisi in academicas demonstrationes eam ita servare animus fuisset. Vermes pollices 4. 5. longi erant.

Mira sane & portenti quid habens difformitas est, quum eruditissimus Medicus, *Leopoldus Erndl*, qui puellæ curæ ultimo tempore præfuit, mihique hæc intestina possidendi copiam fecit, Puellam ad finem usque Ileï symptomatibus immunem, alvoque gaudentem, invenerit. Videntur Intestinis convulsiones sub mortem adfuisse, indeque natæ susceptiones: vermes dein se circum hanc susceptam partem circumvolvissse.

8. Ex variis, quæ in *Calculosis* observavimus, unum seligam. Adolescens

un-

undecim annorum, a prima infantia calculi symptomata passus, ad nos adfertur. Intra paucos dies cum acerbis doloribus, ischuria, tenesmo, ac tandem apoplectico somno, convulsionibusque, moritur.

In Cadavere ventriculus tum inflammatus ita, ut hinc inde inciperet gangrænescere, tum etiam vehementer expansus. Processus vermicularis cum Funiculo spermatico dextro firmiter concretus, accretus dein tum Intestino Recto anteriori, tum Vesicæ posticæ. Rectum erat & cum processu vermiculari, & cum vesica postica, unitum. Ureter sinister unitus cum sui lateris arteria Iliaca. Vesicam inter Rectumque faccus cavus, gangræneus, nigro muco plenus repertus est.

In eumque foramen patuit ex vesica urinaria: quin ipsum Rectum foramine pertusum, quod parvum quidem rotundumque erat, ac remotum ab eo quod in vesica, & in Recti iacuum patulum. Omnia ad anum maxime inflammata. Renes monstruosæ magnitudinis ambo, at calculorum expertes: Pelves enormes duos pollices, Papillæ singulæ pollicem & ultra, digitum Ureteres, capiebant. Erantque hi ultimi & loco pulsi, & Intestinorum more convoluti, & robusta membrana cellulosa circumquaque accreti & concreti; figura convoluta discrepantes, in vesicam more solito patuli. Vesica vero tres lineas crassa parte postica perforata, Calculum oblongum, asperum, ponderis binarum fere unciarum, arctissime comprehendebat.

Ifchu-



Ischuria spuria adolescentem e medio sustulit. A longo tamen tempore hæc in Renibus, & Ureteribus, Dispositio nata videtur; Dysuria, ac Stranguria fere perpetuis, id demonstrantibus. Ad ultimum tamen quum sensim parcior urina prodiit, ureteres, pelvis, papillæque, ita videntur ab urina extensæ fuisse, ut fistulæ Bellinianæ penitus comprimerentur: utque compressi hi urinam ultra a sanguine non exciperent. Hinc sanguis mansit suo oneratus acri, & communibus Ischuria symptomatibus extinxit puerum.

An forsitan Vesicam explorans Catheter tum vesicam perforavit, tum Rectum?

Vix videtur: 1<sup>o</sup>. quia Catheter ob-

tufus. 2<sup>do</sup>. Quia immobilis hæfit, vertendi fe impos. 3<sup>tio</sup>. Quia & tres lineas crassa Vesica erat, & simul dura. 4. Quia Vesicæ foramen non respondebat ei, quod in Recto,

Quare mirari subit undenam hæc foramina? Calculus enim non habuit ibi loci, qua efficeret id, scabritiam. Forſan Calculus lim horizontali circiter fitu a Vesica comprehenſus, uno extremo ſuo paulo acuminatiore, raſit, perforavitque illam. Foramen in Recto forte a materiæ, quæ inventa in ſacco, acrimonia; & quia jam guttulæ acerrimæ urinæ ex veſica in ſaccum, atque ex ſacco in Rectum fluere poterant, ortos hinc tenesmos eſſe, podicisque inflammationem, probabile admodum.

Pa-

Patuit hinc 1. contractissima in vesica calculum difficulter indagari, Cathetere immobili reddito. Vidi id evidenter in alio puero calculoso, quem experti viri Cathetere explorantes, calculi præsentiam mihi negarent. Eadem nocte infans convulsus moritur. Die postera Chirurgus attulit mihi Vesicam, ita ad inclusum calculum corrugatam, ut vacuum nullum superesset. *Tulpius* Lib. 3. Cap. 6. simile quidem quid habet; sed unciam urinæ propemodum illa vesica capiebat, hæc ambæ nihil.

2. Lithotomiam hisce in casibus vel impossibilem esse, vel inutilem. Impossibilem quidem, quando Artifex in vesicam inducere sua nequit instrumenta: inutilem vero, quia Renum illa, ureterumque, & vesicæ degeneratio,

educto quamvis calculo , vix quid sperandum relinquit. Præterquam quod parva illa vesica, longitudine tota fere percissa , ob suam & crassitiem , & duritiem, ægerrime coalitura videretur.

3. Catheterem cum difficultate in vesicam inductum , prudentissime verti oportere , & simulac resistentia notabilis deprehenditur , re infecta , eximi: vi enim illata posse vesicam lædi. Verum iterato tertioque esse repetendum tentamen , ut patefcat utrum Catheteris immobilitas vitio proprio , perennique , vesicæ , an vero Spasmodicæ ejus contractioni , debeatur ? solent quippe viscera cava nos sæpe ludere ; inter multa exempla eo , quod La Motte habet , id demonstrante. Desperatam parturientem ipse cum alio Chirurgo de-



derelicturus, ac re infecta abiturus, ultimum adhuc parturientis tentamen instituit. Inveniunt ambo constrictissimum eousque uterum nunc adeo laxum, ut felicem partum intra semihoram expediant.

## CAPVT VIII.

### *De vi Electrica.*

**A** Menſe Decembri 1755. ad Septembrim 1756. *vigintiquatuor homines ad Macchinam Electricam noſtram adhibiti ſunt.*

1. Vir 50. annum agens, latus ſiniſtrum paralyticus factus, Menſe Aprilis anni 1755. ad nos æſtate media 1756. adductus eſt. Remedia interna ex claſſe Neuroticorum Roborantiumque petita, interpolata purgantibus, varii generis

neris frictiones, cucurbitæ alternis diebus numerosæ adplicatæ, rem equidẽm in melius verterant, non percuraverant. Ad machinam denique intra 7. septimanarum spatium convaluit integre.

2. Homo 39. annorum, post Arthritidem Paralyfi sinistri lateris cum dolore affectus, summo cum affectarum partium Marasmo, vi medicamentorum ingenti usus erat, Balneoque Badensi, ad 34. vices, citra vel minimum levamen. Bimestri spatio ad Machinam electricam sanitati integræ restitutus est, crure tamen adhuc subclaudicante; verum ob id pauculum ultra ad machinam redire recusavit.

3. Fœmina 48. annorum, ab octo retro annis ex Puerperio, in quo illam vehemens terror de occiso marito invaserat, primo pedibus resoluta; dein  
pe-

pedibus restitutis, utroque brachio paralytico, lividoque eodem, & frigido, & insensibili pene, laboravit. Trium mensium spatio ad machinam adplicata, brachia calida, agilia quamvis in partem, digitosque mobiles, habuit. Sed necdum penitus vis restituta digitis firmitus aliquid tenendi. In summa id obtinendi spe neglexit redire.

4. Puella 14. annos nata, tribus elapsis abhinc annis, achoribus, aut favis, in capite laborans, externo quopiam curatur unguento. Mox colli induruerunt glandulae, iisque restitutis tumor sub mento ingens comparuit, quem Agyrta dispulit aurea sua dicta aqua; paucisque postea diebus toto sinistro latere facta paralytica est. Per menses  $3\frac{1}{2}$  ad machinam electricam peni-

nitus convaluit, solis manus digitis necdum alacrius se moventibus: quod pauculum labore huc redeundi indignum censuit.

Notandum hic sub ipsa Machinæ operatione Achoras rediisse: hisne igitur regressis, an vi electricæ, cura adscribenda?

Utrique; sed vi Electricæ magis: Levamen quippe ingens, vel ante regressos Achoras, percepit.

5. Novem annorum puellam, cui post Variolas, Morbillosque, primo tussis frequens, deinde sputum purulentum aderat, sputumque demum plane cessabat; Chorea *S. Viti* prehendit, sinistro potissimum brachio, pedeque,



que, ac diversimoda faciei convulsio. Bimestri spatio adhibita vi electrica, pustulæ copiosæ, eæque turpiter crustosæ, brachium & crus cingunt. Interpolatis purgantibus perfecta salus rediit.

6. Puella nata 13. annos adversus eandem, sed graviolem, Choream S. *Viti*, a septem retro mensibus, varia, eaque optima, auxilia artis, incassum adhibet. Ad machinam nostram sesqui mensis spatio integre curatur; nonnullam in membris gravitatem aliquoties experta: quam floccifaciens non rediit.

7. Vir quem alebat scribundi peritia, a binis retro annis, post Arthritidem vagam, fiebat paralyticus; ita ut  
æger-

ægerrime pedibus uteretur, ultraque calamum ducere non posset, & infantis instar esset alendus. Sesqui mensis spatium ad Machinam ita convaluit, ut & bene ambulare, & victum iterum sibi calamo comparare, scriba potuerit.

8. Puellæ 14. annorum, ignota de causa, sinistra manus ingravescit, tumescit, livescit, digitique firmiter in pugnum contrahuntur, & lævum pedem *S. Viti* chorea invadit. Per mensem ad Machinam integre propemodum curata, non rediit.

9. Puella nata 12. annos, causa latente parentes, incœpit balbutire, oculos vagabunde, horrendæque versare, continuo agitare labia, terrificos motus faciei musculis exercere, nunc exere  
rere

rere linguam , nunc eandem intra os convolvere , cæterum *Choream S. Viti* artubus perfecte æmulari ; Dæmone obfessa , his de causis , credita. Cautelis primo adhibitis , quæ , num subdola fucum parentibus faceret ? manifesta- rent , ad machinam adhibebatur. Spatio septem septimanarum tam perfecte curata est , quam quæ perfectissime.

10. In morbo pectoris fœmina 23. annorum , alio in Nosocomio degens , tremore totius corporis affecta est. Datis remediis manus minus , pedes semper pessime tremuerunt. Intra 16. dies omnis ille tremor ad machinam nostram perfectissime est curatus.

*Sex* fuere homines , qui ad virtutem electricam ab initio quidquam lu-

crarentur, sed postmodum (vel quod tardius emendarentur, vel quod cum invidia expeditiorem aliorum salutem contuerentur, vel quod sui plane negligentes essent, quale ineptorum hominum genus ubique reperire est) solito rarius, demum vix, tandem non ultra, ad nos accesserint.

*Tres* fuere, qui perfecta amaurosi laborantes, etiam experiundi gratia ad machinam adhiberentur. Oculis omnes doluere. Per aliquot dies abfisterent, tumque redirent, hortatus sum. Verum aut doloris forte pertæsi, aut assueti miseriis, non redierunt.

Fuerunt unus alterve, qui initio nonnihil, deinceps nihil omnino a paralyfi emendarentur. Quippe videntur  
in



in his canales minimi ita & exsiccati, & concreti, ut eosdem vis Electrica ultra pervios efficere non possit; interea dum quosdam, minus coalitos, usui restituat.

Quidam adhuc adsunt, quorum alii lucrantur, aliorum necdum determinare sortem licet. Surdus a tenera infantia juvenis trium mensium spatio nihil adhuc lucratur; verum cum Lipsienses Eruditi curam ejusmodi post 7. mensium labores peractam narrent, pergitimus.

Problema hisce subungere liceat. Si Paralyfis, vel Chorea *S. Viti*, omnes haud afficit artus, verum alterutrum modo brachium aut crus; cur lævam potius, quam dextram corporis partem,

occupet? In recensitis decem casibus, unus modo dextri est lateris; in cæteris, hic non recensitis, plerique omnes finistrum latus sunt resoluti. Dumque adnotata mea practica revolvō, videor dudum idem observasse. Facileque crediderim, si annosior quisque Medicus præterita sua sive ex scriptis, sive ex memoria, refricet; rem quoque eandem illum deprehensurum esse. Quid causæ horum?

## C A P U T IX.

### *De Variis.*

Circa *Lithiasin* varia experimenta edimus aqua calcis, vario modo, solaque, vel & cum additis, adhibita; uva ursina; &c. Eoque alacrius, ac confidentius, hæc experimenta prosequimur, quod calculus humanus, binarum

rum ferme unciarum pondere, in aqua calcis sæpiſſime renovata, trium menſium ſpatio a me poſitus, potiore ſui parte penitus friabilis eſt factus: argumento quod Calculus humanus, eo eſt in liquore diſſolubilis, qui ab homine copioſus cum fidentia bibatur. Eſt & Endemium malum in *Austria*, *Styria*, *Croatia*, *Tirol*i, &c. ut Glandula Thymus, Parotides, cæteræque in collo, tumoribus infeſtentur maximis, & duriffimis, & pertinacibus, & non raro malignis. Horum in curam varia tentamus, videmurque profuturi, etiam in pertinaciſſimis, quæ diu varia artis molimina eluſiſſent. Verum a paucioribus experimentis necdum concludimus firmi quidquam: pluribus vero, iisdemque certiffimis, deinde gaviſi ſi fuerimus, ea cum publico communicaturi erimus.

*Mercurii sublimati* cum spiritu frumenti usum, quem ab ILLUSTRISSIMO PRÆSIDE, *una cum pluribus aliis egregiis remediis*, didici, audax laudare ac commendare ausim in Lue Venerea, in desperatissimis hujus tyrannici morbi reliquiis, ad Oculos, ad Vesicam, ad Urethram, ad Fauces, &, specie Arthritidis, aut Immobilitatis, ad Articulos. Imo ejusdem remedii diuturnus usus penitus in pluribus percuravit corneam, quæ post diras, diuturnasque, inflammationes, ex causa venerea, citrave eandem, opaca facta, nullis aliis remediis cesserat: cum hoc spiritu de nocte saltem, si de die fieri id non posset, impositis Oculo sacculis, cum floribus discutientibus, vino inco-

dis.

Sunt



Sunt plura alia , quæ certis in casibus exploramus, quarum rationem, cum nil nisi in commune bonum facimus, posthac reddituri sumus.

Unicum modo est, quod minime reticeam. *Fumus Tabaci* in Ileo, in Hernia incarcerata, summas in arte meretur laudes: verum quibus instrumentis in Intestina impellatur, ea necdum penitus satisfaciunt. Jam bina possidemus instrumenta, quorum alterum Follis fabrilis formam habeat, alterum communis ad clyfma syphonis. Hoc ultimum præstantissimum est, quod

ILLVSTRISSIMVS PRÆSES, cum optimo Physico, aptoque ad omnia Mechanico, Reverendo *Abbate Massie*, excogitavit. Utrumque suppeditat uno momento copiam fumi incredibilem, eun-

demque vi ingenti in Intestina projicit. Curam habebo ut plura ejusmodi conficiantur, ne Medici ac Chirurgi tanto invento careant. Fœminam annosam, ut & juvenem, utrosque ab incarcerationa Hernia, adversus omnia rebeli, pene enectos, hoc nostrum instrumentum mortis faucibus eripuit, intraque pauca minuta restituit sanitati.

*Infitionis variolarum effectus alia occasione communicare potero.*

De *Colica Piætonum* hic quoque nonnulla observata communicanda forent; sed hanc ipsam duodecim ab hinc annis peculiari Dissertatione aggressus, nunc iteratis plurimis experimentis & observationibus, Tractatu elaboratiore, describere conabor, in quo

quo sane & multa mutantur, addanturque plura, necesse est. Interim id præfari aufim, hoc diro in morbo Olei, pinguiumque, nunquam pœnitendum usum esse. Manifesto exemplo id didici in Fodinis Ducatus *Styriæ*. Quod Paralyfis, & Colica dicta *Pictaviensis*, magnam fossorum vim quotannis sternat, suo ingenti cum damno experti sunt Domini Fodinarum. Id quod minime miratus fui, fodinas Plumbi, Arsenici, Argentique, usque in abditissimos earundem recessus, perscrutatus. Domina Fodinæ, mihi de Fossorum morbis, ac de Colica potissimum sciscitanti, regessit, se hanc a triennio penitus ignorare, ex quo Empiricus sibi id consilii dedisset, ut Fossore *prima luce, suos auspicaturi labores, Lardum cum atro pane præsumerent.* Accessit

qui horum hominum curæ duodecim ab annis præfuerat, doctissimus Græcii Medicus *Mensurati*, hæc omnia amplo sermone confirmans.

Profecto quandoquidem Venena multa, ac Contagia, deglutiendo potius, quam inspirando, nobiscum communicantur, sicque primas vias primo infestant; jentaculum tale, difficulter digerendum, inviscandis venenatis particulis est aptissimum; Prandiumque, quod ex lardo, aut pingui carne bubula, ipsis quotidie adornatur, eundem ipsis effectum pomeridiano tempore præstat. Unde quid epotum sæpius oleum, & frequentissima Ene-mata ex oleo parata, in Colica *Piætonum* efficiant, vix nisi expertus crediderit. Estque Olei, butyri, pinguisque



que juris, cum multo pane usus, optima Prophylaxis opificibus illis, qui metallis præparandis, miscendis, adplicandis, victum quærent: ita ut nunquam vacuo cum ventriculo, sed munito similibus, suis sese accingant laboribus.

Verum, ne longus sim, manum de tabula. Enarraturus enim alioquin Operationes Chirurgicas varias, interque easdem tum graves, tum fortunatas, quas nostro in Nosocomio perfecerint, Clariss. Vir *Josephus Faus*, AVGVSTISSIMÆ Chirurgus, ac Chirurgiæ in hac Alma Universitate Professor; Doctissimus *Palluci* AVGVSTISSIMI IMPERATORIS Chirurgus; tum & expertus *Leber*, Nosocomii civici Chirurgus  
dex-

dexterrimus; has, inquam, enarraturus,  
Historiæ Nosocomii, quam brevem esse  
deceat, limites transilirem: quamobrem,  
hoc saltem tempore, hisce enar-  
randis supersedebo.

FINIS.



## O M I S S A.

**I**ncuria contigit, ut ad Caput II. Omiffa fit fententia *Felicit Plateri*, quam magnus ille Medicus 150. abhinc annis tulit de inanitate Gemmarum, Lapidum pretioforum, & Auri, in curandis morbis. *Centur. Quæst. posth.* N. 91. Et ad Cap. III. Famofiffimi *Petri Foresti* habitæ 200. abhinc annis querelæ, de aëre calidiore ægris conciliato, idque maxime *apud Germanos* ope Hypocaustorum, Vestium, Stragulorum. *Libr. VI. obs. 44.*







ANTONII DE HAEN,

CONSILIARII AVL. ET MED. PRACT. IN HAC ALMA ET ANTIQVIS-  
SIMA VNIVERSITATE PROFESSORIS PRIMARI

PARS ALTERA

RATIONIS MEDENDI

IN NOSOCOMIO PRACTICO ;

QVOD IN GRATIAM ET EMOLVMENTVM

MEDICINAE STVDIOSORVM

CONDIDIT

MARIA THERESIA,

AVGVSTISSIMA ROMANORVM

IMPERATRIX,

HVNG. BOHEM. etc. REGINA etc. etc.



---

VINDOBONAE,

Typis Ioannis Thomæ Trattner, Cæs. Regiæque Maiest.  
Aulæ Typographi & Bibliopola. MDCCLVII.



AVGVSTISSIMAE ROMANORVM  
IMPERATRICI,  
HVNGARIAE, BOHEMIAE, DALMATIAE,  
CROATIAE, SCLAVONIAE, etc. etc.  
R E G I N A E,  
ARCHIDVCI AVSTRIAE, etc. etc.  
MARIAE THERESIAE,  
D O M I N A E  
SVAE CLEMENTISSIMAE,  
ANTONIVS DE HAEN.



*Quod vultu adeo gratioso,  
quod benigna adeo ma-  
nu, primum meorum in Nosoca-  
mio laborum specimen accipere  
)( 2 digna-*

*dignata es, id animum addit, ut  
novum hoc annuæ Lucubrationis  
pensum ad pedes MAJESTATIS  
TVÆ deponere sustineam. Eoque  
id facio audentius, quod ea me spes  
alat fore, ut & hocce, haud minus  
priori, acceptum futurum sit; cum  
& materie gravius, & mole prodeat  
auctius, cumque præterea quæ ad-  
didicerimus nova, quæ vetera de-  
di-*



*didicerimus multa, cōtineat. Quod  
ubi acceptum intellexero, novo ar-  
dore, ad novos, ad majores me la-  
bores accingam, ejus perpetuo me-  
mor, quod DEO, ac MAJESTA-  
TI TVÆ, vitam, industriam, &  
omnia debeam; debeamque porro  
ultroneus. Quantum enim Divina  
se tolerant cum Humanis compara-  
ri, eam nos, Subjēti TVI, simi-*

*litudinem cum DIVINO CVLTV  
percipimus TVAM gerere servitu-  
tem, ut, cum EO nihil prius, ni-  
hil gratius, habeamus, ita & HAC  
jucundius nihil, nihil antiquius.*

Dabam 14. Novembris 1757.

# E L E N C H V S

## C A P I T V M.

### CAPVT I.

De Methodi Hippocraticæ, Sydenhamianæ, ac Boerhaavianæ, præstantia.

### CAPVT II.

De generatione puris.

### CAPVT III.

De variolis.

### CAPVT IV.

De Herniis varia.

### CAPVT V.

Nonnulla de Tympanitide & Ileo morbo.

### CAPVT VI.

De Nonnullis infortuniis nostris.

### CAPVT VII.

De Polypo.

CA-

### CAPVT VIII.

De singulari modo Respirationis, ac  
motus cordis.

### CAPVT IX.

Quædam de pulmone innatante, aut  
subfidente, in aqua.

### CAPVT X.

De supputando calore corporis humani.

### CAPVT XI.

De Vario tumorum genere.

### CAPVT XII.

De mira variorum Medicamentorum  
efficacia.

### CAPVT XIII.

De Machina Electrica.







## C A P V T I.

De Methodi *Hippocraticæ*, *Sydenhamianæ*, ac *Boerhaavianæ*  
præstantia.



D hanc Thesin probandam  
unice dicam ea, quæ in  
prima *Ratione Medendi*,

Cap. 1. 2. 3. 4. 5. adtulerim, ultimo  
nunc elapso anno academico invictis  
confirmata exemplis esse; neque ullo ar-  
gumento hucusque constitisse, quod  
*Hippocratica* doctrina aut fefellerit quem-  
quam, aut in errorem duxerit. Ad-

A

pli-

plicatione enim Regularum hujus Medicinæ Parentis, tam dubiam, quam certam, five salutem, five perniciem, five morbi unius in alium mutationem, audacter quis prædixerit. Morborum quoque seu Curatione, seu levamine, additis ad *Hippocratica* iis, quæ ferior Aetas, ad sublevandas humanas calamitates, sapienter excogitavit, frequentissime, summo nobis opitulante DEO, abundeque, lætati fuimus.

Quin etiam hanc ipsam *Hippocraticæ* Doctrinæ præstantiam variis exploraturi modis, de industria homines ejusmodi nobis in morbis acutis comparavimus, qui aut sine ullo, aut cum præpostero, auxilio, jam 6. 8. 10. 12. morbi diem numerarent. Manuducente autem *Hippocrate* Regulas Diagnosticas, Prognosticas,

sticas, Therapeuticas, hic æque certas invenimus, æque veras deprehendimus, effectu æque confirmatas contemplati sumus, quam si iisdemmet morborum principiis admoti fuissetus.

Tandem in pertractandis malignis, quos vocant, morbis, *Hippocratem*, *Sydenhamum*, *Boerhaavium*, ejusque *Illustrissimum Commentatorem*, Duces in Arte sequuti, confirmata læti conspeximus, quæ super iisdem, superiore anno, in *Ratione Medendi* animadversa, gestaque fuerant. Imo ex iisdem principiis ultra progredi ausi fuimus. Acutas quippe & putridas febres cernere licuit, quas a principio comitarentur, inque progressu non relinquerent, sive haud sedandi Vomitus, sive Dysenteria pertinax, sive uterque simul junctus affectus.

Quæ equidem aliis in locis Purgantia, & Emetica, nedum sedassent, at irritassent potius: ita ut hæ febres occiderent complures. Hos autem, favente DEO, sic brevi percuravimus, ut si magnum pulsum valida febris concomitabatur, vena tunderetur; impetus naturæ ferocior opio compesceretur; tum sequenti methodo subtile acre involve retur, nudaque, villosa dicta, Ventriculi ac Intestinorum membrana investiretur, munireturque; nempe oleo lini, cum tantillo opii hausto; enematis meri olei lini tepide injectis; de doctis largis totius Althææ, Malvæ, Parietariæ, Mercurialis, citra sal, citra mel, exhibitis; tum denique emollientibus sive fomentis, sive cataplasmatibus, ventri universo, Epigastrioque, admotis. Horum nimirum ope com-  
pescere-



pescebantur symptomata, & vel febris sponte mitescebat, vel facilem sui curam admittebat.

Igitur cari mei Auditores ea occasione mecum animadverterunt 1<sup>mo</sup> Emetica tunc pulcerrimas edere curas, quando putrida bilis, suis signis conspicua, hos tumultus crearet: expellere namque illa tum sursum, tum etiam passim deorsum, morbi causam; datisque deinde mox paregoricis, reliquum morbum & tranquillius tolerari, & curari facilius: eandemque ob causam & purgantia auxiliari.

Didicere 2<sup>do</sup> eadem ipsissima haud raro dari in morbis symptomata, cum stimulus vix perceptibilis, vix definendus, (cujusmodi v. g. venenum vario-

losum est) in ventriculo hærens, assidua irritatione evacuationes producat, hærentis non modo in Ventriculo, & Intestinis, materiæ, sed etiam copiosi illius, qui internos horum Viscerum parietes inungat, defendatque, Muci, & adpellentium in ea aliunde humorum: in variolis folere hoc virus cum earum eruptione Ventriculum deferere, in morbis vero malignis aliis sæpius perennare.

Perperam proinde materiæ morbosæ copiam ab excretorum copia quis concluderit. Nunquid enim oculo inerant copiosi illi humores, quos rivi instar, illapso sabulo, effluere cernas? An dentienti infanti fluvius humorum in ore præsto fuerit, quos, dente irritante gingivas, cernere datur? Ubique sane at vicinia, imo toto de corpore, hu-

humores affluunt, ad acre, ad peregrinum quodque, ad quidvis insolitum, alicubi stimulans, abigendum; ita ut hac sola de causa possit integrum corpus liquidis exhauriri suis: hanc qui noverrit irritationem sedare, aut solida, nervosque, ita disponere, ut affici nequeant, is aut integrum morbum, aut stimuli sustulit effectum. Ergo opium irritabilitatem demit nervis; nudatos nervos oleosa obliniunt, acria inviscant. Qui vero emeticis hic, aut purgantibus, malum fatagit oppugnare, is auget nervorum irritamenta, ac nudam tunicam villosam acriter, & crudeliter, vellendo, eo forsan totius corporis liquida advocat, viresque exhaurit vitales. Unde evidenter nobis hac occasione ratio constabat, quæ ingentem Sydenhamum docuisset, quibusdam *Cholera mor-*

*bum* provocato vomitu curari, aliis indubiam mortem inferri: ejusdem igitur natura morbi variam haud raro curam requiri. Quæ vero alia circa *Malignos morbos* observavimus, in sequentibus sparsim reperientur.

## C A P V T II.

### *De generatione puris.*

**P***rioris Dissertationis* Cap. 7. varia observata enarravi, quibus evidenter evictum, quod pus quidem multis in morbis in Abscessu, seu vomica dicta, locetur, coacervetur, diversisque exeat de Corporis plagis: multoties vero purulenta materies copiose, diuque, de Corpore exeat, quamvis nullis ullibi receptaculis recondideretur. Innueram ibidem me de *puris ortu* quondam non-nihil



nihil edisserere ausurum, modo plura exactius observandi facultatem Nosocomium suppeditaret. Quum igitur suppeditaverit, fidem datam liberabo.

Consilium petiturus ad me accessit 34. annorum homo, qui in dextro ossis sacri latere mollem, fluctuantemque tumorem, jam a quatuor ab illinc mensibus gereret, ex causa minus certo determinanda. Dubium enim erat, utrum Diathesi pulmonum purulentæ, se sputis evacuanti, metastaticeque huc delatæ, originem deberet, an vero casui ab alto, quo, paulo antequam tumor adparuerat, lumbis in terram cecidisset. Prognosis utroque funesta in casu: si enim a posteriore causa; quinque casus jam docuerant nos, prius acrimonia puris & ossa, & ligamenta,

erosa fuisse, quam materies exitum foras moliretur: si autem a priore; corpus nimis cachecticum erat, quam ut ex depositione ejusmodi materiæ purulentæ salutem præfagiremus, licet tamen felix unus extaret, alterve, casus. Alterutra porro causa obtineret, loci indicabatur apertura, parva saltem, ut malum palliaretur, vitæque labens utcumque protraheretur. Aperto tumore, pus crassum exivit, impense flavum, idque per 13. continuos dies.

Sed enimvero, quinto die post aperturam factam, alium nobis tumorem exhibet in supremo dextro Thorace, mollem omnino, plenumque, ut videbatur, pure; quem ipsum, jam ante sex dies natum, celaverat. Quum in sequentem diem apertura decreta esset, dispa-

disparuerat tumor, & colliquans Diarrhæa, cum sputo tamen purulento pergente, successerat. Diagnofis jam evidentior, ad Diathesin purulentam potius, quam ad casum ab alto, mali referendam originem esse. Diarrhæam hanc nulla artis molimina compescere integre potuere. Dein die XI. recrevit tumor, leviterque apertus, pus saniosum per quatuor dies fudit: quo toto tempore appetivit, ambulavit per ædes, bonoque animo fuit. Subito tandem voce cepit deficere, adpetitu carere, sub vesperam laboriosissime respirare, frigescere totus. Marmoreum frigus omnium extremorum 24. horis perseveravit, ne minimo quidem pulsu, per totum hoc tempus, unquam percipiendo. Adhibitum tamen eo die pluries thermometer, gradus 97. notavit. De hoc

hoc phænomeno deinceps cap. 9. Artus interim, corpusque totum, quamcumque in partem aut vellet, aut rogaretur, apte flexit; bona mente paucis exceptis minutis valuit, & 15. die a prima apertura obiit.

Integumentis Thoracis prudenter ablati, sinus eo in loco adparuit, in quo tumor fuerat. Stylus caute immissus hinc versus axillam, illinc ad colli vertebrae, iter ostendit; sed prudentissime quancumque in partem agitatus, cavum thoracem ingressus non est. Thorace prudenter aperto, pulmones inventi sunt toti ab omni concretionem liberrimi, colore livescentes: dexter modo, lobo superiore suo, cum ea pleurae regione junctus, in qua descriptus mox sinus penetraverat. Igitur sinus per erosam pleu-



pleuram in ipsam lobi superioris substantiam abiverat; sed margines sinus in pulmone tam arcte, toto suo ambitu, cum pleura coiverant, ut aër externus sinum quidem intrare, in cavum vero thoracis minime penetrare posset. Exesa autem pulmonis substantia, faccum cavum repræsentabat; nullis faccis lateralibus, nullis vomicis, tum ibi, tum per reliquos pulmones, reperiundis.

Abscessus alius 8. 9. 10. vertebram thoracis, nec non costarum tegebat principia, nihil omnino cum pulmone communicans. Pauca in eo contenta materies vertebra leviter cariosas reddiderat; qualem cariem & vertebra ultima colli, primaque thoracis, contraxerant. Os sacrum erosum, cariosum  
omne;

omne; stylusque aperturæ ulceris a principio inductus, ultra spithamæ longitudinem adscendit, & sine ulla resistentia ipsum specum vertebrarum intravit. Porro nulla detegi potuit, hos tres abscessus inter, communicatio.

En iterum pus, tum ore excretum, tum supremo pulmonis dextri lobo, prodeuns, copiosum, diuturnum; nullo detecto ejus in pulmone domicilio: cujusmodi exempla plura, superiore anno adtuli. Horum omnium occasione en quæ de puogenia cogitem!

Communis sententia fert pus prægressa semper inflammatione generari. Inflammationem namque in abscessum verti, dum inflammatus sanguis in finibus vasorum stagnans, & tamen a ter-

go pulsus, suorum vasorum extrema solvit, inque albam cum iisdem vertitur pulsem. Hanc ob rem & in diuturna puris excretionem oportere ingentem reperiri substantiæ consumptionem: id quod multa etiam exempla confirmant.

Attamen neque in casu enarrato, neque in tot aliis superiore anno communicatis, hæc ita inveniuntur. In multis nulla prægressa inflammatio est; in non paucis nulla substantiæ inventa est consumptio. Unde cum vulgaris sententia partem suppurationis duntaxat, non integram, complectitur; alia puris est nobis quærenda origo, quæ forte rem totam complectatur. Si igitur in Phthisi v. g. pulmonali pus copiosum, diuturno tempore, ore excernatur, nec apta post mortem, qua genitum, locatum-

tumque fuerit, sedes inveniatur, necesse est illud ab ipso sanguine, immediate secretum fuisse, cum aliud nihil, quod cum pulmone communicet, assignari possit.

Attamen nil puri simile sæpeprehendimus in horum hominum denatorum sanguine, vasis contento. Rubicundus enim plus minus reperitur ille, ac nonnihil coagulatus; an in eo saltem non oporteret quidquam materiæ albæ, flavæque, ac crassioris, reperiri?

Resp. 1<sup>mo</sup>. Sanguis eorundem hominum, dum aliquando de vena mitteretur, liquor ruber, homogeneous, adparebat; qui tamen stagnando extravasa corporis crustam phlogisticam, eamque densam, formaret. Ergo materies,  
cru-



crustam formatura, in sanguine antea adfuerat, sed minime conspiciunda.

Resp. 2<sup>do</sup>. In sanguine sanissimi hominis, in quo, ex naturali Diathesi, nulla phlogistica dispositio, minime deteguntur principia crassioris ac flocculentæ membranæ, *Ruischianæ* dictæ, quam inde tamen agitatio postmodum & conquassatio educit.

Resp. 3<sup>tio</sup>. Sæpenumero etiam in cadaveribus invenienda est materies eadem, quæ pus formare videtur; albidam, subflavam, compactam, polyposam; quam eandem alii circa mortem generent, alii ad vitalia vasa per annos gerant.

Resp. 4<sup>to</sup>. Non detegitur mortuorum in cruore materies, quæ tamen

B

pau-

paulo ante in eodem præsens esse debuerit, quæque sub mortem extremis vasculorum osculis transsudans, circum viscera omnia, vitalia, naturalia, animalia, crustas densas, lardoque similes, formet. Cujusmodi *Heurnius* toties invenisse se scribit, nosque in Nosocomio pluries jam demonstratas vidimus, ad totos quantos Pulmones, Pleuram, Diaphragma, Pericardium; ad Hepar, & Intestina; imo in dimidii cranii lethali fissura ad Medullam oblongatam, ad Cerebrum externum, Cerebellumque, & in cerebri Ventriculis anterioribus. Unde in omnibus hisce casibus suspicari licebit, hanc materiem vel sanguine valide concusso manifestam fieri; vel quieti, aërique, commisso: sed de his postea latius.

Unde

Unde licet in sanguine omnia adpareant homogenea, constat tamen quidquam eidem inesse, quod collectum adpareat esse tenax, albidumve, aut subflavum, quodque puris adpellari materia debeat. Quæ porro materies, ut cito sæpe a sanguine separatur, ita non perraro multis in Phthificis, mensium annorumque spatio, pedetentim feceritur. Exempli superiore anno enarrata, ipsaque præsens historia, id innuere videntur. Sed en adhuc aliam!

Decima Junii præsentis anni ad me homo accessit, quem principio anni tussis vexaverat immanis, violenta, diuturna; ut firmorum fane laterum, qui eam sustinuerit, esse debeat. Ex quo vero collo tumere cœpit, tussis contigit moderamen: imo vix ultra exauditur,

ex quo tumores magni, iique plures, in Collo, superioreque Thorace, partim natura, partim arte aperti, pus bonum, coctum, copiosum, effuderint: ita quidem ut primo mense hominis vestes pure madescerent, & etiamnum, quarto mense, pus continuo abundanterque manet; interea dum homo adpareat optima frui sanitate. Huic pulmone olim ejecta materies nunc externis eliminatur abscessibus; poteritque sic omni discrimine homo demum eripi, ut pluribus exemplis, horum similibus, didici.

*Furunculi* nonnunquam in his, qui a variolis convalescunt, conspiciundi, qui teste *Mead*, in insitivis variolis, quam in naturalibus, frequentiores sunt, non fiunt prægressa inflammatione, nisi  
fo-



folius tensæ, a materia, cutis; sed tumor unica die nascitur, augetur, & apertus incipit nonnunquam eodem illo die pus fundere.

Quotiesne dantur *Anginæ*, *Parasynanchæ*, altero morbi die jam pus exsurgentes? Et *Christophori Benneti*, in *Theat. ac Vestib. Tabidorum*, observationes, quotidianis confirmatæ exemplis, quid aliud docent?

Ex quibus cunctis colligimus in sanguine nostro dispositionem dari, qua materia, quæ, postquam collecta fuerit, phlogistica purulentave vocatur, a reliquis sanguinis principiis segregetur, viisque variis de corpore expellatur, sine intermedio sacco, in quo alias, postquam a sanguine producta est,

moram trahere solet, antequam expellatur.

Eruditissimus *De Sauvages*, Monspel. Prof. *Libr. de inflam.* ubi circa puris & crustæ inflammatoriæ generationem quædam profert, quæ experimenta mea, super sanguine humano facta, (*Rat. med.* 1756. cap. 6.) admittere me ventant; tamen §. 87. multum inclinatur in eam, quam hic trado, explicationem, subjungitque: " *Et ce qui produit la* „ *coëne, pourroit fort bien produire du* „ *Pus.*

Causas nunc indagare juvat, quæ ejusmodi materiem in sanguine generent: has sane invenimus multiplices.

Prima causa est frigus corpore ex-  
æstuan-

æstuante susceptum. Homo egregie sudans, gelidam aquam affatim haurit, aut quo loco eum ventus amoenus recreat, aliquantisper sedet. Impune forte hoc decies tulit. Jam vero illico post horrores experitur, & lassitudines, tum nauseam, vomitum, cephalalgiam, febrem. Missus altero die sanguis deponit crustam, quæ vel singulo in vase æqualis, vel in variis vasis varia sit. Si mox Pleuritis, aut Peripneumonia, se comitem jungit, solvetur forte morbus cocta, purulenta materie, sive ore, sive alvo, sive urinis, excernenda; aut etiam purulentis eliminanda tumoribus.

2<sup>do</sup>. Plethoricus homo aut motu nimio suum sanguinem rarefacit, aut valida ira, aut pergræcatione. Materies alba, flava, spissa, ejus in sanguine,

primo, altero, tertio die, misso, adparet; itidemque, si morbus critice solvitur, in excretis.

3<sup>to</sup>. Acrimonia Venerea, ut in Teste venereo adparet, Acrimonia Arthritica, Rheumatica, si de locis, in quos desævire solebat, retroagatur in sanguinem, virus quoque Variolosum, Morbillosum, Scarlatinum, intra sanguinem susceptum; omnia hæc frequenter materiem talem misso in sanguine exhibent.

4. *Benneti* observata docent opiparis in dapibus, in vitæ, otiique mollioris, plena beatitudine, sanguinem observari similem, diuturnoque tempore hujusmodi materiem sputorum forma ejici, citra ullas inventas a morte vomicas.

5. Sed



5. Sed & contingit *Benneti* observatum locum habere in his, infimæ qui fortis sint, quibus minime liceat adeo lautis, adeo otiosis, esse.

6. Fœminis sanguis passim laxior, & a crusta formanda alienior, plerumque talem materiem in iisdem gravidis pro crusta habet, & non raro, si hæ fœminæ negligantur, viam ad Phthisin sternit.

7. Diathesis demum naturalis quorundam in sanguine semper hanc materiem exhibet.

Constat ergo septuplex hucusque causa, ejusmodi in nobis materiæ genetrix. Utinam simul constaret quæ arcana lege dictæ causæ hanc materiem

producant ! In hisce tenebris aliquid conjectura periclitandum est.

I<sup>mo</sup>. Frigus calente corpore susceptum, solida arctat, fluida densat. Nunquid hac arctatione & densatione hæc materies de reliquis cruoris elementis exprimitur ? adunatur ?

2. Plethoricus causam morbi futuri præparantem invenit in suo abundante sanguine : irascatur nunc, peregrinetur, pergræcetur ! causa excitans ad præparantem adplicata, una cum eadem, post horrores intensissimam generat febrem. Rarefactio sanguinis ; vasorumque, nato eo frigore, arctatio ; eundem videntur, qui mox descriptus, effectum producere.

3. Acri-

3. Acrimoniae, & Contagia varia, mox excitato horrore stringunt vasa, humores autem vehementer rarefaciunt. Nonne hinc effectus iidem, ast longe violentiores? Ita quidem ut in debili Podagrico, in virgine Chlorotica, sanguinem phlogisticum producant. Alio exemplo, in polypis explicandis, hæc confirmare conabor.

4. Mensa opipara hominis sanissimi, sed otio diffluentis, auget, rarefacitque sanguinem. Hinc sensim in eo id nascitur, quod mox in Plethorico irato contemplabamur. Verum quomodo idem pedetentim nascitur his, quibus tenuis mensa? videtur illis, quæ No. 7. descripta, Diathesis adesse naturalis.

Genus variolarum quoddam huc referam

feram necesse est. *Forestus*, *Drelincurtius*, omnesque demum *Practici*, natas veras Variolas viderunt pluries, citra ulla febris indicia, five tempore contagii, five eruptionis, five etiam nonnunquam maturationis. Pluries præterea viderunt Variolas tum expulſas, tum maturas, adeo modica cum febri-cula, ut nulla eidem tribui inflammatio poſſit. Attamen genuinum pus, idque ſæpe copioſum, hic gignitur. Obſervaturque idem & in Diſcretis, & in miſto genere, & aliquoties in benignis confluentibus. Porro videtur in illis virus adeo aut parcum, aut debile eſſe, aut adeo parum illorum corpora ab hoc miaſmate irritabilia, ut idem virus blande admodum, lenteque, phlogiſticam materiem cogat, adunetque, in ſanguine. Ita ut homo ſola variolarum eruptione-



ptione se iisdem laborare cognoscat. Primo sanguinis tenuior portio stigmata pro more facit, serum accedens cum sanguine pustulas auget: purulenta interim materies bonis vitæ viribus, tertio quartove ab eruptione die locum occupat, sive versus latera fugando, qui aderat, liquorem, sive eum secum miscendo, & sensim per cutis poros eliminando. Nisi quis credere malit, quod materia in pus vertenda, tribus quatuorve diebus indigeat, antequam in pus, mora contracta, vertatur. Sed lentius papularum incrementum hanc opinionem minus adprobat; nam illæ minuerentur hac ratione potius, quam augescerent. Sed utramvis opinionem amplecteris, rem totam tam blande, tranquilleque, Natura operatur, ut vix levem excitet ægritudinis perceptionem.

5. Gravidarum vero sanguis, crassam qui adeo densam formet, communi lege vix explicabo. Equidem gravidis, arbitrabitur quis, major adest, quam assolet, sanguinis copia; cum primo tempore non videatur fœtus catameniorum materiem absumere; unde hinc cruorem comprimi, & albam, flavam, materiem, a reliquis ejusdem principiis segregari, coadunarique, possibile credet: verum hanc plethoræ ideam mox tollit consideratio necessitatis superflui sanguinis, quo uterus, ut magnitudine, ita & crassitie, crescat. Præterea hanc causam expungit contemplatio nonnullarum fœminarum, quæ neque pubertatis, neque conjugii tempore, unquam menstruantes, iisdem nihilominus incommodis, dum gravidæ sunt, quibus pleræque aliæ fœmi-

minæ gravidæ, subjaceant; ut elapso hoc anno in Nosocomio claro exemplo constitit. Deinde complures fœminæ patiuntur eadem symptomata, quæ plethoræ adscribi consueverè, antequam prima vice menses retardent; ita ut iterato experimento hæ norint, antequam menses deficere incipiant, se utero gestare.

An ergo præter datas causas adhuc aliquid *ἄγνωστον*, ad talem sanguinem producendum, concurrit? Imo si quis statueret, in Plethora, in suscepto frigore, in variolis, quidpiam ignotum humores latenter afficere, sive id aër gignat, sive contagium, sive stupenda mutatio, quam animi affectus creant, multis profecto non obluctabor, cum semper eadem conclusio maneat: sufficit

cit a causa quacumque sic sanguinem mutari.

Sed contra: Pus alia longe ratione confici Vulnera demonstrare videntur, adeoque quæ huc usque dicta sunt Puogeniam minime illustrare. Id an verum periculum faciam!

Apte id, concinneque, ut fiat, juvat ordinem sequi, quem in describendo Vulnere *Boerbaave* observat, adjectis consummatissimis *Illustrissimi nostri Præsidis, Liberi Baronis van Swieten*, Commentariis. Vulnus sumatur corpori, antea per omnia sano, uno cultri ictu inflictum: ea lege, ut arteriæ principes, muscoli, tendines, nervi, ossa, læsa non fint.

In



In ejusmodi vulnere 1<sup>mo</sup>. sanguis mox undatim exsilit, sensim de suo demittens impetu, tandemque cessans. Vasa enim arteriosa abscissa paulatim se contrahunt, & inter carnes, aut pinguedinem retracta, sibi met ipsa obturaculo sunt.

2. Ita tamen, ut stillicidium sanguinis ad labia vulneris observetur, crustam, qua labia tegantur, formans.

3. Lympha interim tenuis transsudat, sed minime phlogistica: quantumvis enim in vulnere moratur, nunquam spissescit.

4. Die tertio, aut quarto, labia vulneris tumere, ac retroflecti, inchoant.

C

5. Quo

5. Quo ipso tempore febris toto corpore percipitur, rubra cum urina, & reliquis febrium symptomatibus. Oritur autem ille tumor, quod abscissi vasorum fines, nunc contracti, nihil transmittant, & sanguis nihilominus a tergo in eadem impellatur. Hinc pars mole augeatur necesse est. Præprimis vero adiposa membrana tumet, diviso, quo tegebatur, cutis repagulo; unde & circum percissæ cutis margines panniculus adiposus circumflectitur.

6. Post hanc febrim, calorem, pulsationem, tumorem, pus demum prodit. Quo circa advertendum id, quod in crebrius deligato vulnere desit, ejusque loco tenuis duntaxat liquor adpareat; quo præsentē non coalescit vulnus unquam: quodque pus crassum adpareat,

reat, si iusto tempore pro natura vulneris deligatio fit.

7. Crasso itaque pure abundanter prodeunte, labia sensim concidunt, febrisque, pulsatio, calor, decrescunt.

8. A toto vulneris ambitu lente propullulant corpuscula alba, sive potius eminentia vasorum extrema, microscopio pulcre contuenda. Hinc dicitur caro nasci. Quippe ex omni vulneris plaga prodeunt, & vulneris, quod retractis labiis hiaverat, explent cavum. Et albida quamvis, rubra nihilominus productione illud explent, quum omnia in hoc loco rubro sanguine a corde pulso vehementer turgeant. Necesse autem hoc erat; cum vis cordis, articularumque, seu Vita ipsa, ingenita sibi

efficacia, hiatum ita complere deberet, ut contingentibus sese extremis undique vasculorum oris, circulatio per vulneratam partem restitueretur.

9. Tandem vasculis omni ex parte unitis, cessat pus, & fit cicatrix. Si pinguetudo multum consumpta haud fuerit, suppurationis tempore, sed manserit ferme ejusdem, quam antea, mollis, bona cicatrix formatur: si vero consumpta prorsum, fœda cicatrix fit, & cute ad musculos affixa, motus impedimentum.

Hæc in genere contemplati, revocemus in memoriam, quod quovis inflammatorio in morbo, enarratis de causis, sanguis phlogisticam diathesin inducat. Hac in sanguine producta, examinandum nunc quid inde fiat.

In-



Inflammatoria materies vel ipso in affecto primum loco sistitur, vel transit inde ad alia viscera, vel demum per destinatas eo vias evacuatur. Ponatur nunc inflammatorie spissus sanguis per multos arteriæ pulmonalis fines transire non posse, finibus iisdem aere frigidiore simul constrictis. Peripneumoniam natam intelligimus, modo vis cordis a tergo urgeat. Porro in hujus Peripneumonix initio, augmentoque, tenuia sputa prodire consuecunt, aquosa prorsum, glutine mista levi, lineisque sanguineis notata. Crudam materiem vocant. Serosum hoc sputum morbum non curat, copiose quamvis ejectum. Vi enim tussiendo cum paucis globulis sanguineis expressum est, & inflammata densitas, multa ejus excretionem, augetur; quodque glutinosum gerit, id

vi a superficie aërea pulmonis abratum fuit. Quandiu nil aliud prodit, morbi est cruditas, curatio nulla, magnum vitæ discrimen. Sed tertia aut quarta die lineæ rubræ deficiunt, sputa spissiora, utcumque puriformia, flava primo, dein subalbida, prodeunt, & pergentia ita reddi, perfecte judicant morbum.

Nonne hic cum vulnere consimilia multa? Extillante de vulnere lymphæ, nulla curatio: idem in Peripneumonia. Utrumque tantum symptomaticum est.

In vulnere ad diem 3. 4. tumore ac pulsatione auctis, pus verum prodire incipit; sed simul pure factò, beneque prodeunte, febris, tumor, pulsatio, dolor, minuuntur. Ita Peripneu-

pneumonia creverat febre, & reliquis symptomatibus, donec ad 3. vel 4. diem puriformis exspueretur materies, & omnia tandem symptomata mitigarentur.

Si, quo tempore pus inceperit vulneri inesse, illud frequentius deligaveris, pus bonum consolidans ultra non habes, sed tenue modo quidquam; quo fluente, nulla consolidatio. Quietem agat oportet illa materies, ut spiffescat, vulnusque percuret. An non in peripneumonia idem fere? si, primo cocto sputo adparente, tussis perennis pulmonem quatiat, cocta materies ultra non prodit, sed tenuior tantummodo, & acrior, & delassans, non solvens morbum unquam. Blandum somnum aut ars produxerit, aut natura! En mox

spuma crassa, colore, consistentia, levamine, optima. Ratio hæc videtur esse: Exsudat Lympha ex abscissis vasis vulneris assiduo: manenteque eo in vulnere, extremæ arteriolæ emolliuntur; ut sic, & vi vitæ a tergo pellen- te, & ablata emolliendo resistentia in vulnere, id phlogisticum fundant, quod, mistum cum lymphæ præsentis, pus bonum referat. In peripneumonia frequens, violentaque tussis, exprimit ex vasis roriferis, ipsisque vasis phlogistico infarctis, Lympham: ita ut materia inflammatoria hinc spissior reddita, inepta reddatur, quæ per oscula sua dilatata in cavum aëreum exeat pulmonis. At vero quiete inducta, tum Lympham suam retinet materies inflammata, tum Lympha retenta omnia emolliuntur, dilatantur, phlogisticum crassum ipsa hac  
quie-



quiete & tepore coquitur; quo demum omnia ita aptentur, ut bona materies excernatur.

Contingit tamen sæpe, ut oscula hæc in peripneumonia haud dilatentur sufficienter. Unde cocta materies ex arteriis pulmonalibus in venas fertur, duciturque bonis corporis viribus aut ad arterias Mesentericas ambas, aut ad Renales, aut etiam ad varias glandulas, ut harum ope de corpore eliminetur. Nonne hic, quod in transitu moneam, facile capimus, quomodo Pleuritis se evacuet per sputa e pulmone? Ut Peripneumonia per arterias mesentericas, ita per pulmonicas Pleuritis.

Sin vero neque per angustias arteriæ pulmonalis elabendi nanciscatur fa-

cultatem, colligitur, vasa sua, adventante nova materie, dilatat, inque faccos distendit, ut toties in Hydatidibus videmus; vel rumpit eadem, ita ut effundatur materies in cellulofum id, quod vesiculis interjacet. Hæc nunc Vomicarum origo; quæ quidem rum-  
pi vi tussis vel in cava pectoris possunt, vel in cavum aereum pulmonis: imo contingit etiam easdem non rum-  
pi, sed extendi incredibiliter, materiemque in iis contentam continuo cum sanguine misceri; unde Hæcticæ febres, Empyemata, Tussis purulentæ, intelliguntur. Si bona fortuna abscessus in cavum aereum perrumpitur, & materies brevi tempore tota ejicitur, continuatave excretionem de pulmone expellitur; tunc, modo bonæ vitæ vires adsint, crescantque, & sanguis sit purus, rediviva sa-  
lus

lus est. At vero si cum tanta per pulmones excretionē, sanguis diathesin phlogisticam servat, mori demum hominem, ut in *Bennetianis* est, oportebit.

Hæc nunc demum illa sanguinis dispositio est, qua sub vitæ terminum crustæ flavæ viscerum superficiei circumnascantur; de qua re superius actum. Nec acutis modo qui intereunt morbis eam crustam soli habent, verum & qui lentis. Vidi olim id pluries, & anno 1756. mense Decembri idem demonstravi publice in Nosocomio post chronicum morbum. Nihil hic miri. In media Chlorosi virus variolosum novit pleuriticum cruorem fabricare. Ipsi polypi ita generantur, ut post dicam.

An non phænomena, hisce consimilia

lia, vulnera dant? Adparet ita. Neque enim ulla ratione videntur vasa abscissa, cum contento in extremis eorum phlogistico, tam copiosæ materiæ, integras per septimanas generandæ, sufficere. Dispositionem inflammatoriam Febris illa, quam 3. aut 4. die, notabiliore in vulnere, accensam percepimus, sanguini conciliat; videturque ipsissima illa diathesis vi cordis per locum vulneris minus resistantem, ut exeat, determinari: quippe Clinice docet nos quotidie, materiem in humoribus alienam eo locorum allici, quo Medici resistantiam minuerint.

Sane id ita credamus multa in vulneratis suadent. Copia puris nonnunquam adeo enormis ex vulnere amputatæ Mammæ, Cruris, Brachii, prodit,  
ut



ut homines pereant defectu virium; dum interim vulnus ne centesimam quidem puris partem suppeditare queat: aliunde ergo pus adferatur necesse est.

Quid quod in rerum natura existant, quæ suoapte genio hanc sanguini ingenerent diathesin? Hæc inter annumerare cogor *Bellam Donam Tournefortii*, *Atropam Linnæi*, *Solanum furiosum*, *Solanum maniacum*, Στρυχνον μελανοκέρασον. Hortatu, & exemplo, celebrium in arte Virorum, dedi, exacte secundum datam formulam, infusam hanc herbam quatuor fœminis; quæ aut Scirrho, aut Cancro, aut Carcinomate maligno, laborarent. Præter dolorum augmentum, præter vertigines & ἀμβλυωπίαν, per aliquot ab assumpto remedio horas quotidie toleratas, qui tecti Scirrhi, aut Can-

Cancri fuerant, sponte aperiebantur, pusque bonum fundebant; Cancri vero qui antea aperti fuerant, pro ichore copiosum pus dederunt. Spem utique hoc in principio fecit. At vero prodit demum puris copia tanta, ut per pavementum deflueret, ne quidem repagulis ex stupa Mammæ circumpositis coercenda; ut demum pene extinguerentur duæ fœminæ; Cancro interim æque maligno conspecto. Binæ vero aliæ, quod breviori temporis spatium infusa hac herba uterentur, minus male ab eadem multatæ fuere; sed perinde ac priores duæ, nullam Cancri emendationem adeptæ.

Sed si res ita, ut dixi, se habet, cur parva vulnera aliquando sine febre inflammatoria, & sine ejusmodi medica-  
men-

mentis, bonum pus, copiosumque, præbent? Dantur topicæ febres, ita ut pulsus febrilis modo affecta in parte sit, reliquo autem in corpore plane naturalis. Novum pus sic potest quotidie in vulnere generari. Tumorem, dolorem, calorem, pulsationem, toties in digiti abscessu formando experimur, reliquo corpore prorsum febre immunes. Vide comm. *III. Præsidis* in aph. *Boerh.* cap. de febr. in gen.

Sed cur nonnullis in Anginis, aliquoties in inflammatione pectoris, nonnunquam & in vulneribus, altera jam die pus adparet? Vel his naturalis est ejusmodi in cruore Diathesis, ut supra constitit; vel, antequam topicum malum nasceretur, febris jam adfuerat. Homines sæpe tribus, quatuor, pluribus-

ve

ve diebus febre laboravere, antequam Angina formaretur.

### C A P V T III.

#### *De variolis.*

**Q**uum in Quæstionibus super *inoculatione Variolarum* nuperrime editis, methodum quandam præ cæteris laudarem, eam publici quoque juris redderem rogatus sum: oportune ergo hic methodum meam & olim, & etiam hic in Nosocomio, adhibitam, libens communicabo.

Ab initio igitur manifestantis se contagii Methodus inflammatoria per omnem modum instituitur. Vena sanguis missus vix gerit in principio crustam. Emeticis usus numquam fui: tum quod illa in Vomitum propensio, non magis Emetico,



tico, quam sine eo, ante eruptionem papularum tollatur; tum quod *febres variolosæ sine variolis* non minus saltem, citra emetica data, quam post eadem exhibita, observentur; tum quod æque certe frequentes sint variolæ benignæ, non datis, quam datis, emeticis. Quid ergo frustra corpora torqueamus? Præsertim cum motus violentior excitatus, pluribus, pejoribusque Variolis producendis, aptus natus sit? Adstipulatur nobis ipsa *Boerhaavii* circa variolas doctrina, altum de Emetico silentium observans. Sed remedia conveniunt antiphlogistica, alvum lenissime subducantia, nitrosa; Enemata similia; tum pediluvia, semicupia, aër humidus & temperatus; ut totus homo, quoad ejus fieri possit, laxetur & emolliatur, utque undique ablata resistentia eruptio

materiæ variolosæ fiat ad cutim commo-  
dissima. Pro ratione febris Venæ Se-  
ctiones repetuntur.

Commode si exeant papulæ, ægros  
bis de die per femihoram in calido pe-  
dum balneo, ad usque genua, & altius,  
imponimus. Adhibetur aut pura aqua,  
aut emollientibus cocta, aut mista la-  
cte. Cruribus pedibusque probe exsic-  
catis, Epispastica ad plantas pedum ad-  
plicantur, imo & nonnunquam pedes  
integri, cruraque, involvuntur iisdem.  
Occasione Balnei extra Lectum, mane  
ac vespera, sedent bihorii, trihoriiive,  
spatio. Intereaue temporis Lecti mu-  
tantur, aëre perflantur; & si contingat,  
ut per morbi decursum ægri putridissi-  
mo linteaminum lecti, indusiorumque,  
fœtore male afficiantur, præsertim si  
in-

infantes sint, linteamina, & indusia, sanorum corporibus aliquantisper admoda, adhibentur. Pro potu & medicamine utuntur Decoctis emollientibus & refrigerantibus, Lacte ebutyrato, Sero lactis, Lacte cum aqua misto, &c.

Alter a bene prodeuntibus variolis die, datur matura vespera fyrupi Diacodii unc. i.  $1\frac{1}{2}$ . idem & mane die tertio incipit fieri. Mensura paregorici a sola ægrorum tranquillitate desumitur. Cum *Sydenhamo* damus ter, quater, in die hanc dosin, quando malignæ variolæ sunt. Porro paregorica damus in benignis & commodis variolis, ut facilis morbi tolerantia ad finem usque perseveret: docente experientia vel benignissimas a causa vix detegenda in malignas mutari. Usus paregoricorum

efficere videtur, ut funesta hæc mutatio, si unquam, rarissime saltem, contingat. Hinc dormiant, nec ne; vix, vel parum, ægrotent; datur semper dicta de causa quavis 12. hora paregoricum, sique opus est, augetur. At vero in maligniore ac molestiore genere datur, ut mox dixi, auctiore semper dosi. Syr. *Diac.* Syr. *pap. alb.* Laud. Liq. *Syd.* usui veniunt. Usus autem docuit, opium datum v. g. cum emulsis, aliisve remediis, ut ejus tantilla pars quavis hora fumatur, pulcris iis carere effectibus, quos, exposita ratione exhibitum, producit.

Quum enemata mollia primo laxent totum systema Mesentericum, cum deinde pro parte absorbeantur, cum denique alvum ab opio immorigeram blande



de solvant, solent a principio ad finem usque quotidie immitti.

Interea temporis curamus a morbo incepto, ad curam absolutam usque, vel Lacte & aqua, vel Lacte cum Decocto feminis Sumach; spongiis imbibito, oculos assiduo fovere; ut quæ illos cæterum infestent mala, averruncentur. Tota quoque facies, ob dicendas postmodum causas, aqua & lacte assiduo humectatur.

Si contingat vel præ vehementia morbi, vel præ virium prolapsu, eruptionem pro votis non succedere, curam ad datam indicationem sic dirigimus. Si morbi ac febris violentia, nimiae plethora, in causa sint, mox vena secatur, semel, iterato, pluriesve.

Licebit obiter circa V. S. hic animadvertisse, eam quovis variolarum stadio, urgente febre, peripneumonia, phrenitide, institui debere. Sin vero debiliior vita in causa est, eam tunc cardiacis, vinosis maxime, tam epotis, quam ad axillas & inguina, ubi corpus maxime bibulum est, adhibitis, erigere & animare fatagimus. Mira hic & vesicantia præstant.

Salivationem in confluentium genere sæpe nullam, aliquando magnam, habemus. Hac ipsa æstate in misto genere habuimus copiosam. Cum corpora liquido blando tota die implemus, moderatumque ipsis aërem conciliamus, cura peculiari opus non est ad ptyalismum moderandum.

Ubi

Ubi vero variolæ maxime malignæ retrocedunt, omniaque pessima symptomata, quæ mortem præ foribus clament, adparent, pauca quidem, sed mira, Ars nonnunquam præstat. Dabitur id exponendi & demonstrandi occasio Cap. V. Tamen verbo hic dixerim hæc infortunia vix contingere, si cura, ut hic dicitur, administratur.

Ad diem 10. 11. 12. totius morbi, siccis jam pustulis, tenero forfice exitus puri datur tota facie, eaque perscissa, spongiis aqua tepida & lacte madidis abstergetur. Siccatis brachiis dein, cruribusque, idem fit. Cumque omnes papulæ non ex æquo siccescunt, sed aliæ post alias, ita & earundem apertura per vices instituitur. A Chirurgo hoc opus in facie, totoque corpore,

perfici potest; licet plures viderim, qui animose, ac volupe, manus & brachia sibi perscinderent. At vero non sufficit semel aperuisse. Pustulas enim mane apertas, deterfasque, vespere invenimus pure turgidas: unde idem opus vespere repetendum, idque quater, quinque, imo pluries, postmodum iterandum; qua in repetitione aperturæ maxima consistit utilitas. Etenim totus panniculus adiposus pure scatet, tumetque, imo pure adhuc sæpe plenus sanguis est. Frequenti igitur pustularum percussione, earundemque detersione, corpus ingenti copia puris liberatur. Si tunc ficcis omnibus pustulis venæ sectio fiat, eaque, si opus est, iteretur, liberatur sanguis, ac totum corpus ab illa materie, quæ post curatas variolas oculos, aliasve nobiles cor-



poris partes afficere, vel in cute furunculos excitare posset.

Purgantia denique antiphlogistica a ficcatis pustulis alterno, tertiove die, data, idque ad 3. 4. 5. vicem, prout indicantur, hic optimi sunt usus.

Ex dictis multorum habetur problematum solutio. Ac 1<sup>mo</sup> quidem, Cur Variolæ sensim, Furunculi cito; Variolæ ad certam modo tum altitudinem tum ambitum, Furunculi tantas excrecant in moles?

Nascentibus variolis sanguis a materie prava paulatim expedit sese, idque eodem tempore innumeris prope modum sæpe in locis: successu temporis novam materiem adjicit, lentaque

aggeffione papulas elevat. Si non pergit replere easdem omnes, difparent quandoque priorum nonnulla ftigmata, & reliquæ implentur. Furunculi vero oriuntur a dudum jam præparata, id eft, a phlogiftica, feu purulenta materie, five in fanguine oberrante, five in panniculo adiposo detenta; quæ eadem crefcentibus vitæ viribus fub cute effunditur, & in tumorem, qualem appellens materia requirit, aut in quantum cutis tam fubito fe extendi concedit, attollitur: pari ferme ratione, qua critica in Acutis materies, ad aures, inguina, tibias, imo ad brachia crura, ve, aut alias corporis partes, fubitos sæpe creat, magnosque, tumores.

2. Undenam fubita mors vifa aliquoties maturis in variolis, fine ullo pufu-

pustularum prolapsu, imo cum pustulis ipso in cadavere pure scatentibus?

Pus potest in extantibus papulis manere, sed de toto panniculo adiposo reforberi, cum sanguine ad vitalia loca deferri, & sic præscindere vitam.

3. Unde ptyalismus sæpe in variolis? Oritur is passim brevi ab eruptione, inque undecimum diem, vel & diutius, perseverat. Unciæ 5. 7. 10. 12. 15. 20. & plus, num̄themeri spatio, evacuantur. Aquosa, leviter tenax, subalbida, quæ ejicitur, materies est. Si variolis ficcari cœptis, confidenteque facie, cessat ptyalismus, malo id sit ægrorum omine, nisi manus aliquantisper, ac pedes, tumidi persistant esse. Etenim veneno infectus humor, haud ad cutem duntaxat, sed ad  
gland-

glandulas salivales adplicat sese, & ipso humore salivali dilutus, ore excernitur. Porro apertura pustularum id qualecumque damnum refarcit, quod a cessante maturius ptyalismo, aut facie ac manibus citius collabescentibus, nasci potuisset.

4. An pustularum percussio quid confert ad conservandam venustatem? Optimus *Diemerbrockius* in egregio suo de *Variolis ac Morbillis tractatu* eandem condemnat, ut cutim deturpantem: forte ita est si unica modo apertura fiat; sed si, ut dixi, pluries repetatur, sane non deturpat, at emendat. Materies enim ultra sub crusta stagnare, propriumque finem erodere, non potest. Hinc multi eam sollicitè commendavere. Ducentis fere abhinc annis laudavit eam

Clau-



Clarissimus meus hac ipsa in Cathedra Antecessor *Joannes Marcquardus*, *pract. theoret. empir. pag. 348.* Commendaverunt *Tvo Gaukes*, celeberrimus apud *Emdanos* Medicus, *prax. chir. & med. cap. 60.* *Sidobre* famosus apud *Monspel.* Medicus, *Tract. de Variolis pag. 228. & seq.* *Drelincourt Leyd. Professor, de Variol. 27.* *De la Metrie, Traité de la petite verole p. 160.*

Ratio ex dictis patet. Puri nulla suppeditatur facultas densa sub crusta partes subiectas erodendi, consumendi-que ita cellulosa membranam, ut cutis fœde cum musculo concreascit. Certe multis ab annis hac methodo usus, testor me, qui profundis cicatricibus defœdatus esset, vidisse neminem.

Equidem insitio Variolarum optima  
au-

audit conservatrix venustatis: hincque Circassienſem, ac Georgicam gentem ſœmineam illibata pulcritudine conſervans, a tantum non omnibus inſitionis patronis una voce laudatur. Conſirmantque itineratores. Scribit *de la Mottraye*, quo per Circassiæ montes, prope mare Caſſicum magis penetraret, eo formosiores ſe ſœminas conſpexiſſe; cauſamque expiſcatum didiciſſe, quod uni id deberetur inoculationi. *Voltaire*, omnesque pene alii, ore id uno conſfirmant. Sed quæ ad commendandam inſitionem undique congeruntur, utinam omnia vera eſſent! *Voltaire Lettr. Phil. XI.* ut rem certam, imo famoſus in inoculando *Timoni*, ut teſtis oculatus, aſſeverant *Thracibus Muhammedanis* acceptam adeo inſitionem videri, ut eorum Magnates eandem ſuis, mox ubi ablactati

Etati sint, infantibus, instituant: cum tamen certo constat *Turcarum* neminem unquam infitionem hucusque admisisse.

Unde si testes liceat cum testibus conferre, tota forte mutabitur sententia. Eruditissimus & exactissimus *Tournefort, Voi. du Levant. Epist. 18.* „ Georgicas fœminas quod attinet, certe „ ipsas nos veneres visuros, fide Auditorum arbitrati, invenimus illas, quibuscum nobis agendum erat, haud „ inamœnas quidem, sed minime pulcras ---- ut neque etiam fœminas cicadas. Ut meritissimo jure concludam id asseri posse, quod Historici „ peregrinatores suum ludere ac fallere „ lectorem voluerint, Georgicarum jactantes venustatem. R.R. P.P. Capucini una nobiscum sentiebant, potius,

„ tius, quam peregrini scriptores, re-  
„ rum gnari, ut qui *easdem* *foeminas*,  
„ ut fordido fuce, quo facies sibi suas  
„ illinirent, abstinere vellent, longo  
„ jam tempore incassum hortati essent.

## C A P V T IV.

*De Herniis.*

**H**ernia incarcerata quotannis ho-  
mines plures in Austria per-  
imit : & licet fumus Tabaci dex-  
terime adplicatus instrumento, quod  
prioris anni dissertatione indicatum fuit,  
vitam pluribus servaverit, non servavit ta-  
men omnibus. Quorum casus adnotas-  
se æque juvat, arti æque confert, quam  
fortunatorum meminisse: en igitur me-  
morabiles binos!

1757. Aprilis tertio, tertio morbi  
die,



die, obiit mercator 20. annorum, cui a biennio Hernia inguinalis inculpate gesta, triduo ante mortem incarcerata fuit. Herniotomiam pertinaciter recusavit: tabaci fumus nil ipsi profuit. In cadavere Hernia adparuit inguinalis phalangem pollicis primam mole æquans. Saccus Peritonæi, ope cellulosæ membranæ, arte undique cum integumentis externis concreverat. In ipsa Hernia Omentum cum Sacco Peritonæi artissime, lata fortique concretione, coïverat. Intestini Ilei ad pedis circiter a valvula Bauhiniana distantiam portio, dimidia suæ Diametri parte, intra Herniam erat, reliqua vero sui portione in abdomine; non accreta aut omento, aut sacco suo. Loco autem suæ in anulo constrictionis striam impressam gessit, tota in sacco gangrænosa, minus

in abdomine. Ipse quoque Peritonæi saccus gangrænosus.

Hernia ergo Omenti inculpate gesta biennio, causa proëgumena fuit Herniæ Intestini, triduo ante mortem contingentis. Operatio Chirurgica Herniam omenti difficulter, eam Intestini facile, curasset; dum, reposito Intestino, instrumentum idoneum, seu Brachierium, ne recideret, adplicuisset: ejusmodi enim compressionem Omentum commode ferre multa exempla docent. Sed mira quam machina sumus! Media pars Intestini in Hernia intercepta est, altera in abdomine libera, & tamen inde morimur. Quid ita? a morte omnia flaccescunt; in vita autem videtur portio Intestini libera a portione altera, vehementer compressa, si-

simul ipasimodice constricta fuisse, adeoque omne per intestinum iter penitus occlusum. Quin necdum spasmus plane solutus erat. Evidenter id docuit Intestini, a loco compresso, ad Tulpii valvulam, vacuitas; dum reliqua Intestina omnia vehementer turgerent. Hanc Herniæ speciem *Heisterus*, & Chirurgi *Acad. reg. par.* pluries notarunt.

2. Fœmina annorum 49. commodam a biennio Herniam, quæ quoties prolabebatur, sponte retrocedebat, gessit: Strangulabatur vero pars 1. Aprilis 1757. Auxilia omnia Artis, repetita fumi Nicotianæ injectio, profuere nihil. Propositam sæpius Herniotomiam ægra recusavit pertinaciter. In 10. morbi diem protractis miseriis, obiit. Omnis tensio, cuncta partium durities in ca-

davere aberat. Quatuor diversas crassasque tunicas perfcindere, ac solvere oportuit, antequam ad faccum Herniæ pervenerimus. Non infuetum hoc; vidi ultra viginti varias membranas solvi oportere, antequam ad verum herniæ faccum perventum effet. Saccus porro in hac fœmina perfciffus, ne aquæ quidem guttulam fudit; quæ aqua alias operantem convincat, se faccum peritonæi penetrasse. Omentum prodigiosa portione cum sacco concretum erat. Intestini Ilei portio integra in Hernia intercepta, accreta nullibi, ad duos cum dimidio pedes a valvula Bauhiniana.

Igitur Hernia Omenti toto biennio videtur adfuisse, ea vero Intestini per vices duntaxat; ultimis vero decem diebus strangulata. Cohæsiō firmissima Omen-



menti, Tunicarum numerus, Intestini libertas, absentia symptomatum, id ita credere suadent. Operationem Tunicae multiplices difficiliorem, ac diuturniorem, reddidissent; defectus in sacco aquae, incertiorem; Omenti repositionem, impossibilem; Intestini, facilem. In hoc corpore iterum observavimus, æqualem, densam, flavam, crustam, fere omnia inflammata Intestina penitus contextisse.

Liceat ob rei affinitatem hic tertiam adungere historiam. Homo 74. ann. in Nosocomio Civico habitans, febre ac tussi afficitur. Optimus Nosocomii Physicus voluit debitam gerere ejus curam. Patiens vero renuit; vixisse se satis, vitamque annosam suam adhuc protrahere velle indecorum esse arbitra-

tus; quare & paucos intra dies attigit metam. Cadaver ad me delatum, Herniam enormis magnitudinis ostendit, quam in suo Nosocomio nunquam indicaverat, cujusque nulla unquam ibidem symptomata perpeffus erat: quo enim morbo periit, nullam is habuit cum Hernia fimilitudinem. In facco Peritonæi maximo hærebat portio fefquipedalis Inteftini Ilei, una cum fuo ultra quatuor digitos alto Mefenterio; prætereaque totus quantus Cæci faccus, cum fuo vermiculari proceffu: proceffus vero hic intime fuit cum Mefenterio, & cum Ileo, concretus. Aderat denique & Omenti portio, quæ nullibi ad Inteftina, arctiffime autem ad Peritonæi faccum, adnata. Hiantem admodum annulum dudum a Natura factum conjicimus, hinc hominem pravis caruiffe

ruisse symptomatibus. Forsitan Omenti Hernia dudum adfuit, eaque intestini olim sæpe intravit, exivit; a longa tamen die intestinum suum ultra saccum non reliquisse videtur, eo quod vermicularis processus cum variis Ileii voluminibus, Mesenterioque, intime coivisset. In situ enim, quem in ventre Intestina obtinent, talem concretionem fieri impossibile foret.

Ponamus hunc hominem olim ab Hernia, licet non strangulata, metu duntaxat futuræ incarcerationis, radicitus curari voluisse: quid hic futurum fuisset? Commoda fuisset operatio, & reductio facilis, saltem Intestinorum; cum ea nullibi annexa, & adeo hians annulus. Brachierium amplissimum locum forte claudere, ne relapsus fieret;

potuisset; at vero firmissima illa non solvenda concretio Vermicularis processus, dolores effecisset, & spasmos, & vomitus, & febres, & denique mortem: quæ omnia aberant, quamdiu omnes hæ partes, sic apte collectæ, in sacco hærebant.

Ex omnibus patet, Herniotomiam utilem, imo necessariam esse, maxime si Chirurghi in ea frequenter peragenda dexterrimi sunt: qualem sane laudem Chirurgis Haga-Batavis multis debeo: attamen casus dari, ubi & anceps, & inutilis, imo & noxia, esse possit.

Cæterum quantus hominum numerus me quotidie inter pauperes accedat, qui Herniis laborent, omnem pene fidem superat. Ita ut Medicorum, ac  
Chi-



Chirurgorum industria, studiumque, hinc excitetur oporteat, quo demum artem hernias tum palliative, tum curative tractandi, egregie possideant.

## C A P V T V.

*Nonnulla de Tympanite & Ileo morbo.*

Qui me pauperes quotidie consilii causa adeunt, Tympaniten multi incusant, scatentque mentione ejus monumenta Scriptorum. Morbus est multa externo adspectu consimilia cum Hydrope ascite habens, sed in eo potissimum illi dissimilis, quod venter in illo rite examinatus fluctuationem aquarum denotet, in hoc vero percussus instar Tympani resonet: quam ob causam & id nominis est adeptus. Conveniunt eo usque Autores: sed in ve-

ra ejus natura determinanda, assignandaque vera ejus sede, titubantem non firmant Lectorem. Unde, antequam propriam meam experientiam afferam, nonnulla præfari oportet.

*Hipp. Coac. præn. N<sup>o</sup>. 458. & Aphor. 4. N<sup>o</sup>. 11. de Tympania loqui videtur Hydropis sicæ adpellatione. Veram autem ejus significationem ex Eo, ejusve interpretibus, imo ne ex ipso quidem Galeno, habemus.*

*Celsus Lib. 3. Cap. 27. componi hujus morbi materiem ex aere censet commisto cum aqua: utrum vero in cavo abdominis ejus sedes, an in Intestinis sit, haud determinat. Aretæus sedem cavo in abdomine ponit, materiem nunc aquam, nunc spiritum, vocat. pag. 43. 49.*

*Goræus Def. med. pag. 477.* materiem credit flatus esse, qui nubilosi fiant: unde non merus aer, sed cum aere mistus humor fit. Quo vero in loco hæret, non definit.

*Hollerius comm. in Aph. & maxime Libr. 1. de morb. intern. cap. 39. in Scholio, vix a Goræo differt. Dodonæus obs. med. cap. 28. & in Schol. ad Beniv. Tympaniam duplicem agnoscit: alteram Acutam, ut in Ischuria, & Colica clausa pertinaci; alteram vulgarem, quam non explicat.*

Quicumque præterea autores a *Bo-neto in sepulcreto anat. tom. 2. & a Man-geto Bibl. med. tom. 2.* laudantur, ii omnes quoad theoreticam, & pathologicam expositionem, nihil lucis conferunt.

*Boer-*

*Boerhaave aph. 1226. & 1251.* Materiem ponit aëra esse, sedem vero vel in cavo abdominis, vel in Duplicatura Peritonæi; (quam Duplicaturam primo tempore suo adhuc cum cæteris admittebat) vel in dilatatis Glandularum cavis; idque duplici modo: 1<sup>mo</sup>. a rarefacto vapore humoris extravasati, aquæ nimirum, aut puris, aut ichoris. 2<sup>do</sup>. Ab aere, per membranas Intestinorum putrefactorum perforatas, in cava dilapso; qui idem, dum retroire non posset, calore corporis rarefceret.

*De Gorter in Aph. Hipp. Sect. 4. N<sup>o</sup>. 11.* credit posse in Mesenterio suppurationes fieri, effundique materiem in cavum abdominis, quæ putrescens aërem perpetuo generaret, dum pus copiosius interea fluere pergat.

*Ri-*



*Riverius, Sennertus, Forestus*, alique boni autores, modo explicant antiquo. Solus *Duretus* adnot. in suam enarr. in *Holl. locum*, mox laudatum, ut *Boerhaave*, & *de Gorter*, materiem modo flatum esse definit; sed in eo ab omnibus discrepat, quod sedem mali non Abdominis, sed Intestinorum ac ventriculi cavum, fere semper esse statuatur.

Visis his, quæ de hoc morbo theoretice scriptitata sint, consulenda est Anatomie. *Schenckium, Bonetum, Mangetum*, aliosque casuum anatomicorum collectores, consulentes, invenimus ex innumeris historiis allatis id colligi oportere, quod materies morbi raro Aqua, passim aër esse, inventa fuerit; sedes autem vix cavum abdominis, sed potissimum expansa Intestina & ventriculus

culus, sit reperta. Hac, inquam, omnes casus descripti clamant, paucis exceptis, qui ut aliter exponuntur, ita etiam, ob dubiam enarrationem, eodem, quo priores, modo exponi possunt. Si nunc his addamus omnia, quæ doctissimus, deque Re medica ac chirurgica bene meritus, *Littre* habet *Mem. Acad. Reg. sc. par. an. 1713. in 8. a pag. 314. ad 324.* demonstratum fere habemus, Tympaniten esse aeris collectionem in Ventriculo Intestinisque extensis: inventa paucis duntaxat in corporibus aqua in cavo abdominis, quod ob cachexiam universam neutiquam mirandum.

Dabo nunc, quem promisi, casum. Homo tympaniticus a triennio, gravi demum Ileo, seu Miserere mei, affectus,

ctus, in Nosocomium nostrum inducitur. Imminentis mortis probabilem certitudinem vix ipse potuit persuasam sibi habere, eo quod idem malum, cum ipso vomitu stercoreo, singultu gravi, virium dejectione, triennii spatio bis perpessus, tamen in vivis mansisset. Adplicatus incassum omnibus, ipsoque Nicotianæ fumo, intra triduum expiravit.

Inciso abdomine invenimus ad septem circiter pollicum distantiam a principio Recti, coarctationem firmam Coli Intestini, veluti circumductum filum id arcte constringeret. Ad hanc constrictionem tota excrementorum moles, potuumque, & aëris, sistebatur. Sub constrictione Colon gracile, Rectum non expansum. Cæterum colon integrum a parte constricta, ad Cæcum usque, hic

hic brachium, illic femur, hominis adulti, amplitudine æquabat; ipsaque tenuia intestina omnia, ut & ventriculus, duplo, triplo, naturalem Diametron superabant. Diuque quod durasset Tympanites, nec sufficienter extendi venter potuisset, Thoracis mutata figura fuit: ita quidem ut & latiore illum & breviorē fecissent costæ quatuor superiores, fere ad se invicem adductæ; Octo inferiores, elongatis incredibiliter musculis intercostalibus, omnino extrorsum ductæ. Gibboque Diaphragmate ad quartam superiorem costam pertingente, & sternō inferiore extrorsum valde incurvato, Thorax cum compressis pulmonibus, & parvo corde, incredibile quam arctus! abdomen eandem ob causam quam amplum esset!



Quantum ex historia mali colligere datur; in primo morbo Ileo, quem homo triennio ante mortem passus erat, inflammatio nata ea in Coli regione fuit, in qua nunc callositas, & constrictio, a morte inventa est. Et cum diu, pertinaciterque, alvus ipsi tunc temporis clausa esset, intestina ita extensa fuere, ut Tympaniæ speciem præ se tulerint; eamque, quod deinceps soluto morbo elasticitatem & vim contractilem non recuperarent, semper servaverint. Quum sedes mali primi adeo ano proxima esset, videntur enemata crebra eam tunc temporis ita solvisse, ut substantia quidem Coli vitiata manserit, transitus vero aliquis materiæ Intestinis contentæ daretur. Mansit tamen causa Ilei proegumena; ita ut secundo, nata quacumque de causa nova constrictione, novus

Ileus cum omnibus suis teterrimis symptomatibus prognatus fit: simulque ex iterato Ileo aucta iterum fuerit Tympanias. Tertia vero vice, cum granam expansa Intestina minarentur, Ileo succubuit homo.

Confirmat hic casus manifesto id, quod ex omnibus sectionibus Cadaverum supra conclusi, de sede, materieque, mali; præbetque morbus ita consideratus facilem intellectum medicum.

Verum hinc necdum difficultatem solutam videmus, quam contemplatio valvulæ dictæ *Baubinianæ*, seu *Tulpianæ*, parit; quum prorsum, quando obex in Ileo hæret, impedire videatur, ne ex Colo quidquam in Ileum remeet.

*Doctissimus Morgagni adv. 3. N<sup>o</sup>. 9. &c.*  
dubitat de veritate relationum *Matthæi de Gradibus*, quibus fertur, enemata non modo, sed & suppositoria, eaque filo circum anum ligata, abrupto vi filo adscendisse, valvulam superasse, ore ejecta esse. Quidquid de his historiis sit, id saltem *Hipp. Lib. de salubr. vict. rat. Edit. Foës. pag. 374.* enarrat, id experientia continuata demonstrat, fœces ex ore quandoque pauca, aliquando magna exire quantitate; deinde Enemata ipso ore ejici non est quod negemus. *Ill. Præses ad Aph. 960. Boerh.* „Clysmata, inquit, vomitu excussa fuerint, „uti certissime in Ileo factum novimus; nam & probatissimi Autores „hoc observarunt, & ipse manifeste „vidi ”.

Quum hæc ita se habeant, duæ vix superabiles quæstiones moventur; quarum prima petit, Qui unquam hujus valvulæ resistantiam superent fœces, aut enemata: cum eadem etiam in Denatis tantæ resistantiæ sit, ut neque aquam, neque flatum, transmittere soleat? Altera quæstio est, qui fieri possit, ut obice insuperabili in Intestino tenui transitum denegante, enemata, tamen transiisse observata fuerint?

Ad primam difficultatem solvendam plures varia tentamina edidere. Viri in arte celebres, *Bianchi*, & *Mangetus*, valvulæ, ut valvulæ, functionem negaverunt, remque publica cadaverum demonstratione se confecisse putarunt. Verum hos adeo evidenter refellit *Clariss. Morgagni* adv. 3. No. 9. 10. 11. 12.



13. ut nulla eorum erroris dubitatio superfit. Vidi Clarissimum B. S. *Albinum*, meum æternum venerandum in physiol. anat. & chirurgicis Professore, de industria hanc valvulam ita præparantem, ut præcise referret id, quod *Bianchi* voluisset, sed ejus simul errorem indigitabat. *Albinum* imitatus, idem præparatum Auditoribus meis ostendi, in quo videre, sine adparente partium læsione, sed modo nimia mundatione, valvulam fere disparuisse. Sed ex vietiola præparatione cum nihil concluditur, totum hoc *Bianchi*, & *Mangeti*, argumentum corrui.

Altera explicatio est eruditi *Haguenot*, cujus hac de re Dissertatio habetur in *Mem. Acad. Reg. Scient. Par. anni 1713.* ad finem ipsum illius Tomi; in-

fertaque invenitur ab egregio *Hallero* in *Disp. anat. Vol. I.* fere in medio, defensa *Monspeli* 1715. Credit ille Auctor quantitate liquidorum, enematibus injectorum, ita Colon & Cæcum extendi, replerique posse, ut apertura, valvula alias claudenda, nunc ampliorem circumferentiam habeat, quam ut valvula eam ultra expleat: unde fæces cum enematibus, imo cum suppositoriis, facile in Ileum transire possint, tumque evomi.

Hæc *Haguenoti* sententia quandoque potest locum habere. Erat enim in nostro Tympanitico ejusmodi valvulæ *Bauhinianæ* conditio. Aucta quippe Coli, ac Coeci, Ileique, ita Diameter fuit, ut valvula ne tertiam forte aperturæ partem tegeret, suoque ideo fun-

gi munere non posset. Hic igitur casus cum *Haguenoti* idea convenit. Eo semel posito, facile ego expono fœcum ex Colo in Ileum transitum, earundemque vomitum; cum Obex, Ileum efficiens, in Coli fine, Recto proximus, hæreret.

Sic, inquam, ego meum casum commode explico: qua vero ratione se hic *Haguenotus* extricet, non video. Namque felibus ac canibus suis, vulnerato abdomine, Ileum intestinum filo circumstrinxerat, vulnus consuevit denuo, exploraturus utrum inverso peristaltico motu, quod omnes censent, an vero solo motu Diaphragmatis, & abdominis Musculorum, quod ipse asserit contra omnes, vomitus obtingeret. Mirabile prorsum Doctissimum Virum id præteriisse, quod licet modum ut-

cumque explicaret, quo immixta enemata & suppositoria valvulam Coeci transeant, filo tamen constrictum Ileum iisdem necessario transitum negare deberet. Hanc totam impossibilitatem prætervidit; non enim Colon ligavit, sed Ileum.

Tertia explicatio est egregii *Hales*, *Exp. 25. hæmast. anim. N<sup>o</sup>. 1. & 3.* Duplici exemplo evincere annitur quod valvula hæc enematum vi, frequenter, facileque, superetur: utroque enim exemplo, elutis primo fœcibus, aquam ex Intestino Recto ad usque Pylorum duxit. Verum animadvertimus id mortuis in canibus facilius, quam vivis in hominibus, effici posse: secundo, id experimentum haud vulgari enematum ope, sed tubo in Rectum inserto ita factum



factum esse, ut in priore cane aquæ altitudo perpendicularis in tubo esset 5. pedum, in posteriore vero 18. pollicum. Hinc demum advertit aquam guttatim valvulam Coli transivisse.

Equidem *Hales* problematice concludit Medicorum fore, ut in desperatis enemata ejusmodi excogitarent, tantarum quæ virium essent, tantaque de altitudine injicerentur, ut superare valvulam possent, inflammato dein loco mederi, ipsumque obicem liquefacere.

Sed dico, quod mox ajebam; hæc experimenta mortuis in canibus facta videntur; ubi omnia flaccidiora, adeoque ad experimentum aptiora sunt, quam in viventibus. 2. Passim & in mortuis hominibus ea invenitur ad hanc

valvulam resistantia, ut aer, aut aqua, vix summa vi queat transprimi ex Cæci sacco in Ileum intestinum: unde forte firmioris fabricæ in hominibus est, quam in canibus. 3. *Hales* non scribit quibusnam in canibus experimenta fecit? Forte tenellos catulos sumsit, recenterque natos. 4. An certus fuit aquam Recto injectam eam esse, quam ad Pylorum reperiret? si, ut ait, in crassis Intestinis invenerit fæces, necessario in superioribus semicocta materies, & chylus adfuit, per quam debuerit aqua transire, vix, imo nullo modo, a chylo distinguenda: hinc egregius ille Ecclesiasticus forte deceptus fuit. 5. Aqua guttatim valvulam transiens, in præcipite hoc morbo fere nil opis videtur allatura. 6. Homo in hoc morbo jactabundus per lectum, vix tam diu

diu tranquillus jacet, ut commune enema excipiat; quomodo ergo sustinebit lentam hanc operationem? 7. An tubi diuturna adplicatio non excitabit tenesmos in Recto, quibus operatio turbetur? Tamen *Hales* tantæ est in physicis autoritatis, ut vana dixisse vix credatur. Experimenta igitur repetenda & in Canibus, & in hominibus, forsan videntur.

Saltem proposita manet hucusque circa valvulam difficultas. Hæc ergo si manet, & quidem ita, ut non nisi rarus Tympaniticorum casus, qualis ille nostri erat, transitum per eandem concedat; an vomitus fœcum, toties in Ileo morbo observandus, non fit incomprehensibilis? Neutiquam. Pluries enim jam publice Auditoribus demon-

stra-

stravi, reperiri veras fœces stercoraceas in Ileo intestino; manifestius vero nunquam, quam 10. Dec. 1756. ita ut ad distantiam 3. pedum, ac 2. pollicum a valvula Tulpiana, iterumque ad distantiam 3. pedum & 8. pollicum, crassum stercus alvinum, consistentia, colore, fœtore, ab omnibus deprehenderetur. Aliis vicibus demonstravi etiam liquidam illam materiem, quæ a valvula colli incipiens per aliquam Ilei longitudinem continuaretur, fœces fœtore referre.

Rem hanc evidenter demonstrant Denatorum post hernias suffocatas examina. Stercoreos vomitus passi, exhibent sæpe Ileum in hernia æque strangulatum, quam in vita fuerat. Cum autem nulla via a colo in ventriculum patuerit, fœces evomitas ex Ileo prodiisse necesse

fe



se est. Hinc nulla videtur difficultas esse in fœcum exponendo vomitu, clausa quamvis coli valvula maneat.

Sed altera quæstio antea proposita, cur Enemata & Suppositoria ano immissa ore reddantur, obice intermedio viam intercludente? Hæc, inquam, majorem difficultatem parit. Paucis tamen respondebo impossibile videri, ut contingere id queat. Porro si enemata ore reddantur, obicem utcumque removeri necesse est. Removeri autem illum posse arbitror, quando gangrænosa Intestini Diathesis nasci inchoat, ita ut constrictio laxetur, utque aer in Intestinis contentus omnia extendat, ventremque tumidum reddat. Extensis Intestinis omnibus ab aere, magis magisque in loco calido se expandente, etiam  
aper-

apertura Ileï ad Cœci ingressum grandescere potest, ut valvula illi claudendæ non sufficiat. Via igitur nunc patula est. Sed jam æque ad inferiora, quam ad superiora, exitus pandit. In systemate Doctissimi *Haguenoti* oporteret nunc æque, imo magis, ad inferiora viam affectare, quam ad superiora. Attamen non per inferiora, sed per superiora, Enemata ac Suppositoria exitum moliantur. Ergo non solus Diaphragmatis, & abdominalium Musculorum motus reciprocus, sed quidam adhuc in incipiente Gangræna Intestinatorum superstes inversus peristalticus motus, omnia nunc ex iisdem per superiora ejicit. Summum vitæ discrimen hic adesse, imo mortem fere certam, facile quisque videt.

Quid

Quid si in tali statu nec Vomitus, nec Alvus adesset? Cum gangrænosa intestinorum Dispositio hanc quietem faceret, mors staret in procinctu.

Si vero Vomitus cessaret, & Alvus flueret, quid tum? Si notabilis gangræna occupat Intestina, alvus illa nil designaret, nisi paralyfin Intestinorum, & ipsius Recti: mortem proinde jamjam futuram.

An omnis stercoreus Vomitus mortem infert? Passim. Tota id Antiquitas, omnesque Recentiores, centenis ex casibus, concludere debuere. Exceptiones tamen Regula generalis habet. Nam 1<sup>mo</sup>. Nostri tympanitici, post tertiam demum vicem morientis, historia contrarium docet. 2<sup>do</sup>. *Garengeotte*

*in*

*in Acad. Reg. Chir. Par. in 8. edit. tom. 1. part. 3. pag. 355. ab Hernia intestinali in foramine ovali ossis Ischii & pubis, cum vomitu stercoreo, scribit se fœminam integre restituisse. 3<sup>tio</sup>. Bonetus Med. Sept. Tom. 1. Lib. 3. Sect. 15. Cap. 29. 30. 32. homines tres curatos refert ab Ileo, cum simili vomitu, cum singultu. 4. In famosa historia M. de Gradibus legitur postea restituta salus.*

Ratio potest esse triplex. 1. Potest casus esse in aliis, qui nostro in tympanitico fuit. 2. Potuit materies esse ea, quæ supra locum obstructum in Ileo, quæque supra demonstrata fuit stercorea esse, dum tamen posthac vel arte, vel natura, morbus solvitur. 3. Vel ut alibi observatur inceptam gangrænam fisti, & a vi vitæ superstite languentem  
hanc



hanc partem resuscitari, ita & in inchoante Gangræna Intestini forte nonnunquam contingit.

Nunquid Tabaci fumus non transit valvulam Cæci, ut ad obstructum in Ileo locum perveniat? Dubia res est. Est equidem subtili ac penetranti huic fumo plus quam aliis corporibus tribuendum; sed Cap. IV. invenimus Ileum penitus collapsum & angustum inter herniam, & valvulam, post injectum sæpissime fumum. An aer copiosus, & densus, compressusque, in Cæco præsens, non impedit, quo minus fumus penetret? Exit quidem cum vi ex Siphone nostro, sed vis illa quatuor coli flexibus immittitur, frangiturque. Et si eo perveniret, an irritatione annulum non constringeret, ut valvula locum arctius clau-

deret? An hic fumus eos modo liberet, quibus est in Colo obstaculum? Plura experimenta erunt consulenda antequam certi quidquam statuatur.

## C A P V T VI.

### *De nonnullis Infortuniis nostris.*


**D**e felici quorundam malignorum morborum cura cap. 1. & 2. egi; de infelici vero, in qua nostra nos ars plane defecerit, impræsentiarum agam: quibus demum historias addam, quæ abunde demonstrent, Summam Medicorum attentionem in rebus adversis & infortunatis, viam ipsis ad magnam curandi fortunam sternere posse.

11. Jan. 1757. filiam 16. annorum Parentes ad me adducunt, cui elapsis duobus ab illinc annis fauces doluerant.

In-

Inspicientes illi, præter rubram, eandemque transversam, in Uvula lineam, nihil deprehenderunt; mensibus vero tribus postea, punctula parva, granorum Milii instar: postquam uvula sensim destructa, deglutienda per nares redierant.

Ubi annum agebat morbus, utraque narium ala induruit, sinistra autem, superiore sua parte, mox infra Canthum majorem oculi, tumuit magnopere, iterumque subsedit. Fistula interim lacrymalis hac compressione nata, continuo stillicidio excoriaverat nasum, genamque. Pustulæ dein duræ in superiore labio animadversæ: Labium deinde universum exulcerabatur, naresque simæ, ut & exedi cartilagine cœptæ. Fœtorem autem nunquam



---

100 **RATIO MEDENDI.**

---

aut puella, aut parentes, in parte percipere, spiritumque perpetuo ipsa potuit per nares ducere. Vox vero penitus perierat, ita ut quosvis edendæ vocis sonoræ conatus frustra ederet. Porro puellæ Parentes, ac cætera proles, fuerant semper, erantque, illibatæ sanitatis: ut & ipsi testabantur, & scripta ad me informatione Pagi Judex affirmabat.

Accurato, & circumspæcto examine instituto, nullam causam veneream potuimus suspicari. Dantur malignæ Aphthæ, de quibus egit *Sennertus*, & circa quas pulcerrima observata nobiscum communicavit *Ill. noster Præses in Comm. Cap. de Aphthis*. Sed temperies flaccida, acrimonia scorbutica acida, omnis fœtoris absentia, hanc aphtha-



tharum speciem ægrius admittunt. At-  
tamen acido-mucosa infantum tempe-  
ries pessimas, ac diuturnas, in capite,  
facie, & alibi, exulcerationes progi-  
gnit: an hinc igitur in hac puella pha-  
gedenicum ulcus fuit, quod materies  
partes molliores, mucosioresque, ag-  
gressa sit?

Remedia; antacida, & antiscorbuti-  
ca, salutaria in minus provecto malo,  
mihi hic debiliora videbantur; unde  
ad catholica quædam immutantia ani-  
mum advorti. Granum dimidium  
Merc. subl. corr. cum unc. i. Spir. fru-  
menti, quotidie dedi, epotis simul la-  
ctis & aquæ libris ana binis. Saturatissimo  
Lithargyrii aceto loca externa  
ulcerosa assiduo irrorabantur in princi-  
pio: quod propter nimias inde enatas

crustas repudiatum, ejusque loco Unguentum nutritum, *sine corpore dictum*, illinitum est. Hinc intra 7. Septimanas effectum id, ut primo redirent vires, sanumque cachecticotata puella nancisceretur colorem: secundo, ut cute, rubicundiore licet, renata, ulcus sanesceret: tertio, ut deglutitio iterum perfectissime perageretur; quarto, ut in altam perfectamque vocem aphonia mutaretur. Continuavi remedia eadem ad medium usque Aprilem, quando gaudium hoc tristissima scena excepit.

Febris 16. Aprilis puellam prehendit, cum symptomatibus febris variolosæ, quæ etiam ut talis tractabatur. Suspicionem futurarum variolarum nata, adesse illi propter Consultationes aulicas,

cas, eo tempore quotidie adeundas, ultra non potui: sed Doctissimus Medicus *Erndi* pro ea, qua est, humanitate, suscepit in sese puellæ curam, Medicinæ Studiosis explicuit, & mecum quotidie super morbum contulit. Quamvis invisere eam ultra non potuerim, in pleno tamen auditorio Discipulis eventum tristem, si forte variolæ succederent, vaticinatus sum, eo quod eruditi Sodalitatis *Edimburgensis* Viri triste exemplum communicassent *part. 3. §. 2.*  
„ Nonnulli, inquirentes, qui mercurio  
„ curati, notabili adhuc tempore æthio-  
„ pe minerali utebantur, confluenti-  
„ bus variolis petebantur, ac peribant.

Quarto igitur morbi die variolæ prodierunt, confertim, mox, & ubique, confluentes. Quinto die Linguae

ac Maxillæ ipasmus, tetanusque, adfuit, per duas cum dimidia horas, eoque soluto, earumdem, 4. horarum spatio, Paralyfis: postquam sine ullo superstite vitio hæc symptomata cessarunt. Die sexto Maculæ rubræ videri cœptæ, crescere, disparere hinc inde, aliis redire in locis; quibus abigendis cum aliis adhibitis remediis Spiritus Vitrioli frustra fuit. Ptyalismus adfuit, & quod præter morem, saliva fœtuit, veluti si a Mercurio excitata fuisset. Cortex peruvianus undecimo die datus, non profuit: interiit decimo tertio.

Alterum infortunium enarrabo. Mense Junio proxime elapso Puella octennis, universo corpore exæstuans, gelidam aquam affatim hauserat. Peripneumonia capitur. Quæ demissa sibi, penitus-



tusque neglecta fuit. Decimo quarto die venit mater petitura consilium, medelam; gestans puellam brachio. Febris aderat suppuratoria, & jam tum leves inchoabant efflorescentiæ in facie, haud multum ab incipiente scarlatina abludentes. Quatriduo post, absumtis remediis, eam mater, summo mane, reduxit. Febris aderat tunc valida, Dysenteria, Eruptio scarlatina copiosa. Matri suadeo filiam propter evidens periculum sinat in Nosocomio tractari. Concessit. Dum rem penitus introspicimus, idque microscopio, adparent inter Scarlatinas maculas & elevationes vera dicta Miliaria alba. Quadruplex ergo morbus, ex æquo gravis, in puellæ perniciem collineabat: suppurans post inflammationem pulmo, Dysenteria, Scarlatina, Miliaria.

Ad vespervas ejusdem diei videbamur duas, tresve, veluti nascentes variolas, intueri. Altera dies veras, pluresque, in facie, collo, brachiis, conspiciundas variolas dedit. Ergo ad quatuor priores graves morbos quintus, die totius morbi 18., idemque gravissimus, accessit. Ill. D. *Mac-neveu*, Medic. Prof. Celeberrimus *Pragæ*, ibidemque studii medici Director, Exp. D. Medicus Nosocomii Civici *Erndl*, pluresque alii Medici, qui me, meumque auditorium, sua præsentia cohonestabant, meque ad Lectos ægrorum publice disferentem sequebantur, mirum hoc spectaculum mecum admirati sunt. Prognosin absolute lethalem dedi, cum ne valentissimus quidem homo tot tantisque morbis ferendis esset.

Die 19. totius morbi, altera eruptionis variolarum, rubræ maculæ adparuerunt, Urina penitus sanguinea, sanguinea sputa, Dysenteria cruenta. *Freind, Mead, Hoxham*, consulentibus, illico corticem peruvianum dedi, accurate cætera, quæ ars in variolis jubet, exsequutus. Re autem ad diem 22. maxime urgente, sanguis ad meridiem missus est, phlogisticus totus; aliquot deinceps horis denuo missus, colore, consistentia, miscela, proportionem, fanissimus. Sub finem ejusdem diei mortua est.

In priore casu cortex peruvianus morbi paulo faciliorem effecit tolerantiam, at vitam non servavit. An ferius datus? In postremo casu maturius exhibitus, vitam quæ jamjam extinguenda

enda videbatur, utcumque forte prolongavit, mitigavitque symptomata ita, ut ægra bono animo redderetur, viribus cresceret, & quamvis sanguinem alvo reddere ad finem vitæ perrexerit, eundem tamen ultra, post datum corticem, neque sputis, neque urinis, redderet.

Nunquid ergo in ipsa eruptione aut malignarum variolarum, aut aliorum exanthematum; imo nunquid in stadio ipso contagioso, si & Epidemia, & symptomata, malignitatem vaticinarentur, testarenturve, cortex non conveniret? imo dandus non esset? Cruda, quam profero, sententia, paulisper emollienda, ac sequentibus observatis maturanda erit.



Doctissimus *Westerhoff*, Poliater *Haganus*, hanc circa corticem observationem habuit. Juniorem recens maritam Dominam, tertio mense gravidam, febris vehemensprehendit ita, ut postquam deferbuisset penitus, insignem post sese debilitatem relinqueret, metumque futuri abortus. Vespere, priore gravior, paroxysmus adoritur, a quo absoluto majus denuo virium dispendium. Unde ilico liberaliore dosi corticem præscribit. Redeunte postmodum adhuc sæviore paroxysmo, audaciorē dat corticis dosin. Cum sequenti vero paroxysmo en! variolas discretas, sensim admodum numerosas, faciles tamen, suisque stadiis commode decursis, corpus sanum relinquentes.

Duo hic casus docet. Imo. Contagiosam

sam Variolarum febrim e genere posse intermittentium esse. Talia in inflammatoriis haud infueta prorsum. Pleuritidem inflammatoriam & suppuratoriam, una cum *Ill. Barone van Swieten*, adhuc apud *Batavos* degente, in cura habui, febribus ac doloribus extra *Tertianæ* paroxysmum prorsum carente homine. 2<sup>do</sup>. Corticem in violentissimo stadio variolarum contagioso optimum successum habuisse, benignissimas dedisse variolas.

Sed en recentius quid, ac notabilius! 24. annorum fœmina, innupta, post ancillaria multa admodum defatigata, 31. Julii proxime elapso, febre corripitur continua, acuta: cujus sexta die puncta rubra in facie, collo, humero, pectore, adsint. Die septima ad nos de-

defertur, nonnulla adhuc ejusmodi stigmata rubra referens. Respiratio difficilis, sicca crebraque tussis, morbum concomitabantur. Puncta rubra sensim disparuere, ut die nono evanescerent prorsum. Crevit interim morbus debilitate, anxietate, vomitu, singultu, inque pessimam Hemitritæam verti die undecimo observabatur: summo igitur imminente periculo, 12<sup>mo</sup>. morbi die, corticis uncia data est, ante futurum paroxysmum binis suis tertiis absumenda. Sequens paroxysmus mitior fuit; ipsaque Continua, cum omnibus suis pravis symptomatibus utcumque mitigata: eodemque jam die tria in collo Miliaria alba sub conspectum venerunt. Corticis usu continuato perstiteri hac tria, transparentia admodum, ad 17. morbi diem; quando sensim per humeros,

ros, brachia, dorsum, jugulum, pectus, abdomen, copiosiora prodire: quæ maturius prodierant, maturius ficcabantur; quæ vero serius, ea demum ad 26. morbi diem plane ficca fuere.

Porro hic notandum, quod Corticis ope, die ab ejus usu tertio, eo usque collapsæ vires resurgerent, ut & in Lecto sedere, & extra eundem commodè aliquamdiu degere, valuerit; die quarto extra Lectum plures horas volupe transegerit; erumpentibus tunc Miliaribus sensim, & cum euphoria, magis magisque; & necdum media Miliarium parte exsiccata, suendo, confabulando, ambulando, tempus suaviter falleret. Contra eos, qui evacuationes criticas dari post Corticem negent, observavimus easdem hic alvo, urinis, hæ-



hæmorrhoidibus, sudoribus. Id quod sæpius in Nosocomio observatum. Die 27. morbi vegeta omnino, & sana erat.

Igitur rubra stigmata, quæ sexto die, pridie quam in Nosocomium veniret, multa adfuisse aiebat, quorumque adhuc pauca secum in Nosocomium induxerat, maligni quidquam portendebant; quod ipsum exire cœptum, maximam partem retrocesserat, nonaque die omnino disparuerat. Summum hinc vitæ periculum 9. 10. 11. 12. morbi diebus. Cortex autem mox periculum minuit, miliaria eduxit, vires optime restituit, omnes læsas functiones emendavit, critice morbum solvit, ut, continuato semper Cortice, die morbi 27. perfecta salus adesset.

H

Quid

Quid nunc ad datam prius quæstionem respondendum? Certe præstantia Corticis affirmantem responsionem vel invito videtur extorquere. Attamen tantillum ab ejusmodi responsione danda abstinuerim, donec sequens annus Academicus absolutiora cum BONO DEO proferendi dederit facultatem.

Missæ igitur hæc ad tempus facio; sed enarratæ historiæ problemata quædam suggerunt, in transitu examinanda.

An inter Cutaneos acutos morbos affinitas nonnulla, quoad causas, unde gignantur? quoad effectus, quos edant? quoad methodum, qua curentur?

Unica fane in puella Scarlatinas efflorescentias habuimus, & Milaria, &

Variolas. Scriptores Medicos confu-  
lentes, eorum qui id ita credant, offen-  
dimus plures. Suspendo tamen sen-  
tentiam, donec evidentiora edoctus  
fuerim; referamque modo, quæ scri-  
pserint alii, quæ ipse viderim.

Clar. *Etmullerus Tom. 2. part. 1. cap.*  
*10. pag. 347. edit. in fol. ex Michaële*  
*Historiam refert, qui ipſus ſcœminam*  
*curaſſet, quæ uno corporis in latere*  
*Variolas, Morbillos in altero gereret.*

*Sidobre Monſp. Doct̃or, de Variolis cap.*  
*ult. pag. 242. „ Aliquando, inquit, et-*  
*„ iam Variolæ & Morbilli ſimul ægros*  
*„ afficiunt, & intermiſcentur; ut ali-*  
*„ quoties vidit Avunculus meus: illud*  
*„ etiam elapſo anno Monſpeliî obſerva-*  
*„ vi, cum D<sup>no</sup>. la Peyronie, Filio, Chi-*

„ rurgo peritissimo, in puero cujusdam  
„ piscatoris Monspeliensis, nomine Ni-  
„ got, qui Variolis & Morbillis, uno  
„ eodemque tempore laborabat, & ab  
„ iis feliciter evasit.

*Diemerbroek hist. 19. Variol. aut Morbill. laborantium*, refert die Variolarum septimo cuiquam Morbillos contigisse: addit vero bis modo, terve, in tota sua praxi variolis se adjunctos morbillos vidisse.

*Egregius Harris in Observ. suis* credit idem contigisse optimæ Angliæ Reginae Mariæ, Wilhelmi III. Uxori; idque plus simplici vice in aliis observasse se narrat. Sed Reginae casum rite expendenti, dubii quidquam suboritur, an præcise res ita se habeat, quam credit *Harris*. Cæ-



Cæterum variolis mox successisse morbillos, morbillis variolas, exempla habent *Act. Phys. Med. Vol. VI. pag. 370.*

Adnotata practica propria revolvens, invenio me hunc casum anno 1738. habuisse: „Puella habet confluentes variolas: hæc, ubi febris postsuppuratoria deferbuerat, ilico morbillis maxime epidemicis corripiebatur, & moriebatur.

Deinde circa vernos morbos anni 1752. invenio hoc a me scriptis insertum: „Promiscue obtinent Variolæ & Morbilli. Symptomata sunt sæpe eadem: Oculos madidos, semiconcretos, Linguam albam, Somnolentiam, Vomitum, Febrim, Delirium, &c. videas successive iisdem in ædi-

„ bus occupare infantes; quorum alii  
„ morbillis, variolis alii, laborare de-  
„ mum incipiant. Fere nulla familia,  
„ ubi vel solæ variolæ, vel soli grassen-  
„ tur morbilli. Deinde aliis tertio, aliis  
„ quarto, aliis sexto, septimo, imo 14.  
„ die, ab inchoata febre prodeunt.

Cum ergo aut eodem, aut succe-  
dente mox tempore, varii omnes hi  
morbi simul grassentur, in eadem fami-  
lia homines promiscue afficiant, eadem  
nonnunquam corpora varii simul  
infestent, similitudinem gerant sympto-  
matum, adhibendaque vix differant  
cura; nonne hinc credibile, quod ori-  
gine, naturaque vix multum differant,  
sed vario potius modo, quo cutim af-  
ficient; varia, qua sanguinem mutant,  
ratione? An vero quorundam natura  
diversa? Quæ-

Quæritur etiam an malignis in morbis omnis sanguis dissolutus est, maxime dum maculæ rubræ, purpureæque, cutim deturpent?

Non videtur. Historiam sanguinis necdum adæquate novimus. In prima parte *Rationis med. cap. 6.* demonstra-  
vi sanguinem eodem tempore, eodem foramine, eodem jactu, de corpore profluum, portione sui alia dilutum, alia phlogistice concretum, adparere: ita ut oppositæ hæ ejusdem qualitates eodem simul tempore in corpore obtinant. Pluribus experimentis, etiam quibusdam in Nosocomio captis, constitit sanguinem de 14. 17. variolarum mis-  
tum phlogistica crusta tectum fuisse, rubra parte compactum. Imo in puella, quam pluribus cutaneis morbis acutis

H 4 eodem

eodem tempore afflictam mox contem-  
plabamur, sanguis paucis ante mortem  
horis missus inflammatorie spissus fuit;  
hora vero ante mortem, ex eodem fo-  
ramine impetuose exsiliens, laudabilis  
omnino colore, consistentia, miscela,  
proportione. Deinde numerosi ad fa-  
nitatem redeunt, post copiosissimas pe-  
techias. Imo tres mihi noti casus re-  
convalescentium hominum, quibus in  
variolis purpureæ maculæ affuissent;  
memineruntque similium historiarum  
Autores.

Videtur igitur putrida dissolutio a  
suscepto contagio in humoribus nasci  
posse, sed a vitæ viribus sive per omnia  
Corporis excretoria, ut vocant, loca,  
sive per solam cutim, eliminari: ita ut  
reliquus in corpore sanguis bonus, mi-  
nus



nus saltem dissolutus, maneat: sin vero sanguis totus ita affectus est, tunc ab errore loci in nobilioribus partibus mors brevi timenda est: Itidem si materies prava ad cutem, vitæ viribus, deposita, iisdem denuo fatiscentibus re-  
forbeatur, & aut reliquum sanguinem pessumdet, aut flamina vitæ destruat. Ita nempe puellæ nostræ contigisse videtur.

## CAPUT VII.

*De Polypo.*

In cadaverum examine frequentissime polypos cordis, vasorumque majorum, invenimus, quamvis nulla ratio præcesserat, ob quam polyporum præsentiam suspicati fuissetus; nullaque symptomata affuerant, quæ illos præsa-  
giissent. Ad horum exponendam ge-

nesin ex multis, quos deteximus, unum prorsus singularem enarrabo.

Fœmina 28. annorum 10. Dec. 1756. moriebatur, quæ dimidio anno laboraverat mensium defectu, febribusque, nunc tertianis, nunc quotidianis. Cacochymica hinc facta, munus tamen ancillare, vires plane exsuperans, ne fame periret, prosequuta est, ultimo vitæ mense excepto. Polypus utroque in corde, sed potissimum in sinistro, maximam Cavitatis cordis partem explebat, affixus ita cordis parietibus, ut cordis columnæ carneæ omnes per formata in Polypo foramina & canales transirent. Columnæ carneæ ergo integræ erant, integerque Polypus: sed per foramina & canales in Polypo formatos columnæ transibant. Porro ut

Po-

Polypus erat parietibus cordis affixus, sic & marginibus valvularum: ita ut valvulæ parumper modo, non vero usque ad arteriarum majorum parietes, reclinare se possent.

Dúplex est species polyporum. Altera, quam dudum adfuisse, vivente homine, signa demonstravere. Debilitas & inæqualites pulsum, Cordis motus palpitans, manifesto percepta cordis ad thoracem pulsatio, anhelitus ad loquelam, motumque, debilitas universa, cacochymia, sæpe color faciei purpureus, iis in locis, ubi cutis deest, imo & aliquando per totas genas & frontem; polyporum in vita præsentium suspicionem formant. Altera species ea est, quæ adpropinquante morte generari videtur: utramque autem speciem eodem modo produci autumo.

Ma-

Materies ejus spissum id, ac lardo simile est, quod cap. 2. toties videbamus humano sanguini inesse, in eoque variis generari de causis. Sanguis utique noster æque forsan quidpiam solidum, quam fluidum, adpelletur. Nonne sola tritura perenni cordis, arteriarumque, servatur fluidus? an non a minima horum quiete extemplo solidescit? Steterit modo in vase, de vena secta emissus, solida mox insula nascitur, quæ, dum phlogistica materia adest, vix transcendatur novacula. Si igitur a subito terrore, si a conspectu rei horridæ, quies oritur in humorum circuitu; si quacumque de causa homo animo linquitur; sanguis in hac quiete solidescere incipit: ita ut sæpius, renatis quamvis vitæ viribus, debitum non recuperet fluorem: maxime quidem si  
vel



vel a naturali Diathesi, vel a causa adventante quacumque, densitas phlogistica adfit. Ut enim hæc in vase coalescit, a reliquis sanguinis principiis segregata, ita & in momentanea illa quiete in corpore humano suum nisum sequitur: & quemadmodum ampla patina ex vena exceptus, ut fundum modo tegat, crustam non format, sed modo ubi magno volumine colligitur, ita coalescit idem sanguis potissimum in cavis cordis, inque arteriis majoribus, ubi copiosior adest.

Sed præter stagnationem datur aliud, quo hæc massa polyposa nascatur. Si mox missum vena sanguinem corpore ramoso conquasso, polypum sensim formo, sive fictitiam dictam *Ruischii* membranam, quæ polypi perfecte æmu-

æmula. Si exfilientem de vena tanguinem lagena excipiens, mox lagena agitata conquasso, polypum jam, citra baculi ramosi opem, creo. Si in apertum vas exfilientem de corpore sanguinem excipio, & ramulo mox a principio agito, intra pauca minuta crassissimam polyposam membranam conficio. Vid. *Rat. Med. an.* 1756. *cap.* 6. Si nunc contempleris quo pacto, in animi deliquio, conquassetur cruor inter cor tremulum, & tremulas five valvulas, five arterias, nonne sponte liquet polyposam inde massam nasci debere? Et, si homo inde moritur, & humores omnes nunc frigore aëris in cadavere coagulantur, nonne hæc inspissata materies corpus referre queat, quod cordis parietibus, marginibusque valvularum affixum deprehendatur, & quod

columnis carneis transitum præbeat, quas inter conquassata antea fuerat?

Ut nunc in frequenti animi diliquio intelliguntur hi polypi nasci, eadem ratione in Vita illa pauca, ac minima, prope mortem, nascuntur; dum stagnans fere sanguis solo tremulo cordis Arteriarumque motu conquassatur. Datque veram isagogen hæc contemplatio ad curam polypi, post animi deliquia, post motus nimios &c. nascentis. Saponēs varii dissolventes hic indicantur, ipsaque cura, antiphlogistica dicta, sæpe malum solvit. Quosdam hoc anno læti salutavimus curatos, quibus per sesquimensem quovis mane unc.  $\frac{1}{2}$ . Rob. Samb. totidemque pulpæ Tamarindorum & dragma nitri, cum bono haustu feri Lactis; vespere vero idem medicamen,

men, sed leni paregorico mistum, dabatur.

Sed aliud polyporum genus hic explicandum est. Homo 6. die pleuritidis moritur. Sputa non ejecerat, sed materiem albam densam, oblongam, ramosam, arteriæ habentem figuram, præcise ut *Tulpius Lib. 2. cap. 13. tab. 3. & 4.* describit, figuraque exhibet, quæ tussiendo ejecta verum vas ab ipso credebatur. In pulmone hujus viri prudenter transscisso, invenimus ramulos asperæ arteriæ plenos tali materie, quam multam deinde, prorsumque ramosam, eduximus. Sedes hujus in solo lobo sinistro inferiore fuit. Materies purulenta ex percissis vasis sanguiferis superioris Lobi abunde extillavit. Materies similis transsudaverat ex lobo inferiore

in-



inque ejus superficie crustam flavam densamque formaverat, qua idem ille cum vicinis partibus arcte cohærebat.

Eadem ergo materies in vasis sanguiferis mista inveniebatur cum sanguine in arteriis pulmonalibus; eadem inventa est transsudando externam crustam formasse; inventa denique in cavis bronchiis, transsudando, stagnandoque, ramosa illa corpora produxisse. Apud *Haganos* famosus, & ab artis peritia, morumque probitate, commendatissimus Chirurgus, *Erasmus Dringberg*, longo tempore ramosos hos polypos tussiendo ejecit, ut ex Epistola optimi Viri patet, quam Clariss. *A. Caaw Boerhaave* inseruit eruditissimo suo tractatui *de Persp. Hipp. cap. 12. pag. 115*. Consulendus & hic *Gratz* ad *Ruischium*, & Problematica *Ruischii ad Gratzium* responsio.

## CAPUT VIII.

*De singulari modo respirationis, &  
motus cordis.*

I<sup>n</sup>ter causas incognitæ, ac sæpe im-  
provisæ mortis, ab Autoribus refer-  
tur Pulmonum lata cum Pleura cohæ-  
rentia. *Boerb. Instit. §. 835.* Tamen  
raro cadavera incidimus, quin firmas  
ejusmodi, easdemque latas, cohærentias  
observemus; quamvis iidem homines,  
quos tum sanos, tum ægros novera-  
mus, nulla signa præ sese ferrent, ex  
quibus hoc suspicati essemus. Pulmo  
utique in corpore sano exactissime sem-  
per pleuræ adplicatus, idque æque in  
expiratione, quam in inspiratione, vi-  
detur his cohærentiis, pedetentim for-  
matis, paulatim assuescere, easque in-  
culpate ferre. Sed quo pacto in de-  
scri-

scribundo nunc casu motus vitalis peractus fuerit, haud capio. Dabo anatomicen totam, cum totus homo singularia referret.

Erat 43. annos natus, rudiori assuetus labori, 30. abhinc annis spinam ventosam ad dextram claviculam passus; quæ hucusque quovis biennio aut triennio recrudescebat, festucas osseas ejicere solebat; cætera sanus.

Anni octo elapsi erant, cum a valido ligno resiliente femur *sinistrum* contunderetur, attamen sine ullo mali relicto vestigio penitus sanesceret. Septem vero abhinc mensibus denuo gravi ligno sinistram coxam contusus, male habuit; bimestri tamen spatio Hortulani continuans labores, demum se quie-

ti dedit. Postquam tumore *sinistri* femoris per sex menses male habuisset, disparuit tumor omnis, cessavitque dolor, & sensim femur *dextrum* tumere ac dolere inchoat. Hunc tumorem, mensis spatio passus, nobis exhibuit pure refertum. Aperto eo tres unciaë puris effluxere, immissus vero stylus sinuosum ulcus ostendit.

Postquam quatuor ab apertura diebus se optime habuisset, subita eum Peripneumonia prehendit, pure quamvis rite ex ulcere fluente: hanc iterata missio sanguinis, penitus phlogistici, & idonea remedia, ad quartum diem egregie solverunt: ita ut cum respiratione non impedita, semper dein miti febre continua remittente laboraret, & appetitu perpetuo bono gauderet; donec demum  
col-



colliquante Diarrhæa, ichoris ex ulcere effluxu, immobilitate affecti cruris, urinis denique tum colore, tum crassamento, fuscis, difficilique respiratione prægressis, moreretur.

In cadavere clavicula & tumens, & exesa hinc inde; cæterum nihil in tota vicinia mali. Os femoris *lævum*, bis contusum, vera mali origo & fedes, integerrimum fuit. Os autem femoris *dextri*, ad quod decem ante mortem septimanis materiæ metastasis facta erat, orbem periosteo totum, scabrum, & erosum; Acetabulum sine cartilagine, sine periosteo, sine glandula: ipsaque Theca ligamentosa ad acetabulum magnam partem consumpta. In jejuno Intestino susceptio notabilis quatuor pollices longa, multum quamvis corruga-

ta, cum parte superiore in inferiorem prolapsa; mox parvæ duæ aliæ ibidem, binæque similes, sed inverso ordine, in Duodeno. Colon a dextro latere medium ventrem emensum, ubi se Hepati pluribus ligamentis affixerat, replicuit sese ad spithamæ longitudinem versus dextrum latus, indeque reflexum, lienem petebat, sub quo ingenti formato sacco, solitam deinceps viam absolvebat.

Thoracem rimatus, pulmones ita nexos inveni, ut simile quid nec viderim, nec legerim unquam. Nam non fuit in toto thorace, universoque pulmonum in ambitu, vel unicum punctum a cohæsiōe liberum. Quippe cohærebat Pulmo cum tota pleura, cum universo diaphragmate, integro cum pericardio, sternoque. Modus autem

cohærentiæ adeo firmus erat, ut nemo nostrum, citra dilacerationem, vel minimam solvere portionem posset. Connectebat enim eosdem tenacissima, non dilatabilis, & ubi vi partes a se invicem distrahebantur, vix semilineam crassa, cellulosa membrana. Imo toto sinistro in latere, tenacitatis cellulosæ loco, vera reperta sarcosis; veluti si pleura degenerasset in crassissimam carnem rubram, insertam alte in pulmonum substantiam, ab eaque inseparabilem. Lobi quoque omnes inter sese eadem tenacissima cellulositate coivere.

Sed nihil mirabilius contemplatione Cordis. Ut enim pericardium omni in puncto arctissime unitum cum pulmonibus erat, ut jam dixi, ita interno pariete suo, ope ejusdem tenacissimæ texturæ cellulosæ, tam firmiter cum corde, ejusque auriculis, sinibus, ac va-

sis majoribus omnibus concreverat, ut solvere nemo, nisi lacerando, posset. Præterquam quod crassus faccus, ceu nova genitura, Aortæ ad pollicem latum undique, firmiterque, circumcretus, & intime connatus, reperiretur. Cavum sinistrum cordis circiter solitam, dextrum vero vix quartam partem solitæ crassitudinis habebat.

Porro nemo nostrum vidit hominem hunc laboriose respirantem, cum 4. Martii hujus, quem vivimus, anni, circiter 50. gradus conscenderet, consilium, cum cæteris adventantibus pauperibus, petiturus. Nec vitiose respiravit quatuor primis diebus, uti neque post peripneumoniam curatam, nisi sub mortem. Respiratio tantum fuit naturali brevior, pulsusque naturali paulo celerior ac debilior, vix tamen inæqualis.

Ho-



Homo ergo hic cohæſionem habuit, cui forte ſimilis non viſa unquam: attamen non ſubita, ſed lenta morte, cujus cauſæ aliunde notæ, periit.

Sed conſideremus jam actionem cordis. Cor hoc cum auriculis, ac finibus, vaſisque majoribus, intra pericardium plane immobile fuit; idque non partim ut pluries vidi, ſed ubique locorum, concretione valida, vi tantummodo dilaceranda.

Si igitur hic contemplemur totum thoracem, pleuram, diaphragma, pulmonem, pericardium, cor, vaſa majora, mediæſtinum, non fuiſſe niſi unicum ſolidum, quomodo actiones viſcerum vitalium horum explicabimus? Si quis cogitaverit muſculofam oſſeamque fa-

bricam thoracis dilatasse thoracem, aëra in dilatatos pulmones intrasse, laxatis iterum musculis dilatantibus, thoracis capacitatem hinc imminutam aëra expulisse, & hac ratione quandam exercitam fuisse respirationem; respondeo ejusmodi respirationem si possibilis fuisset, longe sane laboriosiore observari debuisse, quam eandem nos omnes in hoc homine observaverimus.

Sed præterea, quis cordis motum explicabit? An tota concreta massa dilatata, cor quoque dilatatum fuerit? Tunc semel modo in singula Respiratione impleri, ac depleri, potuit; dum naturaliter quater, quinquies, in singula respiratione pulset. Sed homo habuit semper, etiam usque ad finem vitæ, pulsum celeriores, non palpitantis, sed evacuantis se cordis, argumentum.

tum. Si aorta arteria in singula respiratione semel modo dilatata & angustata fuit, cur per suos in carpo ramos potuit, v. g. in febre peripneumonica, frequentes producere pulsus?

Sane quocumque modo rem examino, volvo, ac revolvo, non invenio nisi ubique insuperabiles mihi difficultates; cohærentia enim descripta notas cujusdam vetustatis habet, ob idque communes physiologicas regulas repudiat.

An ergo & præter, & contra, communes leges naturales, homo vitam vivere possit? Noster vixit, ergo potuit. Ecquis OMNIPOTENTI regulas præscripsit, secundum quas vitam conderet, servaretque humanam? Orbés terrarum innumerabiles condere potest, hominesque  
in

in iisdem producere, quos singulos vario modo condant, variis conservet in vita modis. Metimur nos naturæ leges ex consuetis observationibus; quas velit DEUS, has sequitur leges. Et quis demum ejus arrogantiae, aut potius dementiae erit, ut divinam potentiam ejusmodi legibus adstringere cogitet, circa quarum aut existentiam, aut intellectum, adhuc litigant Artis principes? *Hallerum* volo, *Werlhovium*, *Hambergerum*, *Albinum*, *Boerhaavium*, compluresque alios, quibus necdum inter sese de his legibus convenit. Homunciones nos! observata colligimus, legesque condimus ex iisdem; dum interim nos sæpe in observatis vel unicum lateat, a quo vera rerum dependeat notities. Quis enarret in quot quantisque rebus meridiem credamus, quam adhuc in-



volvatur nox aterrima? Aestum marinum, secuti *Newtonum*, tam clare suis percipimus de causis, ut qui Cælum perlustraverit, Astra tetigerit, emensusque Maria fuerit, vix posset melius: & ne quid desit, calculo geometrico & algebraico abstrusum id in apricum duxisse videmur. Sed, quod dolendum, in hac nostra meridie magnus *Bernouilli* cæcutit, adeo ut acerbè conqueratur *Newtonianos* tanto suo molimine huic negotio parum profuisse aliam porro viam capeffendam arbitratus, hanc patefacit candidus, hanc mathematicè probat. Velimusne inire eandem? St! Eruditione, judicioque clarus *Eulerus*, *Newtoni* obscuritatem, viamque, quam iniverit, & tortuositatis, & erroris, aperte criminatus, alias a *Newtonianis* & *Bernouillianis* leges detexit, easque,

re-

revocatis *Cartesii* vorticibus, mathematice demonstrasse visus est. Videtisne quam incerta sint, quæ pro certis habueramus, pro invictis, pro demonstratis? Nostra nobiscum Anima ita cohabitat, ut unum cum eadem Ens existamus. Ejus veluti primariam sedem, ejus proprium cum corpore vinculum, ac vitalis principii locum, modumque demum verum, quo anima & suam machinam gubernet, & ab eadem afficiatur; hæc, inquam, omnia Mortales intelligere, explicareque, se posse autumant: verum millenis ab annis, in hunc usque diem, circa hanc rem disceptatum fuit, sua cuique sententia est, sua quemque opinio trahit. Neque mirum hoc, cum quædam *Secundæ* causæ nobis duntaxat pateant, veras vero, primasque rerum causas, SUMMUS rerum

rum ARBITER, quod earum notitiæ nos non interesset, nobis abscondere voluerit. Unde crediderim inutiliter quæsisse, vane quærere, fontice quæsiturum audax *Japeti* genus, quid Vitalium principium actionum? quæ animæ sedes? quis operationis ejus, passionisque, modus? Resonat Europa Physiologorum hoc tempore clamoribus, veluti de hoc *Gordio* nodo plane ovantium; interea dum experimenta, quibus ad sententiam tuendam utuntur, ab aliis repetita, prorsum aliud clament, contrariam inducant conclusionem. Adeo & in hisce, & in multis aliis, id saltem demonstratur, quod in sacris legimus, Eccles. Cap. I. *Cunctæ res difficiles, non potest eas homo explicare sermone.* & Cap. III. *Vidi afflictionem quam dedit DEUS filiis hominum, ut distendantur in ea.* Cuncta  
fecit

*fecit bona in tempore suo, & mundum tradidit disputationi eorum; ut non inveniatur homo opus, quod operatus est DEUS, ab initio, usque ad finem. Et Cap. VIII. Et intellexi quod omnium operum DEI nullam possit homo invenire rationem, eorum quæ fiunt sub sole: & quanto plus laboraverit ad quærendum, tanto minus inveniat. Etiam si dixerit sapiens se nosse, non poterit reperire. Tandem Cap. IX. Quomodo ignoras quæ sit via spiritus, & qua ratione compingantur ossa in ventre prægnantis, sic nescis opera DEI, qui fabricator est omnium.*

Si hæc dixit Salomon, Salomon qui Philosophiam ab ipso DEO edoctus erat, Lib. Sap. Cap. 7. *Omnium enim Artifex docuit me, Sapientia; Cui dixerat DEUS Lib. 3. Reg. Cap. 3. Dedi tibi cor sapiens*



piens & intelligens, in tantum, ut nullus ante te similis tibi fuerit, nec post te resurrecturus sit; Qui disseruerat, *ibid.* cap. 4. *Super lignis, a Cedro, quæ est in Libano, usque ad Hyssopum, qui egreditur de pariete; disserueratque de Jumentis, & Volucris, & Reptilibus, & Piscibus*: si, inquam, tantus ille Philosophus ita asserit, utique sana nos Ratio jubet superba nos nostra contrahere vela. Sobriam imitemur, id est veram, sapientiam *Salomonis*, nos ita monentis; quam mire imitatus est Eminentissimus S. R. E. Cardinalis *de Polignac*, in Aureo suo *Anti-Lucretio*, destinato ad veram Religionem tuendam adversus *Epicurum, Lucretium, Spinosam, Hobbesium*, ejusque impiæ farinæ autores alios. Videatur *Lib. 5. pag. 158. & 187. Lib. 9. pag. 358. & alibi passim.*

Facta hac necessaria digressionem circa ea, quæ in hoc cadavere mirabamur, pauca dicenda supersunt. Quid sibi illæ susceptiones Intestinorum? Hæ videntur spasmodicis sub mortem natis deberi; ut in alio casu *Rat. med.* 1756. *cap.* 7. explicui. Qui de his plura, adeat *Ill. Præsidis comm. in cap. de infl. intest.* & laudatum ibidem tractatum Egregii C. H. Velfe, Medici & Senatoris Hagani, candidi mei, æternumque honorandi amici, *de mutuo Intestinorum ingressu.*

Sed cur accubitu materiæ purulentæ ad sinistrum femoris os, per integros sex menses, nullæ noxæ ossi illatæ; accubitu vero duorum cum dimidio mensium, destructio tanta, tum dextri ossis femoris, tum omnis acetabuli? Forte in priore casu hæsit materia fasciam

latam inter, musculosque; in posteriore immediate ad ossa. Forſan eadem blandior olim, reſorptione acrior facta eſt. Forte non reſorpta, ſed per celuloſitatem a ſiniſtro femore in dextrum translata, eodem hoc motu acrior facta fuit.

## C A P V T IX.

*Quædam de pulmone innatante aut ſubſidente in aqua.*

**I**n dubio Infanticidio ſolet vulgo ex pulmone, fundum aquæ petente, judicari infantem poſt partum non vixiſſe; eodem vero innatante, vixiſſe, reſpiraviſſe. Obſervationes in Noſocomio factæ quandam hic prudentiam ſuadent, ne peccemus. Ter enim, quaterve, jam demonſtravi publice notabiles portiones Pulmonis Adultorum, in aquam injectas, fundum petere.

Etenim obstructions, mucus copiosus, scirrhi, indurationesque pulmonum, reddunt eorum portiones, imo lobos integros, graviores, aeri impervios, ita ut etiam leviores cæterum vicinæ portiones una deorsum trahantur: si vero gravior pars parva sit, in aqua a leviore suffinetur; separata autem fundum petit. Plures nunc relationes, ad judicem factæ, argumentum habent ex abscissa portione pulmonis, innatante, vel submersa aquis. Nonne hinc in proclivi fit, ut fontes fœminæ absolvantur, fallanturque Judices? Et si horis diversis, ob diversitatem jurisdictionis, a diversis chirurgis examen cum frusto pulmonis fiat, nonne hinc e diametro oppositæ relationes haberentur?

Consulentes autores Anatomicos, similia detegimus. *Diemerbroek* pulmonem



nem Adulorum scirrhum vidit aliquoties aquæ fundum petiisse. *In Hist. Acad. Sc. par. 1733.* unius lateris pulmo integer innatavit aquæ, alterius submersus est totus. Ex *Zellero & Bohmio* patet tum Vituli, tum Infantis, post nativitatem respirantium pulmones, fundum in aqua petivisse, cujus causa aut mucus, aut valida in utero nata obstructio. Ita quidem ut aër non obstructam post nativitatem partem implevisset, obstructam minime.

Sed præterea vagit nonnunquam infans in partu, eo quod capite jam prodeus aëris inchoet usuram: deficientibus interim viribus matris, aut uteri orificio se arctius circum ejus collum constringente, infans ante nativitatem moritur. Pulmo hic innatabit aquæ,

quamvis infans mortuus sit natus, rea-  
que infanticidii agetur, secundum leges  
susceptas, mater. Castigandæ ergo &  
emendandæ erunt Regulæ artis ibidem  
loci, ubi adhuc more communi fiunt ad  
Judicem Relationes; ne vel judicem  
fallendi, vel fontes absolvendi, vel in-  
fontes damnandi, evidens periculum  
incurrere pergant.

## C A P V T X.

*De supputando calore corporis  
humani.*

**I**ngeniosissimi Viri *Fabrenbeit*, & *Prins*,  
ut & omnium laude superior *Reau-*  
*mur*, post *Toricelli*, *Galilæum*, *Drebe-*  
*lium*, *Paschal*, exacta nobis condidere  
thermometra, ad determinandum calo-  
ris humani gradum aptissima. Secun-  
dum hæc, omnia corpora non viva, non  
ignita, non in sphæra activitatis ignis  
po-

posita, eo caloris gradu calent, qui obtinet ipsa in Athmosphæra. Ita ut Lignum, Lapis, Metalla, Sericum, Lana, Aqua, Vinum, Spiritus Vini, Alcohol, eundem inter sese, eundemque cum aere communi, calorem habeant. Quod vero res sæpe aliter nobis adpareat, ut dum v. g. hyeme ferrum politum longe frigidius existimamus, quam vestem laneam; vitrum, quam lignum; lignum politum, quam idem cariosum; id inde fit, quod noster natus calor eo, qui in Athmosphæra est, longe major, athmosphæram lanæ mox moveat, & communicatione sui majoris caloris, magis calefaciat: sed quod idem ille calor noster politas ferri particulas in ejus superficie non nisi tarde moveat, & cum frigido aere, inter ferri particulas reperiundo, non nisi lente sese communi-

cet; forsan etiam quia tempore frigidissimo, spicula glacialia inter ferri particulas cito non moventur. Dum tamen metallum, politave alia corpora, applicata diu calente manu tenemus, tepescunt sensim; susceptumque semel calorem servabunt diutius, quam corpora leviora, explicata de causa. Ipsa hominum, animaliumque cadavera, ut cætera omnia prius definita, quamdiu putredinem necdum inchoant, eundem habent, qui Athmosphæræ est, calorem. Quid nunc in Physica & Medicina conferat exactus caloris variorum corporum calculus, evidenter, ni fallor, is, qui *Boerhaavii* Dissertationem *de igne*, omnibus Physicis adeo laudatam, bene comprehendit, intellecturus est. Hujus ergo, Laudatorumque antea virorum, vestigiis inhærens, datam ab ipsis doctri-

etri-



Etiam ultra promovere conatus fui, secundum proverbium : *Inventis addere facile.*

**1<sup>mo</sup>.** Calorem hominis sani definiverunt 95. 96. graduum. Calorem hominis in frigore febrili jacentis a gradu 87. ad 94. ejus vero qui æstu febrili arderet a gradu 96. ad 108. & forte adhuc aliquid plus. Ergo recessus in frigore minor, a puncto fixo graduum 95. 96. quam ab eodem puncto excessus caloris.

**2<sup>do</sup>.** Calorem aëris athmosphærici statuerunt semper minorem eo, qui hominis sani est, idque etiam ardente furore. Quin prorsum impossibile esse, ut homo ejusmodi in aëre diu vivere possit, qui suum ipsius æquaret; multo minus in eo, qui ejus proprium ex-

superaret. Rationes Physicas in Chemia *Boerhaave* dedit, *Cap. de igne Exp. 19. Coroll. 16.* „Sanguis frigidior in ar-  
„ ctos, elasticos, fortes, canales arte-  
„ riæ pulmonalis, vi cordis dextri, at-  
„ que molimine ingenti respirationis,  
„ pressus, actusque, necessario per unum  
„ pulmonem fertur copia æque magna,  
„ quam, eodem tempore, per univer-  
„ sum corpus, omnesque ejus partes,  
„ simul. Hinc igitur idem sanguis nul-  
„ la in parte corporis usque adeo at-  
„ teri, adeoque & calefcere poterit,  
„ quam in pulmone solo. Foret ergo  
„ calor illius homini intolerabilis, imo  
„ letalis. Verum aër, respirando du-  
„ ctus in pulmonem, est semper fri-  
„ gidior longe, quam hic sanguis. Et,  
„ per *Malpighiana*, sanguis hic in ar-  
„ teriolas minimas fusus, quæ vesicu-  
„ lis

„ lis pulmonum tenuissimis adplicantur  
„ undique, per superficies ergo incre-  
„ dibiliter latas, exponitur aëri, per  
„ omnia momenta temporis renovato,  
„ adeoque semper frigido: unde lan-  
„ guis ex se, in nulla iterum totius  
„ corporis plaga refrigeratur plus, hoc  
„ respectu, quam in pulmone nostro.

3<sup>tio</sup>. A magnis in arte viris, quos  
inter princeps *Boerhaave*, decretum fuit,  
decrementa hæc caloris in corpore hu-  
mano, morborum tempore observanda,  
minori deberi attritui humorum in vasa,  
vasorum in humores, particularum hu-  
morum inter sese: augmenta vero au-  
ctiori attritui.

Cum tantorum nominum debita  
veneratione, licebit propria observata  
enar-

enarrare, ex iisdemque necessarias formare conclusiones.

*Boerhaave, Fabrenheit* apud *Boerhaave* laudato mox in corollario, *Hales in Hæmæstaticæ, Derham Theol. Phys. cap. 2. Lib. 1. De Sauvages Lib. de inflamm.* nobis dicunt quidem qualisnam caloris aut homo sit, aut alia res quæcumque; sed quanto tempore thermometron applicuerint, non addunt. Id porro præprimis requiri, antequam certi quidquam statui in physicis queat, demonstrabunt sequentia observata, capta & in me, sano, & in pluribus aliis sanis, & denique plurimis in ægrotis. Non autem semel, deciesve, sed pluries ipsissima experimenta iterata sunt, & semper idem docuerunt.



Si per dimidium horæ quadrantem sano homini admotum sub axilla thermometer est, calorem notat graduum 95. 96. Si per quadrantem, gradum notat 97. 98. 99. Si per dimidiam horam, 100. 101. Si per horam integram, 101. 102. At vero si dein bihorio, ultrave adhibetur, nondum observavimus illud majorem gradum notare.

Si nunc idem adplicemus ægris, rem præcise invenimus, quemadmodum notant autores laudati, dummodo per semiquadrantem illud admoveretur. Nempe si per dimidium quadrantem in modico admodum febrili calore notaverit 100. gradus, post quadrantem notabit 101. 102. Si per mediam horam 102. 103. Si per integram, 103. 104. Aliis vicibus in febre continua per mediam ho-

horam dabat gradus 106. per horam 109. aliquoties per semihoram 103. per horam 105.

Suspiciabitur forte quis febrilem calorem interea temporis auctum fuisse, adeoque & inde repertam notam mercurii altiore; respondeo, id semel, iterumque contingere posse; sed cur in sanis thermometrum longiore tempore adhibitum adscendit, licet naturalis calor noster minime augeatur? Et cur in ægris, dum nulla caloris mutatio, neque ab ipsis, neque a nobis, observe-tur, constanti tamen lege adscendat? Ergo minime ab aucto calore febrili.

Et ne quis vitiosa mea thermome-  
tra criminetur, optima multa possideo,  
quæ præcipue fabrefecit mihi ingenio-  
sissi.

fiſſimus Phyſicus, & egregius Mathematicus, Rev. *Marci*, ad modum *Fahrenheit*, *Prins*, & *Reaumur*. De induſtria parva mea Fahrenheitiana, quibus apud ægros utor, exploravi ad *magnum univerſale Thermometron*, quod ſubtilis artifex *Prins*, magno cum labore, ipſe adornaverat, hacque lege de meorum præſtantia convictus ſum.

Unde ex datis experimentis id debui concludere, quod defectu adplicationis tempus determinandi, neque ſanorum, neque ægrorum calor, rite fuerit determinatus.

2<sup>dam</sup>. Autorum Theſin multa obſervata labefactant. *Hales*, *Boerhaave*, aliique, impoſſibile credidere, ut homo diu ſubſiſteret eo in aeris calore, qui  
ſuum

suum proprium calorem aut æquaret, aut superaret; idque ob datas antea rationes. Attamen ex observatis, communicatis cum Doctiss. *Derham*, *Theol. Phys. Lib. 1. Cap. 2.* Thermometra sub æquatore designant eundem circiter caloris in aëre gradum, qui hominis est. Quid? quod aëris calor sæpe transcendat humanum? Dum accuratissima thermometra plura suspendi aliquoties in aere libero, ubi nulla radiorum a parietibus reflectio, in umbra solis; alia vero plura soli irradianti exposui: differentiam nonnunquam observavi 30. graduum. Adhuc 27. Aug. inter 3. & 4. pomeridianam, cum in ædibus eodem tempore thermometra haberent gradum 71. in aere vero aperto umbroso 75; Thermometron universale *Prinsii*, soli irradianti libero, citra reflectiones ullas, ex-



expositum, intra  $\frac{1}{4}$ . horæ adscendit ad gradum  $103\frac{1}{2}$ . exin omni momento tantillum descensum affectabat, idque ferre per alium horæ quadrantem idem, & mox iterum adscensum. Semihora elapsa, adscendit sensim ad 107. Relictum per aliam dimidiam horam, non adscendit ultra; forte quod post quartam aër calore non augeſcebat. Pari ratione octo alia thermometra, exigua admodum cum differentia, caloris gradum indigitarunt.

Porro in tam ardente calore exponimur in Platea, in Via publica nullis confita arboribus, in Campis, Messores in agris, Vinitores in vineis, integri, dum castra metantur, Exercitus. Profecto omnes illi per æstatem sæpe aërem inspirant suo proprio aliquanto calidio-

L

rem,

rem, intereaque vivunt; & si moderate vitam instituant, atque a gelido subitoque potu abstineant, sani passim degunt. Igitur sub æquatore vivunt bene homines, in aeris calore, cum humano æquali: vivunt bene per magnam Europæ partem in calore humanum longe superante. Aeris ergo in inspirando usus videtur potius ad motum sanguinis, quam ad ejusdem refrigerium facere: qua in re a textu *Boerhaavii*, ex *Chemia* allato, discedo quidem, sed ad clarissimum Virum iterum accedo, rem, ut hic facio, explicantem *physiol.* §. 202. Et profecto si sufficiat refrigerium aëris, ad gradus 10. frigidioris, fervido pulmonum sanguini, an non vehementer noceret is, qui gelida bruma esset 70. 80. gradibus inferior calore humano? Nonne oporteret hominis sanguinem æsta-

æstate, quam hyeme, longe calidiorem ad thermometra reperiri?

3<sup>ta</sup>. Eruditorum thesis statuit calorem ab attritu oriri. Evincere id multi morbi videntur, ut maxime *cap. de calori febrili Præceptor* ostendit; attamen constantem inde regulam deducere experimenta vetant. In Hemitritæa, quam, cum continua febre, intermittens quotidiana formabat, homo intermittentis paroxysmum tanto cum frigore experiebatur, ut, si frigus modo abesset, morbum totum floccifacere se diceret, propter immane vero frigus se sustinendo ultra non esse. Easdemque querelas multis in paroxysmis repetivit. Dabat tamen Thermometrum passim 104. gradus. Neque vel hilum adscendit illud, dum in ardente deinceps calore

admoveretur. Et dum per sequentes paroxysmos frigus imminueretur, gradus tamen caloris 100. 99. 98. fuere. Frigoris porro perceptio homini vivida; frigoris signa, albor, tremor, fridor dentium, evidentia erant: dum interim calorem naturali superiorem notaret thermometer, dumque nos, repetito sæpe examine hominem tepentem, ac fere naturaliter calentem, passim deprehenderemus. Expectabitis quid ex pulsu observatum sit? Is more solito, tempore frigoris febrilis, celer, parvus, contractus utcumque: caloris vero tempore plenior, liberior, major. Thermometerum semper sub axillis applicatum ita adscendit, cum tamen potissimum frigoris sensum æger toto thorace perciperet.



Veteres describere Febrim ἡπιαλὴν, quam enarrat, non explicat, *Hippocrates*. *Galenus* & *Goræus* eam esse dicunt, in qua per universum corpus caloris simul & frigoris perceptio adesset; quod a bile & pituita simul motis explicatum suo more velint. *Erotianus* & *Foesius*, in ἡπιαλῇ *Hippocratis* exponenda, non faciunt ardoris mentionem, sed continent duntaxat & frigoris, & rigoris. At quocumque demum sensu velis, non fuit hominis nostri febris ἡπίαλα. Nam neque ille simul frigus caloremque percipit, nec perpetuo frigit, horruitque.

Est Veteribus alia descripta febris λειπυρία, de qua etiam *Hipp.* Aph. 4-48. 7-72. „ In febribus non intermit-  
„ tentibus, si externa frigeant, & inter-  
„ na urantur, & sitiunt, lethale”. Cum

hac descriptione conveniunt *interpretes*; sed neque hujusmodi febre laboravit noster. Nam sine thermometro latuisset nos penitus calor ille, naturalem 7. 8. gradibus exsuperans, ipseque æger eum non est expertus: externum enim internumque frigus conquestus est.

Qua tandem ratione ejusmodi Phænomena explicabuntur? Vulgaris doctrina Medicorum mechanicorum est, quod a nata in arteriis capillaribus versus corporis ambitum resistentia, cor velocius, validiusque, se contrahere veluti cogeretur; ut copiosiores humorem per aream minorem traduceret. Verum qui leges hydraulicas a Doctissimo de Sauvages, *Tractatu de Inflammatione* explicatas, & corpori humano applicatas, attente contempletur, prorsus

con-

contrarium concludere cogitur. *Vide hunc tract. a §. 24. ad 62.* Et profecto experientiam consulentes, videmus in Paronychia, Otagia, Tendinis punctura, Capillarium obstructionem adeo modicam, ut notabilem effectum in sanguinem, & cor, edere non posset; & tamen quam acutæ aliquando in his febres! quanti calores! E contrario febre comburi oporteret Chloroticam virginem, Scrophulosum interno externoque corpore puerum, quibus fors media pars obstructa sit Capillarium; cum tamen hos reperiamus a naturali calore remotiores. Si quis dicat in his febres haud generari, quod cordi vires defint; attendat ille quid his contingat, suscepto varioloso, morbilloso, aliove, miasmate! Motus cordis, ejusque velocitas, augentur ita, ut aquosus pridem mu-

cofusque cruor, jam phlogistica materie scateat, missusque de vena densam mox crustam formet,

An igitur nata quacumque de causa in humoribus acrimonia motum cordis, vasorumque, irritando, augeret? Cum anatome detexerimus cor inflammari, suppurarique posse, citra perceptos eo tempore dolores: cum præterea Apoplexia doceat eo ipso tempore, quo nullum inter Nervos sentientes, & sensorium commune, commercium detur, cordis motum notabiliter augeri: hanc ita dictam irritabilitatem pro causa ægrius admittere possumus. Neque nos hujus irritabilitatis convincere moderna experimenta valent, cum alii eorundem vim contrariis eludant experimentis. Daturque aliquando febris mox in

cor-



corpore sanissimo nata, ubi acrimoniam  
ne Lyncæi quidem oculi unquam de-  
tegant; & hæ quidem violentissimæ.

An igitur hæc de origine motus cor-  
dis, motusque ejus, ac velocitatis in-  
cremento, quæstio, inter illas locanda  
quæstiones, quas ILLE, qui se solum  
in S. Scriptura vocat SCRUTATOREM  
CORDIVM, ille perpetuo nobis aman-  
dus & adorandus, nostrum adeo limi-  
tatum, & imbecille ingenium, latere  
voluerit; ut rei mirabilitate attoniti, in  
admirandi Artificis Encomia profunde-  
remur?

Verumtamen dato semel, & a cau-  
sis explicato, aucto motu cordis, nun-  
quid natus inde attritus phænomena, in  
viro nostro observata, explicet? Non

L 5                      puto.

puto. Tempore frigoris homini intolerabilis, cum pulsu contractiore minore, Thermometrum signat octo gradus ultra calorem naturalem: præterea tempore quo intolerabiles ardores homo conqueritur, quo pulsus magnus ac celer est, Thermometrum habet eundem caloris gradum. Hoc phænomenon qui legibus physicis bene ex attritu explicuerit, erit mihi magnus Apollo.

Alia ergo causa subsit oporteat, quam solus attritus, quæ augeat, auctumque sustineat calorem; idque eodem tempore, quo sensus nil nisi frigus animæ denuntient.

Quæstio nova, æque quam prior, intricata, nempe cur obtinente in homine calore, naturalem octo gradibus  
su-

superante; in homine, inquam, mentis compote, perpetuæ de frigore, eoque non tolerando, querelæ? Idque una cum signis frigoris, tremore, rigore, stridore dentium? Nunquid contrarium ejus, quod in corpore obtinet, nervosque afficit, renuntiari animæ queat? Absonum hoc videretur, nisi huic similia, eoque mirabiliora, in humana œconomia contingere fateri cogeremur. Homo bene in lecto calens, in somnio videtur sibi frigere totus, & incredibili voluptate afficitur, dum igni grato admoveri visus, gelu membrorum superare se credit. Homo bene cœnatus, nocte famelicus sibi videtur, & amœnitate appositæ Dapis delectatur impense, famemque explet. Ergo citra ullum commercium corporeum, imo cum contrariis corporis conditionibus,

Ani-

Anima nostra gaudiis affici, mœroribusque, grato & ingrato, potest. Argumenti genus, quo impios convincamus, qui negent Animas a corpore jam separatas, iis posse cruciari, quibus, dum in corpore viverent, ope corporum organorum, affici solerent. *LUC. 16. v. 24.*

Difficultatem, inquiet quis, difficultatibus potius cumulas, quam explicas. Fateor; neque aliter possum. Explicationes hucusque ab Eruditis datas, nullius momenti esse, neminique satisfaciennes, novimus abunde; alias porro ignoramus. Unde hanc ipsam quæstionem iterum relegamus ad illas, quas ignorare debuerimus: nosse enim si oportuisset, optimus nostræ machinæ Conditor easdem patefecisset. Imo  
opor-



oportet harum ignorantiam nobis conducere, quia *Vidit Deus omnia quæ fecerat, & erant valde bona. Gen. 1. 31.*

Patientia igitur in experimentis, libero ab hypothefibus animo capiendis, multa dediscimus, quæ humana arrogantia, & præcipitantia, perperam addidiceramus. Sed præstat hominem, ad veritatem æternam contemplandam destinatum, ab erroribus remotiorem fieri, ac veritati proximior: sic propius ad felicitatem, quondam æternam futuram nobis, accedimus.

Quot igitur encomiis sufficiam, ut  
MATREM PATRIÆ, MATREM  
ACADEMIÆ, AVGVSTISSIMAM  
IMPERATRICEM, MARIAM THE-  
RESIAM, digne concelebrem! quod  
pro

pro sua benevolentia, munificentia, veroque scientiarum amore, indicante & hortante Illustrissimo Medicæ Facultatis Præsidente, Libero Barone *van Swieten*, hoc condiderit, redditibusque ditaverit, Nosocomium; ut in eo, posthabitis omnibus circa Medicinam systematibus, Nobilis hæc, ac necessaria Ars, solis experimentis, & prudenter captis observationibus, traderetur, coleretur, augesceret! fane & huic Viro debitas hanc ob causam laudes fera posteritas canet.

Sed ut hoc caput absolvam, paucisque dicta confirmem, resumendus hic est casus hominis cujus Cap. II. mentio facta fuit. Is in suo marmoreo frigore, integris 24. horis ante mortem perdurante, sine vel minimo arteria-

riarum pulsu, ulla arte indagando, notavit in Thermometro calorem 97. graduum, idque adhuc bihorio ante mortem. Thermometrum autem, paucis minutis admotum, hunc gradum notavit; notaturum forte altiore, si diutius applicitum fuisset. En iterum sine ullo fere attritu calorem naturali majorem!

Idem, aliud tentans, expertus sum. Animus erat experiri num cortex peruv. ipsa in febre datus, febrilem calorem auget, prolongaretque; ut laudatissimus *Hales* habet *Hæmast. Exp.* 18. No. 6. Apta ad id occasio erat. Fœmina 24. annorum, de qua actum cap. 6. febris continua gravi, cum quotidiana intermittente afflicta, cortice curanda erat 12. morbi die. Cortex datus dedit pri-

prima die gradum caloris uno inferiori ei, qui hesternus fuerat; die altero binis inferiorem gradibus; quarto vero die fœmina prorsum omni febre caruit. Ergo integram corticis, in substantia ut vocant, unciam spatio Nuçthemeri absumens ægra, non incrementa habuit, sed decrementa caloris. Cortex tamen aliis in occasionibus auget calorem; nam omni experimento liquet eo in iis augeri calorem, qui naturali minorem possideant; ut eundem minuit iis, qui naturali maiorem. Qua id vi efficiat, cum *Sturmio*, cum *Bado*, cum *Mortono*, ignorantiam fateri malim, quam falsa incertaque proferre.

Sed, quod res est, hæc ipsa mulier, quarto die ab usu corticis, febris prorsum  
sum



sum expers, naturaliter calens, moderatum sanum calorem ipsa experta, pulsum lentum bonumque habens; tamen signavit in thermometro gradum 102. multisque postea diebus calorem habuit naturali majorem. Ergo calor non a solo attritu, non a solo motu aucto.

## CAPUT XI.

*De vario tumorum genere.*

**I**nflammatorii tumores qui generentur, hic inquirere non est animus; sed quid de lentis quibusdam tumoribus, tarde crescentibus, diuque obtinentibus, cogitandum sit, indagare.

Tales namque in collo multi gerunt plures, minores; variæ magnitudinis, duritiæque: ita nonnunquam, ut totum in ambitu collum conglomeratis ejus-

M

mo-

modi tumoribus maxime difforme fiat. Abdomen, thorax, totumque denique corpus, nonnunquam iisdem scatet. Substantia eorum diversa; diversa, quam contineant, materies, haud in variis duntaxat hominibus, sed eodem etiam in homine. Et quidem ita, ut eodem in corpore trium, quatuor, quinque, specierum variarum habeantur tumores; quorum quandoque nulli vix aliquam curationem admittant; in aliis nonnulli tumores ægre, facile alii, curentur; in nonnullis longo molimine farentur omnes; denique curatorum multi non raro postliminio repullulent. Ex multis unam alteramve historiam descripsisse juvabit, ut de eorum genio, naturaque, cuique constet.

Puerum 10. annorum, multis in  
collo

collo, & sub axillis, tumoribus scatentem, muco turgidum, ventre tumidum, cacheticum totum, prægressi anni autumno ad me attulerant. Quæ remedia in usum vocata sunt, hæc postea historiæ aliorum ægrorum dabunt. Puer hydropicus factus, post expletas decem in Nosocomio septimanas, calamitosam vitam terminavit.

Cadaver lustravi cum Clarissimo & dexterrimo Anatomæ Professore *Gasser*, & exercitatissimo Chirurgo Nosocomii Civici *Leber*, qui in omnibus dissectionibus semper gratum mihi, utileque, præbere auxilium solent, tota studioforum præsentē cohorte. Aperto abdomine Mesenterium tum vehementer tumidum fuit, tum penitus nudum ac conspicuum, Intestinis omnibus quasi

naturaliter versus ambitum remotis. Tumores Mesenterii magni, durique iidem & solitarii, cum peritonæo vero, & ligamentis vertebrarum lumborum, adeo intime concreti, ut Mesenterium citra dilacerationem haud potuerit a vertebra solvi. Quoad naturam tumorum, in quibusdam medium folliculum occupabat alba materies, aut grisea, unita, æquabilis, crassa pulte durior, mollior lardo, & in meditullio veræ pulti similis. In aliis materies tum albidior erat, tum etiam in meditullio durior. In aliis tota iterum dura, æquabilis, scissilis. In nonnullis veluti calx aqua mista oculis adparebat, digitis nullam exhibens asperitatem. Denique, in una alterave, vera calcarea materies, dura, tactu aspera, ceu in fungosum lapidem concreta. Ad vasa ilia-

ca



ca utraque, ad Pericardium, Sternum, Diaphragma, supra Asperam arteriam ad Jugulum, ad Axillas, ubique ejusmodi reperiundi tumores erant. Multa in thorace, & abdomine, aqua.

Ad monstrosum nunc collum verso examine, Tumores non amplius solitarii, sed & pluribus minoribus, sibi incumbentibus, accumbentibusque, & communi cellulositate circumdati, constabant. Membranas alii tenues, crassiores alii, nonnulli denique prope cartilagineas, habebant. Intercurrebant per tumorum intercapedines, supraque eosdem, arteriæ, venæ, nervi multi, per tunicarum substantiam dispersi. Tumore prudenter aperto, vasa eadem in minores, quibus massa major componebatur, tumores, se dividebant: tu-

morumque multi vasis in collo majoribus tam firmiter increverant, ut sine alterutrorum læsione separari non possent; vasa tamen illa majora a tumoribus non videbantur notabiliter comprimi. Encephalon solum ab his malis immune fuit. Ubique in colli tumoribus diversitas materiæ: imo aliquot ante mortem septimanis ingens adparuerat tumor, suppuraverat, disparuerat. Plerique vero quasi una cartilaginosa substantia erant, vel atheromata. Sedes porro omnium aut glandulæ erant, aut adiposi folliculi.

Multiplex igitur uno in corpore tumorum differentia: sed aliis in corporibus adhuc alias formas induunt. Fœminæ cætera sanæ a tribus retro mensibus solitarius ejusmodi tumor creverat  
spon-

sponte, in colli postici dextro latere, partem cucullaris musculi, ut & splenium capitis, & complexum, tegens. Libere hærentem Chirurgus enucleavit, globo similem, levem. Exscissum tumorem examinantes, plures membranaceas lamellas, vasculis multis refertas, primo separavimus; dein ad duritiem semicartilagineam sesquilinearis crassitudinis pervenimus, quam intus investiebat durior compages, in plagis quibusdam perfecte cartilaginea. Magnus tunc sequebatur folliculus, plenus materie pellucidissima, gelatinosa, subflava, tunc sanguis fluidus, coccineus, per tremulum hoc gelatum filatim quasi dispersus, vasis non contentus tamen. Portio vero quædam rubicunda, gelatinosa, uno in loco ad internum folliculi parietem hærebat, non quidem affixa,

fed veluti leviter agglutinata. Vas vero, quo ejusmodi duplex materia in cavum folliculum intrasset, nullo scrutinio patuit. An durum tumoris putamen, post enucleationem contractum, vasa in cavum penetrantia compressisset, rubrum partim in cavum, partim retro expulisset? Sicque vasis conspectum ad-emisset? saltem microscopio examinata materies hæc, & undique perscissa, non nisi homogenea, vasisque orba, adparuit.

Aliud genus tumoris intellectu difficile, haud ita pridem tribus in hominibus vidi. Sedes in maxilla utraque est, incipiens ad aurem, sub processu zygomatico procedens, ad alterum tertiumve dentem molarem pervenit, descenditque ad mediam, imo & ad inferiorem maxillæ inferioris partem. Si in  
ore



ore examines, est ligni instar durus, & vestitus membrana, ruber colore, a maxillis liber, præterquam superiore sui parte. Lignea durities ubique æqualis. Palmam manus magnitudine occupat. Cuidam fœminæ & totam occupat parotidis sedem. Est, cui Zygomaticus processus extrorsum trudi videatur. Nullis hucusque remediis auscultat, etiam solventissimis. Si forte alicubi plaga emollescens materiem videatur continere, ea aperta dat sanguinem merum, dat Lympham; cæterum nec suppurat, nec mole decrefcit. Qua proprie lege nascantur, quidve gerant intra sese, necdum bene de- tegere licuit. Buccinator, Zygomaticus major minorque, supra tumorem libere agunt.

Hæc de theoretica tumorum quorundam contemplatione, quorum difficilem fateor curam esse; quid tamen in inveteratis, desperatisque, tentaverim, enarrabo.

Accessit me 20. annos nata fœmina, vinitorio opere victum quæritans, pluribus deturpata toto collo tumoribus. Varii quidem illi, maximeque ad nucham, suppurantes apparuere, aperti que dederunt puris tantillum, sed reliqua mole mansere durissimi; quantacumque opera eorundem suppuration, unguento ægyptiaco, aut adplicito vitriolo calcinato, aut præcipitato rubro, aut trochiscis de Minio Vigonis, exploraretur; uno alterove, in tanto numero, excepto, omnia frustra erant.

Hinc

Hinc in ea institui *Galen*i methodum, qua Aceti vapor, apto ad id instrumento, quotidie ad dura hæc corpora determinetur, idque per sex integros menses continuavi: interea dum patiens uteretur Vino austriaco communi, in quo sal alcalinus solutus, ut hoc veluti saponaceo liquore solverentur concreta; uti & sæpe pilulis gummosis ac saponaceis. Sed omnia frustra.

Deinde ipsi per alium dimidium annum dedi dragmam integram *spongiæ ustæ* quotidie. Spongia dat usta odorem, ustis animalium cornubus similem, sallem alcalinum volatilem, & oleum tale. Qui tunc carbo remanet, habet salis fixi quidquam, &, ut magnes indicat, quid ferri. Si jam vase rite clauso spongia uritur, oleum & sal volatile  
cum

cum fixis principiis unita manent. Spongia sic parata multos scrophulos curat: ast dimidii anni spatio hæc fœmina XVI. Libras nequicquam assumsit, quamvis interea variis emplastris, unguentis, fomentis, frictionibusque, resolutio tentaretur.

Unde ad aliud resolvens confugiens, spiritum frumenti præscripsi cum Mercurio sublimato, continuatis frictionibus, & dato quartis singulis diebus purgante hydragogo. Et hæc per dimidium annum vix quidquam profuere.

Tandem pie defunctus *Greg. Mensurati*, eruditissimus *Græcensis* Medicus, Chirurgiæ ibidem, ac Anatomes Professor, communicavit mecum remedium, quo se plurimos in *Styria*, & *Carinthia*,

cu-



curasse asseverabat. *℞.* Nihil albi unc.  
 IV. Ossium sepiæ, Putaminum Ovo-  
 rum a. unc. ij. Panni scarlatini unc.  $1\frac{1}{2}$ .  
 Mista vase clauso comburantur, redi-  
 ganturque in pulverem. Dosis pro ad-  
 ulto gran. XVIII. bis de die; ea quidem  
 lege, ut ipso in plenilunio purgans phleg-  
 magogon fumatur, & sequentibus sex  
 diebus duodecim pulveres assumantur,  
 dum interea loca tumida probe fricen-  
 tur. Quosdam tunc curatos aiebat;  
 quibus vero malum non multum, aut  
 non integre ademptum, his altero pleni-  
 lunio, tertio, quartove, eandem repe-  
 tendam methodum esse: sed Styros  
 suos raro ea ad tertiam vicem indigere.

Volui ad literam, ut ajunt, hoc  
 consilium exsequi, ne quis, si minus  
 succederet, neglectum accusaret. Sum-  
 fit

fit fœmina remedium cum effectu non-nullo, repetivit toties, donec ad quintum plenilunium perfecte curata esset. Sed pendula in collo cutis, facci instar, difformitati erat. Frictionibus autem aromaticis, & ligatura idonea, cutis naturalem contractionem recuperavit.

Successit idem experimentum in juvene, qui etiam antea varias methodos frustra expertus esset: unus tamen alterve ipsi tumor superfuit, quod, peracta fere tota cura, seipsum negligeret.

Nolim hic loci, ne longior sim, examinare undenam ista horum medicamentorum efficacia? suffecerit hucusque efficaciam vidisse.

Verum quod mireris mecum, & con-  
do-

doleas, cessantibus utrisque a remedio, malum sensim rediit. Diathesis manserit, curatis ejus effectibus. Mens igitur est in aliis, modo morigeros se præbeant, remedium per dimidium annum a perfecta curatione continuare.

## CAPUT XII.

*De mira variorum medicamentorum efficacia.*

In *Rat. med.* 1756. cap. 9. quædam observata circa calculum me in sequentibus communicaturum sponderam; fidem nunc liberabo.

Ac primo quidem de *Uva Ursina* affirmari oportet, optimum remedium esse in Renum, Vesicæque morbis, dum calculus aut adesse noscitur, aut sui saltem suspicionem facit. Nonnullis mitigat

tigat tormenta morbi, ut vita tolerabiliter transigatur; aliis omnia symptomata aufert, ut se curatos putent.

*Uvae ursi* usus mihi commendabatur dudum ab *Illustrissimo Præside*, qui & omnem ejus, quam possidebat, copiam, mihi elargiebatur. Egregius Botanicus ac Medicinæ Cultor, Dominus *Lucas Mislei*, qui in *Styriæ* Alpibus, medias inter nives, magnam plantæ copiam mihi collegit, hanc mihi ejus descriptionem dedit.

„ *Uva ursi*. Ἀκλῶς ἀφυλός. *Tour-*  
„ *nefort. Instit. Rei Herb. Tab. 370.* Est  
„ ex mente *Cel. Linnæi* *Arbuti* species,  
„ nempe *Arbutus* caulibus procum-  
„ bentibus, foliis integerrimis. *Linn.*  
„ *Spec. plant. Tab. 1. 395. Num. 4.*  
„ *fo-*



„ *Johannis Bobini* Historia Plant. univer-  
„ salis Tom. I. Lib. 5. cap. 8. pag. 523.  
„ optimam dat iconem, sed descriptio-  
„ nem minus accuratam. *Galen* de-  
„ scriptio videtur convenientissima Lib.  
„ 7. cap. 4. κατὰ τόπον. Frutex est  
„ humi repens, locis paucis frigidissi-  
„ mis, iisque potissimum crescens, quos  
„ perpetuæ nives tegant; *paucis* dico:  
„ nam mihi multos altos montes con-  
„ scendenti, non nisi in binis hæte-  
„ nus conspectus est: in Austria qui-  
„ dem, in Alpe *Gans* vulgo nuncupa-  
„ ta, quinque Leucis ab Austriæ Nea-  
„ poli sita; in Styria vero in Alpibus  
„ nivalibus dictis, sex Leucis a *Cellis*  
„ *Marianis* remotis, ubi inter perpe-  
„ tuas nives copiosius legitur. Caules  
„ huic Frutici reptantes, cortex rufe-  
„ scens, folia conferta, oblonga, ova-

„ ta, integra, carnosâ. Flores mono-  
„ petali, ovales, basi planiuscula, ore  
„ quinquefido: lacineis obtusis, revo-  
„ lutis, parvis. Fructus est Bacca sub-  
„ rotunda, ceraso minori similis, ru-  
„ bra, seminibus quinque osseis, pla-  
„ niusculis, fœta. Planta perpetim vi-  
„ ret; fructus altero anno maturescit.  
„ Totus hic frutex, præsertim cortex  
„ & folia, amarum, adstringentemque, ha-  
„ bet saporem, fere ut Peruanus cor-  
„ tex. Cæterum in colligenda hac  
„ planta attentus sit oportet Rhizoto-  
„ mus, ne Vitem ideam, seu Myrtillos  
„ rubros, pro Uva ursina colligat: ita  
„ enim hæ binæ plantæ, ut ovum ovo,  
„ sibi similes videntur; nec nisi syste-  
„ maticus Botanicus easdem semper  
„ distinguere novit. Differentia tamen  
„ hæc est: Uva ursi florem habet de-  
„ cem

„ cem staminibus, vitis idea, non ni-  
 „ si octo, præditum. Uvæ urfi Bac-  
 „ cæ non nisi quinque habent semina;  
 „ vaccinium, five vitis idea, viginti  
 „ sæpe.

Planta sic cognita, videamus ejus  
 egregios in medicina usus. Sexagena-  
 rius vir a 20. retro annis difficultate  
 mejendi crebro laboraverat, nunc per  
 novem menses fere continuo: ita ut  
 guttatim, summisque, & intolerabili-  
 bus cum ardoribus, urinam emingeret  
 foetidissimam, purulentam, mucosam,  
 sanguineam. Quin & Ischuriam ali-  
 quoties passus, cathetere levandus fue-  
 rat. Utrum nunc Cathetere, an acri-  
 monia Urinæ, urethra læsa sit, Ca-  
 theter saltem induci non potest, ut ex-  
 ploretur num calculus vesica gerat.

Præmissis infusis balsamicis, & laxantibus, data fuit homini quovis mane dragma dimidia hujus plantæ in pulverem redactæ; Turendæque, quæ feruntur eadem esse, quibus Parisiensis Chirurgus *Daran* inclaruit, & divitias magnas comparavit, ipsi in urethram missæ sunt. Turundæ canalem egregie percuraverunt, sed Catheter immissus verti non potest; ob vesicæ forte parvitatem, quæ familiaris his, quos omni momento mingendi necessitas urgeat. Vesica enim, ultra non expansa, contrahit sese corrugaturque, ut exemplis anno elapso patuit. Cæterum per septem integros menses his pulveribus homo usus, Urinam nunc per aliquot menses crebram quidem & mucosam, licet haud ita fœtidam reddit; at vero doloribus, quibus per tot annos tantum  
non



non enectus erat, prorsum caret, bene dormit, bene appetit, ambulat, viribus valet, & sine ullo in urethra impedimento reddit urinam. Per dimidium annum omnia remedia cum neglexisset, initia levioris doloris expertus rediit, eosdem pulveres repetiturus.

Alius sexagenarius, qui a tanto tempore & ædes suas, & viciniam, miserrimis clamoribus, & ejulatibus expleverat, ischuria demum quotidie redeunte laboravit; ita ut per septem integras septimanas, mane ac vespere, Cathetere juvandus fuerit: cujus tamen ope vix bihorii spatio tormentorum ferocitate carebat: & si quandoque minus feroces dolores pateretur, nullam tamen Urinam reddiderat, nisi semel saltem de die Cathetere juvaretur. Præterea Herniam

oscheocelen dictam, eamque magnam, patiebatur. Hic rerum status, cum ad nos accederet.

Herniæ aptum brachierium bene prospexit. Dragma media pulv. uv. urs. singulo mane data, leve paregoricum vespere exhibitum, effecere, ut sexto die nunquam ultra Cathetere indiguerit. Urina tamen semper foetida manebat, & quanvis eadem nocte & mane missa, dum eam inter 7. & 8. matutinam examinabamus, cum aceto effervescebat. Postquam autem tribus cum dimidio mensibus medicamenta eadem continuaverat, Urinam diutius retinere potuit, doloribus caruit, vires adeptus est, & ex cacochymico sanus est factus. Negligentiam medelæ incipientis doloris reditu luens, repetiit Nosocomium,

mium, eandem rogaturus; postquam denuo omni dolore caruit, cumque iterum aliquantisper expertus esset num medela hac tuto carere posset, ad me rediit DEUM veneratus, mihiq; gratias agens. Suasi tamen alterno die pulverem fumeret; non rediit.

En autem aliam historiam. Cuidam quinto ætatis anno quinque in scroto ulcera oboriuntur, quorum ex uno calculus exit. Tumore, validoq; scroti dolore, ac continuo materiæ albæ, urinæque, apertis de ulceribus, ipso infcio, prodeuntis, stillicidio laboraverat. Tandem enarrata Symptomata sensim evanuerunt, vago urethræ dolore, & materiæ albæ ex urethra stillicidio, perseverantibus. Viginti autem annos nato, scroti, ac præprimis dextri, dolor &

tumor renascuntur, ulcere ibidem, ut quondam, succedente. Nato ulcere dolor conticuit; clauso eodem, recru-duit dolor. Aperto ex ulcere iterum, ipsi inscio, urina, albidaque materies, extillavit, maxime quo tempore urina in mingendo per urethram transfret. Testes non male affecti; dexter modo sinistro major, quod forte naturale. Inter medios testes, ubi corpus cavernosum urethræ habetur, durum quiddam, ac utcumque fungosum corpus percipitur, urethræ veluti appendix, cum ipso scroto corrugato ibidem concretum, unde emitti urina videbatur: Perinæum vero molle totum, & bonum. Veneri, quoad sciam, subest prorsum nihil. Sinister testis primo vehementer doluerat, eratque varicosum eodem in latere corpus pampiniforme. Solamini  
ipfi



ipſi ſæpe fuerat unguentum hocce: ung.  
Nicotianæ unc. II. Myrrhæ dr. II. M.  
Ut & Empl. compoſitum ex Empl. de  
Ranis cum merc. ſimpl. Diabotan. Di-  
vini, a unc. I. ol. ſtill. Rutæ dr. I. M.  
Hic ſtatus rerum, cum operam noſtram  
peteret.

Calculus ex urethra quinto ætatis  
anno per ulcus externum exiſſe, ex  
hiſtoria patet; ſed undenam ille? Si ex  
veſica eo perveniſſet, iſchuria laboraſ-  
ſet diuturnitate nemini toleranda; nam  
ſane calculus haud tam cito erodit ure-  
thram & corpus cavernoſum, & ſcro-  
tum, ut prodeat foras. Saltem ſi in  
ſcroto hæſit ſine iſchuria, indiguit lon-  
go tempore, antequam viam ſibi eo  
verſus paraviſſet. An non probabilius  
inflammationem ac ſuppurationem præ-

gressas fuisse in urethra, acrem urinam in ulcusculo moram traxisse, ulcus ampliasse, elementaque calculi, quæ omnis sani hominis urinis insunt, ibi deposuisse, & hinc calculum produxisse, qui viam sibi extrorsum paulatim exderit?

Excreto hoc calculo, per 15. annos præcipuis illis symptomatibus caruit, sed dolores & ardores in Urethra sæpe perpeffus est. Dispositio leviter ulcerosa videtur superstes fuisse, sed assiduo transfluxu urinæ abluta semper, simul vero ejusdem urinæ transitu, & adplicatione, recrudescens. Ita quidem ut levis hæc exulceratio ad 20. vitæ annum proserpserit, & ex ulcere in concreto cum urethra scroto, denuo urina, pusque, perstillaverint. Natum ulcus diffi-

ficulter claudi potuit, eo quod urina illud continuo irritaret. Clauso ulcere extrinsecus, stagnans ejus in fundo urina dolores iterum majores creavit. Quam callositatem in corpore cavernoso urethræ deprehendimus, eam ulcus pro more produxit.

Cum itaque uva ursina in ulcere Renum, Ureterum, Vesicæ, cum calculi suspicione, adeo proficua nobis visa esset, & huic eadem data est. Hac vero per tres menses æger usus, clausa sibi ulcera gaudet; caretque ita dolore, ardore, aliove quocumque symptomate, ut ille sibi integre restitutus videatur. Quia tamen subinde ex ipsa urethra in glande penis nonnihil materiæ albæ extillat, suasi ut per aliquot menses remedium

dium continuaret; id quod, cum se curatum credit, negligentius facit.

Fœmina quadragenaria major, elapsis quatuor abhinc annis, percipere incepit totius corporis lassitudines, gravesque lumborum dolores; quos octiduo post, idque per sesquimenſem continuum, miſtus ſanguineus excepit; miſtum ſanguineum dein limpidiſſima urina ſequuta eſt. Cæcas ſuas hæmorrhoidas adplicitis hirudinibus ſubinde levavit. Catameniis gaudet. Et licet deinceps ſemel, aut bis modo, urina quid ſanguinis commiſtum geſſiſſet, manſere tamen tanti lumborum dolores, ut pronare corpus ipſi fere ſit impoſſibile. Purulenta autem minxit nunquam; nunquam Iſchuriam, Dyſuriamve, paſſa eſt. Hæc menſe Aug. 1756. me  
con-



convenit, conquesta quod ubi ædibus suis expurgandis operam egregie navasset, jam in decimum diem summis cum lumborum doloribus, sanguinem emingeret. Urina licet recens, fœtebat multum. Calculum Renum historia hæc vivis depictam coloribus exhibet.

Exhibitis primo demulcentibus ac paregoricis, uva ursi data est; octiduo post, urina sine sanguine fuit, sine fœtore: mireque temperavit emplastrum latum de Labdano intolerabiles lumborum dolores. Uva ursina duobus exhibita mensibus effecit, ut integre restitutam sese, sanamque omnino pronunciaret. Monui vellet aliquamdiu adhuc medicamento pergere. Exin non rediit.

Ut

Ut uva ursi, ita *Sapo Venetus*, cum *aqua calcis*, pluribus profuit, sed non nisi copiose. Memorabile exemplum futoris est, quem anni, & quod plus est, spatio, hujus experimenti causa, Nosocomium aluit.

Per septem integros annos, si quis unquam, calculi in vesica martyr, opem petiturus me adibat. A paucis unciis incipiendo dein integram mensuram, id est Libras IV. aquæ calcis, totidemque lactis, quotidie bibit; aptatoque ad id instrumento aqua calcis cum Lacte, semel, bisve de die, in vesicam est injecta. Potum egregie sustulit; injectiones quacumque arte, prudentia, mutatione aut copię, aut materię, administrarentur, ferre non potuit. Unde Doctiss. *Whytt* M. D. & Prof. *Edimb.* sequu-

quutus, a mense Nov. 1756. usque in Junium 1757. dedi ipsi integram unciam saponis veneti quotidie, cum aquæ calcis & lactis memorata copia. Ita quidem ut in hac cura assumerit 17. Libras saponis, 1500. Libr. aq. calcis, & 1500. Libr. lactis.

Homo hic sub media cura incepit, & hucusque continuat, urinam tam facile reddere, quam unquam homo, qui semper expers calculi vixit: nulla unquam stranguria ultra affuit, nulla retentio, nullus ardor dolorve, imo retinet urinam debito sanorum tempore. Et quamvis jam per 4.5. menses ex Nosocomio dimissus, tædio diuturni medicamenti, id ultra sumere recuset, atque indiscriminatim falsa & acria, quibus delectetur, assatim assumat, manet tamen sanissimus. In-

Interea autem Calculus cathetere noscitur in vesica esse, urinaque quotidie mucosa prodit. Egregius *Whytt* phenomenon explicat. Exemplo Nobilissimi Equitis *H. Walpole*, aliorumque, debuit concludere, si calculi non solverentur, eis tamen asperitates demi, circumvolvique crustam mucilaginosam, quæ, ne noceat calculus, efficiat.

Sed usus tantus alcalinorum, an solutionem humorum putridissimam non minuitur? Id *Whytt*, aliique cum illo, observarunt nunquam, neque in meo homine simile quidquam adparuit. Nam cum illi, ex cathectico sano, plethora urgente, vena secari debuit, sanguinem ejus pleno auditorio demonstravi, omni nota optimum.



*Mercurius sublimatus corrosivus cum Spiritu frumenti datus*, est remedium incomparabile, quo ex Consilio *Ill. Præsidis*, L. B. *van Swieten*, multis in casibus utor. In Libra Spiritus grana sex solvuntur, danturque ejus duo de die cochlearia; aliquando, si videmus hominem id bene ferre, pertinaxque sit malum, ter, imo, quater de die; ea lege ut vel Decocti alicujus emollientis, Althææ, Bardannæ, imo sæpe aquæ puræ, Libr. II. III. totidemque Lactis, quotidie absumat, & omni quarto mane purgetur quinque pilulis compositis ex mas. pil. extr. cath. gr. X. scammon. & Res. Jalap. a. gr. V. Spir. Vin. q. s. ut f. pil. No. V. Tutius, blandiusque purgans, in quovis temperamento non datur, in Chronicis morbis. Vix credibile est, quantus hominum numerus tum in No-

focomio, tum maxime per Civitatem totam & suburbia, hac methodo, tam a venereis, quam a multis aliis chronicis malis, & restituatur in sanitatem, & sanus conservetur.

Puellæ cura, per hoc remedium facta, egregia sane est, ulceris primo nominæ, dein phagedenici, tandemque dusepulotici, cujus hist. cap. 6. dedi.

Juvenem spatio septem mensium pulcre idem curavit ab albugine, utramque corneam diaphanam totam obvelante, quam longæ, diræ, neglectæ, pessimeque tractatæ, Lippitudines produxerant; nullo alio remedio exhibito, præterquam discutientes herbas floresque, vino rubro incoctos, oculis ad-motos. Cura hæc levem modo maculam

lam sinistro in oculo hucusque reliquit, dextrum ita limpidum effecit, ut legere omnia, & scribere expedite, & labore demum victum quæritare possit.

Hominem, qui ex venere toto corpore perfusa, etiam post Phlyctenas pannum crassum dextra in cornea gerebat, idem Remedium & a Lue, & a Panno Corneæ, trium mensium spatio, ita percuravit, ut ne vestigium quidem mali superesset.

Corpus antiquissima lue adeo arthriticum, ut hinc Anchyloses, illinc Paralyfes, variique tumores & ulcera, illud jam dimidii anni spatio Lecto affixissent, hæc Methodus ita restituit, ut pedetentim moveri artus, tandemque quivis fere motus, qui a sano vegetoque

corpore exerceri consueverint, exquisito digitorum motu excepto, denuo poterint exerceri.

Lues venerea hominem longa a die emaciaverat; ac vesicam urinariam foedissime exulceraverat, ita quidem, ut vesicæ ulcus magnopere intra ipsum Intestinum Rectum extuberaret, continuosque crearet tenesmos. Urinam non emittebat, nisi cathetere adjutus, pure onustam. Arthritis simul venerea vehementer illum torserat. Methodus dicta trimestri spatio integram omnium symptomatum curam absolvit, integram reddidit sanitatem. Et quamvis jam quinto mense quibusvis remediis ille abstineat, solo lacte excepto, illibata gaudet sanitate.



Haud tamen omnes methodus hæc curat; sunt enim, qui incurabiles: sunt qui curam commodam gaudentes, mox dein, imo ipsa sub cura, antiquum obtineant: Præterquam quod medicos reparias, qui vel non debito modo, vel non *fat* diu, curam instituant. Sed si hinc vituperaverit eam quis, a fortiore, quod ajunt, debebit Ptyalismum, & Hydrofin, vituperare. Angli certe hanc methodum, ut omnium optimam, plurimis, iisque pulcerrimis, experimentis approbaverunt, Tractatu nuperrime edito *Medical observations and inquiries*, Tom. 1.

Circa aquam marinam, quam *Tergesto* mihi afferendam curo, & liquorem picis, quædam dicenda habeo, sed pauca experimenta afferre nolim; plerique enim ab horum protractiore usu abhorrent: unde longiore tempore indigeo.

## C A P V T XIII.

*De Machina Electrica.*

**M**achinam electricam nostram multi hoc anno academico accessere, quorum nonnulli ex leviori Apoplexia, seu ex Parapoplexia; alii Paralyfi idiopathica; quidam a Plumbo, ut tres figuli; alii a Mercurio, ut duo deauratores; nonnulli ab Anchylofi genu, per vim externam orta; alii denique post Arthritidem, partes quasdam paralyticas haberent.

Horum plurimi per 1. 2. mensium spatium ubi accesserint, uno, tribus, imo sex mensibus, redire negligunt: tum quod multi ad extremos suburbiorum fines habitantes, adversa tempestate, maxime dudum humida, viis ægerime

rime uti queant; tum quod plures elemosynis sustentati, otiose potius vivere ament, quam, restitutis sibi artibus, panem suum in sudore vultus lucrari; tum quod nonnulli, integre pene restituti, præ amore victum sibi, suisque, quæritandi, antiquos labores strenue repetant. Examine porro omnium exacte instituto, constitit:

1<sup>mo</sup>. Nemini unquam vim electricam vel minimum nocuisse, licet raro casu quibusdam crearet dolorem. Hinc nemini formidini esse debere, ne, si non profit, noceat sibi.

2<sup>do</sup>. Tres fuisse, quibus principio nihil profuerit, quique ideo non redierint.

3<sup>to</sup>. Unum fuisse, alterumve, quibus per integros sex menses machina minime opitularetur; pertinaciter tamen perseverantibus, multum levaminis attulerit.

4<sup>to</sup>. Quosdam rediisse, qui aliquid lucrati quondam, & debito citius recedentes, relapsi essent; hos vero difficilior deinde, tardiusque, id quod perdidissent, recuperasse.

5<sup>to</sup>. Emendatos fuisse, qui 1. 3. 6. 9. 12. & ultra annis, paralytici essent; unum autem, alterumve, & minorem, & tardio rem, etiam in recenti malo, opem percepisse.

6<sup>to</sup>. Fuisse etiam, quibus jam primo mense mutatio, spem exsuperans omnem,  
ob-



obtigerit, in lingua, oculis, artubus, digitis, paralyticis.

7<sup>mo</sup>. Quosdam eo usque curatos, ut fere nil superesset mali; eosdem tamen, quod solitos obire labores denuo possent, ad perfectissimam curationem non perseverasse.

8<sup>vo</sup>. Plures esse, qui multum lucrentur, ita quidem ut incedere pedibus, brachia movere, digitosque, egregie valeant; non vero digitis ita uti, ut subtilioribus sufficiant laboribus: spem tamen, modo perseverent, habere, fore ut integre curentur.

9<sup>no</sup>. Indiscriminatim emendari, ex quacumque demum origine paralyfin, tremoresve membrorum, sibi contraxerint.

10<sup>mo</sup>. Consuetudinem nobis esse, per mediam ad minimum horam protrahendi Electricitatis adplicationem.

11<sup>mo</sup>. Viribus electricitatis alia etiam addita auxilia fuisse; quæ, licet citra Electricam vim, sæpe incassum adhibeantur, eam juvare tamen, promoverique, possint. Etenim perpetuo ipsis injunctæ sunt frictiones, pannis laneis, tumo Mastiches, Sarcocollæ, Olibani, Bensoin, Styracis calamitæ, Camphoræ, Baccarum Juniperi, imbutis, instituentæ. Quibusdam solventia & incitantia Gummi, herbasque; aliis Roborantia, ex vegetantibus & mineralibus parata, exhiberi subinde oportuit. Imo nonnullis, quod tardius emendarentur, decem, quindecim, etiamque triginta, cucurbitæ siccæ, alterno, singulove die, ad-

mo-

motæ, ad Nervorum in Collo, Lum-  
bisve, origines, multum auxilii adtulif-  
se videntur: ita tamen ut alio diei tem-  
pore ad machinam accederent. Qui-  
bus bene pensitatis concludo:

1<sup>mo</sup>. Perperam, & plane contra ve-  
ritatem egisse, qui quasvis Debilitates,  
& Paralyfes, & Obstructiones, & Hu-  
morum lentores, ad machinam electri-  
cam curari posse, jactaverint. Coalitæ  
quippe, concretæque adeo sunt in mul-  
tis partes, ut humorum circulus per  
easdem restituatur nunquam. Spem  
bonam qui his ægris faciunt, vani jacta-  
tores sunt, suis propriis experimentis re-  
darguendi.

2<sup>do</sup>. Injuste egisse, qui, quod vis  
electrica haud omnibus ex æquo profit,  
plu-

pluribusque amicorum suorum nihil profuerit, quibus tamen a gloriosis Thraſonibus ſecura ſpes facta fuiſſet, ideo totam rideant electricitatis efficaciam.

3<sup>tio</sup>. Diſcuſſis, penſitatisque omnibus, Machinam hanc auxilium eſſe, quod in multis malis plura præſtet, quam alia auxilia hucusque præſtiterint; adeoque grates DEO, ob patefactionem ejus, a Mortalibus referendas eſſe.

Dicenda ſupereſſent quædam de Embrocha, *la Douche*, quam inſtituo, imitatione variarum aquarum medicatarum; ſed cum pauciora experimenta hucusque completa habeam, quam ut firmam inde concluſionem formem, malim hæc ad futura relegare.



Finem porro hisce impositurus, ferio notatum velim, plures Chronicos Morbos, aut tolerabiliores reddi, aut omnino forte curari posse videri, si in illorum curatione administranda Medici, si in eadem subeunda ægroti, summo sibimetipsi impedimento non forent. Ut enim, quæ sentiam, candide eloquar, nos Medici longis in morbis debitæ solertiæ passim defumus; idque, aut defectu scientiæ, aut patientiæ, aut denique temporis. Quoad primum; nihil verius quam multis nostrum debitam deesse scientiam lentos, eosdemque sæpe implicitos, morbos interstinguendi, veramque determinandi eorundem naturam. Enumeramus symptomata solerter, ponderamusque illa: quibus auferendis partes nos nostras abunde explevisse credimus, si  
cal-

calluerimus ad singulas visitationes novam formulam condere; ita ut elapso mensis spatio cubiculum ægrotantis in officinam Pharmacopæi videatur mutatum esse, & inops interim auxilii æger suis sub miseriis tristis gemat, occumbatque. Deinde non minus certum est, enumeratis in morbis, nostrum plerisque debitam deesse patientiam, ita ut tædeat nos, ad morbos lentos admotos, tam parum lenteque eorum in cura proficere. Quippe celeres curas, in altum quæ famam vehant, præferimus; miseros vero, chronicis occupatos, vix decies rogati adimus. Tandem & illud, quamvis & turpe, & horribile dictu! experientia quotidiana confirmat, quod multos nostrum tanta pecuniarum aviditas teneat, ut & amore proximi, & conscientia posthabitis, a summa auro-

ra in feras usque vesp̄eras , terendis plateis occupari malimus , quam ad difficilioreſ casus enodandos Musæum frequentare. His tamen illos exceptos velim, quos fama maturior, quo studiis parum incumbant, totos dies vel invitos defatiget, integras abripiat noctes. Occasio his deest, non bona voluntas.

Ut Medici in culpa, haud sane minus etiam ægroti. Multi longo itinere defatigati, fiunt demum erga Medicos, & Medicamenta, morosiores. Quid quod pluribus ejus videtur Medici curta suppellex, qui quotidie non innovet, mutetque quidquam; iique soli digni, quos vocent, soli apti, quibus se fident, apparent, qui ter de die alia, totoque diversa cœlo, præscribere adornareque possint.

Pro-

Profecto allatæ hoc tractatu sive Curationis, sive Emendationis, pleræque enarrationes, & medentium solertia, & ægrotantium perseverantia, patratas esse curas demonstrant, quæ nunquam sive utroque, sive alterutro deficiente, patratæ fuissent. Unde in ejusmodi ægris suscipiendis Medicum oporteat suas rite explere partes, suasque etiam ut expleant adhortari ægrotos.





ANTONII DE HAEN,

CONSILIARII AVL. ET MED. PRACT. IN HAC ALMA ET  
ANTIQUISSIMA VNIVERSITATE PROFESSORIS PRIMARII

PARS TERTIA

RATIONIS MEDENDI

IN NOSOCOMIO PRACTICO ;

QVOD IN GRATIAM ET EMOLVMENTVM  
MEDICINAE STUDIOSORVM

CONDIDIT

MARIA THERESIA,

AVGVSTISSIMA ROMANORVM

IMPERATRIX,

HVNG. BOHEM. &c. REGINA &c. &c.



---

VINDOBONAE,

typis Ioannis Thomæ Trattner, Sac. Cæs. Regiæque Maiest.  
Aulæ Typographi & Bibliopolæ MDCCLVIII.



ACRAE CAESAREAE, REGIAE, APOSTOLICAE,  
MAJESTATI,  
AVGVSTISSIMAE ROMANORUM  
IMPERATRICI,  
HVNGARIAE, BOHEMIAE, DALMATIAE,  
CROATIAE, SCLAVONIAE, &c. &c.  
R E G I N A E,  
ARCHIDVCI AVSTRIAE, &c. &c.  
MARIAE THERESIAE,  
D O M I N A E  
SVAE CLEMENTISSIMAE,  
ANTONIUS DE HAEN.



*P*lacuit hisce diebus AU-  
GUSTISSIMO IM-  
PERATORI, *coram*  
MAJESTATE TUA, *me com-*  
*parare viro egregio, ditissimi sui*

X 2

Na-

*Naturalium rerum Thesauri Colla-  
tori, ac Præfecto, Bailliou, re-  
rum naturalium scientissimo, Phi-  
losopho magno, sed modesto; acuto,  
sed religioso: idque ea potissimum  
de causa, quod, uti ille undique  
terrarum, quidquid in Rebus na-  
turalibus aut unicum sit, aut ra-  
rum, aut perfectum, dignumque  
ideo, quod in incomparabili AU-  
GUSTISSIMI thesauro occupet lo-  
cum, studiosissime conquirere, no-  
vit; ita ego in TUO NOSOCO-  
MIO ejusmodi morbos mihi conquiri  
curem, qui, vel quod rariores sint,  
vel*



*vel graviores, vel scitu utiliores, vel denique hisce Regionibus funestiores, publica demonstratione Medicæ Juventuti quam maxime prosint. Comparatio sane, ut a parte AUGUSTISSIMI gratiosissima est, ita mihi honorificentissima! tum quod gesta mea ipsi AUGUSTISSIMO probari videam, tum quod MAJESTAS TUA nutu blandissimo, memoria nunquam delendo mea, hanc ipsam adprobare comparisonem dignata sit.*

*Pro tanto ergo in me collato beneficio, occasionem grati animi te-*

*standi mei potiore haud mihi arbitror in præfenti dari, quam eam, qua*  
**TIBI, AUGUSTISSIMA IMPE-**  
**RATRIX, Nosocomii, seu The-**  
**sauri TUI, & utiliora, & rariora,**  
*laboris nempe mei hornotinos fru-*  
*ctus, ad pedes humillime deponam.*  
*Siquidem morbis examinandis, iis-*  
*demque sive curandis, sive miti-*  
*gandis, qui TUOS, alias tam*  
*beatos Populos, præcipue affligant,*  
*dulcique lumine privent, hoc elapso*  
*Academico anno, qua potui seduli-*  
*tate, qua accuratatione debui, me*  
*totum dedi. Porro nihil hisce im-*  
*mi-*

*miscui Theoriæ fallacis: experimen-  
ta capta sunt; experimenta loquun-  
tur; experimenta sola, quæ sint  
dicta, confirmant. Quæque acta,  
DEO ADJUVANTE, fuerint,  
clamant aperte; non nota paucis  
duntaxat, sed universo studio Me-  
dico, inclytæ Facultati, Regiæ  
Urbi. Hæc PATRI, & MATRI  
PATRIÆ, probari gnarus, quod  
vitæ reliquum est, iisdem conti-  
nuandis, emendandis, amplifican-  
dis, sacrum facio.*

7. Nov. 1758.

# ELENCHVS

## CAPITVM.

### CAPVT I.

De Morbis Malignis.

### CAPVT II.

De Colica Pictonum.

### CAPVT III.

De sanguine humano , ejusdemque  
Calore.

### CAPVT IV.

Experimenta in Calculosis; & de Cal-  
culo urinæ varia.

### CAPVT V.

De Virtute singulari quorundam Me-  
dicamentorum.

### CAPVT VI.

De Machina Electrea.





## C A P U T I.

### De Morbis malignis.



*Arte Secunda Rat. Med.*  
*Cap. 6. pag. 108. & hanc*  
*Quæstionem proposui :*

„ Nunquid ergo in ipsa eruptione aut  
„ malignarum Variolarum , aut alio-  
„ rum Exanthematum ; imo nun-  
„ quid in stadio ipso contagioso, si  
„ & Epidemia, & Symptomata, Ma-  
„ lignitatem vaticinarentur , testa-

A

„ ren-

bos autem cutaneos adeo non ad malignos retulit, ut §. 939. eosdem etiam inter bonas Criticas evacuationes annumeraverit.

Quapropter statuere cogimur, eos solummodo morbos adpellatione malignitatis recte insigniri, quos symptomata infueta, aut longe solito graviora, numerosioraque, comitentur; nullatenus vero illos, qui, acutine fuerint, an peracuti, interni, aut cutanei, consueto more sua spatia decurrant. Ut proinde *Variolæ*, *Morbilli*, *Scarlatinæ*, *Miliaria*, *Petechiæ*, nomine malignitatis careant, quando vel Acutorum crisin faciunt, vel Morbi existentes primarii consuetum Naturæ benignioris ordinem sequuntur.

Utrius-

Utriusque hujus generis, benigni scilicet, & maligni, Exempla, Nosocomium suppeditavit. Quintuplicem hanc recensitorum mox morborum speciem, adeo mitem experti sumus, ut alia vix arte indigerent, quam ut, bona duntaxat directione, sua morbo servaretur benignitas, suus maneret typus. E contrario autem eosdem hos morbos aliquando adeo malignos offendimus, ut non citra summos labores emergerent ægri. Quin & eorum haud multum malignos, extra Nosocomium obtinentes, ineptiore methodo in vere malignos conversos, vehementer dolumus; desperatos vero alios apto artificio in sanitatem mutatos gavisi sumus. His prælibatis, varias eosdem curandi methodos recensere, examinareque, ut quænam cæteris præstantior esse appareat, oportebit. A 3 Po-

Potissima Europæorum Medicorum pars, interque eos *Germani, Galli, Angli*, principes Viri, curam omnium pene Acutorum emeticis inchoant, tusa forte prius Vena. Qui modus agendi cum Medicinæ antiquitatem minime redoleat, faustoque sæpe eventu careat, accuratius hic examinanda venit.

I. *Hippocrates* vomitoria nunquam dedit, nisi vel Febris absens esset, *Aph.* 4-17. vel nisi in febribus non inflammatoriis prava in Ventriculo materies ita abundaret, ut plane *ὀργάν* censeretur, ac proinde ægrum perpetuis in agitationibus versantem, quovis tum alimento, tum medicamento, frustraretur; *Aph.* 1-22. 2-29. Cæterum in Synochis putridis, quibus



ἐκ ὀργῆς, quibus non turgeret materies, aut in acutis inflammatoriis, nunquam.

*Aph. I - 24. Libr. de purg. sive Heurnii fragmento, N°. 19. 20. &c.*

II. *Hippocratis* mentem, suamque propriam, *Galenus* fidelissime exposuit in aureo suo opusculo, quod sub titulo, *Quos, quibus medicamentis, & quando, purgare oporteat?* extat apud *Charterium* Tom. X. pag. 470. Singula opusculi verba pondus habent, legesque medicandi inconcussas formant; tum quoad Emetica, tum quoad danda in principio Acutorum Purgantia. Porro illud *turgere* non ideo in morbis obtinere censebatur, quod levior nausea, vomitusve, adesset, aut quod os amaresceret, aut quod corruptus in eo dominaretur sapor; nam citra quidquam ho-

rum Acuti rarius inchoant. Atqui dixerat *Hippocrates* raro exemplo materiem ita turgere, ut emetico indigeret, τὰ δὲ πλείστα ἐκ ὀργᾶ. Rem ergo, quo eam modo superius dixi, intellexit. Egre-  
gieque ad rem *Galenus* : Οργᾶν δὲ οἱ χυμοὶ λέγονται , inquit , ὅταν ἐν κινήσει σφοδρότερα γενόμενοι, καὶ μεταρρέοντες ἀπὸ μορίων εἰς μόρια, κατὰ τὴν ἀρχὴν τῆ νοσηματὸς, ὄχλωσι τὸν ἄνθρωπον, ἀλγύντες, καὶ ἀσσωδύντες, καὶ γαργαρίζοντες, καὶ ἡσυχάζειν ἐκ ἐπιτρέποντες. *Aretæus Cappadox*, *Cælius Aurelianus*, &c. ne latum quidem unguem ab *Hippocrate*, aut *Galenos*, desciscunt.

III. *Ludovicus Mercatus* ante 200. annos apud *Hispanos* ; *Platerus*, *Lom-  
minus*, & *Forestus*, elapsis quoque binis abhinc sæculis, hi apud *Belgas*, ille  
apud

apud *Helvetos* ; itidem eodem ferme tempore apud *Austriacos*, *Marquardus* ; *Sennertus* ante 150. annos in *Germania* ; elapso fere integro abhinc sæculo, apud *Gallos* *Hollerius*, *Duretus*, *Riverius* ; apud *Austriacos*, *Paulus de Sorbait* *Belga* : aut non meminerunt Emeticorum in Acutis, Malignisque, aut materie turgente duntaxat præscripserunt ; idque tum circumspēcte, tum blandissime. Ita ut eousque *Hipp.* & *Gal.* doctrina facta tecta maneret. Quosdam vero ab eadem sensim descivisse concludimus ex *Diemerbroeckio*, 100. fere abhinc annis acerbè conquerente, quod a *Droëtio*, *Quercetano*, *Matthiolo*, *Angelo Sala*, *Willisio*, in malignis morbis emetica, & quidem antimoniata, darentur, quorum finistros effectus ipse plangebatur.

IV. Si Autores sæculi proxime elapsi evolvimus, interque eosdem acerrimos Emeticorum defensores & patronos reperimus, Hippocraticæ tamen doctrinæ veritatem innumeris exemplis confirmatam cernimus. *Hollerium, Duretum, Riverium, Sorbait*, jam recensui. *Bevilaquam* deinde reperio *Hipp.* doctrinæ, quoad Emetica, defensorem in *Styria*; clarissimum *Andream Loem* in *Hungaria*. Ultimus hic, ante 70. abhinc, & ultra, annos, in Ephemeridibus a Filio cum Perillustri *Schrockio, N. C. Præsidi*, communicatis, agens de morbo petechiali Hungarico anni 1683. „ Purgantia, inquit, quæ „ ad unum fere omnes admittunt scrip- „ ptores, (multi saltem eo tempore) „ Vomitoria etiam, in principio, nul- „ lum hic invenere locum : imo  
omnes



„ omnes , quibus purgantia exhibita  
„ sunt , brevi post expirarunt : eorum  
„ vero Exanthemata semper adpare-  
„ bant latiora. Ex iis , qui Vomito-  
„ ria assumerunt , paucissimi , nem-  
„ pe ii solummodo , quorum robur  
„ naturæ adhuc erat inconcussum ,  
„ evasere : in quibus & citius mor-  
„ bus sua decurrit tempora. Idem  
fere testatur in Febr. ann. 1699. 1704.  
1705. Filius ejus *Carolus* , qui Ephe-  
merides paternas continuavit , idem  
quod Pater , bis ter repetiit in feбри  
maligna anni 1730.

*Cl. Hoyer* , de Epidemica Constitu-  
tione *Mulhusini* territorii , ad Ill. Præ-  
fidem *Schrockium* , Sudoribus se testa-  
tur post M. S. artificiose provocatis ,  
Febrim in prima quasi herba , citius

ac felicius, quam Emeticis aut Purgantibus, sine singulari successu quibusdam datis, suffocasse.

Doctiss. *Genselius* agens de Const. Epid. *inf. Hungar.* 1713. „ Sempro-  
„ nii, inquit, quoque morbi conta-  
„ giosi coeperunt grassari *cum Vomitu*  
„ & *ardore in abdomine*, Tertia, &  
„ Quinta letales; Petechiæ item atræ,  
„ cum Dysenteria, Pustulis in scapu-  
„ lis ac Bubonibus sub axillis, & in in-  
„ guine, Septima & Nona funestæ :  
„ nec Vomitoria, nec Purgantia, nec  
„ V. S. in principio conducebant.

Eruditissimus *Cocchius*, cum egregio *Lancisio* communicans historiam Epid. Const. Castrensis, quæ *Ferentini*, &c. anno 1709. obtinebat „ Græ-

„ cus

„ cus Magister, inquit, initio Acu-  
„ torum, & non nisi materie turgen-  
„ te, Dejectoriis utebatur. Hoc nam-  
„ que refermentantium genus inter-  
„ dum crudam, & lateris (credo la-  
„ tere, aut latebris) assuetam mate-  
„ riem subdita quasi face provocat,  
„ & febres vel exacerbat, vel dupli-  
„ cat. Nos certe sequi volumus Di-  
„ ctatorem: „ Attamen ipse *Cocchius*  
illud *turgere* nimis late extendens, ami-  
cissime a *Lancisio* corripitur; ut patet  
ex Epist. *Lancisii* §. 10. & 11. ad Lit.  
*Cocchii*.

20. modo anni sunt, quod in *Fe-  
bre Pestil.* Consilium sanitatis *Austria-*  
*cum* Leges cuderit cognoscendi curan-  
dique hunc morbum; nulla facta men-  
tione Emetici, nisi casu quo turgeret  
materies.

Illu-

Illustr. *Mac-neveu o Kelly*, in Regia *Pragensi* universitate Præses ac Professor Medicinæ, in accurata ac nitida Historia malignæ elapsa hyeme in *Bohemia* grassantis Epidemiæ, ad me scripta, notavit idem, quod supra *Genselius*, nempe Emetica, licet Vomituritiones utcumque illa indicare viderentur, tempestiveque darentur, neutiquam cum natura morbi convenisse; tristique confirmat exemplo.

V. Quum ergo hæc ita se habeant, merito quæritur, qui factum, ut tantam hac in parte mutationem, immo ad opposita transitum, Medicina subierit?

Ipsa Morborum natura quandam mutationem pro tempore postulavit. Hoc certum est, ut mox patebit. Sed

nun-



nunquid Medici hanc qualemcumque exceptionem, nonnunquam observatam, jam ut generalem Naturæ legem perpetuo observandam, jure merito considerare debuerunt? Sane Sapientiores ab hoc errore resipuerunt, quos inter *Sydenham* cæteris exemplo fuit; dum qua methodo dandi in certa epidemica febre Emetici, felix fuerat, eadem se posthac in simili febre infortunatum esse, palam fateretur. Febris continua putrida morbillosa fert, jubet, urget passim, V. S. & enemata; dum vero epidemica erat anno 1674 *Sydenhamo* referente „ nec V. S. tulit, „nec enemata, ab utrisque irritata.

Expertissimus *Carolus Richa* describens Febr. Epid. *Taurinensem* anni 1720. malignos advertit Diarrhœa judi-

judicari ; quæ tamen Diarrhœa alias sæpe mortem his ægris adduxit , ut idem advertit.

Idem *Richa:* „ Sponte oborta Hæ-  
„ morrhagia plerosque servatos re-  
„ fert *Diemberbroeck* in peste *Neomagiensi*;  
„ fecus hanc olim letalem experti  
„ sunt *Tolosates* , & *Lugdunenses*.

Quantisne laudibus effertur in Malignis *Camphora* , veluti collapsas vires blande restaurans, & fomnum ipso opio tutius adducens ! Consulite modo egregios Viros , *Huxham* , & *Pringle*. Aliud tamen experti in Epidemia an. 1699. eruditi Medici *Vratislavienses* , in *Hist. morb. Vrat.* „ Mirabitur autem  
„ quisquam , ajunt , nobis in recen-  
„ su Medicamentorum præteritam esse  
Cam-

„ Camphoram , cum hætenus inter  
„ tot Bezoardica composita , in qua-  
„ cumque forma , unanimi quasi con-  
„ sensu fuerit adoptata. Enimvero  
„ scire licet tantopere laudatam Cam-  
„ phoræ virtutem alexiteriam . . .  
„ niti nuda traditione & opinione ho-  
„ minum , ac in re ipsa , in Febris  
„ *bisce* malignis Camphoram interne  
„ plus detrimenti , quam auxilii , af-  
„ ferre.

Videamus denuo *Sydenhamum* !  
Emetico feliciter curabat integro tri-  
ennio febrim Epidemicam ; pergens  
posthac in eadem , ut videbatur , Fe-  
bris specie emetico agere , infaus-  
te ne-  
cabat. Vide eundem ad Febr. anni  
1665.

In multis laudatorum antea autorum constitit, homines maligne decumbentes emeticis debilitari, imo occidi; attamen quædam nonnunquam Epidemiæ illa salutifera deprehenderunt. Ita Ill. *Baro van Swieten* comm. §. 661. „ An ad modo recensitas, „ inquit, debilitatis causas referri „ possunt quædam alia, satis mira, „ in morbis observata? Hæret ali- „ quando in morbis aliquid circa præ- „ cordia, quod, Venenata quasi vi, „ omnes vires uno momento proster- „ nit; & quandiu ibi hæret, summam „ debilitatem facit, quamvis nulla ja- „ ctura liquidorum prægressa fuerit, „ neque observabilis ulla muta- „ tio in liquidis, solidisve Corpo- „ ris partibus reliquis, inveniatur, „ cui subito nata debilitas attribui possit.



„ pollit. A bile circa præcordia hæ-  
„ rente, non tantum Convulsiones,  
„ sed & Syncopen ortam fuisse, ob-  
„ servavit *Galenus* ; excussa hac Sa-  
„ burra per Vomitus, ilico cessa-  
„ bant omnia hæc mala. In Febribus  
„ continuis, quæ epidemice grassa-  
„ bantur, mirabatur *Sydenhamus*, præ-  
„ ter alia mala symptomata, adesse  
„ ingentem ac subitanæ virium con-  
„ sternationem ; emetico vero dato,  
„ omnia læva illa symptomata, quæ  
„ & ægros excruciabant, & adstantes  
„ perterrefaciebant, mitigabantur. A  
„ venenis assumtis quandoque & sum-  
„ ma debilitas observata fuit, dum  
„ tantum in Ventriculo hærerent ;  
„ uti pluribus exemplis apud *Wepfe-*  
„ *rum* in *Historia Cicutæ aq.* confirma-  
„ tur. Non videntur autem omnia

„ similia agere immeabilitatem liqui-  
„ dis conciliando, aut obstruendo ca-  
„ nales; quia illico cessant omnia hæc  
„ mala, dum Ventriculo expelluntur.  
„ An mutatis Ventriculi nervis dire-  
„ cte in Cor agunt ipsum? An prius  
„ Cerebellum, vitalibus corporis fun-  
„ ctionibus inserviens, afficitur? Suf-  
„ ficit hic notasse mirum hunc effe-  
„ ctum, licet minus intelligatur quo-  
„ modo a similibus subitanea adeo  
„ debilitas fiat. Simulque proderit  
„ hoc novisse, ne quandoque debili-  
„ tas, a tali causa pendens, aliis ad-  
„ scribatur. „ Igitur cum infueta  
admodum debilitas non raro homines  
ab ipso morbi principio prosterнат,  
examinanda est debilitatis causa; quæ  
si non a plethora, non a vera virium  
deperditione, sed ab ejusmodi causa  
in

in Ventriculo hærente ortum ducere deprehenditur, erit utique illa, contra observationes de nocumento emeticorum in his morbis captas, emetico expellenda.

Merito ergo clari in arte Viri, tot nominibus laudandi, *Huxham*, & *Pringle*, apud *Anglos*; *Tyssot*, apud *Helvetos*; cum ejusmodi Epidemiis interfuissent, quibus Emetica & Purgantia bona reperta, suam illorum curandorum methodum cum publico communicarunt, debitasque ob id gratias ipsis referimus. Verum an ideo eorum observatio perpetuam & unicam formabit curandarum malignarum in posterum Regulam? Nec credunt id, opinor, nec a nobis postulant, magni, quos laudavi, Viri. Eo-

dem enim jure Camphora ultra non proderit, quod in malignitate nocuisse Vratislaviensibus observata fit. Erunt Hæmorrhagiæ in malignis vel semper salutares, vel semper lethales. Imo cum aliquando 6. 7. 8. Venæ sectionibus Pleuriticos ab imminente Leto vindicaverimus, id nobis ultra non licebit, eo quod *Sydenhamo* Pleuritis observata, iteratam V.S. respuens. Vid. *Tuss. Epid. ann. 1675.*

Sapienter ergo, quem supra laudavi, *Cl. Richa*, ubi retulerat malignos anni 1720. Diarrhœa judicari. „ Ne  
„ que is tamen ego sum, inquit, qui  
„ indiscriminatim purganda esse Cor-  
„ pora, statim ab initio, contendam.  
„ Fieri namque poterit, ut id genus  
„ auxilii, quod modo haud paucos

„ re-



„ revocavit ad Vitam, necem alio  
„ tempore ægris inferat. . . . Sæpe  
„ visum est in Febribus alvi proflu-  
„ via noxia fore, mortemque inferre,  
„ quæ aliquando salutaria extitisse no-  
„ vimus. Idque est Epidemicorum  
„ hujusmodi morborum ingenium, ut  
„ qua methodo currente anno ægro-  
„ tos liberaveris, eadem, ipso anno  
„ jam vertente, forsitan e medio  
„ tollas.

Summa proinde dictorum est; in  
morbis malignis tum vario tempore,  
tum vario modo, mutationem a ge-  
nerali Regula observari nonnunquam,  
hancque medico cognitam etiam me-  
dendi modum petere, qui a communi  
medendi modo fit diversus. Sed si-  
mul constitit ejusmodi mutationem

B 4                      haud

haud raro præsentem, dum abest, dici:  
Hinc dandorum emeticorum consue-  
tudinem nimium increbuisse, ex prin-  
cipio Hippocratico *περὶ τῆ ὀργᾶν* haud  
bene intellecto. Turpiter errasse Me-  
dicos, dum quæ *Hipp. Aph. 4 - 17.*  
de dando emetico extra Febrim præ-  
ceperit, ea ipsis adplicent febricitan-  
tibus. Hinc factum, ut in Malignis,  
& non Malignis, vomitoria dederint  
indiscriminatim, cum eorum rarissimi  
sint, in quibus nausea, vomituri-  
tio, præcordiorum anxietas, os amarum  
fœdumve, plus minus non adessent.  
Hoc ipsos *turgere* adpellasse, cum neu-  
tquam id ita adpellare debuissent;  
si enim id *turgere* dicendum, turge-  
bit in omni fere morbo materies; sci-  
re autem oportere cum *Hippocrate* plu-  
rima non *turgere*, adeoque raro esse  
eme-

emetico utendum acutorum in principio. Solent, ab introversa perspirabili materia, enarrata ad præcordia symptomata oriri, solent aliquando a deglutito Epidemicorum miasmate. Vis diluentium & involventium hæc stimulantia enervat, expellit; emetica & purgantia turbant naturam totam, nec hostem auferunt, quod ille subtilior sit, altiusve infixus. Plurimi piaculum esse credunt emetica in stadio inflammatorio Variolarum non dedisse; sed an illi vomituritiones non observaverint eo usque perennare, donec debita fieret exanthematum expulsio? Hinc nunquam ipsis dedi, & tamen aut debito tempore conatus vomendi filebant, aut sæpe multo ante; quod diluentium copia inertem in Ventriculo stimulum reddidisset.

Quinto jam anno Medicinam hic publice facio ; materiæ vere turgentis occasiones adeo raras inveni , ut nunquam adhuc dederim emeticum cujuscumque acuti morbi principio. Provoco ad omnes aut Medicos , aut Medicinæ studiosos , ut dicant, num ex neglecto Emetico vel minimum infortunium unquam contigisse , imo an , non dato emetico , sed adplicata nostra methodo , vomitus , Nauseasque , tertio die superstites esse , observaverint ? Spes me alit fore , ut damnosam hanc artem demum ex Medicina exfulare videam. An ergo nunquam dabo ? Utique actutum casus extare illos observaverim , in quibus *Illustr. L. Baro van Swieten* , laudatique Auctores , emeticorum deprehenderint necessitatem. At vero exceptio hæc erit



erit a Regula generali ; exceptio sequenda , donec observatur : generalis demum regula denuo observanda, ubi exceptio haud amplius obtinet. Atque ita quæstioni, de emetico malignis in morbis dando , me reor satisfecisse.

## §. 2.

Secunda quæstio hic circa V. S. versatur ; cum hanc nonnulli impense laudent , Autorum tamen potior pars aut penitus proscribant , aut unice in repletis corporibus , & morborum concedant initiis. Quorum ea potissima ratio est, quod Maligni & contagiosi morbi tantam sibi habent adjunctam passim debilitatem, ut his ægris venam secare , eosdemve  
tru-

trucidare, unum videatur, idemque. Attamen prædefiniendum fuisset, utrum ex vera, an ex adparente duntaxat virium projectione, hæc Debilitas generata esset. Vera Debilitas est a virium deperditione; adparens vero Debilitas, ab earum solummodo suffocatione. Ab utraque causa oritur, ab utraque causa mala est; licet ex vera virium deperditione pejor. Magnus *Boerhaave* Debilitatem febrilem *Aph.* 661. deducit & ab inanitate vasorum, & ab immeabilitate liquidi, & ab obstructione canalium. In quem textum *Illustr. Commentator*: „ Sic observatur sæpe in ipsis pessimarum febrium initiis omnes omnino Corporis vires illico prosterne; malo quidem semper omine, quia summa morbi malignitas indicatur. „ Ad  
cau-

causas a *Boerhaavio* datas adjungamus eam, quam ex comm. *Illustr. Commentatoris* præced. §. attuli.

Volupe fane est hac super quæstione venerandam Antiquitatem audivisse ; quam si Medici serio confulerent, minus fane aut cespitarent, aut aberrarent. Magnus *Hipp. Libr. de Viâ. Acut.* in quarta divisione Libri apud *Chart. a Text.* 21. ad 26. cum ipsa admiranda sua brevitate longus est, ut hujus adparentis debilitatis justam Medicis ideam formet. Describit ibidem sub nomine *Aphoniæ* morbum, in Corpore antea sano, nulla de causa defatigato, aut debilitato, qui tum impotentia ad motum, tum præprimis difficultate loquendi, *Aphonia* nominatur ; & gravissimis aliis, ac-

acutissimisque morbis, viam sternit. Diferte autem dicitur ejus causa proxima τῶν φλέβων ἀπόληψις, & πνευμάτων ἀπολήψις ἀνὰ τὰς φλέβας. Sane non possemus Hippocrate accuratius causam proximam definire, quam quod sit sanguineorum vasorum interceptio, ut & interceptio spirituum inter Vasa, quæ turgendo Nervos comprimunt. Quid hic medelæ? Venam cubiti secandam jubet. Convenitque suo cum Auctore Commentator Galenus; insequuturam alioqui mortem prælagiens.

*Aræteus Cappadox* Aphoniam Hipp. sub Συγκοπῆς adpellatione describere videtur, contingentis in valde Acutorum exordio; morbiq; graphice descripti curam mox a V. S. orditur, ἣν δὲ ὑπὸ πλήθεος γίγνηται Συγκοπή.

*Ale-*



*Alexander Trallianus*, Sexti sæculi Autor, similem morbum describit in principio Acutorum, & cum maxime Febris ardentis, coactumque se videt contra *Aetium*, *Oribasium*, *Celium Aurelianum*, inevitabilem venæ secandæ necessitatem propugnare. Parisiensis Professor *Riolanus* *Encb. Lib. 3. c. 8.* ante 100. annos Germanis exprobrabat, quod V. S. in syncope, ipsis a plenitudine perquam familiari, negligerent.

Nonne ex his curandæ Malignarum debilitatis vera eruuntur fundamenta ? Profecto his principiis imbuti Medicorum multi, in V. S. quam ultro, dato in casu, condemnaverant, volentes nolentes inclinarunt. Ipse *Oribasius*, Autor quarti Sæculi, quem  
mox,

mox ; *Alexandrum* laudantes , V. S. hic condemnantem intelleximus, *Libr. de Cuc. Scarif. Cap. 20.* „ Et sane , „ inquit, dum pestilentia vehemens „ *A*siam deprehendisset , multosque „ perdidisset , meque etiam morbus „ attigisset , secundo morbi die, re- „ missione Febris facta, *Crus* scarifi- „ cavi , *duasque fere sanguinis Libras* „ *detraxi* , hacque de causa pericu- „ lum vitavi. Plerique etiam alii , „ hoc praesidio usi, superstites evase- „ re : erant enim plenitudinis signa ; „ illique praecipue servabantur , qui „ *sanguinem copiosum exhauriebant.*

Nunquid & ipse *Sydenham* non eo pervenit usque ? Evidenter id patere arbitror ex ejus dicta *Schedula monitoria* ; in qua, postquam Medicorum  
falsam

falsam de Malignitate ideam perstrinxisset, pulcre dein hanc ingentem in Malignis debilitatem, a mera virium suppressione, præ humorum copia, ortam docet; & irrefragabili exemplo juvenis, animam hac ipsa de causa propemodum agentis, nec nisi post tertiam, quartamve V. S. curati, demonstrat.

Moverat præclarum hoc exemplum optimos viros, *Vratislavienses* Medicos, cum curam Malign. anni 1702. infelicem luxissent; ita quidem ut Eru-  
ditis omnibus problematice propone-  
rent, an non expediret larga V. S. cu-  
ram ordiri, &, Alexipharmacorum  
loco, purum putum sequi *Sydenhamum*?  
Profecto, *Sydenhami* sententia, suaque  
propria infortunia, ipsis hanc quæstio-  
nem

nem vel invitis extorserant: altas vero nimium radices egerat antiquum præjudicium, quam ut serio *Sydenhamum* imitarentur. Adeo nimirum laboriosum passim est, vel optima cæterum ingenia præjudicatis opinionibus exui posse.

In vera igitur debilitate, ut haud oportet detrahare sanguinem, ita in debilitate adparente omnino est detrahendus. Si quis nunc veras optet utramvis distinguendi regulas habere, has laudatis supra textibus dederunt *Hippocrates, Alexander, Sydenhamus*. Primus,, Eorum autem quamplurimis hæc  
 ,, accidunt : Faciei rubores, oculorum  
 ,, constantiæ, ὀφθαλμῶν εἰσῆσις, manuum  
 ,, distensiones, dentium stridores, pul-  
 ,, sationes, maxillarum contractio, ex-  
 ,, tre-



„ tremorum refrigeratio, & spirituum  
„ per vasa turgida interceptiones. „  
Alter vero „ Primo sane facies eo-  
„ rum squalida est, & ficca; pulsus  
„ exigui, inæquales & inordinati, ad-  
„ parebunt. Dejectio autem biliosa  
„ est, Vigilæ magis, quam in aliis  
„ urgent, sitisque affligit. „ Tertius :  
„ Quamvis enim, inquit, ferme ani-  
„ mum agere videretur ille (juvenis)  
„ calor tamen in externis partibus ita  
„ ad Tactum sentiebatur temperatus,  
„ ut fidem mihi derogarent adstantes  
„ Amici, quoties afferebam eum Fe-  
„ bre laborare, quæ ob sanguinis op-  
„ pressionem (cujus mole, exitu ne-  
„ gato, quasi strangularetur) se expli-  
„ care, & ostendere, nequibat.

Duplici equidem modo possumus hic vasa repletiora intueri ; five vera plethora , five sanguinis , cæteroqui non nimii , rarefactione. Ita jure merito Cl. *Boerhaave Instit. §. 1230. 3.*  
„ Indicatur V. S. a motu suffocato  
„ per nimium tumorem a Copia, vel  
„ a Rarefactione, natum in Arteriis.  
Hoc modo puella sero mucoque repleta, suscepto Variolarum miasmate, hanc rarefactionem quandoque ita patitur, ut Venam cum euphoria selecta , sanguinem vere phlogisticum exhibeat.

Sed laudati tres textus signis datis ad cognoscendum morbi statum variant ; variare autem debent. Si modica Circulatio, attritusque, supersint, ut in *Juvene Sydenhami*, moderatus aderit per omnia

omnia calor ; ut & ipse testatur. Si superstes paucus admodum motus ; aderit, ut *Hippocratis* in casu, frigus extremorum. Si motus modicus quidem, sed universus ; poterit, quod *Hipp.* asserit, vultus rubere, fixioresque esse, a nimia repletione, Oculi : Si vero inferiore in corpore Cruor accumuletur, minor erit ad Encephalum motus ; adeoque squalida ac ficta facies, descripta *Tralliano*, observabitur. Verum quacumque ratione ex his datis causis Debilitas ortum duxerit, V. S. semper opus habebit. Erit vero hæc V. S. inutilis, imo damnosa, si vel ex evacuatione nimia, vel a putrida humorum dissolutione, vel a corrupta ad præcordia hærente materie, oriunda Debilitas fuerit. Hanc nos legem sequuti, omnibus no-

stris ægris, maligne habentibus, Venam tudimus, cum debilitatis emendatione; siquidem illa aut plethoram, aut rarefactionem saltem, pro origine haberet.

§. 3.

Tertium, quod examinandum, idque cum maxime memorabile, est datorum ægris nostris medicamentorum natura & ordo. Optimos autores consulens, Egregiorumque Medicorum varias Methodos anxie expiscatus, vidi manifesto, & nostris & aliorum ægris, varias prodesse methodos, easq; saltem non irreparabiliter nocere, quamdiu morbi ita modo maligni essent, ut in veram, antea descriptam, malignitatis classem, non inciderent. Hinc cum cæteris

Me-



Medicis plures curavi; ubi vero ad certum veræ Malignitatis gradum morbus pervenisset, tam aliorum, quam meam medendi methodum, in multis deficere, morbumque evasisse Medicina majorem, moestus vidi. Ut ergo *Rat. Med. part. 2. Cap. 6.* innui, efficacior emelam expiscatus eram, ultraque eram expiscaturus. En ergo quid inveni.

1. Alimenta ex Avenæ, vel Hordei Decocto, diluto; aut si ex jure Carnium, saltem cremor tartari, aut citrei succus, multum adjunctus est. Subinde poma, pyra, prunaque, cocta; panis his additum tantillum. Potus, Decoctum Hordei mellitum, aut hydrogala cum melle, aut etiam blanda Emulsa. Copia autem omnium horum potuum semper ingens data est.

2. Lenia paregorica emulsis addita sæpe; & semper bis, ter, quater, Nuc-themeri spatio, dosis ejus largior data.

3. *Cortex peruvianus*, vel declarante se malignitate aliquandiu post eruptionem exanthematum, vel cum ipsa exanthematum eruptione, vel etiam ante eruptionem eorum, vel ab ipso morbi principio, illico, summo cum effectu datus est.

4. Tandemque si nimia tussis sibi relinquenda non videretur, Oxymel squilliticum, Kermes minerale, Paregorica, hanc compescuerunt.

Notandum quod horum sub usu Vesicantia & Epispastica varia Corporis loca occuparent; Enemata, pro  
re

re nata, copiosa injicerentur; fomenta aut emollientia ad partes rigidas, aut Vinosa in summa debilitate, corpori undique adponerentur, & id genus alia. Porro quid hic Cortex præstet, inquirendum.

Septuaginta, & ultra numeramus annos, cum egregius *Richardus Morton*, Londinensis Medicus, *Sydenhami* amicus, multa experientia edoctus, evicerit, demonstraveritque, præstantiam corticis peruviani, indistinctius eousque noti, in Febribus plerisque tum intermittentibus, tum etiam in iis, quæ ex continuis remitterent, ut & in Remittentibus. Corticem porro ut universale antidotum commendavit, ubicumque febres five anomala symptomata affectarent, five in maligni-

tatem declinarent : idque non in acutis modo, sed etiam in Chronicis. Generalior forte, minusque digesta doctrina, effecit, ut pauciores eam pro dignitate ultra excoluerint, perfecrintque. Forte etiam volitantia per totam Europam scripta in odium Corticis, Mortoniana ad tempus suffocarunt.

Sexaginta anni sunt, quod doctissimi Medici *Vratislavienses* hujus Corticis vires in intermittentibus contemplati, merito suspicarentur, proforetne etiam in Malignis ? Quorundam enim animos hæc dubitatio subierat, an malignæ febres ex continuarum Classe eximendæ non forent, inque eam intermittantium transferendæ non essent ? Uti quidem jam *Petro Salio* visum



sum fuerat, & *Neucrantzio*, & *Senner-*  
*to*, *Paulo Simoni*, & *Rhodio*. Quod si  
id revera sic se haberet, corticem con-  
cludebant æque in malignis, quam  
in intermittentibus, profuturum. At-  
tamen, quod dolendum, alienos ite-  
rum ab hac opinione se testabantur  
fieri, tum tristissimis quibusdam pro-  
priis exemplis, tum infortunatis *Lo-*  
*meri*, *Shortii*, Anglorumque aliorum, ex-  
perimentis. Utique si hi, & illi, dosi non  
sua, tempore non suo, corticem de-  
derint, infortunati esse, ut priore an-  
no evici, debuerunt. Interim notasse  
juvat medicorum Conamina dandi in  
malignis corticis, plane nova non esse.

Sub idem fere tempus simile quid-  
piam subolfecerat egregius Vir, tum  
a Religione syncera, tum ab eruditio-  
ne

ne medica commendatissimus, *Fr. Tortus*, Mutinensis Professor. Hic anno 1709. annos suas observationes edere cœpit, ac dein 1712. incomparabilem Librum edidit, cui Titulus : *Therapeutice specialis ad Febres quasdam perniciosas, inopinato ac repente letales, una vero Chinachina, peculiari methodo ministrata, sanabiles*. Verum, ut fit in rebus humanis, famam ingentem inde natam impune non tulit : nec de infima gente medica adversarios habuit, sed arte, fama, industria, claros : *Ramazzinum*, *Mangetum*; quorum prior *Torti* responsis jatroapologeticis plane inermis redditus est ; posterior anno 1720. excusantes Literas ad *Tortum* dedit. Fatetur autem vir candidus *Ludovici Mercati* doctrina, de certis quibusdam intermitt. Febribus, & erudi

diti *Richardi Morton* de Cortice observationibus, sese plurimum adjumenti percepisse, ut saluberrimam suam Methodum conderet.

Eruditissimus vir *Carolus Richa* in *Constit. Taurinensi* 1720. §. 26. Scribit in malignis febribus, quas, ut ex eo supra monui, alvus critica solveret, se, cardiaco indigentem, cortice usum esse; dein §. 33. 34. 35. multus est in eodem laudando, ut incomparabili præsidio artis, quocumque in morbo Medici tenuiores humores offenderent; sed quo præcise morborum tempore, quave dosi illum exhiberet, haud addidit.

Laudandus multis de Causis eruditissimus *Huxham* in *Const. an.* 1735.  
pag.

pag. 109. „ Si in singulari, inquit,  
„ gangræna valeat Quinquina, quid-  
„ ni in universa humorum corruptio-  
„ ne? Exanthemata nigra, Vibices,  
„ & citissima cadaverum putrefactio,  
„ gangrænosam utique sanguinis Dia-  
„ thesin significabant. Ad eum adeo  
„ finem, optato demum cum successu,  
„ *post* summum morbi incrementum,  
„ exhibui aliquam ex cortice peru-  
„ viano medicinam, cum Alexiphar-  
„ macis idoneis, & Elixire Vitrioli.  
„ Mynsichti acidulatam; nec otiose  
„ interea expectans sedimentum Uri-  
„ næ laudabile, &, quod dicitur, la-  
„ teritium; modo scilicet vel mini-  
„ mam morbi remissionem observas-  
„ sem. „ Videtur ergo corticem de-  
„ disse post morbi acmen, coctionis tem-  
„ pore, nec ipsi soli esse confusus,  
sed



fed cum contraj. ferp. virg. camphora, fp. C. C. Elix. Mynf. commifcuiſſe.

Doctiſſimus *Pringle* Febres Caſtrenſes nervoſe deſcribens, quas in *Bello Belgico* ab anno 1742. ad 1748. ipſe obſervaverat, adparet viribus Corticis in malignis febribus necdum multum ſiſus eſſe, nec *Huxhami* obſervata explorafſe, donec, improvifo fane caſu, Corticis in hiſce præſtantiam cogere-  
tur admirari. Anno quippe 1748 con-  
tigerat, ut Miles febre maligna pete-  
chiali laborans, Gangrænam a Veſſi-  
cante ad dorſum poſito pateretur.  
Cum gravis ea Gangræna eſſet, ho-  
mini dabatur, præter conſueta reme-  
dia, cortex. Quo effectum, ut elapſis  
aliquot diebus gangrænosa plaga pul-  
cre ſuppuraret, ipſeque fimul pete-  
chia-

chialis morbus in meliora verteretur, atque integræ Curationis spem fecisset, nisi æger a Corticis usu abhorrens, eum plane repudiasset. Factum inde, ut omnia in pejus denuo ruerent, & mors brevi insequeretur. Hoc tamen casu ait egregius Autor se, de Kinæ præstantia convictum, 39. ægris eundem postmodum dedisse; horumque, depurato prius Nosocomii aëre, 35. servatos esse; aëre, non depurato, successum duplo fuisse minorem.

Consideratis his omnibus patet a multis claris in arte viris rem propositam esse: nempe a *Mortono* & *Torto* ex cruditate ad quandam incipientem maturitatem perductam esse; sed haud ita, ut principibus in arte Viris sic probaretur, ut sine animi scrupulo,  
con-

constanter, determinatisque in Casibus, Corticem unanimiter dederint, laudaverint: imo nec unquam aut verum ejus dandi principium, finemque, aut genuinam ejusdem dosin, exacte determinaverint. Tandem doctrinam hanc, licet a *Mortono*, *Tortoque*, egregie propugnatam, ut plurimum ab aliis problematice adhuc habitam fuisse; & non, nisi fortuitis sive experimentis, sive ratiociniis, denuo resuscitatam, idoneosque ad usus revocatam fuisse. Cum igitur verum inchoandi tempus, justa dosis, ejusque sola sibi sine aliis remediis alexipharmacis sufficientia, (si ita liceat parum latine dicere,) qua exactitudine oportuit, non sit determinata, hiatumque in doctrina medica relinquat; conabor ea mea conamina perficere, quæ priore

anno ad hunc hiatum explendum inchoaveram ; cum id præstandi multiplex sese occasio obtulerit.

### Ægrota I.

Ineunte Februario 1758. mulier ann. 36., una ex ægrotantium foeminarum nostrarum Custodibus, febre continua putrida corripitur. Plures habebat ab initio jumentosas urinas, tum maxime referentes τὸ γονοειδές Hippocratis. Quarum urinarum per sex dies integros servatarum, ne unica quidem corruptionis, putredinisve, signum dedit. Octavo morbi die innumeris subito Petechiis scatuit, Collum, Brachia, Manus, nonnihil & Crura, obsidentibus. Maligna mox signa eruptionem sequebantur : Præcor-



cordiorum anxietas, motus convulsivus singultum inchoantem referens, oculorum ac totius faciei mutatio magna, & collapsus, celer admodum contractusque pulsus.

V. S. totaque antiphlogistica cura, primo in stadio adplicata fuerat. In stadio autem eruptionis, tum auctoritate Autorum, tum aliorum exemplo, adposito primum scuto ad stomachum, composito ex empl. de Labd. Camph. & Opio, dedi quovis trihorio Rad. Contraj. & Camph. a gr. VI. una cum largo calidi decocti hordei melliti potu. Tria primo, dein adhuc duo alia, sunt admota Vesicantia. Nihilque proficiens, dedi misturam ex Rad. Contr. Serp. Virg. Camph. a gr. XII. Acet. rosac. Syr. succ. citr. a unc. I.

Aquæ Rutæ unc. VII. ut altera hora unciam hujus, altera unc. III. Emulsi camphorati fumeret. His profectum nihil. Sola præcordiorum anxietas, & singultiendi conatus, unc. III. olei amygd. & unc. I. Syr. Diac. hauſtis, ceſſaverunt; reliqua omnia ſymptomata cum increſcentibus petechiis increverunt.

Nono morbi die medio ſtranguaria oborta eſt, dolorque ad ima pelvis intolerabilis. Emolliente Cataſmate mox impoſito, prodiit cum miſto guttatim lotio ſanguis, idque continuo fere. Ut autem in Malignis calor febrilis raro intenſus, ita & hic thermometron per 8. minuta adhibitum 99. modo gradus ſignavit. Perrexerit ſanguinea urina per ſeſquidiem, dum

dum interea alvus plane æruginosa prodiit; tandem alvo sanguinea prodeunte, cessavit cruoris mictio.

Duo hic maxime terrefaciebant.

1<sup>mo</sup> Dolor stranguriæ tantus, ut mulier ejulatu suo totas expleret ædes, & ut ad singulam urinæ guttam convelli inciperet, totoque corpore contorqueri. Ad hunc sedandum tentavi quid Oleum Lini per Catheterem in Vesicam injectum efficeret? Tentamen pro Votis successit; ita ut, repetitis injectionibus dolor imminueretur, & post biduum plane conticesceret. 2<sup>do</sup> Morbi malignitas, ad quævis appositissima remedia augescens. Quare *Sydenhami* memor, dicentis de Mictu, sputoque cruentis „ Unicum „ in Variolis symptoma, cui de-

„ vincendo nondum par est Ars me-  
„ dica „ cogitavi illico, si quid re-  
medii adhuc forte superesset, id cor-  
ticem peruvianum fore. Quare illico,  
mictu cruento primum viso, corticem  
dedi ; & quidem, ut commode illum,  
copioseque, sumeret, extracti forma.  
Dosis ejus eximiam dedi, quia usus,  
per varia discrimina rerum, me eo  
perduxerat, ut, dum ad averruncan-  
dam, abigendamve, Grangrænam, cor-  
tex quidquam juvaret, non parca ma-  
nu juvaret, sed larga datus. Quippe  
ut proxime elapso anno monueram,  
parcius exhibitus Cortex, levamen, non  
curam, attulerat. Igitur fœmina hæc  
unciam extracti quotidie in mistura  
assumfit continuis quatuordecim die-  
bus, per octiduum vero dein unc. me-  
diam. Fuit & Syr. Diacod. bis, ter, de  
die



die datus, donec integre esset devictus morbus. Vini diluti modicum subinde concessum ; Vini calefacti fomenta diu noctuque adplicata, laboriose renovata, jugulo, axillis, inguinibusque.

Effecit Cortex, quod dixi, ut miſtus cruentus cessaret, solaque alvus, pro æruginosa, cruenta prodiret. Cum jam putrida & gangrænosa diathesis Intestinorum metui posset, injectumque ad eam præcavendam, curandamve, tepidum oleum Lini illico esset ; parabatur interea largum & saturatum corticis decoctum, quod enematis forma sæpius injiceretur : at vero alvus desinens cruenta esse, opus eo non habuit. Ad finem morbi molesta tussis, tantillo Kermes minerali, Oxy-

melli squillitico admisto , pacata est. Curato morbo œdema dextri cruris molestum erat , sed data per multos dies uncia Rob Junip. frictionibusque & fasciis adhibitis , intra tres septimanas perfectissime convaluit.

### Ægrotus II.

Eruditus , candidus , multæque profecto spei Medicus, Dominus *Hansenorl*, in Nosocomio *Hispanico* Medicorum alter , postquam multis maligne laborantibus egregiam operam navasset, maligne ipse decubuit. Vena ipsi secta fuit, omnisque adhibita antiphlogistica Cura. Sexto die innumerae Petechiæ faciem obsident, collum, pectus, abdomen totum, integrum dorsum, omnes, superiores maxime,

xime, artus. His paulatim pustulæ miliares albæ copiosæ interspersæ. Cum in Ptochotrophio decumberet, in consilium me vocavit, ipso efflorescentiarum principio, optimus Dominus *Mayer*, pauperum ibidem Medicusne dixerim, an Pater. Consilii conclusio fuit 1°. Corticis extracti unciam quotidie exhibere. 2<sup>do</sup>. Vesicantia apponere. 3<sup>tio</sup>. Quotidiano enemate alvum servare apertam. 4<sup>to</sup>. Bis, ter, quater de die, unciam Syr. Diac. dare. 5<sup>to</sup>. Potum aq. hord. mell. aut Serilactis, aut Hydrogalactis, assidue dare, & corpus jure carniū, cui citrei succus admixtus, nutrire. Pulcre videre erat, quam egregie, horum sub usu, duplicis generis efflorescentiæ in conspectum prodirent, totumque con- tegerent corpus. Nihil jucundius cer-

nere erat, quam quantopere præfens nunc debilitas ab ea distaret, quæ hisce adesse Morbis solet. Urinæ continuo vere criticæ prodierunt; molestæ vero tussî eadem, quæ ægotæ primæ data, medebantur; symptomata demum quævis ita mitescabant, ut, petechiis, vibicibus, miliaribus, scatens, ne ægotaret quidem. Un-  
cia igitur extracti Corticis 21. diebus quotidie usus, minori dein per alios 14. dies dosi, ad ejusmodi demum sanitatem pervenit, ut eadem, adeo illibata, multis ab annis sibi non videatur fruitus esse. Solis diebus morbi gravioribus, ut plerique alii, ita & hic, corticis paulo majorem copiam sumfit.



## Ægrotus III.

Dominus *Kollmann*, ob doctrinæ medicæ præstantiam recens creatus Medicus Nosocomii Militum in suburbio *Leopoldino*, medio mense junio hujus anni eodem febrium genere, a qua suorum militum plures jam percuraverat, decubuit; & ab amico suo, Solerti Medico, *Antonio Störck*, dignissimi Professoris *J. Störck*, piæ memoriæ, digno fratre, olim meo, in Nosocomio, per biennium Assistente (ut vocant) ægrorum vigilantissimo, egregie juvabatur. Ab utroque vero ad Consilium rogatus, quotidie adfui. Ante adventum meum vena jam secta fuerat, omnisque reliqua adhibita antiphlogistica cura. Petechiæ quinta die prodierunt; prima in dextro colli latere, cui mox se plures adjunxere:

die

die sexto etiam ad pectus & brachia comparuerunt. His demum die septimo miliaria adjuncta.

Ut in priore ægro, ita & hic, mox a conspectis petechiis, in morbo cæterum gravissimo, Cortex similiter eadem dosi datus est, a 5. morbi die, in 30. diem usque. Graviora sane symptomata hic æger, quam proxime præcedens, perpeffus est, deliria, debilitatem, alvum involuntariam, ischuriam, & , quod pessimum, universo corpore, diu noctuque, idque plurium dierum spatio, enormes tendinum subsultus. Tota cura hic, ut in præcedentibus, adhibita est. Notatu dignum quod, cum tam debilis esset, ut vix artus per lectum movere posset, nunquam tamen, etiam in pessimo-

morum symptomatum vigore, pulsus ipsi debilis, aut valde celer, sit deprehensus. Post 30. diem & huic crura intumuerunt; sed adhibita frictione, sumptoque purgante, brevi remiserunt. Levem dein Icterus, cui & olim obnoxius, aquæ Selteranæ percurarunt.

### Ægrotus IV.

Juvenis 16. ann. a peractis multo cum frigore, & infueta cum diæta, itineribus, febre corripitur, & per 5. continuos dies, sine ullo auxilio, misere in stabulo decubuit. Die 6. ad me conducitur. Febre cum tussi catarrhosa continuante, prodire die 14. morbi alba Miliaria, cum ea quidem malignitatis nota, ut, qui eousque æqualis, satque fortis fuerat, pulsus, nunc debilis, intermittens, inæqua-

æqualis, deprehenderetur. Et huic actutum cortex ideo datus, miliaria belle eduxit, pulsum emendavit, vires restituit, integramque sanitatem octidui spatio reduxit; sola superstite molesta Capitis gravitate, quæ caput sæpius pectendo fricandoque, cito devicta est. Ut priores, ita & hic, Corticem, curato jam morbo, aliquantisper, parciorem licet, continuavit.

### Ægrotus V.

Non sine voluptate recordor historiæ prænobilis juvenis, ad quem Consilii causa die 3. Dec. 1757. accessi. Ex pluribus, quibus usus fuerat, Medicis, unicum modo præsentem reperii, Dominum *Guarin* junio-rem, Physiologiæ & Praxeos eruditum



tum Cultorem. Video ægrum Petechiis, & Miliaribus, dudum plenum, summopere delirantem, fœces inticæ demittentem, debilissimum; præterea subsultum tendinum, pulsus debilem & inæqualem, fissam aridamque linguam, vultum squalidum totum. Dies morbi 19. agebatur. In re tam conclamata cum doctissimo Medico concludo, si quod præsidium superesset, in Cortice id quæri oportere. Quotidie tantum usus est extracti Cort. dragmis iv. v. a die morbi 19. ad 40. usque. Bibit autem copiosissime, nempe 12. imo 15. Lib. Decocti five hordei, five aquæ cum succo citrei, quovis nocturni spatii: imo etiam hisce intermiscuit copiosas emulsiones, quibus camphora & diacodium admixta. Die a Corticis usu sexto animam vel-

veluti acturus videbatur : eandem tamen medicinam profecutus est. Miliaria iterato prodierunt ; eadem medicina continuata est. Pectore sæpe male habuit ; sed semper pergens in iisdem, nullam labem curato morbo superstitem habuit. Cita fuit virium resectio. Integerrima successit & constans Sanitas.

### Ægrota VI.

Addere & hanc historiam necessario debeo, quum, licet morte terminata fuerit, id tamen, de quo agitur, abunde probet. Fœmina 44. annos nata, ab hydrope adscite quadrienio elapso curata fuerat, sed tussim hydrope antiquiorem perpetuo deinceps habuit, ut & continuam pectoris anxie-

anxietatem, molestissimasque palpitationes Cordis. Nocte solet ad primas capti somni dulcedines, subito, ac violente excitari, cogiturque, ne suffocetur, sedere erecta. Hydropem ἀνὰ σαρὰ referunt facies, brachia, crura. Herniam inguinalem vi tussiendo, vomendique, a longa jam die sibi conscivit. Sputando sanguinem nonnunquam eiecit. Debilis ipsi pulsus est, & tum rythmo, tum tempore, inæqualis. Accessit me inter matutinos pauperes, a fine anni 1756. usque ad hanc mediam ætatem. Diagnosin a principio fuit, Univerſa, eaque annosa jam, Cachymia, & Cachexia: ita ut vix pars in corpore sit, quæ non irreparabiliter a sanitate desciverit. Aderantque etiam, ambigua quamvis passim, signa, quæ vel Hydropis pectoris, vel

Vitalium organorum protopathicæ ,  
aut deuteropathicæ affectionis , vel  
mali utriusque , suspicionem inji-  
cerent. Prognosis hinc pessima. So-  
laque fuit , quam palliativam appelli-  
tant , cura superstes. Blanda evacu-  
antia , Oxym. Squilliticum , diuresin  
simul & expectorationem promovens,  
Kermes minerale , Gummi Ferulacea,  
Camphora , Succinum , Opium , col-  
labascentem hanc Machinam paululum  
suffulserunt. Ita quidem ut Diarrhœam  
tandem passa , a fine Junii 1757. ad  
finem Jan. 1758. vitam admodum to-  
lerabilem duceret. Exin vero pessi-  
me habuit ; ita ut nunc huic , nunc  
illi pravo symptomati , obviam eun-  
dum fuerit. Toto mense Augusti pro-  
xime elapso febre quotidiana labora-  
vit , incidit deinde in Dysenteriam ,  
qua-



quacum una prodire Petechiæ. Quodque dolendum erat, *non venerunt pro illa petitem auxilium, nisi petechiis quartum jam diem agentibus, iisdemque ut plurimum nigris & lividis.* Sane malignus adeo morbus, in corpore antea sano etiam letum prædicturus, nunc corpus prehensens a Chronicis malis dudum conclamatum, nullam spem vitæ reliquam fecisse videbatur. Nihilominus miserrima, quoad animam traheret, juvanda erat. Interea temporis Petechiæ nigerrimæ toto nunc corpore conspicuæ, auctaque Dysentericæ malignitas. Curavi ut mox quatuor Vesicantia corpori adhiberentur; largas Emulsiones dedi; bis, ter, die, paregoricum; & strenuam præscripsi Corticis dosin. His demum effectum, ut die ab horum adplicatione quarto

latæ maculæ minus nigrescerent, Dysenteria multum minueretur, vires utcumque refocillarentur. Attamen nunc ferox tussis, & pectoris angor, urgebant maxime. Hoc opus, hic labor erat. Indicata expectorantia, prius intestina, quam pectus stimulasent, resuscitassent dolores ventris, Dysenteriam auxissent. Immortalem *Boerhaave* Aph. §. 866. imitatus, Oxymel cum Diacodio dedi; mire profui. Sexto ab usu Corticis die evanuerunt sensim Petechiæ omnes, vires increverunt, rediit appetitus; quæque eousque rubra, tenuis, Urina fuerat, sanum æmulabatur colorem, alvus bis modo de die fluebat. Hæc miranda mutatio deceim integris diebus perseveravit. Verum cum nunc, quæ data fuerat, sinistra Præsentio, falsa fere deprehendere

deretur, extemplo quasi ruebant labilis hujus vitæ fulcra. Venter intumuit, vomitus accessit, tenesmi torquent, efflatur anima. Sane, quamvis mors accessit, virtus tamen medicamenti egregie inde elucescit, cum fæminæ triduo neglectæ, & aliunde conclamatæ, tantum boni præstitit.

## Historia VII.

Hanc utique non sine intimo animi mœrore scribo, cum amici integerrimi, viri a Religione, experientia medica, vero candore, commendatissimi, jacturam menti refricet, nempe doctissimi *Greg. Mensurati*, Græcensis medici, ac Chirurgiæ professoris. Numerosam turbam novitiorum militum,

prope *Grecium* commorantem, invadit maligna febris cum pravis exanthematibus, ineunte anno 1757. & plurimos necat. Optimus Vir, *Huxhami*, & *Pringle* methodo infelix; & gangræna perire plurimos cernens, corticem dedit, cortice plurimos servavit, labem totam superavit. Sed eheu ! de servato ille milite lætus, magnamque existimationem adeptus, eodem morbo corripitur. Cortice quidem uti cœpit, sed petechiis prodeuntibus, ipsoque subdeliro, Medicis virium corticis in hoc casu adhuc ignaris, tutius visum fuit communi eum more tractare : Communi more periit ; periit nestoreis annis dignissimus *Mensurati*. Viri merita, & AUGUSTISSIMÆ clementia, viduæ mœstæ, prole onerata, annum ejus stipendium continuarunt.



Hi notabiliores fuere, quos habui, aut novi, casus; ex quibus, nisi me animus vehementer fallit, concludere, licebit:

I. Corticem Peruvianum in Malignarum debilitate egregium esse, & incomparabile, Cardiacum.

II. Eundem esse in summa Corruptione interna, & externa, inimitabile Alexipharmacum.

III. Videri eum conclamatum in malignis mictum cruentum, cruentamque alvum, quoque sanare.

IV. Simul remedium esse, quod exanthematum expulsionem, summa cum ægrorum euphoria, promoveat, sustineat, maturet, perficiat.

V. Corticem recidivas præcavere, quæ & passim letales habeantur, & ipso hoc epidemico tempore quamplurimos, jam reconvalescentes, prostraverint, & occiderint : præcavere quoque pravas Metastases, quæ lenta demum gangræna tabefacta corpora peremerint.

VI. Ea cuncta ut Cortex efficiat, eum & copiosissime, & diutissime, dari oportere: docentibus id tum aliorum, tum propriis etiam observatis.

VII. Plurimis exemplis nostrorum ægrorum id constitisse, quod quævis criticæ excretiones nunquam pulcrius, quam sub corticis usu, promoveantur.

VIII.

VIII. Corticem sane duplici, ea-  
que egregia, facultate pollere ; quod  
& nimios motus, caloresque, mode-  
retur, & debiliores animet. Id, prio-  
re anno evictum, cap. V. ultra demon-  
strabitur.

Hinc , ni fallor, Conclusio, quæ  
præfens caput terminet, iusta erit.

I<sup>mo</sup>. Ad morborum malignorum  
Curationem adhibitæ Methodi variæ,  
juverunt singulæ, quando efflorescen-  
tiæ malignitate carebant. Scilicet ,  
communi loquendi modo omnes fe-  
bres, quibus efflorescentiæ junctæ, ma-  
lignæ appellantur. Hinc Methodus  
Antiphlogistica ; Methodus diluens ,  
demulcens , obvolvens ; Methodus  
etiam illa, quæ moderatis cardiacis vi-

res animet ; omnes, inquam, hæ suo quæque loco auxilium attulerunt, curarunt homines. Imo minus apta methodus multum hisce non nocet. De his vero noster sermo in præsentiarum non est. Id enim jam toties dictum, solo regimine bono, paucisque cum medicamentis, hos morbos, vulgo malignos dictos, revera tamen benignos, in Nosocomio nostro facile brevique curari ; curari feliciter passim alibi.

2<sup>do</sup>. In ipsa vera malignitate morborum, haud raro diversæ, imo oppositæ, curandi Methodi, in quavis constitutione Epidemica, pluribus a sese servatis gloriantur. Testantur id quævis edita opera tempore pestis, aut epidemiarum. Idem verum esse



esse, *Sydenham* fui temporis Medicis, aliam, quam ipse, viam, ineuntibus, ultro fatebatur. Sed quod optimus Vir huic confessioni addebat, rationabiliore sua methodo & tolerabiliorem esse ægritudinem, & salutem longe frequentiore tutioremque; cujus equidem assertionis testem advocabat universam urbem; idem censeo ad præsentem quæstionem esse respondendum.

3<sup>to</sup>. Quibuscunque adplicitis Methodis, variis, oppositis; ea, quam proposui, excepta; luxerunt semper & formidarunt Medici *Metastases*, & *Relapsus*, crudeles passim, & letales. Quæ his calamitatibus caret methodus, reliquis profecto anteponenda videtur. Ergo.

4<sup>to</sup>. In nonnullis malignis anti-phlogisticam curam ipse adhibui; nonnullos servavi. In aliis ægris demulcentem, involventem, oleosam curam, institui; plures curavi. Methodo leviter cardiaca nonnunquam usus sum; infelix non fui. Sed, omnibus rite perpenſis, est certus quisquam, isque frequens & passim letalis, Malignitatis gradus; quo in gradu omnes hæ variæ methodi deficiunt. Vid. *Rat. med. part. 2. Cap. 1. § 6.* Comperiit hoc ipse *Sydenhamus*, dum varia curandi ratione, etiam suo largiore *Diacodio*, & *Oleo Vitrioli*, in Malignis uteretur. Eruditum sane Medicum, & in Græcis egregium, Dominum *Gamnig*, Aulæ & Urbi, anno præſente inchoante, ereptum doluimus: anno proxime elapſo excurrente, etiam unum ex No-

fo-

focomii assistentibus periisse mihi dolui. Plures in urbe sic periisse vidi, novi.

Cum ergo in hoc ultimo malignitatis gradu Corticis utilitatem Viri graves innuissent; cum ego ipse eundem ægris meis tum parcius, tum ferius, exhibens, mortem proinde eodem non propellens, effectus tamen aliquot egregios inde observassem; infortuniorum pertæsus, animum eo induxi, ut Corticis & largiore, & maturiore exhibitione, huic Malignitatis gradui obviam irem. Quantopere autem T. O. M. DEUS tantillis meis conatibus faverit, enarratæ Historiæ testatum faciunt.

Antequam hanc materiem missam faciam, monitos velim omnes Medicos,

cos, quam pernicioſa ſit certa quorundam Methodus agendi, qua ſemper morbi Malignitas, nunquam forſan affutura, non dico præſagiatur, ſed præſomniatur. Quis hujus porro effectus? Ut detrahantur ægris anti-phlogiſtica remedia, iisdemque aut inertia, aut noxia, ſubſtituantur. Contigerit modo ut Artus ægris doleant; ut præ ſudore, aut acriore tranſpiratione, Cutis pruriat; ut etiam, quod turpius, pulicum ſtigmata alicubi viſantur; mox Acida remedia detrahuntur, iisdemque ſufficiuntur aut Hoffmanniana dicta miſtura, aliave terrea acidis ſaturata, aut etiam Decoctum ſerpent. Virg. Contraj. Vincetox.; aut varia Bezoardica, aut pulveres de Gutteta Riverii, Epilepticus Marchionis, Kentianus, Pannonicus



ruber, & id genus alia. His tunc confiditur, æger bene tectus in lecto servatur, agitur sanguis, & prodeunt Exanthemata haud raro letalia. Sternit, proh dolor! mos ille noxius in hac regione plures, cæteroqui victuras puerperas, cum ad minimam in cute maculam vel pruritum, calido lecto ac Cubiculo oriundum, ita instituitur. Profecto quod *part. I. Rat. med.* audax dixi, audax repeto; Ægris nostris, communi acuti morbi, neququam maligni, genere, aut vigente, aut declinante, decumbentibus, nunquam adhuc prava exanthemata contigerunt: & si, nonnunquam Criseos tempore exanthemata observata sunt, hæc nullam nobis in medendo mutationem indicarunt. Ratione morbi tractabantur, non ratione exanthematum:

tum : quare etiam nunquam , Divina nobis Clementia annuente , vel minima malignitas se hisce adjunxit. Quos malignos habuimus , hi suapte natura ita erant.

## C A P U T II.

### De Colica Pictorum.

**D**irum hunc morbum frequentius contemplatus , anno 1745. *Dissertationem* edidi , quæ observata , gestaue , hanc in rem , mea , contineret ; simulque enixe id , serioque , omnes peteret medicos , uti illi , suis observatis in lucem editis , mea demum emendarent , faustioreque tandem curandi methodum in lucem proferrent. Prodiit anno 1752. eruditissimi Viri , optimique Medici , *Gras-*  
*huis*

*buis , de Colica Pictonum Tentamen.*  
Dein Theses editæ sunt super curatione hujus morbi per Emetica , ab Eruditissimo Parisiensi Medico , *Du Bóis*. Quin egregius , & tam in Chemicis , quam in Medicis , consummatus Vir , Dominus *Baron* , in *Comm. ad Chem. Le Mery* , cap. de *Antim.* quædam , attentione digna , protulit. Ipse ego an. 1756. *Rat. med. part. I. cap. XI.* Expurgationem proprii mei Tractatus promittens , utilem interea , ni fallor , observationem communicavi. Anni , & quod plus est , elapso ab illinc spatio , prodiit *Cl. Tronchin* super eodem argumento Tractatus ; pauloque post Medici Parisiensis , clarissimi Practici , Animadversiones in *Tronchiniana*. Eruditorum in *Hollandia Societas Harlemensis* , problematis super hoo

morbo propositi, præmium adjudicavit clarissimo mox laudato *Grashuis*; cujus hodiernam sententiam necdum rescire potui.

Toto autem hoc tempore, ab edita Dissertatione mea elapso, nova multa observavi, dubiusque circa propriam meam sententiam hæsi. Unde de integro tum quidquid ante meum Tractatum, tum post eundem, hucusque scriptitatum fuerat, attentus pervolvi, & cum propriis meis, tam antiquis, quam recentioribus observatis, exacte contuli. Hinc demum quæ mihi nata idea, paucis dabo.

Morbi naturam abstrusam reperi; superque eadem nec a me, nec ab aliis, quidquam quod satisfaceret, cogitatum



tum fuisse: curandi vero methodum, tum propriam meam, tum eam aliorum, suos quidem usus habere, multisque gloriari curatis; at vero his omnibus methodis id commune vitium esse, ut non ex æquo omnibus profint: adeoque notabili huic Vitio emendando studendum esse.

Ut a curandi modo incipiam; examinandus est mos curandi per Emetica. Emetica *Sennerto*, *Cratoni*, *Hollerio*, *Citesio*, *Riverio*, *Puerario*, *Juncken*, *Pisoni*, *Baglivo*, *Boerhaavio*, *Anonymo*, multisque aliis claris viris, aut indicata non fuerunt, aut fuerunt repudiata; solo *Citesio* forte aliter, non quidem in erudito opere ipso, sed in Appendice, statuente. Ipse ego iisdem nunquam sum in hoc morbo usus.

Nec recentiores plerosque iis uti video. Cl. *Tyssot* sine Emetico tres Homines egregie curavit, ut, quas mecum communicavit, Historiæ fidem faciunt.

Attamen diffiteri non possumus Emetica graves, omnique fide dignissimos, habere autores. Morbus Colicus *Damnoniorum* a Clarissimo *Huxham* eo modo curatus legitur. In famosa ac laudatissima Thesi Cl. *Du Bois* plurimos ita curatos fuisse patet, vix paucis eorum pereuntibus: & quidem ita, ut, spatio 23. annorum, ex 1200. fere hominibus, paulo tantum plus, quam 20. perirent. Medici Nosocomii dicti *de La Charité, Parisiis*, sumunt tenuissimum Antimonii pollinem, hunc lavant, in sole exsiccant, duplum tenuis-

nuissimi sacchari admiscent, & affusa sensim aqua stillatitia Naphæ pastam faciunt, e qua Tabellas formant, quarum dosis est a Scrup. 1. ad. 2. pro rerum necessitate ter, quater, repetenda.

Ut ex Cl. Paris. Medici dissertatione critica video, subjunguntur Emetico Enemata fortissima, & draastica Purgantia, quotiescumque emeticum datum, repetitumque, fuerit.

Quænam igitur Emeticorum, in hoc morbo, utilitas? Emetica totum corpus concutiunt, morbosamque materiem æque deorsum solent, quam sursum, expellere: raro enim Emetica non fiunt simul Purgantia. Bene succedente hoc negotio, levamen ingens

tantam morbosæ materiæ copiam evacuatam subsequatur, necesse est : imo sustinendo quæ sint robusta corpora, hac lege integre poterunt curari ; fibris Intestinelorum sua necdum elasticitate privatis. Sin vero minus bene succedat, morbus modo inducias dedit, curatus non est, scenam denuo dabit ; ut mox patebit. Tandem, quod fatendum est, in robustis, in non deperdita intestinalium fibrarum contractilitate, eo citius morbus curatur, si præter emetica alvus quoque potenter solvitur. Alii solis utuntur purgantibus & emollientibus, donec referaverint, propulerintque, obstacula. Lentius quidem hi, sed tutius, æque tamen certo, idem, quod priores, efficiunt. Tertio dantur, qui paucioribus evacuantibus, sed emol-

lien-



lientibus internis, externisque, copiosis, plurimo oleo, prudenti opio, curam instituant. Quid porro illi? noxiam materiem involvunt, crispis contractosque nervos relaxant, exsiccatos humectant, nudos tegunt, defenduntque. His solis, subin adjuncto purgante, corpus a noxia materie liberant. Ad has tres Classes omnes varias methodos, morbum in Paroxysmo curandi, jure referas. Ordine recensitæ sunt, ordine nunc examinentur, & discutiantur.

Ac primo quidem Emetica egregios sæpe effectus habent: hoc ultro fassi sumus. Sed hanc Methodum, ut generalem, ut utilem cunctis, iis obtrudere, qui frequenter, attenteque, morbum contemplati sint, impossibile

est. Morbum vidi, tractavi, recentem, protractum, diuturnum, annotum, cum omnibus suis variantibus symptomatibus, eundem aut concomitantibus, aut subsequenter. Hinc didici ab inimica causa Intestina vehementer constringi, fœces in iisdem contentas exsuccas durasque reddi, tum etiam a Cellulis vehementer contractis, Colo potissimum in intestino, in parvos, eosdemque oblongos, globos formari : demum vero, tum Colon maxime, tum & pro parte Ileum, (nam & ibidem veras fœces alvinas hærere priore anno demonstravi) cum suis exsuccis, durissimisque contentis, in solidam veluti massam coïre, omniaque vasa & nervos comprimendo, ferocia illa Tormenta producere. Hæc morbi, si demum vera Pictonum colica

lica dici debeat, iusta idea, vera imago est. Dentur nunc in hoc statu generosa emetica, & purgantia; imo iterentur; quid tum? Oppido rarum non erit hinc vehementes convulsiones oriri, antequam, vel interea dum, illa operantur. Præsertim cum huic morbo adeo fræquentes convulsiones contingant. Sæpe enim Ventriculus non nisi consensu laborat, causaque vera malorum solis in Intestinis hæret. Concussione ergo validis hisce remediis excitata, repetitis iisdem pluries renovata, agitantur, convellunturque Nervi, multaque compacta materies aliquando solvi, solutâ propelli, expellique potest: at si vehementi hac agitatione nequeat solvi pellique materies, convulsiones excitari, & mors insequi, poterunt.

Sed rem accuratius contemplemur! Casu quo a violenta Remediorum agitatione pars solvatur, educaturq;, morbosæ materiæ, & multis vomitibus, alvique secessibus, copiose dimittatur, incipiunt omnia symptomata dira mitescere, imo integre aliquando filere; modico veluti Intestinorum pondere tantum superflite. Hi curati dicuntur; hi, quo locum cedant aliis, e Nosocomiis dimittuntur.

An autem vere curati sunt? Plerique neutiquam. Magna, eaque diuturna Intestinorum evacuatio contingere potest per medium Canalis; dum interea contractæ Cellulæ cum compacta fœcum mole firmiter unitæ maneant. Evidenter id evincunt Ossa animalium, Nuclei Ceraforum & Pru-



norum, Nummi, aliaque indigestibilia corpora, quæ per septimanas & menses Intestina sinu gerunt, & interim quotidie fœcum copia se exonerant, imo interea dum eo tempore purgantibus & enematibus sollicitata fuerint.

Mira talia in praxi vidi, videre practici omnes. Edoctus igitur hujus in Colica pictonica phœnomeni veritatem, nunquam ægros meos spe vana lactavi; quândiu Primo necdum ingens quantitas induratorum globulorum, instar fœcum ovillarum, alvo prodiisset: Secundo, quando, etiam his globosis corpusculis copiosissime prodeuntibus, alvus tamen postmodum docebat hanc Intestinatorum contractionem solutam non esse, sed du-  
ros globulos de integro formari. Utroque enim in casu ex stimulo acri hic  
pau-

paulatim crescente , renascuntur eadem ærumnæ , iidem postulantur curandi labores.

Methodus ergo per Vomitoria curandi infelix esse potest ; plures integre curare potest ; potest multos levare , at vero a relapsu non præservare.

Altera Methodus eorum erat , qui omnia emolliendo , & per alvum expurgando , curam tentent. His minus frequens convulsio observatur , ægri minus defatigantur , cæterum idem , qui prioribus , sed aliquando tardior , seu curationis , seu impetratarum induciarum , contingit effectus.

Quid

Quid nunc de tertia Methodo cogitandum ? Si certa esse probetur, cæteris ob lenitatem præferenda erit. Et quidni certa probetur ? Attente totam Historiam medicam de Venenis pervolventes, cernimus equidem venena vinci, vitamque servari, Emeticis, Purgantibus, Immutantibus, Diaphoreticis; at quotiesne vera nos non lateat veneni natura, sedesque ? Quotiesne incassum adhibitis cunctis pereat homo ? Catholica interim methodus utendi aqua calida, lacte multo, aqua mellita, oleoque, copiosissimis, omni modo adplicitis, interne, externe, ore, ano; hæc, inquam, & noto, & ignoto Veneno, ex æquo prodest. Scatent exemplis volumina medica. Ea referre velle, supervacaneum. Ex multis tamen quæ vidi, liceat

ceat unum notabile recensere. Anno 1735. *Hagæ Bat.* contigit, ut intra breve temporis spatium 130. homines, comestis squillis marinis, in terribiles anxietates inciderent, in convulsiones, vertigines horrendas, vomitus enormes, dysenteriam cruentissimam, intolerabilisque fœtoris fudorem. Causam alii refundebant in *Leporem marinum*, frequentius ab aliquot retrò diebus in proximo mari visum, eademque muria cum his pisciculis coctum: alii vero in muriam hanc eandem, post coctionem in magnis æneis ahenis refrigeratam, & iteratæ pisciculorum coctioni denuo adhibitam. Mox nonnullis emetica dabantur, purgantia aliis: intermiscebantur opiata & alexiteria. Horum plures diu ægrota-  
runt, & languerunt; bini perierunt.

Sed



Sed instituta Methodus replendi corpora copiosissimo oleo & lacte, tum potu assiduo, tum frequenti enematibus, cujus Autor erat *Cl. Schwmencke*, Anatomes ibidem & Chirurgiæ Professor, omnes illos miseros integre intra paucos dies sanitati restituit.

Nunquid & eadem olim, & nunc, in Colica Pictonum, non laudatissima? *P. Milo*, apud *Citiesium*, Matronam ab hoc morbo curatam refert, postquam quævis artis auxilia frustra adhibuisset, solo oleo, ac butyro, diu adhibito. Quin & in plerisque de hoc morbo scribentibus, etsi alia commendata habeantur, tamen oleosa, involventia, emollientia, tum ore epota, tum in anum injecta, tum balneis, fomentis, cataplasmatibus adhibita, sua

sua utique laude non carent : iisdemque, ut supra memini, Cl. *Tyffot* tres suos miserrimos a morte eripuit.

Mense Aprili 1757. homo 20. & aliquot annorum, inferebatur in Nosocomium nostrum, quem plura alia Nosocomia sæpius in Paroxysmo hujus morbi viderant ; jamque Paroxysmi a longa die per 4. 5. continuos dies indefinenter excruciabant, per duos tresve dies tum remittentes. Paroxysmum mox præsentem horruimus omnes, ejusque Vomitus, intolerabiles dolores, ejulatus, convulsiones toto corpore violentissimas, epilepsiæ instar, & spasmus maxillæ. Nudato abdomine quid veluti convelli, convolvique, in abdomine cernebamus, quod ipsum tactu durum.

Porro

Porro medelam sic institui. Emplastrum paregoricum Ventriculi regioni admovi ; oleum Lini tepidum frequenter injici curavi ; Emulsa camphorata , & paregorica , subin ipsum oleum , ore sumenda dedi ; Cataplasma emollientissimum toti circumvolvi abdomini ; & quia abdominis compressio manu facta videbatur lenire dolorem , cataplasma hoc fasciis abdomen comprimentibus firmari curavi. Ufu horum alvo prodire , ut in perfectissima colica pictonum , rotunda , dura , parva , scybala , eaque copiosissima ; quibus tandem materies pultacea successit. His demum paroxysmus siluit , neque rediit ; ita ut miser homo a biennio non meminisset tantæ doloris absentiæ. Durities in abdomine percepta mole decrevit, vi-

res rediere, appetitus, somnus. Legit, vel ambulat, tota die hilaris. Alvo autem quodam die carens, initia deprehendit repetituri doloris: enema oleosum dolorem quidem solvit, sed denuo parva, rotunda, dura, scybala producit. Ergo non ablata causa malorum. Diæta lactea dein videbatur curam absolutura: cujus experiundi gratia hominem diu in Nosocomio servassem, ni præ morum intolerabilitate ejiciendus fuisset. Tribus aliis eadem Cura successit; expurgatis quippe fordibus, Lac copiosum, assiduumque, Nervos & sufficienter molles, & debite fortes, facit. Ter quater in anno relapsos Lac demum incolumes servavit.



Profecto Methodus prophylactica quam *Rat. Med. Part. I. pag. 152. &c.* descripsi, ea videtur, quæ nunc dixi, confirmare. Colica Pictonum in Fodinis, unde ingens copia plumbi, multa ferri, aliqua arsenici, & tantilla argenti, petitur, frequentissima miseros adoriebatur Fossores; damnoſa ideo tum illis, tum Dominis, inſequentē ſcilicet paralyſi multos ineptos ad labores reddente. A triennio autem toto, ne unus quidem ultra affectus fuerat, ex quo Empirici, rerum foſſoriarum gnari, conſilio, jentaculum atri panis cum pingui lardo, Foſſoribus, priuſquam primos labores auſpicarentur, pararetur; prandiumque ſimul ex pingui bubula Carne, lardove, adornaretur. Vapores nempe & particulæ Veneni, ſaliva in-

viscatae, deglutiuntur, labemque primis viis inferunt : pingua, & difficulter digerenda Nervos defendunt a Venenorum adplicatione, venena inviscant, inviscata eliminant. Ex illo tempore consilium tale omnibus do opificibus, qui Fossilia tractantes, hac in urbe, adeo frequenter in hunc morbum incidunt. Ratio & experientia inviscantem hanc, & obvolventem curam, æque in therapeutica, quam in prophylactica curatione, comprobaverunt.

Methodus eadem mirum quam nostris in Nosocomio Dysentericis profuerit ! ut hinc vel integre curarentur, vel induciis primo impetratis, purgans tuto daretur, & opiata cum oleosis reliquam postmodum curam absolverent. Febris quædam maligna  
cum

cum terribili vomitu & ventris torminibus inchoans, emeticis irritata, in quodam Nosocomio multos, petechiis accedentibus, stravit. Consilio denique Ill<sup>mi</sup> Præsidis, decocta farinosa, emollientissima, oleum copiosum; opium, mollia epithemata & balnea adhibita, totam vicerunt malignitatem. Oleum cum opio in Acutis non malignis, pertinacioribus tamen, dum stagnantes in viis primis humores, bilisque forte eo usque affluens copiosa, putrescunt, incredibile morbo levamen attulit. Medicum hac in urbe cruenta & crudelissima Dyfenteria vexabat, cum rigore tetanode totius corporis, ultra 12. horas durante, & vomitu æruginoso. Probabilior causa proegumena erat podagrica materies in Corpore retardata & latitans; causa

procatarctica assumtum leve purgans. Illustrissimo L. B. *van Swieten*, & sagacissimo medico L. *Erndl*, qui curam ægri susceperant, visum fuit solis emollientibus, & involventibus, externis internisque, quovis possibili modo adplicitis, prudentique Opii dosi, uti oportere; adpositis interea acrioribus ad crura epispasticis, quibus eo versus, si qua materies podagrica adesset, determinaretur. At citra podagram morbum integrum, septem dierum spatio, debellarunt.

Opium porro in multis horum principem locum tenet. Nervis graviter affectis oleosa quidem, & involventia, prohibent ne ultra crispentur illi, irritenturque; Sed miram affectionem iisdem non demunt, quæ jam altius



tius secundum Nervum penetraverit. Opium ipsam Nervi conditionem mutat, sensilitatemque demit. Præstantissimus *Baglivus* suspicabatur, opium excitare sudores, quibus in hac Colica nihil ad generandam Paralyfin credebatur aptius esse. Sed Experientia edoctus affirmo ad præcavendam paralyfin, opio, cum copioso oleo, nihil præstantius dari, potentiusque, propter dolorum sopimentum. Quinimo *Riverio*, *Sydenham*, *Huxham*, autoribus, si purgantia in similibus morbis indicentur, nepenthem iisdem audacter commisceo. Eo enim contractos, irritatosque nimium nervos, utcumque relaxante, & pacante, purgatio aptius officio fungitur suo. Summi sane hoc in Ileo usus. Et forsitan solum opium datum efficit, ut, nimia nervorum

constrictione soluta, restituta vis peristaltica alvum commode moveat, cujus en memorabilissimum Exemplum!

Cl. *De Rueff*, Eminentiss. Cardinalis Archiepiscopi & Principis *Passaviensis* Archiater, casum filii sui quinquennis mecum communicavit, quem Ileus adeo gravis corripuerat, ut quavis Artis opera incassum adhibita, jam & stercorea evomeret, & enemata ipsa. Gustu ipso optimus parens vomitu ejectam percepit muriam salis communis, quæ enemate injecta fuerat, ut & Electuarium Diacathol. & alia. Saporem horum puer, hora antequam evomeret, ex eructationibus jam conquestus in ore erat. Iniquam & desperatam pueri sortem parens miseratus, Misturam aq. Menthæ, Spir. ejus-

ejusdem, & largiore Laud. Liq. Syd. dosi, constantem dedit, ut saltem cum minori miseria periret. Triplex fere opii dosi erat ratione ætatis. Sed en! ex inopinato Vomitus cessant, cessant dolores, & blanda sine somno obtinet animi tranquillitas. Eoque modo quartus morbi dies tranquille transigitur. Sequitur Nox molesta, levio- re dolore, citra Vomitum ingruente, turbata; flatus deorsum petunt, se- quitur portio enematum, ipsæque tan- dem fœces. Brevi post Appetitus, somnus, integreque restituta Salus, adsunt. Laudandus profecto perillu- stris & doctissimus parens, quod in studii medici bonum, hanc mecum hi- storiam notabilem communicaverit.

Liceat hic in transitu adnotasse ,  
quam egregie hinc confirmetur id ,  
quod de incipiente in Ileo gangræna  
dixeram *part. 2. Rat. med. pag. 95. 96.*  
97. Gangræna inchoans hic sane ad-  
fuisse videtur , sed opio inordinatos  
sedante motus , lenique aromate vi-  
tam suffocatam refocillante , per na-  
turæ bonitatem fuisse emendata. An  
autem die quarto potum Chamomillæ  
& Millefolii infusum , quoque quid  
contulit ? Est antiquis temporibus  
Millefolium laudatum in Dysentericiæ  
specie , quæ inchoamenta Gangrænæ  
denotaret. Si infusum cum aliqua co-  
ctione paratum fuit , potuit vis plan-  
tæ , modice stringens , forte quidquam  
conferre. Chamomilla vulgaris , & Ro-  
mana , ut tuta , blandaque antispasmo-  
dica , & diaphoretica , semper habeban-  
tur ;



tur ; Infusum ejus *Baglivus* in Colica  
tanti fecit , ut *Libr. I. prax. med. Cap.  
de Colica §. I.* dicere non vereatur :  
„ Antidotum Colicæ est Chamomilla ,  
„ a quacumque demum causa oria-  
„ tur.

Hæc de cura morbi : sed cum ini-  
tio dixeram circa ejus theoriam nec  
opiniones aliorum, nec ipsam meam  
propriam, typis olim editam , mihi  
inpræsentiarum satisfacere ; paucis  
jam liceat circa eandem exspatiari.  
Etenim quid mirabilius, & incompre-  
hensibilius, quam quod sedes mali sit  
in Abdomine, & artuum interea pe-  
reat motus ? Et cur, amabo ! si san-  
guis aut acer, aut mucosus, aut aquo-  
sus, virium sit causa dispendii, illa  
causa non totum ex æquo corpus affi-  
ciat ?

ciat ? Quibusdam enim soli superni artus resolvuntur, integri manent inferiores. Imo in tota ea morbi *Huxhamo* descripta specie, Paralyfis brachia duntaxat occupavit. Si vitiata Chylopoiesi, & Hæmatopoiesi, nec spiritus debiti, nec oleum, ultra discernuntur, quid demum causæ est, quod unus præ alio musculus aut robustus maneat, aut fiat paralyticus ? torosus, aut emarcidus ?

Mirum prorsus spectaculum ! at vero haud suo in genere unicum. Simile quidpiam observamus in Thoracis morbis. *Hipp. Coac. n° 400.* „ Si „ quidem igitur, inquit, Aortæ appellatæ (æ sunt, lingua hippocratica, duo magni rami, in quos Aspera arteria dividitur; vide *Duretum* & omnes  
Com-

Commentatores ) „ Siquidem igitur  
 „ Aortæ appellatæ, utrinque adpen-  
 „ dentes Pulmonis partes, valde in-  
 „ flammatae sunt, ut ad latus affide-  
 „ ant, (seu, ut ad latus adpriman-  
 „ tur) προσκαθῆσθαι, πρὸς τὸν πλευρὸν,  
 „ hac corporis parte resolvuntur,  
 „ παραλύονται τὰ κατὰ τὸ μέρος τῆ σώ-  
 „ ματος . . . Si vero non valde in-  
 „ flammatae sunt, ut non affideant,  
 „ (sive ut ad latera firmiter haud ad-  
 „ primantur) dolor quidem fit per  
 „ totum; attamen non resolvuntur..  
 „ Quibus vero totus pulmo una cum  
 „ corde inflammatus fuerit, ut ad la-  
 „ tus allabatur, homo totus resolvi-  
 „ tur. „ *Charterii* versio sensum ge-  
 „ nuinum accuratius ea, quæ *Dureti*, aut  
*Foesii* est, reddidisse videtur.

Invenio in adnotatis meis ann. 1747. 1748. 1749. triplici vice me in suppurato admodum pulmone simile quidpiam observasse. Quadragenaria foemina a longa die tussiculosa, spasmus in sinistro linguæ latere experitur, doloremque vehementem, & tandem paralyfin. Hæc ibant, redibant; prout Vomica, tunc se rumpens, magis sese, minusve, evacualet. Ita quidem ut per sesquiannum hoc malo ferme libera, eodem denuo, subsistentibus sputis, affligeretur.

Sexagenaria mulier siccam, molestamque dudum tussim passa, Linguæ sinistri lateris non spasmus, non dolorem, sed paralyfin conqueritur; inchoamento quodam Apoplexiæ, seu  
Ca-



Capitis potius stupore, petitur, ac postmodum lateris corporis finistri paralyfi.

Vir sexagenario major, peripneumonia non resoluta, ante tres menses laboraverat, tussi ficca, cum reliquis vomicae clausæ signis, vexatus. Levi tunc inchoantis Apoplexiæ insultu petitur; ab eoque denuo liber, Linguae pars sinistra, brachium, pesque ejusdem lateris, plane resolvuntur.

His porro tribus id contigit, ut, Vomitis ruptis, pus copiosum exiverit, simulque linguae, artuumque, paralyfis, emendata fuerit: & quidem adeo, ut Vir hicce intra 14. dies ab inchoata paralyfi per cubiculum  
cir-

circumambularet scipioni innixus , quem etiam brevi post , ut inutile pondus , projecit.

Equidem in altero , tertioque casu , levior Apoplexia , membrorum Resolutioni antecedens , minus videretur ad præsens argumentum facere ; quemadmodum etiam Linguae affectio. Verum ad aliud quid hic attendendum est. His omnibus id ter , quaterque contigit , ut sputis suppressis , imminutisve , curata redierit paralyfis ; sputis redeuntibus , illa paulatim cessaverit.

Ergo pure thoracem angustante , & premente , in prima scemina , Lateris linguae spasmus & dolor abortus est , secuta tum paralyfis. In binis aliis,  
pure

pure opplente Thoracem, levior Apoplexiæ species oborta est, hanc inse-quuta paralyfis. Paralyfis, sputis libere ejectis, minuitur, cessat ; sputis aut cessantibus, aut paulisper immi-nutis, paralyfis augetur, perficitur : Et quidem ter quater in omnibus ea-dem hæc phænomena redeunt. Si-mile quidpiam jam bis etiam Viennæ vidi. Casum forte & huc referendum habebit Cap. 6. n°. 25.

Igitur affectis in Abdomine, ac Thorace, nervis, Resolutio Brachio-rum, Crurum ; alterutro, utroque in latere, nasci potest. Communis ex-plicatio systematis Nervorum, & a me olim, & a plerisque passim, ad hunc nodum solvendum adhibita, im-perfectior est, multa ægre solvit, re-

pugnat nonnunquam, relinquit hiatus.

Solus, ni fallor, nec sine reverentia nominandus, magnus *Winslow* quid solidius nobis, aptiusque, suppeditavit *Tom. 3.* ubi adeo nervosissime explicat nervos. Experientia anat. 20. annorum edoctus, & *Cl. Petiti* observationibus suffultus, statuere cogitur, Nervum Intercoastalem, Sympatheticum magnum dicendum, a Communi Nervorum in Encephalo origine non nasci, verum potius a Gangliis, quæ a summa spina, ad ossis sacri infima usque, numerosa, totidem veluti Cerebra componunt, ex quibus demum Sympathetici magni origines: igitur quem in cranio esse illius originem credideramus, ejus potius adscendentem, & Cranium



nium intrantem, ramum esse, quam truncum descendentem.

Observatio Eruditissimi *Petit* habetur in *Hist. & Mem. Acad. Reg. Sc. Par. an. 1727*. Demonstrare ibidem annititur clarus vir id, quod hic *Winslow*. Hocque 1<sup>o</sup> quia Angulus communicationis (vid. *Eust. Tab. 18. fig. 2.*) Nervi intercostalis cum pari V. & VI. manifesto docere videtur, non oriri Intercostralem ab his binis paribus Nervorum, sed ab Intercostrali ad illos ramum accedere. 2<sup>do</sup>. Quia Nervus sexti paris tenuior est inter locum suæ originis, a priore parte Corporum olivarium & pyramidalium, locumque ubi Intercostrali nervo unitus est, quam ubi inde ad oculum pergit: manifesto documento hunc Nervum

quinti paris originem Intercoſtali nervo non dediffe, ſed, accedente Intercoſtalis ramo, potius mole auctum eſſe. Revera deberet, hanc eandem ob cauſam, auctior quoque moles in primo trunco Nervi V. paris adparere; ſed adeo craſſus hic truncus eſt, ut tantilli ramuli acceſſione haud adpareat mole auctus. 3<sup>tio</sup>. *Petit* numeroſis canibus Intercoſtales Nervos abſcidit e regione 3. vel 4. colli vertebræ; & quamvis par Octavum in hac abſciſſione integrum manere nequeat, ſcimus tamen par Octavum nihil ad oculos facere; adeoque omnem, quæ oculis fiat, mutationem, Intercoſtali Nervo deberi. Igitur Intercoſtalibus abſciſſis, phænomena, quæ naturaliter hinc exſpectari poterant, ut Vox impedita, Vomitus, Cordis palpitation-

tiones, &c. semper plus minus variarunt, imo nonnunquam defuerunt: sed oculorum affectiones erant in omnibus subjectis constantiores; nempe eorum squalor, lacrymæ, lemæ, cornea planior; extensio membranæ cartilaginosa ad Limbum Corneæ sitæ, ita quidem ut jam corneæ partem obtegeret; inflammatio conjunctivæ, &c. Et quod maxime rem demonstrat: uno Intercoſtali abscisso, oculus ejusdem modo lateris enarratis symptomatibus afficiebatur, alter minime.

Si hæc *Petiti* pulcerrima Experimenta, cum accuratissimis 20. annorum *Winslowi* laboribus, jungamus, cogimur omnino antiquam de Nervi intercoſtalis origine ideam abjicere, ad-

optareque Winslowianam. Ergo Nervus intercostalis non oritur a communi Nervorum origine ad Medullam Oblongatam ; sed in Collo, Thora-ce, & Abdomine, a miris illis Corporibus, quæ Ganglia vocant : Corpora scilicet nervis oriunda, nervos commiscentia, novis dantia originem nervis.

His ita consideratis, minus miror Colicæ Pictonum vix explicanda alioqui phænomena. Non ideo, quod jam ea cuncta exponere horum ope potis sim ; minime : intricatior nobis est Nervorum demonstratio, quam ut miras eorum actiones & ubique, & facile, exponamus : sed ideo saltem minus miror hujus phænomena morbi, quod intelligere videar, Nervo inter-



costali in Collo, Thorace, Abdomine, Pelvi, originem ducente, posse Paralyfin pedum, brachiorum, oriri; dum nempe, in Thorace, aut Abdomine, erosione, adstrictione, compressione, vellicatione, aut quovis alio modo, Nervus hic ad suas afficitur Origines, ad Ganglia scilicet. Cum igitur Crurum nervi, tam Ischiadici, quam Crurales, componantur ex spinalibus & intercostalibus, intelligo, non integros Ischiadicos, non Crurales totos, affici, sed illos modo, qui eis ab Intercostalibus juncti sunt, fasciculos; adeoque incompletam Paralyfin gigni, in his potius, quam in aliis obtinentem musculis; neque iisdem, quas afficit, partibus sensum adimere, sed motum. Cum nunc experientia noverim, Nervorum alios ad

motum, ad sensum alios destinari, hicque duplicis originis videam nervos esse, merito videor concludere, nervos harum partium motorios ab intercostalibus oriri. Attamen non id ita se habere ad musculos omnes, quandoquidem in hoc morbo potissimum Extensores afficiantur: ergo esse quoque nervos musculorum Cruris motorios, qui non ab intercostalibus, sed a spinalibus ortum habeant. Cum nunc Nervus intercostalis ubique in pelvi, abdomine, thorace, collo, oriatur, comprehendo facile ex ejus, in omnibus hisce Regionibus, affectione, posse facile fibras illas affici, qui in collo cum spinalibus colli confusi, sex nervos Brachiales una cum iisdem component: tum & in ea supernorum artuum paralyfi, explicatis modo de cau-

causis , quoque & in solo motu , & in certis quibusdam tantummodo musculis , vitium esse. Cum etiam intercostalis Nervus in Cranium adscendat per osseum Canalem , una cum Carotide interna , & deinde sese jungat cum Nervis V. & VI. paris ; haud improbable videtur Oculi turbationes , amblyopiam , ac fere amaurosin , Vocis defectum , Linguae spasmus , dolorem , paralyfin , eodem modo exponi posse , quo Brachii paralyfin. Cogito enim nunc in 6. & 5. pari eum fasciculum affectum esse , qui his ab intercostali accedebat. Difficilius quidem est explicatu , cur inchoamentum Apoplexiæ ab eadem causa in thorace premente aut vellicante , fiat ; sed ab altera parte facile concipimus , posse unicum nervulum ali-

cubi tam vehementer premi, & agitari, ut inde totum sensorium commune turbetur. In ulcere ruditer agitato nervus, universi Corporis convulsionem facit. A mera duntaxat applicatione Venenorum ad Ventriculi nervos, qui ab intercostalibus, & Vago pari, species Apoplexiæ nascitur, sæpe, expulso cito veneno, mox evanida. In rupto abscessu pulmonis hæc apoplexia remittit; brevique post etiam cessavit ipsa, & simul, quæ ipsam comitata, sequutaque fuerat, Resolutio.

Atque hæc de Paralyfi; sunt autem quædam alia adhuc exponenda. Introtractio Abdominis, & Ani; Ischuria, Dysuria, & quæcumque prava alia symptomata in hoc morbo sæpius adsunt, ex dictis explicata habentur.

Ema-



Emaciatio totius Corporis intelligitur a defectu olei in massa sanguinis, oriundo ex vitiata admodum prima coctione, vitiatis proinde reliquis; præterquam quod acria, sanguini sensim mista, omne attenuant & destruunt oleum: quod vero aut Deltoeïdes, aut alius quisquam musculus, præ cæteris contrahatur aut marcescat, inde deducitur, quod fibrillæ illæ Nervi intercostalis, quæ ad talem musculum, vel involventem eum membranam cellulosam, vel superstratam ipsi pinguedinem, distribuuntur, in thorace, aut abdomine, præprimis afficiantur.

Unum restat, quod nondum expositum. In Tract. meo de *Colica Pictonum* pag. 39. 41. eminentiæ cujusdam durioris, aliquoties immobilis, passim mobilis, memini; quæ femipolli-

pollicem, utraque lata, pone Carpum, in medio Metacarpo, sita esset, eo præcise loco, ubi Radialium externorum tendines Capitibus ossium Metacarpi inferuntur, Extensorque digitorum communis annulari ligamento emergit. Adparet degeneratio esse membranæ, extensorem hunc involventis. Si immobilis est, motum turbat; raro, si mobilis. Quibusdam plane deest. Nonnullis cito disparet, aliis per annos persistit. Credibile admodum terrestrem, tenaci quopiam junctam, & simul acrem, sæpe esse materiem, huc metastatice depositam, &, ni abiverit, relapsus metum post sese relinquentem. Memorabile exemplum communicavit mecum doctissimus sane Vir, & de Re Literaria optime meritus, D<sup>s</sup> *Massuet*, Med. Am-

Amstelodamensis, Autor, ut ipse ad me scripsit, *anonymi Tractatus de Colica Pict.* in Periodico Libro dicto *Bibliothèque raisonnée Tom. 8. art. 2. & Tom. 9. part. 1. 2.* Homo ab anni spatio dire hoc morbo per intervalla affectus, & rebelles utramque ad manum eminentias ejusmodi gerens, acuta febre subito corripitur, cum delirio, rigore brachiorum, subsultu tendinum. Arcessitus Vir doctissimus deprehendit obstupens, utraque in manu disparuisse eminentiam, & ægrum postridie mortuum vidit. Nunquid igitur materies hæc, (ut ipse a me quærit) quæ vel morbum olim generans, vel a morbo generata, huc metastatice deposita esset, reassumi, resorberique, denuo potuisset? Atque ita generare relapsum ejusdem morbi, aut acutas febres,

bres, & mortem ipsam ? Sane materiem hanc acrimoniam deleteriam stagnando sibi consciscere posse, non abludit ab observationibus alibi factis.

Sed dantur Colicæ pictonum nonnunquam, citra notabiles dolores ; quas tamen Amaurosis, Aphonia, Paralysis, insequantur. Id bis observavi. Quod non mirabitur is, qui attendat modo non ad acrimoniam adplicatæ causæ, sed ad naturam ejus. Venena adplicata Nervis, ut in hac urbe totius exempla tristitia testantur eorum, qui vasis argenteis, amalgamate auri & mercurii deaurandis, victum quærent, possunt eosdem Nervos pessime afficere, omnesque fere Nervorum producere morbos, licet moderatiores iisdem dolores conciliaverint.

In



In tota hac pertractatione hunc Morbum in Classes dividere, ut quædam ejus species ad Plumbum proprie esset referenda, alia ad Vinum, alia ad Scorbutum, ad Podagram, alia &c. minime duxi necessarium. Dentur causæ quævis, quarum effectus sit aut rodere Nervos, aut vellicare, aut convellere, aut exsiccare, & adstringere; modo ea, quam exposui, causa proxima inde sequatur, erit perpetuo morbus idem, eodem semper nomine denominandus, simili fere modo, paucis exceptis, curandus.

Sed plures, curato morbo primario, a Paralyfi curandi veniunt. Præter curam Lacteam, miræ efficaciam Machinam electricam esse, multa in Nosocomia experimenta docuerunt; hoc-

hocque ipso tempore egregium Machinæ effectum admiramur in ejusmodi casu multis ab annis desperatissimo. Adduci hunc hominem, a tanto tempore Lecto inhærentem, jussi in Nosocomium, eumque ibidem a trimestri fere spatio alui, ut ipsi quotidie vis electrica adplicari posset: a perfecta curatione multum abest, sed interim jam obstupescimus hominem sine baculo, a nemine suffultum, per totas ædes nostras obambulantem: promovendi experimenti gratia eum diu in Nosocomio servabo.



## CAPUT III.

De sanguine humano, ejusque  
Calore.

**A**nno 1756. 1757. experimenta multa communicavi, quæ ad humanum sanguinem, ejusque tum crustam, tum calorem, spectarent. Horum experimentorum plura, nonnulla in dubium vocabant, quibus, veluti inconcussis principiis, eousque fueramus innixi. Hoc anno eadem experimenta magnam partem iteravi, eo præprimis animo, ut si in prioribus capiendis errorem irrepsisse deprehenderem, id nunc traderem emendatius. Verum recentioribus vetera confirmata vidimus, simulque nova alia instituimus, quorum en epitomen !

I. Crusta inflammatoria densitate ac soliditate mirum quam variet pro excipientis differentia vasis ! Quo vas excipiens planius, majorisque diametri est, eo passim minor, ac sæpe nulla, Crusta est. Quo altius & angustius vas est, eo crusta densior, solidiorque est. Quamvis enim ex observatis prioribus constiterit, in eadem Venæ sectione sanguinem & variam, & maximam, & nullam, formare crustam; id tamen nec perpetuum est, nec præcise eodem ordine excipientium vasorum, maxime si idem experimentum sæpius capiatur, observaretur.

Fallimur ergo, fallimusque alios, dum lata pelvi exceptum sanguinem bonum esse, fere non inflammatorium,



rium, pronuntiamus; cum idem ille, angustiore exceptus, notabilem fors crustam exhibuisset: ut etiam, dum angusto admodum vitro cruorem excipientes, inflammationem densitate cunctas superantem judicamus.

2. Sanguis noster in morbis valde acutis, etiam morbi octavo nonnunquam die, in communis magnitudinis vase exceptus, habere potest, habuitque, formidandam Crustam: insequente nihilominus paucis post horis morte. Quam falso ergo creditur a quibusdam medicis, post quartum inflammatorii morbi diem, stadium inflammatorium jam præteriisse? Quam perperam quibusdam videtur omni-modæ sanguinis dissolutio adesse, tum quod dies Octavus sit, tum quod mors subsequatur?

3. Nunquid tamen ejusmodi crusta densa perpetuo notet stadii inflammatorii perseverantiam ? Utique in morbo maxime maligno, in quo post alia exanthemata, cum pessimis Variolis, nigræ maculæ, ac vibices, libera a Variolis loca deturpabant ; sanguis ob Variolarum retrocessum, quinto ab expulsiōe earum die, morbi autem vigesimo secundo, de vena brachii missus, prodiit in vase communi phlogisticus totus. Sed quadrihorio post, ex eodem foramine impetuose exsiliens, simileque in vas influens, perfectissime sanus, quavis nota, adparuit. Intra septem ante mortem horas uterque hic sanguis missus est. Vid. *Rat. Med.* p. 2. pag. 104. 107. Hoc explicaturus, attendat primo ad sequentem historiam.

4. In crure Sphacelo pereunte, in quo fane nihil suppurabatur, imo potius putrida tabe omnia diffuebant, simul incredibilis copia puris pluribus septimanis effluxit. Si ea Eruditis probentur, quæ de *Generatione puris Tom. 2. Cap. 2.* scripsi, erit puris, & materiæ crustæ, eadem origo, eademque substantia. Irritados ab acris Vasorum Nervos ibidem videbamus hanc in humoribus conditionem ponere, ut hæc crassa, albâ, materies aut formetur in illis, aut dispersa antea & invisibilis, nunc in massam visibilem cogatur. An non ergo in Crure sphacelato, & in febrium malignarum gangrænosa Cute, viva vasa, nervique, ad mortui margines irritentur? & sanguini eam diathesin creent, ut crusta, & pus, in eodem

formentur ? Modus quo albi, crassique Polypi, etiam in Chronicis morbis, prope mortem generentur, idem videtur arguere.

5. Sed si hæc ita se habent, tunc in putrida dissolutione sanguinis, ad Cutim observata, adstringentia damus ? Spiritus nempe acidus Vitrioli, Sulphuris, Nitri, Salis ? Imo ipsum adeo copiosum corticem Peruvianum ? Si enim dissolutio sanguinis ad Cutem duntaxat adest, ejusque irritatio marginum nervis occasionem suppeditet, ut hanc albam in sanguine spissitudinem generent, videntur hæc adstringentia nocumento fore.

Ad Acidorum usum dico, ea non nisi dilutissima corpus intrare, adeoque



que diluendo maxime & refrigerando agere. Ita dum Medici nonnunquam Hæmoptöen feliciter curant acido spiritu in Mistura opiata dato, crediderim æstum refrigerando, motum moderando, acre diluendo, id eos facere. Quod vero ad Corticem attinet, hunc vi adstringente hic agere minime arbitror. Cum magnis in arte viris lubens fateor me veram Rationem, qua Cortex agat, ignorare. Video quam potenter Gangrænam sistat, vitæque parti restituat : dum dedero eum in Hemitritæa, observo mirabundus quod nimios moderetur motus, calores ; quos tamen eosdem mire auget in flaccidis, inertibusque Corporibus : lætus contemplor quam blande, feliciterque, necdum adparentes Cutis efflorescentias, Variolas,

Miliaria , Petechias , foras trumat sustineatque : quam pulcre maculas purpureas , lividas , nigras , auferat ; mictum cruentum , cruentam alvum , in Desperatis Malignis sistat ; quam fortunato , suo si tempore apto , sua si copia detur , intermittentes febres , tum universales , tum topicas curet ; quam tuto hæmorrhagiās sistat , roborret nervos , sanguinem inspisset aquosum , mucosum attenuet , amissumque restituat vasis tonum : Sed hæc omnia ab unico principio explicare & deducere velle , inanis laboris esse videtur. Eoque magis si confidero attentus , quantilla Corticis dosi mirandos effectus producam , dum ejus aut resina , aut sale , utor. Præterea si binis hominibus cætera sanis , jam vero eodem intermittentis febris genere labo-

borantibus, & quorum alter strictissimi fit temperamenti, alter laxissimi, corticem dedero, nonne utrique reddit ex æquo salus ? Si tantummodo adstringendo, laxosque nervos roborando, Cortex ageret, nonne vehementer noceret potius, quam prodesset, rigido corpori ? An forte demendo Nervis irritabilitatem ? Sed corpora vix irritabilia, in quibus anima plane adiaphora inhabitet, cortice peruviano ab intermittente febre curantur : imo inertia & vix irritabilia corpora corticis usu irritabilitatis augmentum consequuntur. Tota res ænigma est, ænigma manet. Quæstio inanis ; responsum impossibile. Quam limitatum in Naturæ operibus ingenium humanum ! Sed quo abstrusior Natura, eo ad adorandum & amandum

dum supremum omnium Conditorum, cor nostrum vehementius rapit & impellit. Experiamur nunc itidem vires ingenii in observationibus de Calore humano.

6. Observavimus in plerisque, quibus aut consueta medendi Methodus, aut Cortex, febrim sustulerat, & ita quidem, ut sæpe nulla supersint, sive in pulsu, sive in respiratione, sive in urina, sive in ipso ægri sensu, vel minima indicia febris; observamus, inquam, horum in plerisque tres, quatuor, sex, caloris majoris gradus in thermometro, quam est calor sani hominis, idque haud raro per integrum octiduum. Merito id mirari oportet, cum plures dentur acutæ febres, in quibus idem thermomo-



mometrum, eodem corporis loco, eadem cum cura, eadem temporis diuturnitate adplicitum, sæpe intensiorem calorem non denotet ; interea tamen, dum & ipsi illi ægri, molestos calores conquerantur, eosdemque ad tactu nos deprehendamus. Quid quod in febre peracuta, vere ardente, in qua  
5. Libræ sanguinis, summe coriacei, eductæ ; in qua homo miser urentes plane calores assiduo conquestus est, & quidem tantos, ut DEUM profuso corde laudaret de Réfocillatione grata, quam Custodes ipsi, spongiis aqua frigidiuscula madidis, faciem ejus ferventem sæpius humectantes, conciliabant : quid, inquam, causæ, cur huic ægro per integrum octiduum calor una duntaxat die 100. graduum, reliquo vero toto tempore graduum  
modo

modo 98. 99. ? Is sane caloris gradus minor eo est, quem Thermometrum in iis ostendit, qui a febribus penitus curati, ut mox vidimus; qui iidem tamen nec sibi, nec nobis, calorem naturali majorem habere videbantur. In malignis morbis calor vix solet 3. 4. gradibus naturalem excedere. Et quod vehementius mireris, juvenis 13. annorum, spina ventosa, & obstructione non referanda totius abdominis laborans, totus pallidus, & cachecticus, & debilis; cujus sanguis nullum fere in labiis, in oculorum carunculis, in palpebris internis, colorem exhibet; cujus parvus est ac debilis pulsus; cur ille habuit per sex integros menses, singulo die, calorem circiter 100. graduum? Calorem, ajo, majorem calore illius, qui  
æstu

æstu flagrabat, durum plenumque qui-  
pulum habebat, qui inflammatissimi  
cruoris quinque Libras de vena effun-  
debat ? Quæ demum apta ad hoc pro-  
blema responsio ? Sed mirabiliora vi-  
deamus !

7. Fœmina ad finem anni 1755.  
ipso in partu fit apoplectica, & ad se  
quarto die redeuns, paralytica. Mox  
frigus intolerabile dextræ manus con-  
queritur ; ita quidem ut igni admo-  
ta, vestesque exurens, nullum perci-  
piat frigoris decrementum. Estque  
in eadem manu, sed prope cubitum  
magis, dolor vagus. Paralyfis emen-  
datur cæteris in locis ; ut demum  
Nosocomium accedere, opem roga-  
tura, possit. Manum ego, quique cir-  
cumstant omnes, penitus frigidam ,  
&

& extenuatam, percipimus; sed simul deprehendimus robustum arteriæ in Carpo pulsum, illi, qui in altero brachio, æqualem; quin & arteriarum, juxta digitos emaciatos sitarum, pulsationem manifestam. Unde frigus tantum, præsentē fonte caloris, arterioso sanguine? Magna iteratæ Graviditatis suspicio, ut eam ad electricam machinam adhiberem, prohibuit; & ut reliqua modo, quæ artis essent, gravitasque permetteret, instituerem, permisit. Anno 1757. mense Febr. primum rediit, perseverante eodem malo. Adplicui illam ad machinam electricam; sed negligenter accedens illa, parum emendabatur. Quin & sinistra manus, licet non paralytica, æque, quam dextra, frigit, æstate media. Per novem menses denuo defuit. Rediit



diit 8. Apr. anni præsentis, dixitque ab adhibita vi electrea sibi melius autumno & hyeme fuisse, seque ideo non rediisse: jam vero ab aliquot retro septimanis malum in pejus, quam unquam, ruere. Revera a conspecta manu horruimus omnes. Digni manus paralyticæ rigeant, hinc inde tuebant; pulposa apicum substantia evanuerat; & jam instar variegati marmoris digne toti rubent, pallent, purpurascunt, livescunt. Dolent quoque maxime dum attinguntur; acutius autem nullibi, quam in digito medio ad unguis radicem. Solus ab his malis liber pollex, paralyticus tamen ille, inque volam contractus; evanida penitus omni carne muscutorum pollicis, Abductoris brevis, Opponentis, Flexoris brevis, & Adductoris.

ctoris. Fœminæ ad fornacem locatæ manui thermometron alligavi, laci-  
niis laneis circumvolvi, & horæ qua-  
drante reliqui; calore cubiculi 70.  
gradum in thermometro, parieti ad-  
penso, notante. Thermometrum ad  
manum ultra 73. gradum non adscen-  
dit. Applicatum id horæ quadrante  
sub axillis, 96. gradum signavit. Er-  
go differentia caloris fuit 23. graduum.  
Interea temporis æque fortis in hoc  
carpo, quam in alio, pulsus deprehen-  
sus, deprehensæque pulsantes digitorum  
arteriæ. Cum hæc mulier adeo fui ne-  
gligens esset, volui, ut in Nosocomio  
maneret; manenti hic frigus brevi  
in teporem mutavi halitu aromati-  
carum herbarum, earumque potu.  
At exinde plane horrori fuit adspi-  
cere manum, colore ex purpureo  
livi-

lividam: ita ut sub unguibus pellucens totum gangrænosum esse adpareret. Hinc partis totius sphacelum metuens, eam integram saturatissimo Corticis peruviani fomento involvi, & corticem ore liberaliter sumendum dedi. Octidui spatio tepor sensim redire, dolorem abesse, nonnullos observari motus, color sanum æmulari. Vis electrea deinde effecit, ut digitis jam perfectius utatur, & domestica sua, hac quoque manu, perficere possit.

Verum ergo frigus partis, tum sensu interno externoque, tum thermometro, demonstratum est, cum optima conditione sanguinis arteriosi, manum, digitosque, debito cum motu, & attritu, perreptantis. Sed en aliud!

K

Viro

Viro quinquagenario, sanissimo, quadrato toti, a vehementi cursu exæstuanti, potus gelidus asthma rebelle creat, pravis dein ulceribus crura foedantur, lumbi vehementer, perpetuoque, dolent. Omnibus his perennantibus malis, nihilominus vegetus, torosusque, integro manet sexennio. Eo elapso rigiditatem, insensilitatem, & frigus, totius sinistrae manus, sex mensium spatio conqueritur; cui demum dolor accessit, & febris acuta. Homini huic olim aliquoties propter Asthma medicinam feceram, pulsusque æque manifestos utroque in carpo prehenderam: nunc vero nec in carpo, nec in manu, nec in brachio, humeroque, neque etiam sub axilla, ego, alii que, pulsus detegere potuimus. Ergo non fuit in hoc carpo extra-



traordinaria pulsus absentia : præterquam quod, si hæc etiam adfuisset, non ideo posuisset in brachio, humero, & ad axillam, pulsus absentiam. Hocque ita continuavit per quinque reliquos, quibus vitam protraxit, menses : nisi quod utrum sub axilla, & prope olecranon, pulsus obscuri indicium perciperetur, semel iterumque subdubitatum fuerit. Frigus tandem superatur, eique calor successit ; motus, sensusque vigent : & ipso hoc tempore, manente cum deficiente pulsu interni externique caloris sensu, Gangræna manum occupat ; succedensque digitorum sphacelus ipsas extremas eorundem phalangas separat, & a sese removet. Ingenti demum puris copia sphacelatis de cruribus indefinenter profluente, levi apoplexia

tangitur , eaque parum remittente , totius corporis Paralyfi affligitur , moritur.

In priore historia frigus perpetuum adest , cum valido arteriarum tota affecta in parte pulsu ; in altera tam tempore frigoris manus , quam ejusdem caloris , nulla perceptio pulsus adest , fitque lenta gangræna , ac sphacelus tandem. In priore cum pleno cursu sanguinis arteriosi tanto tempore pars invincibiliter friget interne , externeque , ac tandem sphacelum minatur ; in altera historia sine sanguinis arteriosi perceptibili transfluxu , pars post superatum frigus moleste caret , & sphacelo perit.

Cap. de *Machina electrea* habebitur  
historia foeminæ cum bono pulsu *semper*  
de

de frigore totius brachii ac manus conquerentis ; licet & adstantes partem naturaliter calentem asseverent , & ipsa altera manu affectam tangens , naturalem ipsi calorem adesse fateatur.

Ecquis nostrum communibus Physices ac Physiologiæ principiis id explicandum suscipiat ? Ineluctabiles sane ubique difficultates est inventurus. Ante cognitum *Harvæi* Circulum , Schola Medica *innatum calorem* , a magno *Hippocrate* Aph. I - 14. 15. edocta , docebat. *Hippocrates* ea dicendi formula τὸ ἐμὸν τὸ δέρμω , nihil aliud indicare voluisse videtur, nisi id, quod in corpore humano , varium in vario, cum primis vitæ rudimentis inceptum, in morte demum absens, nonnullis quidem in morbis auctum, in aliis vero

imminutum, deprehenderat. Hucusque ut verus, castusque Philosophus egit, ignotæ rei enarrans tantummodo, explicansque, effectus. Utinam hujus Philosophiæ semper memor extitisset ! videatur *Libro de Carnibus*, & *de Morbo Sacro*, ut & passim alibi. Sanguinem deprehenderat, dum de Vulnere exilit, calidum admodum esse; hominemque, dum multus effluit, frigescere, & pallescere. Conclufit hinc calorem a sanguine nasci: & quæ partes cæteris plura rubra vasa haberent, eas præ reliquis esse calidiores; quo pauciora, eo frigidiores. Hanc ob causam Cerebrum esse omnium frigidissimam partem. Hinc pituitam ad illud colligi, coacervari, & naribus ab eo dimitti: copiosius vero asservatam hanc frigidam pituitam, atque a

Ce-



Cerebro ad pulmones dimissam, sanguinem pulmone contentum refrigerare, & coagulare : itidem & ad alias corporis partes a cerebro missam iterum alios, eosque multiplicis generis, producere morbos. Apoplexiam, Epilepsiam, Asthmata, cunctosque pituitosos morbos, hinc explicuit. Scilicet aberrant etiam magna ingenia, dum quos sibi ipsi limites sapienter præfixerant, hos transiliunt incogitant.

Si *Aristotelem* consulamus in *Libris de Generatione, de Respiratione, & Meteorologorum quarto*, videmus subtile hoc ingenium totum in eo occupari, ut doceat, quandoquidem quatuor elementis, aere, aqua, igne, terra, nihil non constet, id calidius esse, quod in

hac commiffione ignem haberet reliqua principia fuperantem. Ergo neque hinc quidquam illuminamur in hisce tenebris.

Ex *Aristotele* & *Galeno* miras veterum Philosophorum circa calorem humani corporis ideas obftupescimus, fed quod nos quidquam doceat, invenimus prorsum nihil. *Galen*i tempore, Medicorum, & Philosophorum difcrepantia, verfabatur circa hæc duo:

πότερα δὲ ἐκ κινήσεως τῆτο τῆς κατὰ τὴν καρδίαν, καὶ τὰς ἀρτηρίας, ἔχειν τὴν γένεσιν, ἢ καθάπερ αὐτὸ τὸ κινεῖσθαι τῇ καρδίᾳ σύμφυτον ὑπάρχει, τὸν αὐτὸν τρόπον καὶ ἡ δερμασία., Utrum calor ex cordis & arte-

riarum motu ortum habeat, an vero, quemadmodum ipse motus cordi innatus est, eodem quoque modo

„ Ca-

„ Calor fit innatus ? „ *Galen. advers. Lycum Cap. 2.* Ipse quoque *Galenus* in *Commentariis* ad laudatos mox *Hipp. Aphorismos*, & maxime in *Libro adversus Lycum*, ad quem eos, qui de calore edocendi sint, remittit, solidi nihil attulit, sed peripateticis principiis, assimiliter quam *Aristoteles*, ad hanc quæstionem respondit.

*Peripateticorum* dogmati *Cartesianum*, & huic *Newtonianum* successit : Sed in quocumque systemate Philosophico plurima vix admittunt explicationem datam, ipsa explicatio scatet undique difficultatibus, hiatusque, nullo ratiocinio explendos, post se relinquit.

Anno proxime præcedenti experimenta adtuli , quæ calorem hominis fani in letali frigore morientis hominis præsentem demonstrarent, & in frigore febrili calorem naturali majorem aliquoties ostenderent. Jungantur his, quæ hoc capite dixi , & forte fateri cogemur independenter a sanguine calorem haberi ; calorem parti inesse, dum sanguis aut deest , aut quiescit ferre ; calorem deesse, dum interim abundantia adest requisiti cruoris. An ergo multum sapimus præ illis , qui simpliciter dixerint esse Calidum innatum ? *Intellexi quod omnium operum DEI nullam possit homo invenire rationem, eorum, quæ fiunt sub sole : & quanto plus laboraverit ad quærendum, tanto minus inveniat. Etiam si dixit Sapiens se nosse, non poterit reperire. Eccl. cap. 8.*

CA.



## CAPUT IV.

Experimenta in Calculosis, & de  
Calculo varia.

**R***at. Med. part. 2. cap. 12. pag. 206.*  
Historiam hominis cum publico communicavi, quem miserrimum a septennio Calculi martyrem, 17. Libræ sap. ven., 1500. Libræ aquæ Calcis, totidemque Lactis, a calculi doloribus ac molestiis ita vindicaverant, ut, eodem quamvis integro in Vesica manente, nesciat prorsus se Calculo laborare, urinamque sanissimi instar hominis, ponat. Monui ibidem hominem hunc ultra nolle remediis uti, comedere autem & bibere, quæ arri-ferint, perfectissima tamen valitudine gaudere. Idem nunc repeto. Dum enim hæc scribo, vocari eum in Nofocomium curavi. Illibatam ille sanita-

nitatem perseverantem , coram nobis omnibus, magna cum gratiarum actione, testabatur, licet calculo nullo modo liber ; omnes enim Cathetere explorantes, eundem præsentem reperimus. Quod in eo experimentum factum est, idem frequentius repetendi occasio adfuisset ; sed cum via commodior, brevior, & infantili ætati aptior, pateret, hanc inivimus.

Remedium hoc, quod jam anno 1757. innui, descriplique, *uvæ ursinæ* est. Enarrata ibidem experimenta tot novis observatis hoc præsentem anno confirmata vidimus, ut omnia enarrando longus ac tædiosus forem. Præcipua ex iis selegisse sufficiat.

I. Hujus anni 19. Aprilis, XI. annorum puer deferebatur in Nosocomium. Parentes testabantur, a quadriennio ab illinc elapso, filium diu noctuque in Urina reddenda immanibus torqueri doloribus; guttatim illam prodire; collectam vero tum mucosam esse, tum pallidam, tum foetidissimam. Quin & puerum binos Calculos pisi minoris magnitudine, quondam excrevisse. Cathetere explorantes, calculum omnes manifesto percepimus, audivimus. Puerum in Nosocomio detinere volui, licet, quovis momento acriter ejulans, ac pavimentum, furibundi instar, pedibus assiduo quatiens, molestus sane focius cæteris ægrotantibus esset. Bis de die media dragma pulveris uvæ ursinæ dabatur, & paregoricum vespertinum. Juvamen intra  
qua-

quatrimum adeo magnum fuit, ut dolores vix ultra adessent, ut lotium diutius retineret, ut demum quibuscumque careret calculi symptomatibus. Factum hinc, ut elapso mensis spatio Nosocomii claustrum pertæsus, paternas repetiverit ædes. Ac primo quidem tempore bene habuit ; sed junio mense, siue regimine pravo, siue medicinæ neglectu, siue quod evanesceret paululum præ consuetudine ejusdem efficacia ; dolores, cæteraque symptomata, recruderunt. Horum certior factus, Nosocomio inferendum jussi. Suadent interea alii Lithotomum consulerent. Quo ad operationem necessaria præparante, rem interea eo direxi, ut Operatio differretur, donec prius dosis remedii auctioris effectus explorassem. Ter die dedi mediam pulveris  
dra-



dragmam, & quotiescumque five die, five nocte, ferociores ingruerent dolores, liberale paregoricum. Decoctum hordei mellitum potui fuit. Profecto vix triduum elabitur, quin iterum omnes dolores exfulent, urinamque commode, ut homo sanissimus, retineat, emingat. Nihilominus iterum Calculi in Vesica præsentiam Catheter declaravit. Quindecim diebus elapsis repetiit domum, ubi sanissime vixit ad finem Augusti. Tunc negligens remedii, suaque sponte vivens, in antiquas delabatur miserias. Suscepimus eum tertio, & cum priorè methodo minus quam olim levaretur, curavi per aliquot dies oleum lini in Vesicam injici, mane, & sero. Unde demum egregie se habet, injectione minime egens, & pulveres solummodo  
fu-

fumens. Animus nunc est, eundem diuturniore tempore experimenti gratia in Nosocomio fervare. Urina ejus, quæ foetida, pallida, ac tenaci mucos referta, ipsi solebat prodire, ante Uvæ urinae usum, omni deinceps mucos caruit. Retinet tamen aliquod vitium: sedimentum scilicet furfuraceum perpetuo gerit, & alcalina plerumque ita est, ut momento mictus ipso cum acidis effervescat, & Syr. Violacei colorem in viridissimum vertat. Aliud vitium quoque adhuc puer habet, nocte se commingendi; sed mater testatur hanc turpidinem non a Calculo, sed Calculo anteriorem esse: Idque experimento certo jam novimus ita se habere, cum promissis illectus, per quatuor noctes subsequentes se non comminxerit; & ne forte, ut promisso-

missorum potiretur, nocte ideo de industria vigilaret, custodes ter, quater, accessere, visuri num dormiret? at semper profundo somno demersum reppererunt. Haud igitur morbi est, sed malitiæ, vitium.

II. Alius puer XIII. annorum, a biennio dolorificæ, ac pallide, minxit, subinde etiam stranguriose. Catheter, & digitus, calculum manifesto indicarunt. Tribus septimanis domi suæ uva ursina, & paregorico, usus, primo urinam diutius retinere cepit, demum integra nocte. Attamen cum his bonis signis crudelis dolor diurnos extorfit, nocturnosque, ejulatus. Pravam diætam in causa esse ratus, in Nosocomio detinui, & injectione Olei Lini bis die in vesicam facta, datisque pul-

L. veri-

veribus quotidie tribus, & opiato ad quosvis ferociores dolores; intra octiduum & dolore & stranguria liber fuit, minxitque ad unc. X. XII. unica vice, ter quater Nucthemeri spatio, instar sani hominis. Urinæ ejus vix alcalinæ, sed aut tenacem ductilem mucum gerunt, aut pus, aut furfures; pallent, sed minus illis prioris. Cum emendatione symptomatum etiam prava se de nocte commingendi consuetudo plane cessavit, nec unquam rediit. Et hunc diuturno tempore servare in Nosocomio conabor.

III. Puer septimum vitæ annum necdum explens, biennio abhinc Variolas, ac dein morbillos passus, menjendi difficultatem ac dolorem conqueri cœpit. Gluten tenacissimum magis



gis magisque urina gessit ; imo copiosus semel cum urina sanguis. Dolores ita paulatim increvere, ut puero vita jam plane intolerabilis sit. Calculus cathetere demonstratur. Comestis prunis non sat maturis, n° 15. aquam copiosam superbibens, febris primo quotidiana valida, dein continua remittente, per 13. dies laboravit ; quin & undecimo febris die ani prolapsus jungitur. Estque ipsi excoriatione exulceratum præputium. Etiam hunc tertium in Nosocomio detinui. Cum hic duo valde urgerent, urinandi dolor intolerabilis, & febris continua remittens ; huic prospexi decocto hordei mellito ; illi, ter die data dragma media uvæ ursi, cum paregorico ; ut & injecto bis die oleo Lini. Et quidem eo animo ut si febris pergeret

esse continua remittens, eam alia medela adoriturus essem. Verum febris sensim mitior facta, dein quotidiana, tandem intra 14. dies cessavit. Cum febris curatione etiam calculi symptomatica ita mitigata sunt, ut ultra non doleat, ut passim urinam diutius retineat, nocte autem tantum parum sese commingat. Urina quoque minus in alcali vergens, quam primi ordine pueri, nec adeo pallida, mucum rarius, squamas frequentius, continet.

IV. *Christian*, Hydrocele, ut videbatur, laborans, multo tempore Diureticis, subinde etiam Purgantibus Hydragogis, eo cum effectu usus est, ut & ad tactu mollior, & mole minor, Hydrocele adpareret: itinere  
autem

autem interea peracto, manifestarunt sese quidam in systemate urinario defectus, ita quidem ut medio Augusto homo cum difficultate urinam pallidam, moxque a mictu foetidissimam, redderet, alcalinam adeo, ut admistum Violarum syrupum mox viridissimum faceret. Iterata Catheteris immisione, calculus manifesto deprehensus est. Uva ursina illico ipsi data fuit; eaque brevi spatio temporis effectum, ut Lotium debito tempore servaretur in vesica, sine dolore prodiret, ac demum tam colore, quam odore, maxime esset naturale. Ut verbo dicam, bimestris remedii usus omnia calculi symptomata & signa illi prorsum delevit; licet, Cathetere postmodum exploratus, calculo minime liber inventus sit. Nec opio hic, nec

injecto in vesicam oleo, indiguit. Solusque ille, ac primus, inter omnes est, quos vidi, qui, permanente Calculo, urinam sanam sæpe emitteret.

Porro qua ratione Planta hæc id homini concedat privilegium, ut calculo obfessus, ejusdem molestiis eximatur ; æque parum docebo, atque plerorumque alimentorum, medicamentorumque, vires. Supponeret ejusmodi explicatio cognitionem multiplicis variorum nostri Corporis organorum facultatis ; supponeret veræ simplicium naturæ notitiam : cujus tamen utriusque rudis est nobis in nonnullis perceptio, crassa in plerisque ignorantia. Quare in hisce omnis noster, toties retusus, ingenii impetus eo solo gaudere debet, quod rerum effecta



effecta contempletur, eadem diligenter adnotet, ordineque recenseat, inque opportunos convertat Medicinæ usus. Si hac lege progredior, admiranda Naturæ minus attonitus speculator. Video quippe ab ipsa solerti Natura idem præstari, efficique, quod Aqua calcis, quod Uva præstet ursina. Etenim nonne ipsa Natura, citra artis præfidia, indolentiam conciliat Calculosis? Innumera adfunt, quæ id testentur, exempla.

Homo illibatae, quoad vixerit, sanitatis, in systemate uropoietico semper fuit, binis duntaxat ante mortem diebus exceptis. Hic a morte exenteratus, sinistrum Renem putrida sanie consumptum exhibet, calculo vero Ureterem dextrum infarctum. *Holler. cap. de Hydroke in Scholio.*

Bini homines, nullas unquam Renum molestias conquesti, ingentem in Renibus Calculum a morte exhibuerunt. *Bagliv. pr. med. Lib. I. cap. 9.*

Hominem Calculum IV. unciarum pondere in uretere gessisse, imo alium Calculum VII. unc. in vesica, ita ut Neutro inde moleste in vita fuerit, vidit, conscripsit, *Hermannus Oosterdyck Schacht Orat. Leydæ hab. 8. Febr. 1735.*

Ex uno Rene in cadavere *Heurnius* 70. parvos calculos eduxit, 80. ex altero. Nunquam vero hominem Nephritici vexaverant dolores. *Edit. Leyd. Op. Fernel. p. 2. Lib. 6.*

Nobilissimus vir, Teste *Friderico Loffio Lib. 3. obs. n° 53.* „ in vesica  
„ sine

„ sine ullo ejus , cum in vivis esset,  
 „ indicio, Calculum aluit, qui quidem  
 „ durissimus fuit , & quatuordecim  
 „ unciarum pondere insignis , in me-  
 „ dio tamen secundum longitudinem  
 „ pervius, ut hac via , tanquam Ca-  
 „ nali quodam, urina sine omni im-  
 „ pedimento profluxerit.

Intimus S. C. Majestatis Confilia-  
 rius , teste oculato *Antonio de Pozzis*  
 apud *Bonetum Med. Sep. Tom. I. Lib. 3.*  
*Sect. 25. cap. 6.* in utroque Rene duos  
 magnos Calculos, sex uncias penden-  
 „ tes, habuit „ nullo signo præceden-  
 „ te, five arenulas, five pedum tor-  
 „ pore, five lumborum gravitatem,  
 „ five urinæ indigentiam, consideres.  
 „ Nam copiosiores justo fundebat uri-  
 „ nas, sed aquæ simillimas, sitimque

„ adeo intolerabilem patiebatur, ut  
„ nullo potu ea sedari potuerit.

Hæc omnia contemplatus, arbitror eandem conditionem physicam ab explicitis Medicamentis Calculoso conciliari, quam eidem haud raro conciliat provida per sese Natura; modum vero, quo id fiat, ignorare me falsus sum.

An tamen is adeo ignotus modus? Videretur innotuisse celeberrimo *Joanni Cratoni Consil. 315.* „ Nec ipsi Calculi, inquit ille, in Vesica perpetuo sunt infesti: imo cum pituitoso humore vestiuntur, sæpe ante Vitæ exitum vix deprehenduntur. Videretur innotuisse clarissimo *Whytt,* ut ex eo superiore anno visum; dum idem, quod mox *Crato*, statuit. Ve-



Verum liceat tantorum cum venia Virorum hæc duo reponere: 1<sup>mo</sup> Asperitatem mucus involveret, pondus molestum non auferret: tamen ponderosos calculos vidimus insciis hominibus dudum gestari. 2<sup>do</sup> Quotiescumque nostros homines examinaverimus, diu etiam ab inducta indolentia, Calculus & præsens, & asper, Cathetere percipitur.

Liceat & aliud addere. Ut *cap. III.* ex iis, quæ de corticis peruviani natura, deque ejus in corpore humano effectibus, novimus, fateri debui me ejus agendi modum plane ignorare, idem & hic fateri cogor. *Uva ursi* adstringens, & amara planta est, fere ut Cortex. Unde a *Galeno Libr. VII. de comp. med. sec. Locos, Cap. IV. decocta*

cocta ad Hæmoptoen laudatur. Vocabat Medicamentum *Ponticum*, quod ex *Ponto* haberetur. Jubet *Galenus* Libram ejus coqui cum sesquilibra aquæ ad tertias, ut fere esse debuerit succus expressus. Plantam *Galenus* ita describit, ut eadem cum nostra esse videatur. Quid porro adstringens planta, a priore considerata, efficiet in morbi palliatione, ad quam nos, experientia ducti, nihil efficacius oleosis & involventibus novimus, nihil adstringentibus perniciosius? Et quid demum ad ejusdem morbi palliationem acris aqua Calcis? Si quis putet saponem venetum, adeo copiose hic sumtum, involvendi vi egisse, duo respondeo. 1<sup>mo</sup> Sapo venetus saltem non adhibetur in cura, quæ per uvam ursinam fit. 2<sup>do</sup> Aqua calcis sola, sine  
sa-

sapone, sed copiosa, & diuturno tempore cum Lacte sumta, Illustr. Præses noster Centurioni immunitatem a calculi Vesicæ incommodis conciliavit. Hinc, quod bis jam dixi, repeto, me hujus Indolentiæ causam, omnisque gravantis ponderis absentiam, non intelligere. Sed hoc quid ad curam? Egregios sufficiat annotasse effectus. Sunt porro effectus hi tam late patentes, ut usum habeant in Medicina amplissimum.

I<sup>mo</sup> Homo Lithotomia juvandus esset, ni aut cacochymia, aut tenerior, provectiorve ætas, aut invincibilis ægri repugnantia, impedimento forent. Nulla cacochymia, ætasve, contraindicavit hucusque descriptam methodum. Ergo erit his omnibus proficua.

ficua. Adde his casibus eorum infortunium, qui nec Lithotomo gaudeant in tota regione, nec ut ad eum ferantur, eumve ad sese advocent, sumtibus ferendis sint. Datis his remediis juvabuntur.

2<sup>do</sup>. Calculi omnia symptomata adfunt in nonnullis; pleraque, aut multa, in aliis; ipsumque duritie, asperitate, Catheter detegit, ipse manifestat auditus; arte autem nulla extrahendus est. Nota est Historia ex *Diariis Eruditorum* annorum 1735. 1736. strenui belli Ducis *Dionis*, cujus denati e Vesica ingens Calculus extrahebatur, verum in antro, quod sibi ex dilatata Vesica formaverat, toto corpore delitescens. In *Ptochotrophio Haggano* Adolescens Calculi symptomata pati-



patitur, calculumque habere in Vesica deprehenditur. Præsens fui dum sectionem moliebatur Lithotomus aptus. Calculum omnes percepimus, audivimus; apprehendere & educere, quidquid tentaret Artifex, non potuit; inani tamen conatu, cum vulnus curatum esset, dolores misero multum mitigavit. Attamen post aliquot menses dolor rediit, dolori mors successit. Sectioni anatomicæ cadaveris interfui, quam prudentissime dirigebat Vir tum a suprema chirurgica sapientia, tum a morum integritate, commendatissimus, *Erasmus Dringberg*. Calculus tota fere mole sua in Uretere hærebat, parva portione modo intra Vesicam prominens, adeoque extractioni ineptus. Quantumne solamen similibus hæc methodus præstabit?

3<sup>tio</sup>. Calculi symptomata dirissima nonnunquam adfunt ; ipse calculus duritie sua & asperitate videtur a Cathetere percipi , sonitusque audiri ; & Calculus tamen non adest. *Baglivus prax. Lib. I. Cap. 13. §. 8. n° 2.* „ Cal-  
„ culum Vesicæ ad amissim mentitur  
„ Scirrhus Vesicæ , ut bis in Cada-  
„ veribus vidimus. „ Doctissimus  
*Rutty*, Anglus Medicus, in nuperrimo  
*Tractatu de Viis urinæ Sect. 3. part. 2.*  
„ Præcipue, inquit, cognitio nostra  
„ nititur introductioni Catheteris in  
„ Vesicam, aut Digiti in Anum. Vi-  
„ di tamen Catheterem fefellisse occa-  
„ sione Scirrhi , ita omnia Calculi ,  
„ in Vesica præsentis, signa æmulan-  
„ tis, ut Lithotomus plane fallere-  
„ tur. Est & similis observatio apud  
„ *Baglivum*. Hæmorrhoides fallere  
„ quo-

„ quoque possunt , licet minoribus  
„ doloribus stpentur. Medicus *Bam-*  
„ *ber* casum maxime notabilem nobis  
„ dedit , in quo magna quantitas sub-  
„ stantiæ tophaceæ , quæ mihi vide-  
„ bantur Globuli esse induratorum  
„ excrementorum , in principio Coli,  
„ prope Ilei insertionem , erat loca-  
„ ta ; quæ premens Rectum , ita sym-  
„ ptomata Calculi Vesicæ æmulaba-  
„ tur , ut sola mors rei veritatem de-  
„ monstrare potuerit. Hoc in casu  
„ fere impossibile erat , ut non erra-  
„ ret vel dexterrimus Chirurgus :  
„ nam induratissimæ illæ partes Ca-  
„ theteri resistebant , & eundem sen-  
„ sum manui Chirurgi dabant , quam  
„ Vesicæ Calculus. Eratque sane fau-  
„ stum huic Chirurgo , ut æger more-  
„ retur , priusquam operatio institue-

M

retur.

„ retur. „ Ex exemplis *Baglivi*, & *Rutti*, concludi oportere videtur, vel Scirrhus ipsos Vesicæ, vel tumores extrinsecus vesicæ incumbentes, in eademque prominentes, a stagnante in vesica urina arenulis veluti incrustari, hinc, quadam asperitate cathetere percepta, fallere explorantes.

Illustr. Acad. N.C. Præses *Schröckius* idem jam expertus videbatur, dum in *additam. ad Cap. 25. sect. 26. Libr. 3. Boneti de Med. sept.* sapientissime scribebat : „ Calculi Signa nonnunquam „ etiam exercitatissimos fallere solent, „ ita ut absens adesse, & præsens abesse videatur ; idque non Medicis „ tantum, ex concomitantibus symptomatibus judicium ferentibus, „ accidere solet, sed & Lithotomis, in-



„ infida Catheteris exploratione con-  
„ tentis, sæpe imponit.

Forte hic oggeret quisquam , si Calculi multa signa adfunt , ipseque tamen non adest, cui usui hic poterit, quod hic tantopere laudamus , remedium esse ? Si Calculus non adest, remedium in illum non potest agere , adeoque morbo nihil opis conferre. Profecto ad hanc objectionem nihil a priore respondere queo ; a posteriore vero edoctus , audax assero Morbos Renum & Vesicæ notabiles , diuturnos, ad nullam certam classem referendos , in quibus plurima Calculi symptomata adessent, Calculus tamen nunquam detegi posset , Uva ursina emendatos esse, imo sæpe integre curatos ; quorum anno 1757. nonnulla

exempla dedi, & præ cæteris illius juvenis, cujus casum pag. 199. *pars altera Rat. Med.* habet, & cujus curationis perseverantiam adhuc hisce diebus lætus intellexi; hoc anno iterum alia exempla collegi, quorum mox ex præcipuis unum dabo; est enim prius adhuc aliquantum de Calculo differendum.

4<sup>to</sup>. Calculus aliquando non cognoscitur adesse, licet adfit, dum loco alieno, alius morbi sub larva, ludit. Loca hæc sunt, Inguina, Scrotum, Vagina, Perinæum, Urethra, Prostatae. Horum in multis calculus adest, ipsa sua degenerascente Vesica contentus; in nonnullis extra Vesicam. Singulorum exempla thesin demonstrabunt.

A. In historia Herniarum, Hernia inguinalis, præter eam, quæ solet ab intestino, vel omento, vel utroque, cum producto Peritonæo fieri, etiam nata reperitur, ab ipso Utero gravido per annulum dictum Abdominis prolapso, & a Vesica urinaria. De utero hic sermo non est; de Vesica unice agitur. Vesica urinaria, vel cum Urina sola, vel cum urina & Calculo, fecit sæpe Herniam inguinalem incompletam, manens in inguine; fecit inguinalem completam, in Scrotum usque prolapsa. Exempla fat obvia habentur. Viderat ea *Boerhaave*, & cum Discipulis sæpius communicavit. Sed ipsi Autores medici talia referunt. *Thomas Bartholinus* gloriam detectæ miræ hujus herniæ tribuit Præceptori suo *Joanni Dominico Sala*; qui amici sui, Veneti, cadaver

lustrans, in uno scroti latere invenit herniam veram intestinalem inguinalem, completam, in altera scroti parte herniam completam Vesicæ urinariæ cum Calculo.

*Felix Platerus Obs. pag. 849.* Casum vidit, sed nec intellexit, nec explicuit. *Egregius Frid. Deckers, Excert. pract. pag. 153.* refert, & ænea tabula pinxit, cavum scroti ingens lapidea crusta intus tectum, apertum dein, & a crusta illa penitus liberatum fuisse: deinde suppuratione nata, totum in posterum tumorem fuisse sublatum. Fuit vero similiter ipse hicce casus. *Stalpart Vander Wiel, Cent. 1. n° 50.* calculum cum urina inguine exiisse vidit, vidit & frater ejus in *Hagano Ptochotrophio.* *Hildanus Cent. 6. obs. 57.* calculos  
uri-



urinamque & ex inguine, & ex scroto, exiisse deprehendit. Solertissimus *Ruischius Obs. anat. n° 98.* in Mercatore Herniam recentem inguinalem incompletam detexit, ab Intestino Ileo suffocato, & Herniam completam a Vesica urinaria in scrotum delapsa. Egregius Chirurgus Gallus M. *Mery, Mem. Acad. Reg. sc. par. anni 1713.* ejusmodi Herniam in Viro Reverendissimo deprehendit, ita quidem, ut Vesica esset circumquaque scroto accreta : idemque posthac & in alio homine vidit. In *Tom. 2. Acad. Reg. Chirurg. par.* hæc Herniæ species quatuordecim exemplis confirmatur : quorum pleraque recentia sunt.

Vidi incompletam hanc Herniam inguinalem Vesicæ, *Schevelingæ*, pago

maritimo *Hollandiæ*, in piscatore 25. annorum. Dyfuria jam puer laboraverat, sed ab anni nunc spatio tumor ipsi in inguine dextro natus, per sex menses evanidus, iterumque conspicuus, demum suppurabatur; rupto vero abscessu urina exfiliit, exire continuavit, prodiitque interea temporis Calculus pondere unciae mediæ ex eodem foramine.

In varias opiniones Eruditi circa veram hujus herniæ originem abiverunt : ita quidem ut alii eam vitiosæ Conformationi connatæ adscriberent ; alii eam crederent postmodum genitam, sed non nisi vacua flaccidaque vesica ; alii denique & post nativitatem genitam, & non nisi plena vesica gigni posse, statuerent. Sed ad  
diri-

dirimendam hanc quæstionem, qui omnes nunc citatas Historias suis in fontibus attente examinet, & mature digerit, ille, ni fallor, clare videbit, nec nativam dispositionem requisitam esse, nec vacuam vesicam ad id aptam fore, sed plenam vesicam unice posse hanc herniæ speciem producere.

Sed si tumores hi in inguine non aperiunt sese, si aliquoties disparent, si externe non conspiciuntur, licet interne vehementer excruciant, veram non præbent sui notitiem, vacillantes circa mali Diagnosin Medicos relinquunt ambiguos. Latent ergo, & aliorum sub specie hæc mala ludunt, donec forte cognoscenda sese effectibus præbeant. Quid mirabilius quam sequens casus? 20. ann. juvenis *Hagæ*

*Bat.* ex plena sanitate immani dolore torquetur ad inguen, pone locum ubi vasa cruralia, sub expansione Musculi obliqui externi, prodeunt. Dolor ille, æque ferocia sua, quam pertinacia, formidandus, per binos integros menses & juvenem extenuat penitus, & omnem sagacitatem lusit Medici peritissimi, prudentissimique, Domini *Abrahami Westerhoff*, Practici ibidem famosissimi, & ob singularem in arte præstantiam, mutuamque amicitiam, mihi perpetuo honorandi. Tandem acuto dolore paulo altius pergente, mictus sanguineus oritur, datisque mox diluentibus ac demulcentibus, plures Calculi majores, minores, cum cruenta urina emissi sunt. Cum nulla unquam in Viis urinæ vitia in hoc corpore comparuerant, quis demum  
hunc



hunc in inguine dolorem Calculo tribuisset ? Tribuendum ei tamen esse docent emissi per Vesicam Calculi, & sensim postea restituta Salus. Speculatus Historiam, cogitabit forsitan Calculum in uretere hærentem compressisse & irritasse subjectum sibi musculus Psoam ; huncque musculus, cum in loco descripto pelvi exeat, ossi femoris infigendus, tam acute ad marginem ossis Ischii doluisse. Sed cur tunc Psoas in decursu toto, nullum sensum doloris totis binis mensibus habuit, nisi eo tantummodo loco, ubi pelvi emergit ? Unde longe fit verisimilius, Vesicæ incipientem herniam ibi loci natam fuisse, ubi Hernia femoralis nasci solet, vesicam, parvo lapillo ibidem contento, acute doluisse, eandem post duos menses inde emeruisse, & in conatu emer-

emerfiones afpero cálculo læfam, sanguinem fudiſſe, ipſosque demum Calculos foras pepuliſſe.

B. Calculum vidimus veſica contentum in inguine, & ſcroto : ſed etiam inventum novimus in Veſica prolapſa in vaginam. Quomodo id fiat, & ſic elabatur Veſica, experimento Anatomico demonſtravi *Rat. Med. Tom. I. Cap. 7.* Prolapſam vero Veſicam hanc, 42. calculis reſertam vidit *Ruiſchius Obſ. anat. chir. n° 1.* An non ſimilis forte huic caſui ille, quem Societas *Harlemensis* tomo ſuo tertio refert ? In *Tom. 2. Acad. Chir. Reg. Par.* plura exempla habentur.

C. Calculos extra Vesicam reperi-  
mus. Hos posse in Urethra læsa, &  
scroto, a stagnante urina nasci, supe-  
riore anno *cap. 12. Rat. med.* innui, &  
exemplo, ut puto, probavi. Dum in  
quarta Gonorrhœæ specie Prostatae,  
Vesicæ Collum, Intestinum rectum,  
atque Perinæum, afficiuntur, possunt  
ibidem, transfudante & extillante uri-  
na, vel parvi, vel portentosi calculi,  
generari; ut binis exemplis, uno in  
Nosocomio, altero in urbe, vidi.

In cunctis huc usque enarratis ca-  
sibus, dum vera morbi causa necdum  
sefe manifestis probet indiciis, dum  
præterea nulla alia probabilis causa  
videatur dari posse, nosque plane cir-  
ca genuinam mali originem hæreamus  
ancipites; levamen posse hominibus  
in-

infigne adferri, aut saltem nullum posse nocumentum inferri, si commendata methodus instituat, usu sane multiplici didicimus. Pluribus experimentis id probare possem, sed ex iis unum, quod promiseram, notabile adferam.

In Nosocomio Civico Sexagenarius erat, qui ante elapsos 18. annos calcitrantis Equi ictum evitaturus, tum corpus vehementer in sinistra contorsit, tum valido terrore perculsus fuit. Mox horruit, friguit, incaluit, ac febre per aliquot dies correptus, tandem horroris ac caloris vicissitudines perpetuas passus est. Porro jam a primo frigore febrili dolor vehemens in sinistra Hypogastrii parte, paululum supra annulum abdominis, percipiebatur, qui trimestri prope tempore au-



auſtior, imminutiorve, perſeveravit. Tunc autem dolens ille locus, licet vix tumens, lanceola apertus, dedit intra octiduum Libr. XII. boni puris, & altero menſe elapſo, ſiccatus conſolidatusque fuit. Medio poſtea anno Urinæ incontinentia obſervabatur, eaque deinceps continua fuit. Atque ita, citra alias Calamitates tranſfluunt 12. anni. Tum denique, nempe anno 13. a principio morbi, abhinc quinquennio, dolor in Urethra obſervatur, ardens quidem ille, & cum Recti fine, aliisque Inteftinis, ita communicans, ut inde ſæpius Colica naſcetur. Hæc Anamneſis, quam bonus vir iterato examine dedit Exp. D<sup>no</sup> *Erndl*, laudatiſſimo ibidem Phyſico, & ejusdem Noſocomii dexterrimo Chirurgus *Leber*. Annus porro nunc eſt, quod

quod æger horum Virorum curæ sub-  
fuerit. Deprehenderunt illi urinis ejus  
pus perpetuo admistum, urinam palli-  
dam, tenacem mucum gerentem, fal-  
samenta putrida spirantem, & illico a  
mictu cum spiritu nitri valide efferfe-  
scentem. Catheter, Digitus in anum  
intrusus, nunquam, iterato quamvis  
sæpius conamine, vel minimum cal-  
culosi deprehendere potuerunt. Igi-  
tur ob dolores violentos sæpius Opio  
opus fuit, dataque Uva ursina est.  
Quam 14. die sumenti, Ischuria  
oboritur, cum Urethræ, Ani, Intesti-  
norumque intolerando dolore. Dato  
opio, dolor mitescit; tumque vi ma-  
gna, ac veluti cum partium interna-  
rum quadam veluti disruptione, ut ait,  
urinæ, crassæ, libram dimidiam puris  
gerentes, prodierunt: nullo calculo,  
are-

arenulisve , a Medico omnia sedulo perquirente , perceptis. Porro ex hoc tempore dolor sensim mitior , Urinæ incontinentia imminuta , urina commodius missa. Tandemque homo sesquimenſe remedio usus , ab omni dolore , a pure in urina , ab ejusdemque incontinentia , prorsum liberatus est , liberatus mansit. Pergebat nihilominus urina effervesceſcere cum acido spiritu : Sed remedio , integro posthac mense , continuato , alcalina illa qualitate penitus caruit. Jam vero a medio anno nullis ultra remediis usus , perfectissime sanus manet.

Morbi profecto veram diagnosin vix dare aſſim , cum , in quamcumque partem me vertam , ineluctabiles difficultates offendam. Verum hinc nihil

N dam

damni. Id certum, quod magna purulenta collectio five Vesicam, five partes Vesicæ vicinas & nexas, five utraque, obsederit, eaque, cum nunquam quid calculosi deprehendi potuerit, enarrata symptomata produxerit. Gravem itaque, &, ut videbatur, immedicabilem, letalemque lapsu temporis futurum morbum, Uva ursina tam expedite, tam integre percuravit, ut nulla supersint vestigia mali.

Ureterum, ac potissimum Renum Calculi, obscurius sæpe latent, frequentiusque & facilius aliis cum morbis commiscentur, quam calculi vesicæ; præterquam quod Cathetere, aut digito, præsentem non demonstrentur. In hisce pluries nobis constitit, uvam ursinam cum opiatum nocuisse nunquam, sæpe



sæpe mirum mitigasse, non raro integre dispulisse malum. Imo si adesset nonnulla Luis Venereæ suspicio, juvit hæc methodus, modo prudens Mercurii usus eidem interpolaretur.

Hæc, opinor, suffecerint, ut pateat, in hac morborum classe, quæ sane plurimos tum intolerabiles, tum desperatos, casus contineat, remedia efficacia dari, quæ frequenter inexpectatos proferant effectus; quæque, etsi forte casus aliam originem agnoscat, minime noceant. Quod si contingat, ut aut nimia intensitate mali, aut partium destructione, aut cacochymia putrida totum jam Corpus depascente, homo non juvaretur, quinimo periret, non derogaret hoc remedii præstantiæ. Id quippe omnia vel optima remedia

habent, ut intra certos mali limites agant, extra eosdem agere nequeant. Nostrum tamen ejus deprehenditur efficaciam, ut cum spes affulgere nulla videretur, annosiorque morbus esset, inexpectatum levamen attulerit, vel integram sanitatem.

## CAPUT V.

De virtute singulari quorundam  
Medicamentorum.

**V**irtutem Corticis Peruviani Cap.  
I. in Malignis morbis miratos,  
oportet nunc in quibusdam Chronicis  
contemplari. Puella Rachitica ossis  
femoris luxationem triennis passa, ac  
neglecta penitus, perpetua claudica-  
tione laborat. Decenni dolor ad ejus-  
dem femoris superiora oritur, paula-  
tim ita sæviens, ut ultra ferendo puella  
haud

haud esset. Cum is jam integro trimestri spatio perseverasset, ad nos demum adducitur. Pure scatere totum superius femur deteximus, puellamque hectice consumi. In 1. & 2. parte *Rat. med.* quæstio agitabatur utrum præstaret ejusmodi abscessus aperire, nec ne? Docuerant quippe experimenta, interiora prius consumpta, exesaque, tum & corrupta labe cruorem antea inquinatum esse, quam ejusmodi abscessus vergant foras: adeoque facta apertura mortem sæpe accelerari, aut æeris accessione, aut alia minus nota causa. Attamen eo nos ducebat tunc observationum series, ut, dolore urgente, ut morte cæterum indubitata instante, interiorum tamen destructione necdum palam facta, expedire videretur exitum puri parva aper-

tura conciliare : qua nimirum lege & malum verti foras posset, & prudenti deligatione æeris fere omnis præcaveretur accessus. Sed hectica febre corpus depascente, quæ demum spes hic poterat adblandiri ? Plura exempla habebamus natæ ex Pleuritide & Peripneumonia Phthiseos, in qua jam inveterata, & corpus depascente, Metastasis materiæ ad os sterni fieret, aut ad cristam ossis Ilei, aut ad Colli glandulas, Parotidasve : & dum aperto loco pus & copiose, & diu, manabat, bonaque, potissimum lactea, diæta observabatur, sanitas integra rediret. Igitur si jam Gangræna, imo sphacellus esset interiora depastus, qualia exempla videramus, moriendum foret ægro, & clauso loco, & aperto: apertura autem maturior efficere id posset, ut,



ut, internis necdum insigniter destructis, materies extrorsum alliceretur; quæ alioquin in loco permanens, tam ejus consumptionem, quam universi corporis corruptionem, producere apta nata fuisset.

Sed aliam quæstionem observata priora suppeditaverant. Cum toties visa esset jam corrupta, quæ exhibat materies, summumque vitæ hinc perciperetur discrimen; an Cortex Peruvianus sua vi antiseptica hic aliquid conferret? An ideo partes gangrænosas conservare, emendare cariosas, posset? Id igitur tentare animus fuit.

Apertura facta, pus exiit ex flavo viridescens, foetens, copiosum. Uncia dimidia Corticis, cum melle in Condi-

tum redacta, quotidie data est, & pan-  
ni lanei, densique, saturatissimo Cor-  
tici Decocto penetrati, diu noctuque  
femori circumponebantur. Diæta in-  
primis lactea fuit. Hac ratione trium  
mensium spatium emensa puella, tum  
hoc abscessu, tum cachexia sua puru-  
lenta, penitus curata est. Prava ergo  
& immisericors Regula est, despera-  
tos haud attingendos esse.

Reticere tamen non oportet ejus-  
modi mali exemplum, ubi minime pro-  
fuerit hæc cura. Decenni puero dor-  
sum gravi balista contunditur, tumor-  
que inde nascitur, qui, quod ruri as-  
solet, negligitur. Elapsis sex a nato  
malo annis, mihi demum sistitur puer,  
Cadaveri quam Vivo similior, puru-  
lenta Cachexia consumtus totus ;  
quippe

quippe qui toto illo Sexennio tussi ,  
gravi anhelitu , debilitate , febribus , &  
crassorum alborumque sputorum eje-  
ctione , laborasset. Ex iisdem Artis  
principiis dorsi ingens tumor aperitur ,  
e quo boni puris libra propemodum  
civilis educitur , tumorque flaccescit ,  
nec rediit unquam. Tussis perpetua  
molesta , quandoque veluti suffocatu-  
ra , indiguit Oxymelle squill. & Kermes  
minerali. Lactea diæta instituta est.  
Cortex dein , pulmone emendatiore ,  
datus , & affecta pars saturato corti-  
cis fomento tecta. Tribus integris men-  
sibus effluxit ex illa , minime , ut jam  
monui , tumente , puris circiter Libra  
media quotidie ; binis ante mortem  
mensibus Capillifluvium observatum  
est , unoque ante mortem mense Diar-  
rhœa. Notandum porro , ex quo tempore

Diarrhœa inchoavit, inguen dextrum sine tumore doluisse perpetuo; dolorem hunc nullis impositis remediis auscultasse, pueroque ultimo vitæ octiduo ita molestum fuisse, ut omni momento fere situ mutari voluerit. Pure interim ex dorso plus minus assiduo fluente, ad 6. Julii 1758. expiravit.

Equidem dubia semper visa fuerat natura mali. Tussis enim, puris sputum, totius corporis marasmus, innuere videbantur, vel a prima contusione Pulmonem simul cum dorso inflammatum, ac suppuratum, hoc pus producere: vel materia purulenta suppurantis dorsi in Cavum thoracis intrante, pulmonem absorbere eandem, sputorumque ejicere forma: vel denique sanguinis purulentam Diathesin,  
affe-



affecto dorso genitam, citra peculiaria pulmonis ulcera, citra empyema, per illæfos evacuari pulmones.

Omne hoc dubium Anatome sustulit. Pus deprehendebatur etiam a morte de facta apertura stillasse. Aperturæ stylus prudenter inductus est, & secundum styli ductum sectio facta. Videbatur sic ulcus in dorsi dextro latere sub Latissimo Dorso, ad Costam infimam pergere, quæ jam cariem inchoaverat; ac dein sub Sacrolumbali & Longissimo dorsi terminari. Cadaveris dein supinati Thorace aperto, Viscera thoracis, bona reperta sunt, ut, quod accusares, invenires prorsum nihil, præterquam modicam utraque in camera aquam. Exemtis Abdominis visceribus, caro Psoæ, & Iliaci interni,

ni, fluctuante materie elevata adparuit. Constat tunc, accuratiore examine facto, materiem purulentam inter hos musculos, & Sacrolumbalem descendisse, ad inguen pervenisse, sub Aponeurosi Obliqui externi, sive sub dicto *Poupartii* ligamento, penetrasse, indeque emergere, sub Adductoribus femoris, & Sartorio, cavum finum formasse, pure plenum, ad  $\frac{1}{3}$  circiter femoris altitudinem. Musculi autem ubique integri erant, ita ut modo eorum, a sese mutuis separatione, faccus formatus esset.

Ergo Phthisis est infinite varia, pro varia parte affecta; unde & pro diverso viscere affecto diverso nomine gaudet: v. g. phthiseos pulmonalis, aut hepaticæ, aut splenicæ, aut mesen-

fentericæ, aut nephriticæ, & sic porro. Qui autem hæcce vocanda? Si est a sede denominanda, *Cellularis* est; quum in cellulosa membrana, musculis interstrata, sedem haberet. Videtur autem res tota sic se habuisse: A Contusione inflammatio, ac suppuratio, nata est; pus ibidem loci collectum, & neglectum; sanguis ejusdem absorptione corruptus, purulentus redditus, pulmone exoneravit sese; quemadmodum in ea Phthiseos specie, quam in 1. & 2. *Rat. med.* ex pluribus demonstraveram cadaveribus. Facta vero apertura, cum nunc resistentia ad dorsum amota esset, nulla ultra materiæ purulentæ per pulmonem, sed unice per apertum locum, evacuatio contigit. Effectum hinc, ut hæc sanguinis purulenta diathesis perseverans, per  
aper-

aperturam hanc quotidie, spatio trium mensium, libram mediam puris, id est trimestri hoc spatio toto, Libras fere 50. evacuaverit. Confirmatur hinc, quod tomis præcedentibus toties evictum, in quacumque Phthisi nequaquam magnam vomicam requiri, continentem illam, quæ assiduo expuatur, materiem: modicum aliquando, sæpe nullum inveniri Phthificorum in corpore puris diverticulum. Confirmant iterum hæc, quæ de *Puogenia* Tom. 2. cap. 2. asserui.

Casus igitur ultimus, per se desperatus, omnem curam respuit; prior vero, qui etiam conclamatus videbatur, curam admisit. Nonne ideo certa alioquin adfutura mors, nos cogit tentare quidquam tantarum virium, num



num forte succedat ? Scilicet nemo certo novit eam solidorum fluidorumque corruptionem adesse, quæ nullam ultra curam admittat. Ut proinde in similibus similia Practici tentent, lubens adjungam Historiam, prout eam mihi descriptam, ac propria manu signatam, tradidere Medicus ac Chirurgus, qui curam susceperant.

Nobilissima Matrona 33. annos nata, Febre continua putrida laborat, ac deinde febre hectica consumitur. Hecticæ causa videtur Metastasis esse materiæ morbosæ, facta ad utriusque femoris summitatem. Ulcera hinc ad exteriora femorum nata, inque ulceribus fungi orti, ovo gallinaceo magnitudine pares, sub quibus Trochanter major uterque nudus deprehenditur,

tur, & carie exesus. Ossa Coxendicis, & Sacrum, ulcere ingenti, sinuoso, fungoso, tegebantur. Eoque demum calamitatis ægra devenit, ut, inepta prorsus quæ alteri lateri, dorsove, incumberet, falciis lecti Lacunari affixis, pendula hæreret; idque adhuc adeo incommode, ut quavis fere hora situ mutanda esset. Deerat Appetitus, deerat somnus fere omnis, facies livuit, pulsus frequens fuit, parvusque, & contractus, turbatæ urinæ, incredibili copia puris onustæ. In hoc miserando statu Nobilissimam ægram viderunt Magnificus Dominus J. A. Kestler, S.C. A.R. Maj. Consiliarius & Archiater; Domini Chirurghi N. Humbourg, S.C.R.A.M. Chirurgus ordinarius; V. a Kaiser, S.C.M. Imperatoris Chirurgus primarius; N. a Laudes, Impe-

Imperatricis Amaliæ quondam Chirurgus ; *Simon*, S. C. Elect. Bav. Confiliarius , & primarius Chirurgus , nec non Acad. Reg. chir. Par. membrum dignissimum ; *Crampagna*, C. R. Caroli, Lotharingiæ Ducis , Chirurgus primarius , posthac etiam Medicinæ Doctor creatus ; *Reichberger* , Nosocomii S. Marci chir. primarius , & *Hoffmann* , Nosocomii Hispanici chir. secundarius. Diagnosin hi omnes agnoverunt esse consumptionem & marasum , a carie ossium , pravisque ulceribus , omnia solida & liquida a longa jam die corrumpentibus : ex qua Diagnosi infauftam Prognosin merito metuerunt. Interim optimi Viri , *Kestler* , & *Humbourg* , desperatam fere rem eo perduxerunt , ut , Divina Clementia annuente , quatuor mensium tempore ,

O

inte-

integram sanitatem, tota civitate mirante, adepta sit ægra. Porro, his quatuor mensibus integris, Nobilissima Comes corticis peruv. unc. II. aqua coctas, cum Lactis caprini æquali portione, quotidie assumfit. An ergo male asserui, in hujusmodi casibus, cum spe, aliquid audendum esse?

*Spina ventosa* hisce in Regionibus Frequentissimus morbus, sæpe reperitur communi Methodo Decocti Lignorum, Antiscorbuticorum, Purgantis mercurio aculeati, aliquoties repetiti, plane immorigera. Cortex Peruvianus pueris 8. 10. annorum, ad 2. 3. 4. dragmas die datus, nonnunquam etiam in pertinacioribus fomentum simile parti affectæ adpositum, mox bonum pus generarunt, curaruntque plures.

In



In Nosocomio Civico, hoc anno, spatio 4. 5. mensium decem pueri curati sunt. Notus quoque in hac urbe casus pueri est, quem Parens, Nobilitate, Eruditione, rerumque gestarum Prudentia, clarus, nunc veluti redivivum contemplatur, & lætatur; ex quo Cortex Peruvianus, & Lactea Diæta, consilio Doctissimi viri, Medici aulici, *Molinari*, diuturno tempore adhibita, illum a spina ventosa, & pessima totius femoris suppuratione, fere liberaverint.

Mulieri *Cancrum mammae* a quadriennio clausum, jam vero exulceratum gerenti, febris vaga, & periodicus in mamma dolor, dudum contigerant. Utrumque hoc mitigandi gratia corticem dederam: cum autem hujus ope non modo febris vaga,

O 2

do-

dolorque periodicus, minuerentur, sed Cancri symptomata ita mitescerent, ut pro ichore cancroso jam pus laudabile generaretur, eodem uti perrexī. Durities tota hinc fusa est, ita quidem, ut æque mollis parvaque hæc Mamma facta sit, quam altera, & superfit modo prope Areolæ superiora dolor cutaneus, attactu ferox, & vix visibile ulcusculum cutaneum. Tredecim menses sunt, quod hanc curam inchoaverim, sed scēmina, negligens fui, tantummodo solebat ad majores dolores ad nos accedere, medicinam acceptura. Ita ut ex Nosocomii tabellis collegerim eam quinque solum mensibus cortice usam fuisse. Monere debeo tantillum Camphoræ cortici additum fuisse, ad compescendos dolores. Accurato examine instituto, patuit eam

vix

vix dragmas tres de die corticis assumisse.

Doctissimus Ratisbonensis Medicus *Dieterichs* typis evulgavit Epistolam Illustr. L. B. *van Swieten*, in qua Hic corticis experimentum suadet cum cancro tendandum, cum ipse cancrum exulceratum unguento nutrito prius tectum, spiritu salis marini diluto involvens, corticisque sesquidragmam quotidie exhibens, totum cancrum excidisse vidisset, licet ulcus penitus claudere nunquam valuisset. Peripneumonia nota hanc fæminam e medio tulerrat; adeoque experimentum ultra prosequendi occasionem demserat. Addit autem Exp. *Dieterichs* duas Historias, quarum altera per omnia fere similis huic, sed altera perfectam Curationem refert.

Est nobis in *Diarrhœis* ac *Dysenteriis* a laxitate oriundis, excellens remedium *Lyfimachia Vulgaris*, flore purpureo, dicta *Tournefortio Salicaria*, *Linnaeo* autem *Gen. pl. n° 463. Lythrum*. *Dodonæus* suo jam tempore tria hæc nomina, ut *Plantæ* synonyma, refert; speciem vero hanc descripsit & depinxit, ut *Pseudolyfimachiam*. Veram *Lyfimachiam* ad *Dysenteriam*, omnesque morbos, quibus adstrictione opus est, curandos, laudat; hujus vero, de qua agitur, speciei se vires ignorare fatetur. At in additamentis *Botanicis*, quas *Justus Ravelingius* ex *Clusio*, & *Lobelio*, ad *Dodonæi* editionem anni 1618. adjecit, omnes hæc species ad nominatos mox morbos indiscriminatim laudantur. Nullum autem cum in *Dispensatoriis* locum habent, & usu medico carent, plane ignotæ sunt



sunt plerisque Medicis. Exp. Medicus Castrensis, eximiusque Botanices Cultor, *D. Lucas Misley* in Diarrhœis, ac Dyfenteriis, castrensisbus curandis hac planta felix, copiam, descriptionemque ejus Illustr. Præsidi, ac mihi, misit. Grati erga ejus candorem, præstantiam remedii decem variis experimentis agnovimus. Dum enim, dato prius purgante, dragma una, vel quatuor scrupuli, pulveris hujus plantæ, mane ac sero dantur, & morbus magis a laxis intestinis, quam a fordibus, originem ducat, prætereaque nunquam ex nimia collectione putrida, nec ulcere Intestinorum, nec alicujus visceris tabitudine, ortus sit, intra 3. 4. dies curatur perfecte, si recens est; paulo vero longiore tempore, si est diuturnior. Annosam Diarrhœam, ad quæ-

vis auxilia rebellem, trium septimanarum spatio eodem remedio ita percuravi, ut Nobilissimus Centurio nunc exercitum S. C. R. M. repetierit. Cum ipsa hac Planta in agro Viennensi læte copioseque crescat, plurimam ejus copiam colligi curavi, ut omnes, qui vellent, Medici, eadem uti possent.

*Balsami Copaybæ veri* AUGUSTISSIMÆ IMPERATRICIS dono ingentem copiam nactus, plura cum eo instituo experimenta in Phthificis; quorum quædam jam bonum successum promittunt. Frequentia hujus morbi & magna remedii copia, spem faciunt, ut in posterum multam hujus Balsami efficaciam testatam facere possim.

*Mercurius sublimatus corrosivus*, quantitate gran. 6. 7. cum Libra Sp. frumenti mistus, ut prioribus annis, ita & hoc præfenti, pauperibus nostris mire profuit. Multitudo hominum, qui ad curandam Luem veneream, aut Gonorrhœam, aut Corneæ opacitatem, & oculi Pterugia, aut ad nonnullas furditatis species, aut ad ulcera Cacoethe Crurum, ad ulcera Labiorum adeo exedentia, ut frenum labii, nasum, nasi cartilagines, plane consumerent, aliave pessima mala emendanda, hoc remedio indigebant, ingentem observationum felicissimarum catalogum nobis formavit. Hoc anno destribui ipsis Merc. Subl. uncias duas, cum 139. Libris spiritus frumenti. Vix bis inde Ptyalismus observatus est, levis ille, & vix inchoans,

mox suppressus. Factoque examine Curationum plurium, prioribus annis peractarum, sanitatis perseverantiam gavissus sum. At vero in desperata Gutta serena hoc anno bis tentatum remedium, usu cassum fuit.

*Rat. Med. part. 2.* curas nostras, *sublimato* hoc peractas, confirmabam editis clarorum in *Anglia* virorum experimentis: nunc vero idem *Italicis* confirmo, quæ egregius *Veronensis* Medicus, *Joannes Bona*, perfecit, typisque edit. Quanquam enim nostra nobis adeo certa sint experimenta, ut aliunde eorum confirmatione minime indigeamus, apta tamen ea, quæ alibi instituta, esse queunt, animis ad nostra lecta adhuc titubantibus, ita firmandis, ut, quovis deposito scrupulo, remedii periculum faciant. CA.



## CAPUT VI.

## De Machina Electrea.

**T**urbam miserorum magnam toto hoc anno, & maxime ab exordio Veris, hucusque habuimus; ut nonnunquam triginta eorum ad Machinam una considerent; hincque observationes formandi multiplex nasceretur occasio. Dabo fidelem plurimum historiam, hæc pauca præfatus.

1<sup>mo</sup>. Machina nostra nunquam tantarum virium, quam hoc anno, fuit.  
2. Nunquam diuturniore tempore, idque constantius, fuit adhita: semper scilicet tribus horæ quadrantibus: quo equidem tempore, manibus invicem juncti, tercentos & quinquaginta ictus sustinere solent. 3. Vix uno, alterove excepto, omnes Thermis

mis sulphureis *Badensibus* usi sunt, alii quanto tempore a Medicis consultum esset, alii prout otium, vel crumena, id concederent. Nonnulli per annos aliquot repetiverunt balneorum usum. Pauciores parum modo levaminis perceperunt, unus alterve pejus inde habuit, plerique nihil profecerunt.

4. Quibus Musculi Gastrocnemii, Plantaris, Poplitæus, Semimembranosus, Biceps cruris, a longa die ita accurati essent, ut crus totum foret in postica contractum, hi vires electrinas nullo modo efficaces experti sunt. Est his primo emollientibus, & maxime Balneo vaporis, rigor solvendus, quod diuturni semper, ac non raro frustranei, laboris est.

Incipiam a Deauratoribus. Veniam precor toties hic voce *Deauratoris*, &

De-

*Deaurare*, usus. Vel enim nimias Circumlocutiones, vel obscuriorem sermonem, involvisset latini elegantia sermonis. Hoc hominum genus citra ullam necessitatem sanitatis ac vitæ jacturam facere cogitur: ad unam partem auri indigent quinque fere Mercurii partibus, ut amalgama, quod vocant, aptum huic operi parent: Quanto ergo in Mercurii vapore, miseri illi Ostentationis humanæ martyres, versentur oportet!

1. *Eyserle* Deaurator tribus abhinc annis artibus cœpit tremere, a quinque vero hebdomadibus vehementer. Vox ita erat impeditus, ut plane balbutiret, vixque intelligeretur: a 26. Aprilis ad 22. Junii, ad machinam fere quotidie accedens, perfectè curatus est.

2. *Lackner* Deaurator, 25. annorum, horrendo artuum omnium, maxime superiorum, tremore, media hyeme vexari cœpit; verno autem tempore ita, ut nihil laboris ultra perficere, ut nec comedere bibereve solus, nec loquens amplius intelligi potuerit. Nutriendus, vestiendus, & infantis instar, alvum, urinamque, positurus, adjuvandus erat; dolorum cæterum immunis. Virtute electrea trium septimanarum spatio adhibita, perfectissime convaluit; ita ut ipsi sive in motu, sive in loquela, ne vel minimum quidem defit.

3. Ejusdem Frater 20. ann. eodem opificio victum sibi quæritans, a sesquianno tremere cœpit; a novem mensibus tanto tremore correptus fuit, ut  
ad



ad quosvis esset ineptus labores, nec nisi magno cum cadendi periculo gradus conscenderet; ut loquens vix esset præ balbutie intelligendus; ut pueri instar alendus, vestiendus, & in cæteris necessitatibus suis fuerit adjuvandus; ut trimestri spatio domo egredi haud posset; & demum adventante calore repere potius, quam incedere, per plateas inceperit. Hoc in statu ad machinam ductus est. Post ejusdem per 14. dies adplicationem solus comedit, bibit, cœpitque utcumque laborare, cruribus vix ultra tremulus. Octiduo dein tam strenue suos peragebat labores, tamque perfecte loquebatur, quam unquam antea.

4. *Pachinger*, 39. annos nato, Deauratori, ineptus elapso abhinc quinquen-

quennio tremor, sensim abiverat ; at vero denuo ante biennium crura modice, brachia vehementer, adortus est. Fœde balbutit homo, & ut priores, est in omnibus, ut puer, adjuvandus. Adeo difficulter ingreditur, ut sæpius humi concidat, dumque corpus pronando sustinere se nititur, vi quasi supinatur. Anno 1757. prima Augusti cœpit ad Machinam electrinam accedere, sed defuit crebro. Negligenter ergo rem agens, potuit tandem præsentis anni mense Martio solus manducare, mense autem Aprili utcumque laborare, Junio vero & optime loqui, & eleganter incedere. Accurato examine instituto, quidquam adhuc defuerat ; ad quod perficiendum per aliquot saltem dies accurate accederet invitatus est ; sed ultra non rediit.

5. *Pulman* 51. ann. cujus opificium est Lapidēs pretiosos in aureis, argenteisque thecis firmare, indiget sæpe auro ductilissimo: id quod ejusdem cum mercurio fusione, & depuratione, obtinet; deaurat quoque, sed rarius. Tremores ipsi a longo tempore eunt redeuntque, jam vero a tribus mensibus, postquam quinque diebus febricitasset, ita continuant & crescunt, ut loquelæ, opificio, manducationi, prorsum ineptus sit. Accessit ad machinam. Quinto die jam melius loquitur, 14. die perfecte loquitur, manducat solus, laborare inchoat. Sexta septimana nullus omnino superest toto in corpore tremor, nisi forte in dextro pede levissimus. Non rediit. Ubi bimestri spatium defuerat, eum ad me vocavi, qui cum illo ageretur scire avidus. Dixit

se laboribus submersum accedendi tempore caruisse, & cum optime se haberet, carere potuisse. Videri tamen sibi certis quibusdam temporibus levia malorum superesse vestigia; ad quæ radicitus extirpanda, minus obrutus laboribus, ad machinam esset rediturus.

6. *Josephus Hengstberger* 49. annum agens, Deaurator, a longo quidem tempore tremuit, sed utcumque potuit labores perficere suos. A tribus vero septimanis eo dilapsus est, ut nec scribere, nec delineare, nec operari, neque etiam ultra comedere solus, bibereque, possit. Frequentavit Machinam. Sexta septimana cœpit parum scribere, delineareque posse, & manducare solus. Mense postea perfectus.



ctissime est restitutus, superstitite veluti Rheumatico artuum dolore; ad quem curandum remedia ipsi præscripsi. Non rediit. Cum mihi hic dolor, ut cura durabilis esset, metum faceret, vocavi illum, cum bimestri tempore defuisset, ad me. Dixit ideo se non rediisse, quod tam illibata sanitate gauderet, ut magis illibata nemo.

7. *Bergerin*, cum marito deaurans, 51. annos nata, ante biennium ita tremuit toto corpore, ut integro novimestri spatio Lecto affixa hæserit. Tum vero ædium terrefacta incendio, exiliit lecto, & potuit extra lectum sedere, artubus licet tremebunda totis. Capitis tremor tantus est, ut in lecto jacenti levissima incepti somni initia illico interturbentur, nec dormire fere

unquam possit. Per omnia, pueri instar, juvanda est, pueri instar balba est. Ad machinam electrinam admota intra septem septimanas eo pervenit, ut caput nocte quiesceret, eaque jam integras noctes dulci somno transigeret; ut nunc comederet, biberetque sine auxilio; ut perfecte loqueretur; suosque denuo perageret, suo cum marito, labores. Pergit, sed negligenter, ad machinam accedere, quod caput non suffultum adhuc parum titubet.

8. *Meisner* 39. ann. Deaurator, a mensis spatio manibus tremere, vix operari. Quatuor septimanarum tempore ad Machinam est restitutus. Quod vero notandum, est quidam veluti Rheumaticus artuum dolor, quem dixit se quarto jam die, ex quo ad eam ad-

admotus fuerat, percipere cœpisse. Remediis ad illum percurandum datis, non redivit.

9. *Pasbinger*, filius ejus qui n° 4 a biennio deaurat multum, & a bimestri manibus tremit. Quarta vice ad machinam accedens, integre est curatus.

10. *Feirstein*, 48. annos natus, a nulla causa, quantum ipse noverit, prægressa, brachia percepit ad duros Vulcani labores pedetentim ineptiora reddi, ipsosque demum digitos; hos tandem incurvari, manere curvos, atque etiam omnes has partes a summa nucha, ad ipsos usque digitorum apices, dolere. Ad machinam adhibitus est, & quotidie plures cucurbitæ

ficcæ ad Nucham, Humerosque, adplicitæ ; sex hebdomadam tempore digitos movit, extendit, lusit, scripsit, brachia movit, & a tanto malo paucæ modo reliquæ superstites fuere. Redire neglexit.

II. *Kestler* 56. ann. Sartor, ex terrore & ira pridie prægressis, sequenti aurora surrecturus, percepit sese paralyticum omnibus artubus, lingua, genis. A novem mensibus sic manens, ad nos accessit. Quarto mense vim electricam quotidie expertus, vix quidquam lucratur, nisi parumper in crucibus. Continuatur ipsi quotidie virium electricarum adplicatio. Quinto mense non lingua, genisque, sed artubus multum emendari incipit.



12. *Gritsch*, nauta, 42. vitæ annum agens, ex Tertianæ ante annum habitæ, paralyticus omnibus artubus paulatim factus est: cruribus genibusque molesta formicatio inest: brachia & dolent, & marcescunt: perpetuo sudores nocturnos patitur: & quod sibi omnium molestissimum, iners veluti plumbea moles in Cavo abdomine ad umbilici altitudinem, nonnunquam paulo altius, percipitur, perpetuoque homo de illa conqueritur & lamentatur. Interim abdomen externo sensu ipsi mollissimum est, nec ullum viscus male se habere percipitur. Tandem extrema digitorum manuum pedumque admodum dolent, vires omnes collapsæ, facies plumbum colore refert. Cum bonis abdominis frictionibus, remedia ipsi leniter solventia &

neurotica dedi ; ubi autem deinde quandam veluti laxitatem Musculorum abdominis, præcipue Rectorum, advertēbam, curavi lato cingulo abdomen circumvolvi ac muniri : inter-eaque temporis ad machinam electrinam eum quotidie admovi. Mense toto Junio elapso nonnihil emendationis in cruribus percepit. Mense Julio nulla emendatio. Toto Augusto frustra. Finiente Septembri emendatio tanta, ut vix sit credibile. Adeo nunc utitur superioribus atque inferioribus artubus, adeo bene ipsi in Abdomine est, ut iterum fungatur officio suo. Quia tamen veteris mali tantillum adhuc superest, promisit, quoties id sua sibi negotia permittant, ad machinam se rediturum.

13. *Zeidler*, scriba ille, de quo anno 1756. actum, adhuc ad Machinam accessit, quia cura ibidem relata inconstantior fuit, ita ut leviora paralyseos inchoamenta subin ire redire appareant, & occipite adhuc multum doleat. Interim tamen semper aptus manfit scribundi officio. Sæpe hac ætate, & nunc etiam, Machinam repetit, vi ejus Occipiti adplicata; unde longe quidem melius ipsi fit, sed necdum est absoluta cura.

14. *Clara Bergerin* 12. ann. medio Majo Chorea S<sup>ti</sup> Viti affecta, 22. Junii ad nos affertur. Manuum motus ipsi adeo titubans, & ridiculus, ut ad nullum usum aptæ sint, & ut a Matre nutrienda, omnibusque in rebus adjuvanda sit. A quarta Virtutis electræ

adplicatione sola comedere, ac nere, potest. 27. Julii integre restituta esse visa est, nisi quod dextra manus necdum haberet æque firmum, quam læva, robur. Sed jam collum ipsi totum pluribus tuberculis cingitur. Iteratum purgans hæc dispulit. 23. Aug. tota sana dimissa est.

15. *Fordinin*, similis puella, fuerat elapso triennio a Choreæ S<sup>ti</sup> Viti integre curata; biennio dein a magno terrore, pravaque diæta, in eandem relapsura videbatur. Cum putrida bilis vias primas obsideret, Pulpa Tamarindorum, cum Cremore tartari per aliquot dies sumpta, emendavit corpus ita, ut & primæ viæ puræ essent, & choreæ S<sup>ti</sup> Viti initia præfocarentur. Mense Majo hujus, quem vivimus,  
an-



anni, citra causam ullam notam, chorea rediit, nec olim adhibitis remediis, nec aliis neuroticis aut roborantibus, cedens. 27. Junii ad Machinam accessit. 23. Aug. penitus curata est. In omnibus chorea S<sup>ti</sup> Viti semper ad Machinam cessit.

16. *Lorenz*, Juvenis, Sartor, longa annorum serie tumoribus, ulceribusque Colli, affectus, habuit triennio elapso in Collo tumorem, arte nulla aut resolvendum, aut suppurandum: unde contortum ipsi collum fuit, nataque dextri lateris paralyfis; quam semianno postea *Exp. Erndl* ipsi integre curavit. Novus tamen in collo tumor apparuit, multo pure scatens, nataque oculi sinistri lippitudo perpetua, unde

unde pterygion ad Corneam pellucidam. 8. Febr. præsentis anni ita cecidit, ut prope omnis dextro in latere perierit motus. Remedia plura interna externaque pro indicatione adhibui; a quibus quidem modica emendatio, sed tardam fore, si tamen obtineatur, integram curationem præsa-  
giens. Hinc tandem ad machinam ad-  
motus fuit, ad eamque summam opem  
est expertus; sed restitutus fere, ultra  
non comparuit. Sollicitus de hominis  
salute, revocari jussi bimestri jam ab-  
sentem. Venit dicturus jam partium  
omnium sibi integerrimum usum esse;  
& ex quo tabaci pulverem naribus hau-  
ferit, oculo bene esse.

17. *Eisengruber* vir 48. ann. faber  
ferrarius, scorbuto lento oppletus,  
mo-

motuque artuum fere destitutus, ac visu indies debilior, ad machinam nihil lucratur; imo majores conqueritur dolores. Hinc dilata res, donec cura antiscorbutica dolores emendaverit. An gravi scorbuto detentis Machina inepta? noxia?

18. *Pozin* puella 15. annorum bien-  
nio elapso a paralyfi dextri brachii re-  
stituta quidem est, sed ex eo tempore  
Adductores pollicis musculi prævalent  
ejus Extensoribus & Abductoribus.  
Negligenter quamvis accedit, haud  
multum tamen ab integra curatione  
abest.

19. *Fridingerin* 57. ann. manuum,  
crurumque, tremore, ad motum & in-  
gressum ex quadriennio inepta, simul  
ar-

artubus ita dolet, ut vix horulam de nocte dormire possit. Est dolor rheumaticus. Datis remediis idoneis, 5. Junii viris gestata duobus, ad Machinam accessit. 23. Junii sola stat erecta, nonnullos progreditur passus, manibusque incipit quadantenus uti. Mense dein elapso eadem fœmina, cui præ dolore vix horula tota nocte dormiendo transigebatur, integras dormit noctes. Unica puella suffulta longam viam ab ædibus suis ad Nosocomium, indeque domum, alacriter transit.

20. *Bernhardus Conrad* 44. annos natus, strenuus miles, torosus, procerus, gravi morbo ante biennium decubuit; ex eoque restitutus, & per 14. dies munere militari functus, crurum dolore, eundemque insequente para-



paralyfi, affectus est. Ex ipsis lumbis malum cepit. Nunquid morbi, haud integre judicati, materies delitescere per tantum temporis spatium innocue potest? & posthac dolorem ac paralyfin metastatice generare? Res exemplo non caret. Paralyfis hæc incompleta, motum quendam reliquum fecit, ita ut æger binis sustentatus scipionibus, & ab alio insuper milite brachio suffultus, nec nisi toto corpore pronus, ad nos adduceretur. Cum electrina vis hic indicaretur, illeque non nisi, quo dixi, modo adduci posset, locum ei in Nosocomio concessi, & a 27. Junii quotidie ad machinam admovi. Tarda admodum fit mali emendatio; fit aliqua tamen: ita ut nunc, binis suis baculis innixus recta possit per ædes incedere, imo ut sine baculorum

lorum ope erectus stare possit, & per aliquot minuta situm hunc conservare; ipsaque crura, innixus baculis, jam alterum post alterum in posteriora flectat, elevetque. Spem certe, sed lentam, promittit Machina.

21. *Zabnin*, Arthriticis doloribus integro biennio dire cruciata, catameniiis interea bonis gavisa, plurima remedia, ex arte indicata, nullo fere cum effectu, adhibuit, nisi quod crura paulo minus acerbe dolerent. Cum brachiorum dolore cœpit tandem eorundem perire motus. Experimentum nunc capiendum erat, num Arthritidis vim electricam commode ferret. Pauci modo ictus primis diebus adhibiti sunt. Hos egregie tulit, tulitque eosdem postmodum sensim auctiores.

Ter-

Tertia septimana motui ita apta, doloribus ita exempta fuit, ut per quinos dies perfecte curatam se crederet: verum contrarium experta est, redeunte, partim saltem, antiquo malo: percepitque ad carpum utrumque tumorem, qui, remittente dolore, abit; dolore repetente, redit. Octiduo vero post hæc cuncta mitiora. Et hoc quidem universo tempore minime neglecta sunt antarthritica auxilia. Bis jam habuit, ad machinam adhibita, suos menses; sed copiosiores nunquam, toto vitæ tempore, eosdem habuit, quam ad Machinam, simulque & ante menses, & post eosdem, fluorem album, quo tota vita libera fuit, experta est.

22. *Morauerin*, juvencula, muscas assiduo & stellas ante oculos obvoli-

Q

tan-

tantes, ipsosque oculos vellicatos ac dolentes, jam ultra anni spatium conqueritur. Ufa dudum est spiritu frumenti cum sublimato : eo non juvante, millepedis. Rectius hinc dexter oculus habuit, sinister minime : observatque menstruorum tempore utriusque oculo male esse. Cum remediis nervos roborantibus vim electream tentare animus fuit. Quo quidem tempore Catamenia sua, quæ pauca semper, at boni coloris habuerat, nunc habuit longe quam unquam copiosiora. An ergo Machina electrina iis adhibenda, quæ cum sufficiente quantitate sanguinis, & paucos habent, & dolorificos menses ? Binis elapsis mensibus emendatio constantior dextri oculi observatur ; tribus vero elapsis, oculo dextro perfecte, sinistro fere, sana, urbe discessit.



23. *Josephus Goffè* 60. annorum, a puero tremulus, quatuor abhinc annis magis, ab anno maxime; ut nihil manu efficere, imo nec cibos potusque ori possit admoveere; vestiendus, alendus, ut infans; cætera semper sanus: ad Machinam 10. Julii accessit. Prima Aug. poculum prima vice solus ori admoveere potuit. Toto Augusto & Septembri nihil lucratur. Finiente Septembri, & ineunte Octobri, spectabilior fit emendatio. Solus manducat & bibit, manus minime tremit, totumque brachium, olim extenuatius, jam æque torositate crescit, quam viribus. Ergo neque in sene desperatum est vitium, quod ipsi jam a teneris consueverat.

24. *Joanna Poldin* annos nata 36. Apoplexia tacta fuit anno 1757. mense septembri, inscia peperit, inscia sui

12. diebus fuit. Ad se rediens, dextro latere, (paralyſis ab apoplexia in dextro latere rarius) paralytica facta eſt; motu, ſenſuque, amiſſis. Et quamvis Medicus, aſſiſtentesque amici, totum ejus dextrum latus egregie calidum perciperent, ipſaque ægra hoc latus dextrum, ſiniſtra manu tangens, bene calidum obſervaret, tamen aſſiduo internum ejusdem frigus eſt conqueſta. Quinque menſes abhinc elapſi ſunt, cum melius ipſi cepit eſſe; ita ut partibus ſenſus redierit, exceptis digitis auriculari & annulari manus dextræ. Pes contortus ex morbo manſit, & crus difficulter movetur. Movet equidem brachium, manumque; at tenere nihil poteſt; quidquid enim manu arripitur, mox humi cadit. Linguae & Loquelæ uſus fere rediit omnis. Humeri motus eſt

est gravis & difficilis. Genu est præ debilitate articuli immobile. Ad manducandum & bibendum hucusque sola sinistra manu uti potest. In eodem dextro latere herniam inguinalem habebat, quam apto brachierio firmavimus. Vertigines quandoque habet. Cæterum sana est. Menses habet. 12. Aug. ad machinam adhibita est, & per sex continuas Hebdomadas non modo nihil lucrata est, sed doluit acrius. Emenatio posthac tam subita successit, ut 23. Septembris dextram egregie moveat, ut eadem sibi ingerat cibos; ut capitis integumenta utraque manu, æque expedite, imponat, constringat, alliget; ut quod manu arripuerit, tenaciter contineat; ut genu denique commode moveat. Superest modo in tota calente parte dextra molesti fri-

goris sensus; quam ob causam perget ad Machinam accedere. Huic etiam Catamenia tum diuturniora contingunt, tum profusiora, ex quo adhibita ad Machinam fuerit. Ergo in tribus foeminis hæc jam facta observatio, me impedivit ne Deauratoris uxorem, omnium pessime affectam, ad Machinam fusciperem, quod tertio mense gravida esset.

25. *Plumer*, tussi assidua, pondere in pectore perpetuo, dolore continuo, perenni ejectione glutinosæ materiæ ab anni retro spatio, ingens in pectore impedimentum habere videtur. Forte ingens latet, multumque comprimens, vomica. Sensim ipsi periiit artuum superiorum motus, isque inferiorum debilitatur. Narrat autem fere singulo mense nares vehementer obstrui, tum-  
que



que purulentam, foetidamque, materiem naribus exstillare. Utitur quotidie granis XII. Balsami Copaybæ, cum pulvere Glycyrrhizæ in pilulas redactis ; infusoque largo Veronicæ, Hederæ terrestres, Hyssopi, cum Melle & Lacte. Cum hæc spatium 16. dierum nihil juvarent, quinimo magis periret brachiorum motus, ad Electrinam machinam eum adhibui, ea nihilominus lege, ut remediis hic recensitis uti pergeret. Observavit a primo tempore adhibitæ vis electrinæ tussim sibi minui, materiem purulentam foetentem, quæ olim id quovis mense solebat, jam perpetuo naribus effluere, artuumque omnium motum, postquam per mensem Machinæ accessisset, jam expeditum esse ; ut putet se machina electrea vix ultra indigere : dolorem vero

Thoracis sibi permanere An pulmo, sputa ultra non ejiciens, se naribus expurgaret ? Oriundane hæc Paralyfis ab ejusmodi causa, quam supra *Cap. 2. de Col. pict.* exposui ? Experimentis discimus ; cum ergo homo hic & a datis medicamentis, & ab adhibita vi electrea tam belle se habet, in utrisque acriter perseveraret, suasi.

26. Vitia *ophthalmica*, maxime *Amaurosin*, jam *Tom. I.* innui me virtute electrea emendare annisum fuisse, sed omnibus dolores obortos esse, hominesque non rediisse. Ut redirent non urfi, quod hunc laborem aliquoties inanem in aliis experirer. Minus urfi alios, quod legissem eundem in *Upsaliensi* Nosocomio inutilem inventum esse, licet binis ejusmodi cæcis vis electrina quovis modo & artificio esset  
ad.

adplicata. Attamen animum iterum addidit Observatio a Societate *Harlemensi* Tom. I. pag. 358. nomine Eruditissimi Viri, Clarissimi Professoris *Allemand*, communicata, ad quem videlicet *Petropolitanus amicus* scripsisset, se puellam 20. annorum ope machinæ electricinæ ab hoc malo magnam partem liberaſſe. Novas igitur occasiones nactus, tentamen repetii.

Vir robustissimus, sanissimus, mense Majo 1757. Pleuritide ruri afficitur, negligiturque. Suppuratione nata, Natura Metastasin ad crura molitur, moxque inde reversa, deponit materiem ad organa Auditus & Visus; ita ut Copiosis & Amaurosis gignerentur; pectore nunc interim liberrimo, sanissimo. Surditas emendabatur multum; Gutta vero serena utrumque oculum

occupans , pertinaciter perseveravit. Trimestri spatio jam cæcus , consilium petiturus me accessit, rogatusque num in Nosocomio manere vellet, lubens annuit, variaque ex arte tentandi occasionem integro, quo hic fuit, anno, dedit. Corpus primo copioso lacte , aqua, melle, sale polychresto, ut optimis antipuicis, replevi, visurus num forte mobilis reddita, per bonas vitæ vires, mala morbi materies, aliam metastasin, aut etiam, quod melius, evacuationem, moliretur. Cum hoc minime succederet, Phlegmagoga pharmaca, mercurio animata dabantur, quibus curata fere surditas & vertigo, at vero gutta ferena ne hilum quidem. Igitur dedi Mercurium sublimatum cum spiritu frumenti, quod continuare non potui, cum hic vir ex paucissimis



mis illis unus esset, quibus Mercurius sic datus Ptyalismum crearet. Ptyalismum moderavi, non suppressi, nescius quid forte illa humorum fusio præstaret boni? At ruente demum violenter ad alvum Mercurio, ejus usui plane debui superfedere. Quatuor tamen mensibus eo fuerat usus, nisi quod aliquoties, ne salivatio copiosior fieret, eum omitteret. Memor felicitis curæ ope millepedarum in inspissatione humorum in oculo aliquoties observatæ, dedi ipsi quotidie sex dragmas Millepedarum vini unc. VI. emulsarum, & expressarum, idque per quatuor continuos menses. Altero mense, quo millepedis utebatur, sua rediit pupillis amissa mobilitas, nulla cæterum in visu emendatio. Cucurbitas ficas ad tempora frontemque frustra quoque quo.

quotidie adhibebantur. Quarto mense  
usus millepedarum, vis electrina simul  
quotidie est adhibita. Quum vero cura  
hæc quadrimestris usu cassa deprehen-  
deretur, denuo Mercurii sublimati ten-  
tamen ipse æger petivit. Jam illud su-  
stinuit egregie, sine Ptyalismo aut Dy-  
senteria. Trimestri igitur spatio &  
Mercurium assumsit, & vim electrinam  
sustinuit, & cucurbitas circum oculos  
adplicitas habuit, sine ullo levamine;  
unde medicinæ pertæsus, ad uxorem  
liberosque, alias sanissimus, rediit. Duo  
adhuc ad Machinam veniunt, malo si-  
mili affecti, quorum unus jam 3. mensi-  
bus adest, altera 4. mensibus. Si per-  
gere amant, metuo ne priores ob-  
servaciones tandem confirment. Co-  
phosis, de qua Tom. I. non emendata  
est spatio 5. mensium, nec ultra experi-  
ri juvenis voluit.

Lon.

Longus fui in recensendis virium electrearum effectis, nec tamen, quos habui, recensui omnes; quos enarra- vi, sufficere hoc tertio tomo arbitra- tus, ut haud immerito videar vires electreas in Tomis laudasse prioribus. Quæ enim *part. 1. & 2.* in genere re- censui, nunc in hoc *3. Tomo* longa ex- emplorum serie do demonstrata. Vix crediderim alibi tam luculenta, tam- que numerosa, tam in paucis modo fallentia, observari exempla: sed si- mul censeo, curam ejusmodi rarius a tanto hominum numero, tanta cum constantia, prolongari. Si mei ægri patientiam habeant sustinendi, ego ha- beo adplicandi, utque perseverent, ad- hortandi. Nisi utrinque ita actum fuisset, multos egregios effectus nec nos mirabundi vidissemus, nec calamito-  
sum

sum hoc hominum genus gavifum fuisset. Præterquam quod & in his, & in cæteris omnibus, maximopere juvet laborum tolerantia, ut demum arctiores cognoscamus, quos inter coarctemur, medendi limites. Porro prodest horum utrumque. Vires, si DEUS, vitamque si fervet incolumem, animus est frequenti academico anno acriter similia prosequi, novisque augere tentatis. Nonne improbus labor ignota patefacit, falso credita dispellit, manifestat abscondita, incerta firmat, revelat arcana? Dii omnia laboribus vendere dicebantur Antiquis, & merito; quum idem experiamur. Solus perpetua & amabili veneratione nobis ADORANDUS NATURÆ AUTOR, illuminans omnem hominem, venientem in hunc mundum, non solet Desidiis Na-



Naturæ arcana pandere : laborem imperat , laborem coronat. *Quid hic statis tota die otiosi ? Ite & vos in vineam meam, & quod justum fuerit, dabo vobis.*  
*Matth. 20.*

*Omissa ad pag. 80. Lin. penult.*

Anno 1751. edita est *Parisiis* Dissertatio Clarissimorum Virorum *Joannis Astruc.*, & *P. L. M. Maloet*, *De Vena secanda in Colica Pictonum* : Cui immediate aut præcessit, aut successit, *Thesis* *Clar. Du Bois*, *De Vena in hoc morbo non secanda*. Typis recusa 1756. Cum Priores hi Viri clarissimi in hoc morbo V. S. Emollientia interna, externaque, cum opiatís, commendent, clare patet Methodum *Cl. Du Bois* ipsis *Parisiis* nec universalem, nec, quæ proficit, unicam haberi.

Anno

Anno 1752. lucem vidit Disputatio eruditi *Ilsemann de Colica saturnina Metallurgorum* ; quam magnus *Haller* merito eximiam vocat, & per experientiam natam. Emollientia interna, & externa, potissimam curæ partem absolvent in hac Thesi. Vid. *Haller Disp. Med. pract. Tom. 3.*





